

R. II ed. To I p. 821 n. 1

5-9. A. 10 -

XXV. 1. 4

T. 10.


M. TVLLII CICERONIS
ORATIONVM
PARS I.



CORRIGENTE PAVLO MANVTIO,
ALDI FILIO.

VENETIIS, M. D. XLVI.

REVERENDISSIMO, ET ILLVSTRIS
SIMO S. R. E. PRESBYTERO,
CARDINALI RAVENNAE,
BENEDICTO ACCOLTO
PAVLVS MANVTIVS
ALDI F. S. D.



MAXIME esset optandum Accolte
clarissime, ut, quæ olim à doctissimis
uiris magno labore, magnisq; uigilijs
sunt elucubrata, ea nostrâ ad ætatem
omnia peruenire potuissent. artiũ plu-
rimarum scientia, quarum adiumento ad uitam recte
instituentam indigemus, non desideraretur. uerum ita
casu nescio quo accidit, ut ex ijs scriptis, quæ ueteres
illi, homines sapientissimi, reliquerunt, non solum mul-
ta prorsus interierint, sed etiam, quæ in hunc diem ser-
uata sunt, ita deprauata, ita mutila legantur, ut scæ-
pissime uix, aut ne uix quidem intelligi possint. hoc in-
commodum pater olim meus magna ex parte sustulit.
cuius industria multos excitauit, ut eandem rem aggres-
si, iacentem literarum laudem pro suis quisque uiribus
subleuaret. quod si alij fecerunt tantum emulatione
gloriæ permoti, certe, cur ego id faciam, hoc plus ha-
beo causæ, quodd cum pater studiosis id, quod in hoc
genere promiserat, morte præuentus præstare non po-
tuerit, hoc me nomine ita appellant, quasi ad filios so-
leat non paternæ solum rei, sed uoluntatis etiam hære-
ditas peruenire. hæc me res, ut debet, multum mouet,
sed auctoritas tua plurimum: quam ego tanti soleo fa-

cere, ut quamcunque tu probas rationem, ea demum
& utilis mihi, & honesta uideatur esse. tu igitur cum
nos ad hoc posteritatis adiuuanda studium et uehemen-
ter, & saepe sis cohortatus, effecisti, ut in eam rem tan-
to alacrius incumbamus, quanto pluris apud me tua,
quàm reliquorum omnium, consilia sunt. quòd si la-
bore, studio, diligentia profici in hoc genere quidquam
potest, ut certe potest: magnopere spero fore, ut ne-
que officiũ tui in me admonendo, neque liberalitatis in
adiuuando poeniteat. cuius rei quasi speciem erit hæc
prima Ciceronis orationum pars, quam ex ueterum
exemplarium collatione diligenter emendatam, in ma-
nus hominũ sub tuo nomine emittimus. nam cum usu;
& consuetudine ita comparatum sit, ut, quibus rebus
principes uiri delectentur, in ijs rebus multi suum stu-
dium probare uelint, ex quo fit, ut ab alijs canes, ab
alijs equos, aut aues nobiles dono dari uideamus: com-
mode me facturum existimaui, si quid ego eius generis
ad te mitterem, quod omnibus te præferre uoluptati-
bus intellexissem: soles enim quotidie ferè à grauissimarum
artium tractatione, in hæc studia, quæ sibi ab hu-
manitate nomen ascinerunt, quasi in hortum amœnissi-
mum diuertere: ubi te modo oratorum & poetarum
flores, modo dulcium amicorum colloquium mirifice de-
lectant: ut præter id temporis, quod ualeitudini dare
soles, quod sanè pusillum est, hora nulla sit, quam
non in literis, & cum uirtute traducas. quam tuæ ui-
tæ rationem qui ignorant, mirantur scilicet, unde ile-
la tibi in aduersis rebus fortitudo tanta, unde animi
robur illud inuicti, quod ne illa quidem ipsa, quæ in

rebus humanis Fortuna dominatur, nullo pacto poterit
infringere, contra cuius vim duplici te praesidio muni
ueris, artium maximarum cognitione, & mentis opti
mae conscientia. haec est aliarum uirtutum, quae in te
sunt multae, quasi princeps & regina quadam; ut in
alijs neminem tibi antepone, in hac ne conferre qui
dem possim. nam de prudentia, de pietate, de iustitia,
ne uidear assentari, nihil dicam: ne de liberalitate qui
dem; quae tamen ita nota est, ut nō, qui eā laudet, assen
tator, sed, qui non laudet, maleuolus existimetur. cum
enim hac dādi beneficii ratio eiusmodi sit, ut nulla cer
tior ad laudē, nulla item magis lubrica uideatur uia;
propterea quod in beneficijs collocandis plerique fortu
nam hominum spectare solent, ut eandem gratiam,
aut etiam cum fœnore recipiant: non est, quod in hoc
te labi quisquam arbitretur, cum & rarissime contin
gat, cuiusquam opera ut egere uidearis, & tu tamen
quamplurimis ob eximiā naturae tuae liberalitatem, at
que amplitudinem benigne facere & soleas, & possis.
& cum de omnibus ad bene merendum natura es ma
xime propensus, tum uero ipsa te ratio atque doctrina
ita conformauit, ut ad eos honestandos, qui se ijs arti
bus, in quibus ipse excellis, deditere, tuum soleas stu
dium libentissime conferre. quae quidem humanitas &
beneficentia tua non sanē uideo qui possit in ullo ma
ior esse, quā in me tuendo fuit. quae est enim à te res,
quae ad meum commodum attineret, praetermissa? quis
diligentius est adhortatus, ut hanc restituendae antiqui
tatis laudem, qua pater meus olim excelluit, penē affli
ctā excitarem? quis eam ipsam ad rem perficiendā plura

contulit? cum etiam magnis principibus, tui simillimis, ita me commendaris, ut iudicij tui testimonio per moti, non minimis ad se præmijs euocarint. quæ cum recordor, etsi me ipsum probe noui, tamen interdum mihi assentor, & mihi aliquid uideor esse, quodd à te sim ornatus. hæc me inanis ambitio ita delectat, ut illum dolorem, quem ex difficultate capio remunerandi, si non tollat, minuat quidem certe. quanquam tu is es, qui te satis superq; remuneratum existimas, si modo id, quod dedisti, ab eo, qui accepit, intelligis memoria teneri. quo in officio præstando noli credere quenquam esse qui me uincat. & huius quidem rei confido fore ut aliquando eiusmodi à me signa dentur, quæ nullum cuiquam de mea in te uoluntate dubitandi locum relinquant. nunc earum rerum, quas ipsi quidem hoc tempore possumus, maxima, primum, ut dixi, Ciceronis orationum uolumen in tuo nomine apparebit. omnino neque amplitudine tua, neque ijs officijs, quæ in me contulisti, digna res uidetur, sed, ut spero, muneris nostri tenuitatem humanitatis tuæ magnitudo subleuabit. Vale.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

DATE 11-11-61
BY 11-11-61

1. The first part of the paper is devoted to a discussion of the general properties of the system. It is shown that the system is stable and that the solution is unique. The second part of the paper is devoted to a discussion of the asymptotic behavior of the system. It is shown that the system is asymptotically stable and that the solution converges to zero as time goes to infinity. The third part of the paper is devoted to a discussion of the numerical solution of the system. It is shown that the numerical solution is stable and that the error is small. The fourth part of the paper is devoted to a discussion of the physical interpretation of the results. It is shown that the results are in good agreement with the experimental data.

References:
1. J. K. Pao, "Stability of a class of nonlinear systems," *IEEE Transactions on Automatic Control*, vol. AC-10, no. 2, pp. 151-155, 1965.
2. J. K. Pao, "Asymptotic stability of a class of nonlinear systems," *IEEE Transactions on Automatic Control*, vol. AC-10, no. 2, pp. 156-160, 1965.
3. J. K. Pao, "Numerical solution of a class of nonlinear systems," *IEEE Transactions on Automatic Control*, vol. AC-10, no. 2, pp. 161-165, 1965.
4. J. K. Pao, "Physical interpretation of the results," *IEEE Transactions on Automatic Control*, vol. AC-10, no. 2, pp. 166-170, 1965.

M. TVLLII CICERONIS ORATIO
 NVM, QVAE PRIMO VOLV-
 MINE CONTINENTVR,

I N D E X.

Pro P. Quintio, oratio prima, c.	I
Pro Sex. Roscio Amerino, oratio II.	18
Pro Q. Roscio Comoedo, oratio III.	45
Divinatio in C. Verrem, oratio IIII.	55
In C. Verrem liber II. oratio V.	66
In C. Verrem liber III. oratio VI.	76
In C. Verrem liber IIII. oratio VII.	109
In C. Verrem liber V. oratio VIII.	148
In C. Verrem liber VI. oratio IX.	200
In C. Verrem liber VII. oratio X.	236
Pro M. Fonteio, oratio XI.	276
Pro A. Cæcina, oratio XII.	284

M. TVLLII CICERONIS
PRO P. QVINTIO,
ORATIO I.



9 VAE RES in ciuitate duæ pluris
mū possunt, eæ cōtra nos ambæ faciūt
in hoc tempore, summa gratia, & elo
quentia. quarū alteram C. Aquili ues
reor, alterā metuo. eloquentia Q. Hor
tensij ne me dicendo impediat, non nihil cōmoueor. gra
tia Sex. Neuij ne P. Quintio noceat, id uero nō medio
criter pertimesco. neque hoc tātopere querendū uidere
tur, hæc summa in illis esse, si in nobis essent saltē medio
cria. uerū ita se res habet, ut ego, qui neque usu satis, &
ingenio parū possum, cū patrono disertissimo comparer;
P. Quintius, cui tenues opes, nulla facultates, exigua a
micorū copie sunt, cū aduersario gratiosissimo cōtēdat.
illud quoque nobis accedit incōmodum, quodd M. Iunius,
qui hanc causam Aquili aliquoties apud te egit, homo
et in alijs causis exercitatus, & in hac multū & sepe
uersatus, hoc tēpore abest, noua legatione impeditus: et
ad me uentū est, qui ut summa haberem cetera, tēporis
quidem certe uix satis habui, ut rem tantam, tot contro
uersijs implicatam, possem cognoscere. ita, quod mihi cō
sueuit in ceteris causis esse adiūmēto, id quoque in hac
causa deficit: nam quo minus ingenio possum, subsidio
mihi diligentia cōparauī: quæ quanta sit, nisi tempus, et
spatium datum sit, intelligi non potest. Quæ quo plura
sunt C. Aquili, eo te, & hos, qui tibi in consilio adsunt,
meliori mente nostra uerba audire oportebit, ut multis

O R A T I O

incommodis ueritas debilitata, tandem aequitate talium uirorum recreetur. quòd si tu iudex nullo præsidio fuisset uidebere còtra uim, & gratiam solitudini, atque inopia; si apud hoc consilium ex opibus, nò ex ueritate causa pendetur: profecto nihil est iam sanctum, atque sincerum in ciuitate; nihil, quod humilitatem cuiusquã grauitas & uirtus iudicis consoletur. certe aut apud te, et eos, qui tibi adsunt, ueritas ualebit: aut ex hoc loco repulsa ui, & gratia, locum, ubi consistat, reperire non poterit. non eo dico C. Aquili, quo mihi ueniat in dubium tua fides, et constantia: aut quo non in ijs, quos tibi aduocasti, uiris electissimis ciuitati spem summam habere P. Quintius debeat. quid ergo est? primum magnitudo periculi summo timore hominem afficit, quòd uno iudicio de fortunis omnibus decernit. idq; dum cogitat, non minus saepe ei uenit in mentem potestatis, quàm aequitatis tuæ: propterea quòd omnes, quorũ in alterius manu uita posita est, saepius illud cogitant, quid possit is, cuius in ditione ac potestate sunt, quàm quid debeat facere. deinde habet aduersarium P. Quintius uerbo Sex. Neuiũ, re uera huiusce ætatis homines disertissimos, fortissimos, ornatissimos nostræ ciuitatis, qui còmuni studio summis opibus Sex. Neuium defendunt; si id est defendere, cupiditati alterius obtemperare, quo is facilius, quẽ uelit, ini quo iudicio opprimere possit: nã quid hoc iniquius, aut indignius C. Aquili dici, aut còmemorari potest, quàm me, qui caput alterius, famam, fortunaq; defendam, priore loco causam dicere? cum præsertim Q. Hortensius, qui hoc iudicio partes accusatoris obtinet, còtra me sit dicturus, cui summam copiam facultatemq; dicendi

natura largita est. ita fit, ut ego, qui tela depellere, & uulneribus mederi debeā, tum id facere cogar, cū etiam telum aduersarius nullum iecerit: illis autem id tempus impugnandi detur, cum & uitandi illorum impetus potestas adempta nobis erit, & si qua in re, id quod parati sunt facere, falsum crimē, quasi uenenatū aliquod telū, iecerint, medicinā faciendæ locus non erit. id accidit Prætoris iniquitate, & iniuria: primum, quod contra omnium cōsuetudinē iudiciū prius de probro, quā de re maluit fieri: deinde, quod ita cōstituit id ipsum iudiciū, ut reus, ante quā uerbū accusatoris audisset, causam dicere cogeretur. quod eorū gratia, & potentia factum est, qui, quasi sua res, aut honos agatur, ita diligenter Sex. Neuij studio & cupiditati morem gerunt, et in eiusmodi rebus opes suas experiūtur, in quibus quo plus propter uirtutē nobilitatemq; possunt, eo minus, quantū possint, debent ostendere. cū tot tantisq; difficultatibus affectus atque afflicti, in tuam C. Aquili fidem, ueritatem, misericordiam P. Quintius confugerit; cū adhuc ei propter uim aduersariorum non ius par, non agendi potestas eadem, non magistratus æquus reperiri potuerit; cum ei summam per iniuriam omnia inimica, atq; infesta fuerint: te C. Aquili, uosq;, qui in cōsilio adestis, orat, atque obsecrat, ut multis iniurijs iactatā atque agitatā æquitatem, in hoc tandem loco consistere, et confirmari patiamini. id quo facilius facere possitis, dabo operam, ut, à principio res quemadmodum gesta & cōtracta sit, cognoscatis. C. Quintius fuit P. Quintij huius frater, sanē ceterarum rerum paterfamilias & prudens, & attentus, una in re paulo minus consideratus,

qui societatem cum Sex. Neuiō fecerit, uiro bono, uerum
tamen nō ita instituto, ut iura societatis, & officia certi
patrisfamilias nosse posset: nō quo ei deesset ingenium:
(nā neque parū facetus scurra Sex. Neuius, neque in-
humanus præco est unquā existimatus) quid ergo est?
cum ei natura nihil melius, quā uocem, dedisset, pater
nihil præter libertatem reliquisset: uocē in quæstum con-
tulit, libertate usus est, quo impuniū dicax esset. quare,
quod sociū tibi eū uelles adiungere, nihil erat, nisi ut in
tua pecunia condisceret, qui pecuniæ fructus esset. tamē
inductus consuetudine, ac familiaritate Quintius fecit,
ut dixi, societatem earum rerum, quæ in Gallia compa-
rabatur. erat ei pecuaria res ampla, & rustica sanē be-
ne culta, & fructuosa. tollitur ab atrijs Licinijs, atque à
præconum confessu in Galliam Neuius, & trans alpes
usque trāsfertur. fit magna mutatio loci, nō ingenij: nā
qui ab adolescentulo quæstum sibi insituiisset sine impē-
dio; posteaquam nescio quid impendit, & in commune
contulit, mediocri quæstu contentus esse nō poterat: nec
mirū, si is, qui uocē uenale habuerat, ea, quæ uoce quæ-
suerat, magno sibi quæstui fore putabat. itaque hercu-
le haud mediocriter de cōmuni, quidquid poterat, ad se
in priuatam domum seuocabat. quā in re ita diligens
erat, quasi ij, qui magna fide societate gererent, arbitriū
pro socio cōdemnari solerent. uerū his de rebus non ne-
cesse habeo dicere ea, quæ me P. Quintius cupit comme-
morare. tametsi causa postulat, tamen, quia postulat, nō
flagitat, præteribo: cum annos iam complures societas es-
set, & cum sæpe suspectus Quintio Neuius fuisset, neq;
ita commode posset rationem reddere earū rerum, quas

libidine, non ratione gesserat: moritur in Gallia Quintius, cum adesset Neuus, & moritur repentino. hæc eodem testamento reliquit hunc P. Quintiū, ut ad quem summus mœror morte sua ueniebat, ad eundem summus honos quoque perueniret. quo mortuo, nec ita multo post, in Galliam proficiscitur Quintius: ibi cum isto Neuio familiariter uiuit: annum ferè una sunt, cum et de societate inter se multa communicarent, & de tota illa ratione atque re Gallicana: neque interea uerbū ullum interposuit Neuus, aut societatem sibi quippiam debere, aut priuatim Quintium debuisse. cum æris alieni aliquantulum esset relictum, quibus nominibus pecuniam Romæ curari oporteret; auctionem in Gallia P. hic Quintius Narbone se facturum esse proscribit earum rerum, quæ ipsius erant priuatæ. ibi tum uir optimus Sex. Neuus hominem multis uerbis deterret, ne auctionetur: eum non ita commodè posse eo tempore, quæ proscripsisset, uendere: Romæ sibi nummorum facultatem esse, quam, si sciret, communem existimaret pro fraterna illa necessitudine, & pro ipsius affinitate: nam P. Quintij consobrinam habet in matrimonio Neuus, & ex ea liberos. quia, quod uirum bonum facere oportebat, id loquebatur Neuus, credidit Quintius, eum, qui orationem bonorum imitaretur, facta quoque imitaturū. auctionem uelle facere desistit: Romam proficiscitur: decedit ex Gallia Romam simul Neuus. cum pecuniam C. Quintius P. Scapulæ debuisset; per te C. Aquili decedit P. Quintius, quod libéris eius dissolueret. hoc eo per te agebatur, quod propter ætariam rationem non satis erat in tabulis inflexisse quan-

O R A T I O

tum deberetur, nisi à Questoribus quasisset quantum solueretur, decidis, statuisq; tu propter necessitudinem, quæ tibi cum Scapulis est, quid ijs ad denarium solueretur. hæc omnia Quintius agebat auctore, et consuasore Neuius: nec mirum, si eius utebatur cōsilio, cuius auxilium sibi paratum putabat: non modo enim pollicitus erat in Gallia, sed Romæ quotidie, simul atque sibi hic annuisset, numeraturū se dicebat. Quintius porro istū posse facere uidebat: debere, intelligebat: mentiri, quia causa, cur mentiretur, non erat, nō putabat. quasi domi numeros haberet, ita constituit Scapulis se daturū: Neuium certiore facie: rogat, ut curet, quod dixisset. tum iste uir optimus (uereor, ne se derideri putet, quod iterum iam dico optimus) qui hunc in summas angustias adductum putaret; ut eum suis conditionibus in ipso articulo temporis astringeret, assem sese negat daturum, nisi prius de rebus rationibusq; societatis omnibus decidisset, et scisset sibi cum Quintio controuersia nihil futurum. posterius, inquit, ista uidebimus, Quintius: nunc hoc uelim cures, si tibi uidetur, quod dixisti. negat se alia ratione facturum: quod promississet, non plus sua referre, quā si, cum auctiōnem uenderet, domini iussu quippiam promississet. destitutione illa perculsus Quintius, à Scapulis paucos dies aufert, in Galliam mittit, ut ea, quæ proscripserat, uenirent. deteriore tempore absens auctiōnatur: Scapulis difficiliore conditione dissoluit. tunc appellat ultro Neuium, ut, quoniā suspicaretur aliqua de re fore controuersiam, uideret, ut quamprimum, et quam minima cū molestia tota res transigeretur. dat iste amicum M. Trebellium: nos cōmunem necessariū, qui istius

domi erat educatus, et quo utebatur iste plurimum, pro
pinquum nostrum Sex. Alphenum. res conuenire nullo
modo poterat: propterea quod hic mediocrē iacturā fa-
cere cupiebat, iste mediocri praeda cōtentus nō erat. itaq;
ex eo tempore res esse in uadimonium cōpit. cum uadi-
monia sēpe dilata essent, et cum aliquantū temporis in
ea re esset consumptū, neque quidquam perfectū esset:
uenit ad uadimonium Neuus. obsecro C. Aquili, uosq;
qui adestis in consilio, ut diligenter attendatis, ut singu-
lare genus fraudis, et nouam rationem insidiarum co-
gnoscere possitis. ait se auētionatum esse in Gallia: quod
sibi uideretur, se uendidisse: curasse, ne quid sibi societas
deberet: se iā neque uadari amplius, neque uadimoniū
promittere: si quid agere secum uelit Quintius, non re-
cusare. hic, cum rem Gallicanam cuperet reuifere, homi-
nem in præsētia nō uadatur. ita sine uadimonio disce-
ditur. deinde Romæ dies XXX ferē Quintius commo-
ratur: cum ceteris, quæ habebat, uadimonia differt, ut
expeditus in Galliam proficisci posset. proficiscitur: Ro-
ma egreditur ante diē IIII. Cal. Februarij Scipione
et Norbano Coss. quæso, ut eum diem memoriæ mande-
tis. L. Albius Sex. filius Quirina, uir bonus, et cum-
primis honestus, unā profectus est. cum uenissent ad
Vada Volaterrana quæ nominantur, uident perfa-
miliarem Neuū, qui ex Gallia pueros uenales isti ad-
ducebat, L. Publicium. qui ut Romam uenit, narrat
Neuio, quo in loco uiderit Quintium. quod nisi ex Pu-
blicio narratum Neuio esset, non tam cito res in conten-
tionem uenisset. cum Neuus ipse pueros circum ami-
cos dimittit: ipse suos necessarios ab atrijs Licinijs, et a

faucibus macelli corrogat, ut ad tabulam sestiam sibi
 adsint hora secunda postridie. ueniunt frequentes: testifi-
 cantur isti P. Quintium non stetisse, et se stetisse. tabulae
 maximae signis hominum nobilium consignantur. disce-
 ditur. postulat à Burrieno Praetore Neniū, ut ex edicto
 bona possidere liceat. iussit bona proscribi eius, quicum
 familiaritas fuerat, societas erat, affinitas liberis istius
 uiuis diuelli nullo modo poterat. qua ex re intelligi faci-
 le potuit, nullum esse officium tam sanctum, atque solen-
 ne, quod non auaritia cōminuere, atque uiolare soleat.
 etenim si ueritate amicitia, fide societas, pietate propin-
 quitas colitur: necesse est, isle, qui amicum, socium, affi-
 nem fama ac fortunis spoliare conatus est, uanum se,
 et perfidiosum, et impium esse fateatur. libellos Sex. Al-
 phenus procurator P. Quintij, familiaris et propinquus
 Sex. Neniū, deiecit: seruulum unum, quem isle prehende-
 rat, abducit: denunciat, sese procuratorem esse, istum
 equū esse famae fortunisque; P. Quintij consulere, et ad-
 * uentū eius expectare. quod si facere nolit, atque inhibue-
 rit eiusmodi rationibus illum ad suas condiciones perdu-
 cere: sese nihil precari, et, si quid agere uelit, iudicio de-
 fendere. haec dū Romae geruntur, Quintius interea con-
 tra ius et consuetudinem edicto Praetoris de saltu agroque
 communi à seruis communibus ui detruditur. existima-
 C. Aquili id, modo, et ratione omnia Romae Neniū fe-
 cisse, si hoc, quod per literas istius in Gallia gestū est, rea-
 fle, atque ordine factū uidetur. expulsus atque eiec-
 tus è pradio Quintius, accepta insigni iniuria, confugit ad C.
 Flaccū imperatorem, qui tum erat in prouincia: quem,
 ut ipsius dignitas poscit, honoris gratia nomino. is eam
 rem

rem quàm uehementer uindicandam putarit, ex decretis eius poteritis cognoscere. Alphenus interea Romæ cum isto gladiatore uetulo quotidie pugnabat: utebatur populo sanè suo, propterea quòd iste caput petere non desinebat. iste postulat, ut procurator iudicatum solui satisfaceret. negat Alphenus aquum esse procuratorem satisfacere, quod reus satisfacere non deberet, si ipse adesset. appellantur Tribuni: à quibus cum esset certum auxilium petatum, ita tamen disceditur, ut Idibus Sept. P. Quintiū sibi Sex. Alphenus promitteret. uenit Romam Quintius, uadimonium sistit: iste, homo acerri-
mus, bonorum possessor, expulsor, ereptor, annum & sex menses nihil petit, quiescit, conditionibus hunc, quoad potest, producit: à Cn. Dolabella deniq; Pratore postulat, ut sibi Quintius iudicatum solui satisfat, ex formula, quòd ab eo petat, cuius ex edicto Pratoris Romani bona dies XXX possessa sint. non recusabat Quintius, quin ita satisfacere iuberet, si bona possessa essent ex edicto. decernit: quàm aquum, nihil dico: unum hoc dico, nouum: & hoc ipsum tacuisse mallet, quoniã utrunque quiuis intelligere potuisset. iubet P. Quintium sponsonem cum Sex. Neuius facere, si bona sua ex edicto P. Burrieni Pratoris dies XXX possessa essent. recusabant, qui aderant tum Quintio: demonstrabant, de re iudiciū fieri oportere, ut aut uterque inter se, aut neuter satisfaceret: non necesse esse famam alterius in iudiciū uenire. clamabat porro ipse Quintius, sese ita circo nolle satisfacere, ne uideretur indicasse, bona sua ex edicto possessa esse: sponsonem porro si istiusmodi faceret, se, id quod nunc euenit, de capite suo priore lo-

eo causam esse dicturum. Dolabella (quemadmodum solent homines nobiles: seu recte, seu perperam facere coeperunt, ita in utroque excellunt, ut nemo nostro loco natus assequi possit) iniuriam facere fortissime perseuerat; aut satisfacere, aut sponsonem iubet facere, & interea recusantes nostros aduocatos acerrime submoueri. conturbatus sane discedit Quintius: neque mirum, cui haec optio tam misera tamque iniqua daretur, ut aut ipse se capitis damnaret, si satisfecisset: aut causam capitis, si sponsonem fecisset, priore loco diceret. cum in altera re causae nihil esset, quin secus iudicaret ipse de se, quod iudicium grauisimum est; in altera spes esset ad talem tamen uirum iudicem ueniendi, unde eo plus opis auferret, quo minus attulisset gratiae: sponsonem facere maluit, fecit, te iudicem C. Aquili sumpsit, ex sponso egit. in hoc summa iudicii, causaque tota consistit. iudiciu esse C. Aquili non de re pecuniaria, sed de fama fortunisque P. Quintij uidet. cum maiores ita constituerint, ut, qui pro capite diceret, is posteriori loco diceret: nos, inaudita criminatione accusatoru, priore loco causam dicere intelligis: eos porro, qui defendere consueverunt, uidet accusare, & ea ingenia conuerti ad perniciem, quae antea uersabantur in salute atque auxilio ferendo. illud etiam restiterat, quod hesterno die fecerunt, ut te in ius adduceret, ut nobis tempus, quam diu diceremus, praestitueres: quam rem facile a Praetore impetrassent, nisi tu, quod esset tuu ius, et officium, partesque docuisses. neque nobis adhuc praeter te quisquam fuit, ubi nostru ius contra illos obtineremus: neque illis unquam satis fuit illud obtinere, quod probari omnibus posset: ita sine iniuria potentiorem, atque inopem esse arbitratu.

uerum quoniam tibi instat Hortensius, ut eas in consilium; à me postulat, ne dicendo tempus absumam; queritur, priore patrono causam defendente; nunquam perorari potuisse: non patiar istam manere suspensionem, nos rem iudicari nolle: nec illud mihi arrogabo, me posse causam commodius demonstrare, quàm antea demonstrata sit: neq; tamen tam multa uerba faciam: propterea quòd & ab illo, qui ante dixit, informata iam causa est; et à me, qui neque excogitare, neque pronũciare multa possum, breuitas postulatur, quæ mihi met ipsi amicitissima est. faciam, quod te sæpe animaduerti facere Hortensio: totam causæ meæ dictionem certas in partes diuidam, tu id semper facis, quia semper potes: ego in hac causa faciã, propterea quòd in hac uideor posse facere. quod tibi natura dat ut semper possis, id mihi causa dat ut hodie possim. certos mihi fines, terminosq; constituã, extra quos egredi non possim, si maxime uelim: ut & mihi sit propositum de quo dicã; et Hortensius habeat exposita, ad quæ respondeat; & tu C. Aquili iã ante animo prospicere possis, quibus de rebus auditurus sis. Negamus, te bona P. Quintij Sexte Neui possedisse ex edicto Prætoris. in eo sponsio facta est. ostendam, primũ causam non fuisse, cur à Prætoris postulares, ut bona P. Quintij possideres: deinde, ex edicto te possidere non potuisse: postremo, nõ possedisse. quæso C. Aquili, nosq; qui estis in consilio, ut, quid pollicitus sim, diligenter memoriæ mædetis: etenim res facilius totã accipietis, si hæc meminueritis: et me facile uestra existimatione reuocabitis, si extra hos cæcelos egredi conabor, quos mihi ipse circũdedit. nego fuisse causã, cur postularet: nego, ex edicto possidere potuisse:

O R A T I O

nego, possedisse. hæc tria cū docuero, perorabo. non fuit
 causa, cur postulares. qui hoc intelligi potest? quia Sex.
 Neuius neq; ex societatis ratione, neq; priuatim quicq; de
 buit Quintius. quis huic rei testis est? idē, qui acerrimus
 aduersarius. in hac re te, te inquā testem Neui citabo.
 annū, et eo diutius post mortem C. Quintij fuit in Gal
 lia tecum simul Quintius. doce, te petisse ab eo istam
 nescio quam innumerabilem pecuniam. doce, aliquādo
 mentionem fecisse, dixisse deberi: debuisse concedam. mo
 ritur C. Quintius, qui tibi, ut ais, certis nominibus gran
 dem pecuniam debuit: hæres eius P. Quintius in Galliā
 ad te ipsum uenit, in agrum communem, eō deniq; ubi
 non modo res erat, sed ratio quoque omnis, & omnes li
 teræ. quis tam dissolutus in re familiari fuisset, quis tam
 negligens, quis tam tui Sexte dissimilis, qui, cum res ab
 eo, qui contraxisset, recessisset, & ad heredem peruenis
 set, non heredem, cum primum uidisset, certiore face
 ret? appellaret? rationem afferret? si quid in controuer
 siam ueniret, aut intra parietes, aut summo iure experi
 retur? ita ne est? quod uiri optimi faciunt, si qui suos
 propinquos ac necessarios caros & honestos esse atq; ha
 beri uolunt, id Sex. Neuius non faceret? qui usq; eō fer
 uet, ferturq; auaritia, ut de suis commodis nolit aliquā
 partem amittere, ne quam partem huic propinquo suo
 ullius ornamentum relinquat. & is pecuniam, si qua debe
 retur, nō peteret, qui, quia, quod debitum nunquam est,
 id datum non est, non pecuniam modo, uerum etiam ho
 minis propinqui sanguinem, uitamq; eripere conatur?
 huic tu molestus esse uidelicet noluisti, quē nunc respira
 re libere non sinis. quem nunc interficere nefarie cupis,

eum tum pudenter appellare nolebas. ita credo, hominem propinquum, tui observantem, uirum bonum, pudetem, maiorem natu, nolebas, aut nō audebas appellare. saepe, ut fit, cum ipse te confirmasses, cum statuisses de pecunia mentionem facere, cū paratus meditatusq; uenisses, homo timidus, uirginali uerecundia, subito ipse te retinebas, excidebat repēte oratio; cum cuperes appellare, non audebas, ne inuitus audiret. id erat profecto. credamus hoc, Sex. Neuiū, cuius caput oppugnet, eius auribus pepercisse. si debuisset Sexte, petisses statim: si nō statim, paulo quidem post: si non paulo, at aliquando, sex quidem illis mensibus profecto, anno uertente sine controversia. anno et sex mensibus uero, cum tibi quotidie potestas hominis fuisset admonēdi, uerbum nullum facis: biennio iam confecto ferē, appellas. quis tam perditus ac profusus nepos, non adesa iā, sed abundanti pecunia sic dissolutus fuisset, ut fuit Sex. Neuius? cū hominē nomino, satis mihi uideor dicere. debuit tibi C. Quintius: nunquam petisti. mortuus est ille, res ad heredē uenit: cum eum quotidie uideres, post bienniū deniq; appellas. dubitabitur, utrū sit probabilius, Sex. Neuium statim, si quid deberetur, petiturū fuisse, an ne appellaturum quidem biennio? appellādi tempus nō erat? at tecum anno plus uixit. in Gallia agi non potuit? at & in prouincia ius dicebatur, et Romæ iudicia fiebāt. restat, ut aut summa negligentia tibi obstiterit, aut unica liberalitas. si negligentiam dices, mirabimur: si bonitatem, ridebimus: neque, præterea quid possis dicere, inuenio. Satis est arguēti, nihil esse debitū Neuiō, q̄ tā diu nihil petiuit. quid, si hoc ipsum, quod nūc facit, ostēdo testimonio esse, nihil

deberi? quid enim nunc agit Sex. Neuius? qua de re con-
 trouersa est? quod est hoc iudicium, in quo iam bienniu
 uersamur? quid negotij geritur, in quo ille tot et tales ui-
 ros defatigat? pecuniam petit: nunc deniq;? ueruntame-
 petit: audiamus. de rationibus et controuersiis societatis
 uult dijudicari, sero, uerum aliquando tamen: conceda-
 mus. non, inquit, id ago C. Aquili, neq; in eo nunc labo-
 ro: pecunia mea tot annos utitur P. Quintius: utatur sa-
 ne, nō peto. quid igitur pugnās? an, quod saepe multis in
 locis dixisti, ne in ciuitate sit? ne locū suum, quem adhuc
 honestissime defendit, obtineat? ne numeretur inter ui-
 uos? decernat de uita, & ornamentiis suis omnibus? apud
 iudicem causam priore loco dicat? & eam cum orarit,
 tum deniq; uocem accusatoris audiat? quid? hoc quod per-
 tinet? ut ocius ad tuum peruenias? at si id uelles, iam pri-
 dem actum esse poterat. ut honestiore iudicio conflictea-
 re? at sine summo scelere P. Quintium propinquum tuū
 iugulare non potes. ut facilius iudicium sit? at neq; C.
 Aquilius de capite alterius libenter indicat, & Q. Hor-
 tensius contra caput non didicit dicere. quid à nobis au-
 tem C. Aquili refertur? pecuniā petit: negamus deberi.
 iudicium fiat statim: non recusamus. nū quid prater ea?
 si ueretur ut res iudicio facto parata sit, iudicatum sol-
 uī satis accipiat. quibus à me uerbis satis accipiet, iisdem
 ipse, quod peto, satisfdet. actū iam potest esse C. Aquili:
 iam tu potes discedere liberatus molestia propē dicā nō
 minore, quā Quintius. quid agimus Hortēsi? quid de
 hac conditione dicimus? possumus aliquando depositis ar-
 mis, sine periculo fortunarum, de re pecuniaria discepta-
 re? possumus ita rem nostrā persequi, ut hominis propin-

quī caput incolume esse patiamur? possumus petitoris personā capere, accusatoris deponere? immo, inquit, abste fatis accipiam, ego autē tibi non satisfabo. quis tandem nobis ista iura tam æqua describit? quis hoc statuit, quod æquum sit in Quintium, id iniquū esse in Neuiū? Quintij bona, inquit, ex edicto Prætoris possessa sunt. ergo, id ut confitear, postulas: ut, quod nunquā factū esse iudicio defendimus, id, perinde quasi factum sit, nostro iudicio confirmemus. inueniri ratio C. Aquili non potest, ut ad suū quisq; quāprimū sine cuiusquā dedecore, infamia, perniciēq; perueniat? profecto, si quid deberetur, peteret: nō omnia iudicia fieri mallet, quā unū illud, unde hæc omnia nascūtur. qui inter tot annos ne appellarit quidē Quintiū, cū potestas esset agendi quotidie; qui, quo tēpore primum male agere cœpit, in uadimonijs differendis tempus omne consumpsit, qui postea quoq; uadimoniū missum fecerit, hunc per insidias uī de agro cōmuni deiecerit; qui, cū de re agendi nullo recusante potestas fuisset, sponsonē de probro facere maluerit; qui, cum reuocetur ad id iudicium, unde hæc nata sunt omnia, conditionem æquissimam repudiet; fateatur, se non pecuniā, sed uitam et sanguinem petere: is non hoc palām dicit? mihi si quid deberetur, peterē, atq; adeo iam pridem abstulisset: nihil hoc tanto negotio, nihil tam inuidioso iudicio, nihil tā copiosa aduocatione uterer, si petendū esset: extorquendum est inuito atq; ingratum, quod non debet; eripiendū, atq; exprimendum est: de fortunis omnibus P. Quintius deturbandus est: potentes, disertī, nobiles omnes aduocādi sunt: adhibēda uis est ueritati: minæ iactentur: pericula intēdātur: formidines opponātur, ut

his rebus aliquando uictus, & perterritus ipse cedat, quæ me hercule omnia, cum, qui contra pugnent, uideo; & cum illū confessum considero, adesse atq; impendere uidentur, neq; uitari ullo modo posse. cum autem ad te C. Aquili oculos animumq; retuli; quo maiore conatu studioq; aguntur, eo leuiores infirmioraq; existimo. nihil igitur debuit, ut tu ipse prædicas. quid, si debuisset? cōtinuo ne causa fuisset, cur à Pratore postulares, ut bona possideres? non opinor id quidē neq; ius esse, neq; cuiquam expedire. quid igitur demonstrat? uadimonium sibi ait esse desertum. antequā doceo id factū non esse, libet mihi C. Aquili ex officij ratione, atq; ex omnium consuetudine rem ipsam, & factū simul Sex. Neuij considerare. ad uadimonium non uenerat, ut ais, is, quicum tibi affinitas, societas, omnes deniq; causæ, & necessitudines ueteres intercedebant: ilico ne ad Pratorem ire conuenit? continuo ne uerū fuit postulare, ut ex edicto bona possidere liceret? ad hæc extrema & inimicissima iurata cupide decurrebas, ut tibi nihil in posterum, quod grauius atq; crudelius facere posses, reseruares? nā quid homini potest turpius, quid uiro miserius, aut acerbius usu uenire? quod tantum euenire dedecus? quæ tanta calamitas inueniri potest? pecuniā si cuipiā fortuna ademit, aut si alicuius eripuit iniuria, tamē, dum existimatio est integra, facile consolatur honestas egestatem. at non nemo aut ignominia affectus, aut iudicio turpi conuictus, bonis quidem suis utitur, alterius opes, id quod miserrimum est, non expectat: hoc tamē in miserijs adiumento & solatio subleuatur. cuius uero bona uenerunt, cuius non modo illæ amplissima fortune, sed

etiam uictus uestitusq; necessarius sub pracone cum de-
decore subiectus est; is non modo ex numero uiuorum
exturbatur, sed, si fieri potest, infra etiā mortuos aman-
datur: etenim mors honesta saepe uitam quoque turpem
exornat, uita turpis ne morti quidem honestae locū re-
linquit. ergo hercule cuius bona ex edicto possidentur,
huius omnis fama & existimatio cum bonis simul possi-
detur: de quo libelli in celeberrimis locis proponuntur,
huic ne perire quidem certe tacite obscureq; conceditur.
cui magistrī fiunt, et domini constituuntur, qui, qua le-
ge & qua conditione pereat, pronuncient, de quo homi-
ne praconis uox praedicat, et pretium conficit; huic acer-
bissimum uiuo uidentiq; funus ducitur; si funus id ha-
bendum sit, quod non amici conueniūt ad exequias coho-
restandas, sed bonorum emptores, ut carnifices, ad reli-
quias uitae lacerandas & distrahendas. itaque maiores
nostri raro id accidere uoluerunt; Praetores, ut conside-
rate fieret, comparauerunt. uiri boni cum palam frau-
dantur, cum experiundi potestas non est, timide tamen
& pedetentim istuc descendunt, ui ac necessitate coacti,
inuiti, multis uadimonijis desertis, sepae illusi ac deslituti:
considerant enim, quid & quantum sit, alterius bona pro-
scribere. iugulare ciuem ne iure quidem quisquam bo-
nus uult: mauult enim commemorare, se, cum posset
perdere, pepercisse, quam, cum parcere potuerit, perdi-
disse. haec in homines alienissimos, denique inimicissimos
uiri boni faciunt & hominum existimationis & com-
munis humanitatis causa, ut, cum ipsi nihil alteri scien-
tes incommodarint, nihil ipsis iure incōmodi cadere pos-
sit. ad uadimonium non uenit: quis? propinquus. si

res ista grauissima sua sponte uideretur, tamē eius atrocitas necessitudinis nomine leuaretur. ad uadimonium non uenit: quis? socius. etiam grauius aliquid ei debes concedere, quicum te aut uoluntas congregasset, aut fortuna coniunxisset. ad uadimonium non uenit: quis? is, qui tibi præssto semper fuit. ergo in eum, qui semel hoc commisit, ut tibi præssto non esset, omnia tela coniecisti, quæ parata sunt in eos, qui permulta male agendi causa fraudandiq; fecerunt? si de prædijs tuis ageretur Sex. Neui, si in paruula re captionis aliquid uerere, non statim ad C. Aquilium, aut ad eorum aliquem, qui consuluntur, concurrisses? cum ius amicitiae, societatis, affinitatis ageretur, cum officij rationem atq; existimationis duci conueniret, eo tempore tu non modo ad C. Aquilium, aut L. Lucullum, sed ne ipse quidē te consuluisi, sed ne ipse quidem ad te retulisti, ne hæc quidem tecum locutus es: horæ duæ fuerunt: Quintius ad uadimonium non uenit: quid ago? si mehercule hæc tecum duo uerba fecisses, quid ago? respirasset cupiditas, atque auaritia paululum: aliquid loci rationi & consilio dedisses: tu te collegisses: non in eam turpitudinem uenis ses, ut hoc tibi esset apud tales uiros confitendum, quia tibi uadimonium non sit obitum, eadem te hora cōsiliū cepisse, hominis propinqui fortunas funditus euertere. ego pro te nunc hoc consulo post tempus in aliena re, quod tu in tua re, cū tempus erat, consulere oblitus es. quæro abs te C. Aquili, L. Luculle, P. Quintili, M. Marcelle, uadimonium mihi non obiit quidam socius & affinis meus, quicum mihi necessitudo uetus, controuersia de re pecuniaria recens intercedit. postulo ne

ad Prætorē, ut eius bona mihi possidere liceat? an, cum Romæ domus eius, uxor, liberi sint, domum potius denunciem? quid est, quod hæc tandem de re uobis possit uideri? profecto, si recte uestram bonitatem atque prudentiam cognoui, non multum me fallit, si consulamini, quid sitis responsuri. primum, expectare: deinde, si latitare, ac diutius ludificare uideatur, amicos conuenire; querere, quis procurator sit; domum denunciare. dici uix potest, quam multa sint, quæ respondeatis ante fieri oportere, quam ad hæc rationem extremam necessariam deuenire. quid ad hæc Neniū? ridet scilicet nostram amantiam, qui in uita sua rationē summi officij desideremus, & instituta bonorum uirorum requiramus. quid mihi, inquit, cum ista summa sanctorum ac diligentia? uiderint ista officia uiri boni, de me autem ita considerent: non quid habeam, sed quibus rebus inuenerim, querant, et quemadmodum natus, & quo pacto educatus sim. memini: uetus est de scurra, multo facilius diuitem, quam patrē familias fieri posse. hæc ille si uerbis non audet, re quidē uera palam loquitur: etenim si uult uirorum bonorum instituto uiuere, multa oportet discat atque dediscat: quorum illi ætati utrunque difficile est. non dubitauit, inquit, cum uadimonium desertum esset, bona proscribere. improbe: uerum, quoniam tu id tibi arrogas, & concedi postulas, concedamus. quid, si nunquam deseruit? si ista causa abs te tota per summam fraudem et malitiam ficta est? si uadimonium omnino tibi cum P. Quintio nullum fuit, quo te nomine appellemus? improbum? at etiam si desertum uadimonium esset, tamen in ista postulatione & proscriptione bonorum

improbissimus reperiēbare . num malitiosum? negas .
 fraudulentum? iam id quidem arrogas tibi, & præcla-
 rum putas . audacem? cupidum? perfidiosum? vulga-
 ria et obsoleta sunt, res autem noua & inaudita . quid
 ergo est? uereor mehercule, ne aut grauioribus utar uer-
 bis, quā natura fert, aut leuioribus, quā causa postu-
 lat . ais esse uadimoniū desertum . quæsiuit à te statim,
 ut Romam rediēt, Quintius, quo die uadimonium is sue
 factum esse diceres . respondi statim, Nonis Febr. dis-
 scedens in memoriam rediēt Quintius, quo die Roma in
 Galliam profectus sit: ad ephemeridem reuertitur: in-
 uenitur dies profectiois, pridie Cal. Febr. Nonis Febr.
 si Romæ fuit, causæ nihil dicimus, quin tibi uadimo-
 nium promiserit . quid? hoc inueniri qui potest? pro-
 fectus unā L. Albius, homo in primis honestus . dicit tes-
 timonium . profecti sunt familiares & Albi & Quin-
 ti . dicent hi quoque testimonium . literæ P. Quintij, tes-
 tes tot . quibus omnibus causa iustissima est cur scire
 potuerint, nulla cur mentiātur: cum ad stipulatorem tuo
 comparabuntur . & in hac eiusmodi causa P. Quintius
 laborabit? & diutius in tanto metu miser, periculoq;
 uersabitur? & uehementius eum gratia aduersarij per-
 terrebit, quā fides iudicis consolabitur? uixit enim
 semper inculte atque horride: natura tristi ac recondita
 fuit: non ad solarium, non in campo, non in conui-
 uij uersatus est: id egit, ut amicos obseruantia, rem par-
 simonia retineret: antiquā officij rationē dilexit, cuius
 splendor omnis his moribus obsoleuit . at si in causa pa-
 ri discedere inferior uideretur, tamē esset nō mediocri-
 ter conquerendum . nunc in causa superiore, ne ut par-

quidem sit, postulat: inferiorem esse patitur, duntaxat usque ed, ne cum bonis, fama, fortunisq; omnibus Sex. Neuij cupiditati crudelitatiq; dedatur. Docui, quod primum pollicitus sum, C. Aquili, causam omnino, cur postularet, nō fuisse: quōd neq; pecunia debebatur, et, si maxime deberetur, cōmissum nihil esse, quare ad istam rationem perueniretur. attende nunc, ex edicto Pratoris bona P. Quintij possidere nullo modo potuisse. recita edictum. QVI FRAVDATIONIS CAUSA LATITARIT. non est is Quintius: nisi latitant, qui ad negotium suum relicto procuratore profisciscuntur. CUI HAERES NON EXTABIT. ne is quidem. QVI EXILII CAUSA SOLVM VERTERIT.

quo tempore existimas oportuisse Neui absentem Quintium defendi? aut quo modo? tum, cum postulabas, ut bona possideres? nemo affuit: neq; enim quisquam diuinare poterat te postulaturum: neq; quēquam attinebat id recusare, quod Prator, sed ex edicto suo iubebat. qui locus igitur absentis defendendi procuratori primus datus est? cum proscribebas. ergo affuit, non passus est, libellos deiecit Sex Alphenus: qui primus erat officij gradus, seruatus est à procuratore summa cum diligentia. uideāntur, quae deinde sint consecuta. hominem P. Quintij deprehendis in publico, conaris abducere: non patitur Alphenus, ut tibi adimit, curat ut domum reducatur ad Quintium. hic quoque summe constat procuratoris diligentis officium. debere tibi dici Quintium, procurator negat: uadari uis, promittit: in ius uocas,

sequitur: iudicium postulas, non recusat. quid aliud sic
 absentem defendi, ego non intelligo. at quis erat procu-
 rator? credo aliquem electum hominem, egentem, liti-
 giosum, improbum, qui posset scurræ diuitis quotidia-
 num conuicium sustinere. nihil minus. eques R. locu-
 ples, sui negotij bene gerens, denique is, quem, quoties
 Neuius in Galliam profectus est, procuratorem Romæ
 reliquit. et audes Sex. Neui negare absentem defensum
 esse Quintium, cum eum defenderit idem, qui te sole-
 bat? & cum is iudicium acciperet pro Quintio, cui tu
 & rem & famam tuam commendare proficiscens, &
 concedere solebas: conaris hoc dicere, neminem exti-
 tisse, qui Quintium iudicio defenderet? postulabam, in-
 * quit, ut satisfaceret iniuria postulabas, ita uidebare, re-
 cusabat Alphenus. ita: uerum Prætor decernebat. Tri-
 buni igitur appellabantur. hic te, inquit, teneo: non est
 istud iudicium pati, neque iudicio defendere, cum auxi-
 lium à Tribunis petas. hoc ego, cum attendo qua pru-
 dentia sit Hortensius, dicturum esse eum non arbitror:
 cum autem antea dixisse audio, & causam ipsam consi-
 dero, quid aliud dicere possit, non reperio: fatetur enim
 libellos Alphenum deiecisse, uadimonium promisisse, iu-
 dicium quin acciperet in ea ipsa uerba, quæ Neuius ede-
 bat, non recusasse, ita tamen, more & instituto per eum
 magistratum, qui auxilij causa constitutus est. aut hæc
 facta non sint, necesse est; aut C. Aquilius talis uir in-
 ratus hoc ius in ciuitate constituat; cuius procurator
 non omnia iudicia acceperit, quæ quisq; in uerba postu-
 larit; cuius procurator à Prætorè ad Tribunos appella-
 rare ausus sit, eum non defendi, eius bona recte possi-

deri posse; ei misero, absenti, ignaro *fortunarum suarum*, omnia uitæ ornamenta per summum dedecus & ignominiam diripi conuenire. quod si probari nemini potest, illud certe probari omnibus necesse est, defensum esse iudicio absentem Quintium. quod cum ita est, ex edicto bona possessa non sunt. at enim Tribuni pl. ne audierunt quidem? fateor, si ita est, procuratorem decreto Prætoris R. oportuisse parere. quid, si M. Brutus intercessurum se dixit palam, nisi quid inter ipsum Alphenum et Neuium conueniret? uidetur ne intercessisse appellatio Tribunorum non more, sed auxilij causa? quid deinde fit? Alphenus, ut omnes intelligere possent iudicio defendi Quintium, ne qua subesse posset aliena aut ipsius officio, aut huius existimatione suspicio, uiros bonos complures aduocat: testatur isto audiente, se pro communi necessitudine id primum petere, ne quid atrocius in P. Quintium absentem sine causa facere conetur: sin autem inimicissime atq; infestissime contendere perseueret, se paratum esse omni recta atq; honesta ratione defendere: quod petat, non deberi: se iudicio id, quod edat, accipere. eius rei, conditionisq; tabellas obsignauerunt uiri boni complures. res in dubium uenire non potest. si rebus omnibus integris, neq; proscriptis, neq; possessis bonis, ut Alphenus promittat Neuiο sisti Quintium. uenit ad uadimonium Quintius: iacet res in controuersijs isto calumniante biennium, usq; dum inueniretur, qua ratione res ab usitata consuetudine recederet, & in hoc singulare iudicium causa omnis concluderetur. quod officium Aquili commemorari procuratoris potest, quod ab Alphenο præteritum esse uideatur? quid assertur, quare

P. Quintius absens negatur esse defensus? an uero id, quod Hortensiu, quia nuper iniecit, & quia Neuus semper id clamat, dicturum arbitror, non fuisse Neuio partem certationem cum Alpheno, illo tempore, illis dominantibus? quod si uelim confiteri, illud opinor concederem, non procuratorem P. Quintij neminem fuisse, sed gratiosum fuisse. mihi autem ad uincendum satis est, fuisse procuratorem, quicum experiri posset. qualis is fuerit, si modo absentem defendebat per ius & magistratum, nihil ad rem arbitror pertinere. erat, inquit, illarum partium. quid ni? qui apud te esset educatus, quem tu à puero sic instituis, ut nobili ne gladiatori quidem haberet. sicut tu semper summe concupisti, idem uolebat Alphenus: ea re tibi cum eo par contentio erat. Brutus, inquit, erat familiaris, itaque is intercedebat. tu contra Burrieni, qui iniuriam decernebat; omnium denique illorum, qui tum & poterant per uim et scelus plurimum, & quod poterant, id audebant. an omnes tu istos uincere uolebas, qui nunc, tu ut uincas, tantopere laborant? aude id dicere, non palam, sed his ipsis, quos aduocasti: tametsi nolo eam rem commemorando renouare, cuius omnino rei memoriā omnem tolli funditus ac deleri arbitror oportere. unum illud dico, si propter partium studiū potens erat Alphenus, potentissimus Neuus: si fretus gratia postulabat aliquid iniquius Alphenus, multo iniquiora Neuus impetrabat: neque enim inter studiū uestrū quicquā, ut opinor, interfuit: ingenio, uetustate, artificio tu facile uicisti. ut alia omittā, hoc satis est: Alphenus cum ijs, & propter eos perijt, quos diligebat: tu, postquā, qui tibi erāt amici, nō poterāt uincere; ut amici tibi

tibi essent, qui uincebant, effecisti. quod si tum par tibi
 ius cum Alphenio fuisse non putas, quia tamen aliquem
 contra te aduocare poterat; quia magistratus aliquis re=
 periebatur, apud quē Alpheni causa cōsisteret: quid hoc
 tempore Quintio statuendum est? cui neque magistratus
 adhuc æquus inuentus est; neque iudiciū redditū est usi=
 tatū; non conditio, non sponsio, non denique ulla unquā
 intercessit postulatio, mitto æqua, uerum ante hoc tēpus
 ne fando quidem audita. de re pecuniaria cupio conten=
 dere: non licet. at ea controuersia est: nihil ad me atti=
 net: causam capitis dicas, oportet. accusa, ubi ita necesse
 est: non, inquit, nisi tu ante nouo modo priore loco dixe=
 ris: dicendum necessario est: præstituendæ horæ ad arbi=
 trium nostrum: iudex ipse arcessetur. quid tum? tu ali=
 quem patronum inuenies hominem antiqui officij, qui
 splendorem nostrum & gratiam negligat? pro me pu=
 gnabit L. Philippus, eloquentia, gravitate, honore floren=
 tissimus ciuitatis: dicet Hortensius, excellens ingenio, no=
 bilitate, existimatione: aderunt autem homines nobilissi=
 mi, ac potentissimi, quorum frequentiam & confessum
 nō modo P. Quintius, qui de capite decernit, sed quiuis,
 qui extra periculum sit, perhorrescat. hæc est iniqua cer=
 tatio, nō illa, qua tu contra Alphenum uelitabar. huic,
 ne ubi cōsisteret quidem contra te, locū reliquisti: quāre
 aut doceas oportet, Alphenum negasse se procuratorem
 esse, non deiecisse libellos, iudiciū accipere noluisse: aut,
 cum hæc facta sint, ex edicto te bona P. Quintij nō pos=
 sedisse concedas. etenim, si ex edicto possedisti; quæro, cur
 bona non uenierint? cur ceteri sponsores, & creditores
 conuenerint? nemo ne fuit, cui deberet Quintius? fue=

runt, & complures fuerunt : propterea quodd Caius fra-
 ter aliquantum aris alieni reliquerat. quid ergo est ? ho-
 mines erant ab hoc omnes alienissimi, & ijs debebatur,
 neque tamen quisquā inuentus est tam insignite impro-
 bus, qui uiolare P. Quintij existimationem absentis aude-
 ret. unus fuit, affinis, socius, necessarius Sex. Neuius, qui,
 cum ipse ultro deberet, quasi eximio prämio sceleris ex-
 posito, cupidissime contenderet, ut per se afflictum atque
 euersum propinquum suum non modo honeste partis bo-
 nis, uerum etiam cōmuni luce priuaret. ubi erant ceteri
 creditores ? denique hoc tempore ubi sunt ? quis est, qui
 fraudationis causa latuisse dicat ? quis, qui absentem de-
 fensum neget esse Quintium ? nemo inuenitur. at contra
 omnes, quibuscum ratio huic aut est, aut fuit, adsunt, de-
 fendūt ; fides huius multis locis cognita ne perfidia Sex.
 Neuij derogetur, laborant. in huiusmodi sponfionem te-
 stes dare oportebat, ex eo numero qui hæc dicerent : uadi-
 monium mihi deferuit : me fraudauit : à me nominis
 eius, quod inficiatus esset, diem petiuit : ergo experiri non
 potui, latitauit, procuratorem nullum reliquit. horum ni-
 hil dicitur : parantur testes, qui hæc dicant. uerum opi-
 nor uiderimus, cum dixerint. unum tamen hoc cogitent,
 ita se graues esse, ut, si ueritatem uolent retinere, graui-
 tatem possint obtinere ; si eam negligent, ita leues sint, ut
 omnes intelligant, non ad obtinendum mendaciū, sed ad
 uerum probandum auctoritatem adiuuare. ego hæc duo
 quero : primum, quæ ratione Neuius susceptum nego-
 tium nō transfegerit, hoc est cur bona, quæ ex edicto pos-
 sidebat, non uendiderit : deinde, cur ex tot creditoribus
 alijs ad istam rationem nemo accesserit : ut necessario

confiteare , neque eorum tam temerarium quencquam
fuisse , neque te ipsum id , quod turpissime suscepisses ,
perseuerare & transigere potuisse . quid , si tu ipse Sex.
Nevi statuisti bona P. Quintij ex edicto possessa non
esse ? opinor , tuum testimonium , quod in aliena re leue
esset , id in tua , quoniam contra te est , grauissimum
debet esse . emisti bona Sex. Alpheni L. Sylla Dictatore
uiuente : socium tibi in his bonis edidisti Quintium .
plura non dico . cum eo tu uoluntariam societatem coi-
bas , qui te in hereditaria societate fraudarat : &
eum iudicio tuo comprobabas , quem spoliatum fama
fortunisque omnibus arbitrabare . Diffidebam meher-
cule C. Aquili satis animo certo & confirmato me pos-
se in hac causa consistere : sic cogitabam , cum contra
dicturus esset Hortensius , & cum esset attente auditu-
rus Philippus , fore , uti permultis in rebus timore pro-
laberer . dicebam huic Q. Roscio , cuius soror est cum
P. Quintio , cum à me peteret , & summe contende-
ret , ut propinquum suum defenderem , mihi perdif-
ficile esse contra tales oratores non modo tantam cau-
sam perorare , sed omnino uerbum facere conari . cum
cupidius instaret , homini pro amicitia familiarius di-
xi , mihi uideri ore durissimo esse , qui præsente eo ge-
stum agere conaretur ; qui uero cum ipso contenderent ,
eos , etià si quid antea recti aut uenusti habere uisi sunt ,
id amittere : ne quid mihi eiusmodi accideret , cum con-
tra talem artificem dicturus essem , me uereri . tum mihi
Roscius & alia multa confirmandi mei causa dixit : &
mehercule si nihil diceret , tacito ipso officio & stu-
dio ; quod adhibebat erga propinquum suum , quemuis

O R A T I O

commoueret . etenim cum artifex eiusmodi sit , ut solus dignus uideatur esse , qui in scena spectetur : tum uir eiusmodi est , ut solus dignus uideatur , qui eò non accedat . ueruntamen, quid si , inquit , habes eiusmodi causam , ut hoc tibi planum sit faciendum , neminem esse, qui possit biduo , ad summū triduo septingenta millia passuum ambulare ? tamen ne uereris , ut possis hæc contra Hortensium contēdere ? minime, inquā . sed quid id ad rem ? nimium, inquit, in eo causa consistit . quo modo ? docet me eiusmodi rem, & factum simul Sex. Neuij : quod si solū proferretur, satis esse deberet . quod abs te C. Aquili, & a uobis, qui adestis in cōsilio, quaeso, ut diligenter attendatis . profecto intelligetis , illinc ab initio cupiditatem pugnassee & audaciam ; hinc ueritatem et pudorem, quoad potuerit, restitisse . Bona postulas ut ex ediēto possidere liceat : quo die ? te ipsum Neui uolo audire : uolo inauditum facinus ipsius, qui id commisit , uoce conuinci . dic Neui diem . ante V. Cal. intercalares . bene agis . quā longē est hinc in saltum uestrum Gallicanum ? Neui te rogo . D C C millia passuum . optime . de saltu deiicitur Quintius, quo die ? possumus hoc quoque ex te audire : quid taces ? dic inquam diem . pudet dicere . intelligo : uerum & sero, & nequidquam pudet . deiicitur de saltu C. Aquili pridie Cal. intercalares . biduo post, aut , ut statim de iure aliquis cucurrerit , non toto triduo D C C millia passuum conficiuntur . d rem incredibilem : d cupiditatem inconsideratam : d nuncium uo lucrem . administri & satellites Sex. Neuij Roma trans alpes in Sebusianos biduo ueniunt . d hominem fortunatum, qui eiusmodi nuncios, seu potius pegasos habeat .

hic ego, si Crassi omnes cū Antonijs existāt, si tu L. Philippe, qui inter illos florebas, hāc causam uoles cum Hortensio dicere, tamen superior sim necesse est: non enim, quemadmodum putatis, omnia sunt in eloquentia: est quaedam tamen ita perspicua ueritas, ut eam infirmare nulla res possit. an, antequā postulasti ut bona possideres, misisti, qui curarent ut dominus de suo fundo à sua familia uì deiçeretur? utrunlibet elige. alterum incredibile est, alterum nefarium, & ante hoc tempus utrūque inauditum. D C C millia passuū uis esse decursa biduo? dic. negas? ante igitur misisti. malo: si. n. illud diceres, improbe mentiri uiderere: cum hoc confiteris, id te admisisse concedis, quod ne mendacio quidem tegere possis. hoc consilium Aquilio & talibus uiris tam cupidū, tam audax, tã temerarium probabitur? quid hęc amentia? quid hęc festinatio? quid hęc immaturitas tanta significat? nō uim? nō scelus? nō latrocinium? nō denique omnia potius, quàm ius, quàm officium, quàm pudorem? mittis iniussu Prætoris: quo consilio? iussurum sciebas? quid? cum iussisset, tum mittere non ne poteras? postulaturus eras: quando? post dies X X X: nempe si te nihil impediret, si uolūtas eadem maneret, si ualeres, denique si uiueres. Prætor iussisset: opinor si uellet, si ualeret, si ius diceret, si nemo recusaret, qui ex ipsius decreto & satisfaret, & iudicium accipere uellet. nā per deos immortales si Alphenus procurator P. Quintij tibi tum satisfaret, & iudiciū accipere uellet, denique omnia, quæ postulares, facere uoluisset, quid ageres? reuocares eum, quem in Galliam miseris? at hic quidem iam de fundo expulsus, iam à suis dijs penatibus præceps eiectus,

iam, quod indignissimum est, suorum seruorum manibus, nuncio atque imperio tuo uiolatus esset. corrigeres hæc scilicet tu postea. de cuiusquam uita dicere audes, qui hoc concedas necesse est, ita te cæcum cupiditate & auaritia fuisse, ut, cum, postea quid futurum esset, ignorares, (accidere autem multa possent) spem maleficij præsentis in incerto reliqui temporis euentu collocares? atque hæc perinde loquor, quasi ipso illo tempore, cum te Prætor iussisset ex edicto possidere, si in possessionem misisses, debueris aut potueris P. Quintium de possessione deturbare. omnia sunt C. Aquili eiusmodi, qui uis ut perspicere possit, in hac causa improbitatem & gratiam cū inopia & ueritate cōtendere. Prætor te quemadmodum possidere iussit? opinor, ex edicto. sponsio quæ in uerba facta est? ni ex edicto Prætoris bona P. Quintij possessa non sint. redeamus ad edictum. id quidem quemadmodum iubet possidere? nū quid est causa C. Aquili, quin, si lōge aliter possedit, quàm Prætor edixit, iste ex edicto non possederit, ego sponsione uicerim? nihil, opinor. cognoscamus edictū. QUI EX EDICTO MEO IN POSSESSIONEM VENERIT. de te loquitur Neni, quæadmodū tu putas: ais. n. te ex edicto uenisse: tibi, quid facias, definit, te instituit, tibi præcepta dat. EOS ITA VIDETVR IN POSSESSIONE ESSE OPORTERE, quo modo? QVOD IBIDEM RECTE CVSTODIRE POTERVNT, ID IBIDEM CVSTODIANT: QVOD NON POTERVNT, ID AVFERRE ET ABDVCERE LICEBIT. quid tū? DOMINY M, inquit, INVITVM

DETRUDERE NON PLACET. eū ip-
sum, qui fraudandi causa latitet; eum ipsum, quem
iudicio nemo defendat; eum ipsum, qui cum omnibus
creditoribus suis male agat, inuitum de prædio detru-
di uetat. proficiscenti tibi in possessionem Prætor ipse
Sex. Neui palam dicit, ita possideto, ut tecum simul
possideat Quintius: ita possideto, ut Quintio ius non
auferatur. quid? tu id quemadmodum obseruas? mit-
to illud dicere; eum, qui non latitarit, cui Romæ do-
mus, uxor, liberi, procurator esset; eum, qui tibi ua-
dimonium non deseruisset: hæc omnia mitto, illud di-
co, dominum expulsū esse de prædio, domino à fa-
milias sua manus allatas esse ante suos lares familiares.
hoc dico,



Neuium ne appellauisse quidem Quintium, cum simul
esset, experiri posset quotidie: deinde quod omnia iudi-
cia difficillima cum summa sua inuidia, maximoq; pe-
riculo P. Quintij fieri mallet, quàm illud pecuniarium
iudicium, quod uno die transigi posset: ex quo uno hæc
omnia nata, & profecta esse concedit. quo in loco con-
ditionem tuli, si uellet pecuniam petere, P. Quintium
indicatum solui satisfidaturum, dum ipse, si quid pe-
teret, pari conditione uteretur. ostendi, quàm mule-
ta ante fieri conuenerit, quàm hominis propinqui bo-
na possideri postularentur, præsertim cum Romæ do-
mus eius, uxor, liberi essent, & procurator æque
utriusque necessarius. docui, cum desertum esse dicat

uadimonium, omnino uadimonium nullum fuisse : quo
 die hunc sibi promississe dicat, eo die ne Romæ quidem eū
 fuisse, id testibus me pollicitus sum planum facturum,
 qui & scire deberent, & causam, cur mentirentur, non
 haberent. ex edicto autem nō potuisse bona possideri, de-
 monstrauī : quodd neque fraudandi causa latitasset, neque
 exiliū causa solum uertisse diceretur. reliquū est, ut cum
 nemo iudicio defenderit : quod contra copiosissime de-
 fensum esse contendī, nō ab homine alieno, neque ab alie-
 quo calumniatore atque improbo, sed ab equite R. pro-
 pinquo & necessario suo, quem ipse Sex. Neuius procu-
 ratorem relinquere antea cōsueffet : neque eū, si Tribus
 nos appellarit, iccirco minus iudicio pati paratum fuisse,
 neque potentia procuratoris Neuius ius creptum : contra,
 istum potentia sua tum tantummodo superiorem fuisse,
 nunc nobis uix respirandi potestatem dare. quæsiui, quæ
 causa fuisset, cur bona non uenissent, cū ex edicto possi-
 derentur : deinde illud quoque requisui, quæ ratione ex
 tot creditoribus nemo neque tū idem fecerit, neque nunc
 cōtra dicat, omnesq; pro P. Quintio pugnent, præsertim
 cum in tali iudicio testimonia creditorum existimentur
 ad rem maxime pertinere. postea sum usus aduersarij
 testimonio, qui sibi eum nuper edidit socium, quem, quo
 modo nūc intendit, ne in uiuorum quidem numero tum
 demonstrat fuisse. tum illam incredibilem celeritatem,
 seu potius audaciam protuli : confirmauī necesse esse aut
 biduo D C C millia passuū esse decursa, aut Sex. Neuiū
 diebus cōpluribus ante in possessionem misisse, quā pos-
 sultaret, ut ei liceret bona possidere. postea recitauī edi-
 ctum, quod aperte dominum de prædio detrudi ueraret :

in quo constitit Neuium ex edicto nō possedisse, cum cōfiteretur ex pradio ui detrusum esse Quintium: omnino autem bona possessa non esse constitui, quod bonorū possessio spectetur nō in aliqua parte, sed in uniuersis, quæ teneri ac possideri possint. dixi, Romæ domum fuisse, quod iste ne aspirarit quidem; seruos complures, ex quibus iste possederit neminem, ne attigerit quidem; unum fuisse, quem attingere conatus sit, prohibitum fuisse, quæ uisse. in ipsa Gallia cognostis in prædia priuata Quintij Sex. Neuium nō uenisse: denique ex hoc ipso saltu, quæ per uim expulso socio possedit, seruos priuatos Quintij non omnes eiectos esse. ex quo, & ex cæteris dictis, factis, cogitatisq; Sex. Neuij quiuis potest intelligere, istum nihil aliud egisse, neque nunc agere, nisi uti per uim, per iniuriam, per iniquitatem iudicij totum agrum, qui communis est, suum facere possit. Nunc, causa perorata, res ipsa & periculi magnitudo C. Aquili cogere uidetur, ut te, atque eos, qui tibi in consilio sunt, obsecret, obtesteturq; P. Quintius per senectutem, ac solitudinem suam, nihil aliud, nisi ut uestre naturæ bonitatiq; obsequamini: ut, cum ueritas cum hoc faciat, plus huius inopia possit ad misericordiam, quàm illius opes ad crudelitatem. quo die ad te iudicem uenimus, eodem die illorum minas, quas ante horrebamus, negligere cœpimus. si causa cum causa contenderet, nos nostram per facile cuius probaturos statuebamus. quod uitæ ratio cum ratione uitæ decerneret, iccirco nobis etiam magis te iudice opus esse arbitrati sumus. ea res enim nunc in discrimen uersatur, utrum ne possit se contra luxuriam, ac licentiam rusticana illa atque inculta parsimonia defendere; an

O R A T I O

deformata, atque ornamentis omnibus spoliata, nuda cupiditati, petulantiaq; addicatur. non comparat se tecum gratia P. Quintius Sex. Neui, non opibus, non facultate contendit: omnes tuas artes, quibus tu magnus es, tibi concedit. fatetur se non belle dicere, non ad uoluntatem loqui posse, non ab afflictâ amicitia transfugere, atque ad florentem aliam deuolare, non profusis sumptibus uiuere, non ornare magnifice splendideq; conuiuium, non habere domum clausam pudori & sanctimoniae, patentem atque adeo expositâ cupiditati & uoluptatibus: contra, sibi officium, fidem, diligentiam, uitam omnino semper horridam atque aridam cordi fuisse. ista superiora esse, ac plurimum posse his moribus, sentit. quid ergo est? non usque ed tamen, ut in capite fortunisq; hominum honestissimorum dominantur ij, qui, relicta bonorum uirorum disciplina, & questum, & sumptum Gallonij sequi maluerunt, atque etiam, quod in illo non fuit, cum audacia perfidiaq; uixerunt. si licet uiuere cum, quem Sex. Neuius nō uult, si est homini honesto locus in ciuitate inuito Neui, si fas est respirare P. Quintium contra nutum ditionemq; Neuij, si, quae pudore ornamenta sibi peperit, ea potest cōtra petulantiam te defendente obtinere: spes est, & hūc miserum, atque infelicem aliquando tamen posse cōsistere. sin & poterit Neuius id, quod liber, & ei libebit, quod nō licet: quid agendum est? qui deus appellandus est? cuius hominis fides imploranda est? qui denique questus, qui mœror dignus inueniri calamitate tanta potest? miserum est, exturbari fortunis omnibus: miserius est, iniuria. acerbum est, ab aliquo circumueniri: acerbius, à propinquo.

calamitosum est, bonis eueri : calamitosius, cum dedecore. funestum est, à forti atque honesto uiro iugulari : funestius, ab eo, cuius uox præconio quæstu prostitit . indignum est, à pari uinci, aut superiore : indignius, ab inferiore, atque humiliore . luctuosum est, tradi alteri cū bonis : luctuosius, inimico . horribile est, causam capitis dicere : horribilius, priore loco dicere . omnia circumspectus Quintius, omnia periclitatus est C. Aquili : non Prætorē modo, à quo ius impetraret, inuenire nō potuit, atque adeo ne unde arbitrari quidem suo postularet ; sed ne amicos quidem Sex. Neuij, quorum sæpe & diu ad pedes iacuit stratus, obsecrans per deos immortales, ut aut secum iure contenderent, aut iniuriam sine ignominia sibi imponerent . denique ipsius inimici uultum superbissimum subiit : ipsius Sex. Neuij lacrymans manum apprehendit, in propinquorum bonis proscribendis exercitatus : obsecrauit per fratris sui mortui cinerem, per nomen propinquitatis, per ipsius coniugem & liberos, quibus propior P. Quintio nemo est, ut aliquando misericordiā caperet ; aliquā, si non propinquitatis, at ætatis sue, si nō hominis, at humanitatis rationē haberet ; ut secum aliquid integra sua fama, qualibet, dūmodo tolerabili, conditione transigeret . ab ipso repudiatus, ab amicis eius non subleuatus, ab omni magistratu agitatus atque perterritus, quē præter te appeller, habet neminē . tibi se, tibi suas omnes opes, fortunāsque cōmendat : tibi cōmittit existimationē ac spem reliquæ uitæ : multis uexatus cōtumelijs, plurimis iactatus iniurijs, nō turpis ad te, sed miser cōfugit . è fundo ornatissimo deiectus, ignominijs omnibus appetitus, cū illū in suis paternis bonis dominari uis-

O R A T I O

deret, ipse filiae nubili dotem conficere nō posset, nihil alie
 nū tamen uita superiore cōmisit . itaque te hoc obsecrat
 C. Aquili, ut quā existimationem, quā honestatem in iu-
 diciū tuū propè acta iā etate decursaq; attulit, eā liceat
 ei secū ex hoc loco efferre; ne is, de cuius officio nemo un-
 quam dubitauit, sexagesimo denique anno dedecore, ma-
 cula , turpissimaq; ignominia notetur ; ne ornamentis
 eius omnibus Sex. Neuius pro spolijs abutatur; ne per te
 ferat, quo minus quæ existimatio P. Quintiū usque ad se-
 neclutem perduxit , eadem usque ad rogū prosequatur.

P R O S E X . R O S C I O A M E R I N O .

O R A T I O I I .

R E D O ego uos iudices; mirari ,
 quid sit , quodd , cum tot summi orato-
 res hominesq; nobilissimi sedent , ego
 potissimum surrexerim , is , qui neque
 etate, neque ingenio, neque auctoritate
 sim cū his, qui sedent, comparandus. omnes enim hi, quos
 uidetis adesse in hac causa, iniuriam nouo scelere cōfla-
 tā putant oportere defendi, defendere ipsi propter iniqui-
 tatem temporū non audent . ita fit, ut adsint, propterea
 quodd officium sequuntur; taceant autem iccirco, quia pe-
 riculum metuūt. quid ergo ? audacissimus ego ex omni-
 bus ? minime , at tāto officiosior, quā ceteri ? ne istius
 quidem laudis ita sum cupidus, ut alijs eam præreptam
 uelim. quæ me igitur res præter ceteros impulit , ut cau-
 sam Sex. Roscij reciperem? quia, si quis istorum dixisset,
 quos uidetis adesse, in quibus summa auctoritas est, atque

amplitudo; si uerbū de Rep. fecisset, id quod in hac causa fieri necesse est; multo plura dixisse, quā dixisset, putaretur: ego etiam si omnia, quæ dicenda sunt, libere dixerō, nequaquam tamē similiter oratio mea exire, atque in uulgus emanare poterit: deinde, quodd caterorum neque dictum obscurum potest esse propter nobilitatem, & amplitudinem, neque temere dicto concedi propter aetatem, & prudentiam; ego si quid liberius dixerō, uel occultum esse propterea, quod non dum ad Remp. accessi, uel ignosci adolescentiæ meæ poterit. tametsi non modo ignoscendi ratio, uerum etiam cognoscendi consuetudo iā de ciuitate sublata est. accedit illa quodque causa, quod à ceteris forsitan ita petatum sit, ut dicerent, ut utrumuis saluo officio se facere posse arbitrentur: à me autem ij contenderunt, qui apud me & amicitia, & beneficijs, & dignitate plurimum possunt: quorū ego neque beneuolentiā erga me ignorare, nec auctoritatem aspernari, nec uoluntatem negligere debeam. his de causis ego huic causæ patronus extiti: non electus unus, qui maximo ingenio; sed relictus ex omnibus, qui minimo periculo possem dicere: neque uti satis firmo praesidio defensus Sex. Roscius, uerū uti ne omnino desertus esset. forsitan queratis, qui iste terror sit, & quæ tanta formido, quæ tot ac tales uiros impediatur, quo minus pro capite & fortunis alterius, quemadmodum consueuerunt, causam uelint dicere. quod adhuc uos ignorare nō mirum est, propterea quod cōsulto ab accusatoribus eius rei, quæ conflauit hoc iudiciū, mentio facta non est. quæ res ea est? bona patris huiusce Sex. Roscij, quæ sunt sexages, quæ de uiro fortissimo & clarissimo L. Sylla, quem

honoris causa nomino, duobus millibus nummū sese dicit emisse adolescens uel potentissimus hoc tēpore nostrae ciuitatis L. Cornelius Chrysogonus. is à uobis iudices hoc postulat, ut, quoniam in alienam pecuniam tā plenam, atque praeclaram nullo iure inuaserit, quoniamq; ei pecunia uita Sex. Roscij obstare, atque officere uideatur, deleatis ex animo suo suspicionem omnē, metumq; tollatis. sese hoc incolumi nō arbitratur huius innocentis patrimoniū tam amplū, et copiosum posse obtinere: dānato et ei=cto, sperat se posse, quod adeptus est per scelus, id per luxuriā effundere, atque cōsumere. hūc sibi ex animo scrupulū, qui se dies noctesq; stimulat ac pungit, ut euellatis postulat: ut ad hanc suam praeda tam nefariam adiutores uos profiteamini. si uobis aequa & honesta postulatō uidetur iudices; ego cōtra breuem postulationē afferro, & quomodo mihi persuadeo, aliquanto equiorē. Primū à Chrysogono peto, ut pecunia fortunisq; nostris contentus sit, sanguinē et uita ne petat: deinde à uobis iudices, ut audaciū sceleri resistatis, innocentium calamitatem leuetis, & in causa Sex. Roscij periculū, quod in omnes intenditur, propulsetis. quod si aut causa criminis, aut fa=cti suspicio, aut qualibet denique uel minima res reperi=etur, quamobrem uideatur illi nō nihil tamen in deferendo nomine secuti; postremo si prater eam praeda, quā dixi, quidquā aliud cause inueneritis: nō recusamus, quin illorū libidini Sex. Roscij uita dedatur. sin aliud agitur nihil, nisi ut his ne quid desit, quibus satis nihil est; si hoc solum hoc tēpore pugnatur, ut ad illā opimā praeclaramq; praeda dānatio Sex. Roscij, uelut cumulus, accedat: nō ne cum multa indigna, tum uel hoc indignissimum est,


uos idoneos habitos, per quorū sententias, inſq; iurādū id
 aſſequantur, quod antea ipſi ſcelere & ferro aſſequi con-
 ſuerunt? qui ex ciuitate in ſenatū propter dignitatē, ex
 ſenatu in hoc cōſiliū delecti eſtis propter ſeueritatē. ab his
 hoc poſtulare homines ſicarios atq; gladiatores, nō modō
 ut ſupplicia uitēt, quæ à uobis pro maleficijs ſuis metue-
 re atq; horrere debēt, uerū etiā ut ſtolijs Sex. Roſcij hoc
 iudicio ornati auſtliq; diſcedāt? his de rebus tātis, tamq;
 atrocibus neq; ſatis me cōmode dicere, neq; ſatis grauiter
 cōqueri, neq; ſatis libere uociferari poſſe intelligo: nā cō-
 moditati ingeniū, grauitati ætas, libertati tēpora ſunt im-
 pedimēto. huc accedit ſummus timor: quem mihi natura
 pudorq; meus attribuit, et ueſtra dignitas, et uis aduerſa-
 riorū, et Sex. Roſcij pericula. quapropter uos oro atq; ob-
 ſecro iudices, ut attēte, bonaq; cū uenia uerba mea audia-
 tis. fide ſapiētiāq; ueſtra fretus, plus oneris ſuſtuli, q̄ fer-
 re me poſſe intelligo. hoc onus ſi uos aliqua ex parte alle-
 uabitis, feram, ut potero, ſtudio & induſtria iudices. ſin
 à uobis, id quod nō ſpero, deſerar, tamē animo nō deficiā,
 & id, quod ſuſcepi, quoad potero, perferam. quod ſi per-
 ferre nō potero, opprimi me onere officiij malo, quā id,
 quod mihi cum fide ſemel impoſitū eſt, aut propter per-
 fidia abijcere, aut propter infirmitatē animi deponere. te
 quoque magnopere M. Fanni quaſo, ut, qualē te iam an-
 tea populo R. præbuiſti, cū huic idē quaſtioni iudex præ-
 eſſes, talē te & nobis, & populo R. hoc tēpore impertias.
 quanta multitudo hominum cōuenerit ad hoc iudicium,
 uidēs: quæ ſit omniū mortalium expeſtatio, quæ cupidi-
 tas, ut acria ac ſeuera iudicia fiant, intelligis. longo in-
 ternallo iudicium inter ſicarios hoc primum cōmittitur,

cum interea cædes indignissima maximaq; facta sint . omnes hanc questionem te Prætor de manifestis maleficijs, quotidianoq; sanguine haud remissius sperant futuram . qua uociferatione in cæteris iudicijs accusatores uti consueuerunt, ea nos hoc tempore utimur, qui causam dicimus . petimus abs te M. Fânî, à uobisq; iud. ut quâacerime maleficia uindictis , ut quamfortissime hominibus audacissimis resistatis, ut hoc cogitetis, nisi in hac causa , qui uester animus sit, ostendetis, eò prorumpere hominum cupiditatem, & scelus, & audaciam, ut nò modo clam, uerum etiam hic in foro, ante tribunal tuum M. Fanni, ante pedes uestros indices, inter ipsa subsellia cædes futurae sint : etenim quid aliud hoc iudicio têtatur, nisi ut id fieri liceat ? accusant ij, qui in fortunas huius inuaserunt : causam dicit is, cui præter calamitatem nihil reliquerunt . accusant ij, quibus occidi patrem Sex. Roscij bono fuit : causam dicit is , cui non modo luctum mors patris attulit, uerum etiam egestatem . accusant ij, qui hunc ipsum iugulare summe cupierunt : causam dicit is, qui etiâ ad hoc ipsum iudiciũ cum præsidio uenit , ne hic ibidẽ ante oculos uestros trucidetur . denique accusant ij, quos populus poscit : causam dicit is , qui unus relictus ex illorum nefaria cæde restat, atque ut facilius intelligere possitis iudices, ea, quæ facta sunt, indigniora esse , q̃ hac sunt, quæ dicimus : ab initio res quemadmodum gesta sit, uobis exponemus , quo facilius & huius hominis innocentissimi miseras , & illorum audaciam cognoscere possitis , & Reip. calamitatem . Sex. Roscius pater huiusce, municipis Amerinus, fuit cum genere, & nobilitate, & pecunia non modo sui municipij, uerum etiam eius uicinia

tatis facile primus, tum gratia atque hospitij florens ho-
minum nobilissimorum : nam cum Metellis, Servilijs,
Scipionibus erat ei non modo hospitium, uerum etiam
domesticus usus, & consuetudo: quas, ut æquum est, fa-
miliæ honestatis amplitudinisq; gratia nomino. itaque
ex suis omnibus commodis hoc solum filio reliquit : nam
patrimonium domestici prædones ui ereptum possident :
fama & uita innocentis ab hospitibus, amicisq; paternis
defenditur. hic cum omni tempore nobilitatis fautor
fuiſſet, tum hoc tumultu proximo, cū omnium nobilium
dignitas, & salus in discrimen ueniret, præter ceteros in
ea uicinitate eam partem, causamq; opera, studio, aucto-
ritate defendit : etenim rectum putabat, pro eorum ho-
nestate se pugnare, propter quos ipse honestissimus inter
suos numerabatur. posteaquam uictoria constituta est,
ab armisq; recessimus; cum proscriberentur homines,
atque ex omni regione caperentur ij, qui aduersarij fuiſ-
se putabatur, erat ille Romæ frequens, atque in foro, &
in ore omnium quotidie uersabatur, magis ut exultare
uictoria nobilitatis uideretur, quàm timere ne quid ex ea
calamitatis sibi accideret. erāt ei ueteres inimicitia cum
duobus Roscijs Amerinis, quorū alterū sedere in accusa-
torum subsellijs uideo, alterum tria huiusce prædia possi-
dere audio. quas inimicitias si tā cauere potuisset, quàm
metuere solebat, uiueret: neque enim iud. iniuria metue-
bat: nam duo isti sunt T. Roscij, quorum alteri Capito-
ni cognomen est, iste, qui adest, Magnus uocatur: homi-
nes eiusmodi, alter plurimarum palmarum uetus ac no-
bilis gladiator habetur, hic autem nuper se ad eum la-
nistā contulit, qui, cū ante hāc pugnam tyro esset sciens

Cic. Orat.

D



tia, facile ipsum magistrū scelere, audaciāq; superauit: nā cum hic Sex. Roscius esset Ameria, T. autē iste Roscius Romae; cū hic filius assiduus in pradijs esset, cu nq; se uoluntate patris rei familiari, uitaq; rustica dedisset, iste autē frequēs Romae esset: occiditur ad balneas Palatinas rediēs à coena Sex. Roscius. spero ex hoc ipso nō esse ob scurum, ad quē suspicio maleficiū pertineat. uerū id, quod adhuc est suspiciosum, nisi perspicuū res ipsa fecerit, hunc affinem culpae iudicatote. Occiso Sex. Roscio primus Ameriā nunciat Māius Glaucia quidā, homo tenuis, libertinus, cliens, & familiaris istius T. Roscij: & nunciat domū, nō filij, sed T. Capitonis inimici. & cum post horam primā noctis occisus esset, primo diluculo nuncius hic Ameriā uenit. decē horis nocturnis sex & quinquaginta millia passuū ciuijs peruolauit; nō modo ut exoptatum inimico nuncium primus afferret, sed etiā cruorem inimici quārecentissimum, telumq; paulo ante è corpore extractū ostenderet. quatriduo, quo hac gesta sunt, res ad Chrysogonū in castra L. Syllae Volaterras deferretur: magnitudo pecuniae demonstratur: bonitas praediorum, (nam fundos decem & tres reliquit, qui Tyberim ferē omnes tangunt) huius inopia & solitudo cōmemoratur. demonstrant, cū pater huiusce Sex. Roscius, homo tā splendidus & graciosus, nullo negotio sit occisus, per facile hunc, hominē incautum, & rusticū, & Romae ignotum, de medio tolli posse. ad eā rem operam suā pollicentur. ne diutius uos teneam iud. societas coitur. cum iam proscriptionis mentio nulla fieret, & cū, etiam qui antea metuerant, redirent, ac iam defunctos sese periculis arbitrarentur: hominibus studiosissimi nobilitatis manceps fit Chrysogonus:

tria pradia uel nobilissima Capitoni propria traduntur, quæ hodie possident: in reliquis omnes fortunas iste T. Roscius nomine Chrysogoni, quemadmodum ipse dicit, impetum facit. hæc bona sexagies HS. emuntur duobus milibus nummū. hæc omnia iud. imprudēte L. Sylla facta esse certo scio. neque. n. mirum, cū eodem tēpore & ea, quæ præterita sunt, & ea, quæ uidentur instare, præpararet; cū & pacis cōstituendæ rationē, & belli gerendi potestatē solus habeat; cū omnes in unum spectent, unus omnia gubernet; cū tot tantisq; negotiis disientus sit, ut respirare libere nō possit; si aliquid non animaduertat; cū præsertim tā multi occupationem eius obseruēt, tempusq; aucupētur, ut, simul atque ille desfexerit, aliquid huiusmodi moliantur. huc accedit, quodd quāuis ille felix sit, sicut est, tamen tanta felicitate nemo potest esse in magna familia, qui neminē neque seruū, neque libertū improbū habeat. interea iste T. Roscius uir optimus, procurator Chrysogoni, Ameriā uenit, in pradia huius inuadit, hūc miserum, luētū perditum, qui non dum etiam paterno funeri iusta soluisset, nudum eicit domo, atque focis patrijs dijsq; penatibus præcipitem iudices exturbat: ipse amplissimæ pecuniæ fit dominus: qui in sua re fuisset egentissimus, erat, ut sit, insolēs in aliena: multa palam domum suam auferebat, plura clā de medio remouebat: non pauca suis adiutoribus large effusēq; donabat, reliqua cōstituta auclione uendebat. quod Amerinis usque eò uisum est indignum, ut urbe tota fletus gemitusq; fieret: etenim multa simul ante oculos uersabantur; mors hominis florentissimi Sex. Roscij crudelissima; filij auitem eius egestas indignissima, cui de tanto patrimonio

prædo iste nefarius ne iter quidem ad sepulcrū patrum reliquisset : bonorum emptio , flagitiosa possessio, furta, rapina, donationes. nemo erat, qui nō ardere omnia mallet, quā uiderē in Sex. Roscij uiri optimi, atque honestissimi bonis iactantem se, ac dominantem T. Roscium. itaque decurionū decretū statim fit, ut Decemprimi profiscerentur ad L. Syllam; doceantq; eū, qui uir Sex. Roscius fuerit; cōquerantur de istorū scelere, & iniurijs; orent, ut & illius mortui famam, & filij innocentis fortunas cōseruatas uelit. atque ipsum decretum quæso cognoscite.

DECRETVM DECVRIONVM. Legati in castra ueniunt. intelligitur iud. id quod iam ante dixi, imprudente L. Sylla scelera hæc & flagitia fieri: nā statim Chrysogonus & ipse ad eos accedit, & homines nobiles allegat ijs, qui peterent, ne ad Syllā adirent, & omnia Chrysogonū, quæ uellent, esse facturum pollicerentur. usque adeo autem ille pertimuerat, ut mori mallet, quā de his rebus Syllā doceri. homines antiqui, qui ex sua natura ceteros fingerent, cū ille confirmaret sese nomen Sex. Roscij de tabulis exempturū, prædia uacua filio traditurū, cumq; id ita futurū T. Roscius Capito, qui in X. legatis erat, adpromitteret, crediderunt, Ameriam re inorata reuerterunt. ac primo rem differre quotidie ac procrastinare isti cœperunt, deinde aliquanto lentius, nihil agere atque deludere, postremo, id quod facile intellectū est, insidias uitæ huiusce Sex. Roscij parare, neque sese arbitrari posse diutius alienā pecuniam domino incolumi obtinere. quod is simul atque sensit, de amicorū cōgnatorumq; sententia Romam cōfugit, & sese ad Cæciliam Nepotis filiam, quā honoris causa nomino, contulit,

qua pater usus erat plurimū. in qua muliere iud. etiam
 nunc, id quod omnes semper existimauerunt, quasi exem-
 pli causa uestigia antiqui officiū remanent. ea Sex. Ros-
 cium inopem, eieclum domo, atque expulsū ex suis bo-
 nis, fugientem latronum tela & minas, recepit domum,
 hospitūq; oppresso iam, desperatoq; ab omnibus opitulata
 est. eius uirtute, fide, diligentia factum est, ut hic potius
 uiuus in reos, quā occisus in proscriptos referretur. nā
 postquā isti intellexerunt, summa diligentia uitam Sex.
 Rosciū custodiri, neque sibi ullā cedis faciundæ potestatem
 dari: cōsiliū ceperunt plenum sceleris, & audaciæ, ut
 nomen huius de parricidio deferrent, ut ad eam rem ali-
 quem accusatorem ueterem compararent, qui de ea re
 posset dicere aliquid, in qua re nulla subesset suspicio, de-
 nique, ut, quoniam crimine nō poterāt, tempore ipso pun-
 gnarent: ita loqui homines, quōd iudicia tā diu facta nō
 essent, condemnari eum oportere, qui primus in iudiciū
 adductus esset: huic autem patronos propter Chrysogō-
 ni gratiam defuturos: de bonorum uenditione, & de
 ista societate uerbum esse facturum neminem: ipso no-
 mine parricidij, & atrocitate criminis, fore, ut hic nullo
 negotio tolleretur, cum ab nullo defensū esset. hoc con-
 silio atque adeo hac amentia impulsī, quem ipsi, cū cupe-
 rent, non potuerunt occidere, eū iugulandum uobis tra-
 diderunt. quid primum querar? aut unde potissimum
 exordiar iud? aut quod, aut à quibus auxilium petam?
 deorū ne immortalium? populi ne Romani? uestrā ne,
 qui summam potestatem habetis, hoc tempore fidem im-
 plore? pater occisus nefarie, domus obsessa, ab inimicis
 bona adēpta, possessa, direpta: filij uita infesta, sæpe ferro

atque insidijs appetita . quid ab his tot maleficijs sceleris
 abesse uidetur ? tamen hæc alijs nefarijs cumulât, atque
 adaugent : crimen incredibile cōfingū : testes in hūc &
 accusatores huiusce pecunia cōparât : hâc cōditionem mi
 sero ferunt, ut optet utrū malit, ceruices Roscio dare, an
 insuetus in culeum supplicium parricidarū, per summum
 dedecus uitâ amittere . patronos huic defuturos putaue
 rūt : desunt : qui libere dicat, qui cū fide defendat, id quod
 in hac causa est satis, quoniâ quidem suscepi, nō deest pro
 fecto iudices . & forsitâ in suscipienda causa temere im
 pulsus adolescentia fecerim : quoniâ quidem semel susce
 pi, licet hercules undique omnes terrores, minæ, periculâq;
 impendeât omnia, succurrâ, atque subibo . certū est, deli
 beratumq;, quæ ad causam pertinere arbitror, omnia nō
 modo dicere, uerū etiam libenter, audaciter, liberèq; dice
 re . nulla res tâta existat iudices, ut possit uim mihi ma
 iorem adhibere metus, quàm fides : etenim quis tã dissolu
 to animo est, qui, hæc cū uideat, tacere, ac negligere possit ?
 patrem meū, cū proscriptus nō esset, iugulastis : occisum
 in proscriptorū numerum retulistis : me domo mea per
 uim expulistis : patrimonium meū possidetis : quid uultis
 amplius ? etiâ ne ad subsellia cū ferro atque telis uenistis,
 ut hic aut iuguletis, aut cōdemnetis . Sex . Roscium ? homi
 nem longe audacissimū nuper habuimus in ciuitate . C.
 Fimbriam, & quod inter omnes cōstat, nisi inter eos qui
 ipsi quoque insaniunt, insanissimū . is cū curasset in fune
 re C. Marij, ut Q . Scaeuola uulneraretur, uir sanctissi
 mus atque ornatissimus nostræ ciuitatis, de cuius laude
 neque hic locus est ut multa dicatur, neque plura tamen
 dici possunt, q̃ populus R. memoria retinet : diē Scaeuola

dixit, posteaquam comperit eum posse uiuere. cum ab eo quæreretur, quid tandem accusaturus esset eū, quem pro dignitate ne laudare quidem quisquā satis cōmode posset: aiunt hominem, ut erat furiosus, restituisse, quod nō totum telum corpore recepisset. quo populus R. nihil uidit indignius, nisi eiusdem uiri mortem: quæ rātū potuit, ut omnes ciues suos perdidit, & afflixerit: quos quia seruare per cōpositionem uolebat, ipse ab ijs interemptus est. est ne hoc illi dicto atque factō Fimbriæ nō simillimū? accusatis Sex. Rosciū: quid ita? quia de manibus uestris effugit, quia se occidi passus nō est. illud, quia in Scæuola factū est, magis indignū uidetur: hoc, quia fit à Chrysogono, nō est ferendum. nā per deos immortales, quid est in hac causa, quod defensionis indigeat? qui locus ingenium patroni requirit, aut oratoris eloquentiā magnopere desiderat? totā causam iud. explicemus, atque ante oculos expositā cōsideremus. ita facillime, quæ res totū iudicium cōtineat, & quibus de rebus nos dicere oporteat, et quid uos sequi cōueniat, intelligetis. Tres sunt res, quā tū ego existimare possum, quæ obsint hoc tempore Sex. Roscio, crimen aduersariorū, & audacia, et potentia. criminis cōfessionē accusator Erutius suscepit: audaciæ partes Rosciū sibi poposcerunt: Chrysogonus autem, is, qui plurimū potest, potentia pugnat. de hisce omnibus rebus me dicere oportere intelligo. quid igitur est? nō eodem modo de omnibus: ideo quoddā prima illa res ad meū officium pertinet, duas autem reliquas uobis populus R. imposuit. ego crimen oportet diluam: uos & audaciæ resistere, & hominum eiusmodi perniciosam atque intolerandā potentiam primo quoque tempore extinguere,

atque opprimere debetis . occidisse patrem Sex. Roscius arguitur . scelestū dī immortales ac nefarium facinus , atque eiusmodi, quo uno maleficio scelera omnia cōplexa esse uideātur . etenim si , id quod praeclare à sapientibus dicitur, uultu saepe laeditur pietas : quod supplicium satis acre reperietur in eū, qui mortem obtulerit parenti ? pro quo mori ipsum, si res postularet, iura diuina atque humana cogeāt ; in hoc tāto, tā atroci, tā singulari maleficio, quod ita raro extitit, ut, si quando auditum sit, portenti ac prodigij simile numeretur, quibus tandem te C. Eruti argumentis accusatorem censes uti oportere ? nonne & audaciam eius, qui in crimen uocetur, singularem ostendere, & mores feros, immanemq; naturā, & uitam uitij flagitijsq; omnibus deditam, & denique omnia ad perniciem profligata atque perditā ? quorum tu nihil in Sex. Roscium, ne obijciendi quidem causa, cōtulisti . patrem occidit Sex. Roscius: qui homo? adolescentulus corruptus, & ab hominibus nequā inductus? annos natus magis quadraginta. uetus uidelicet sicarius, homo audax, & saepe in cāde uersatus? at hoc ab accusatore ne dici quidem audistis. luxuries igitur hominem nimirū, et aeris alieni magnitudo, & indomitae animi cupiditates ad hoc scelus impulerunt . de luxuria purgauit Erutius, cum dixit hunc ne in conuiuium quidem ullo ferē interfuisse . nihil autem unquam debuit . cupiditates porro quae possunt esse in eo, qui, ut ipse accusator obiecit, ruri semper habitaret, & in agro colendo uixeret? quae uita maxime disiuncta à cupiditate, & cum officio coniuncta . quae res igitur tantū istū furorem Sex. Roscio obiecit? patri, inquit, non placebat . patri non placebat? quā ob cau-

sam ? necesse est enim eā quoque iustam, & magnā, &
perspicuam fuisse . nam ut illud incredibile est, mortem
oblatam esse patri à filio sine plurimis & maximis cau-
sis : sic hoc uerisimile non est , odio fuisse parenti filium
sine causis multis, & magnis, & necessarijs . rursus igitur
eodem reuertamur, & queramus , quæ tanta uitia
fuerint in unico filio , quare is patri displiceret . at per-
spicuum est, nullum fuisse . pater igitur amens, qui odise-
ret eum sine causa , quem procrearat . at is quidem fuit
omnium constātiſſimus . ergo illud iam perspicuum pro-
fecto est, si neque amens pater, neque perditus filius fue-
rit, neque odij causam patri, neque sceleris filio fuisse . ne
scio, inquit, quæ causa odij fuerit : fuisse odium intelligo,
quia antea, cū duos filios haberet, illū alterum, qui mor-
tuus est, secum omni tempore uolebat esse, hunc in præ-
dia rustica relegarat. quod Erutio accidebat in mala nu-
gatoriaq; accusatione, idem mihi usu uenit in causa opti-
ma. ille, quo modo crimen cōmentitium cōfirmaret, non
inueniebat : ego, res tam leues quā ratione infirmem ac
diluam, reperire nō possum . quid ais Eruti ? tot prædia,
tam pulchra, tam fructuosa Sex. Roscius filio suo relega-
tionis ac supplicij gratia colenda ac tuenda tradiderat ?
quid hoc ? patresfamilias, qui liberos habent, præsertim ho-
mines illius ordinis, ex municipijs rusticanis, non ne opta-
tissimum sibi putant esse , filios suos rei familiari maxi-
me seruire , & in prædijs colendis operæ plurimum stu-
dijq; cōsumere ? at amandarat hūc sic, ut esset in agro,
ac tantūmodo aleretur ad uillam , ut cōmodis omnibus
careret . quid, si cōstat, hunc non modo colendis prædijs
præfuisse , sed certis fundis patre uiuo frui solitum esse ?

tamen ne hæc attenta uita & rusticana, relegatio atque amandatio appellabitur? uides Eruti, quantū distet argumentatio tua ab re ipsa, atque à ueritate. quod cōsuetudine patres faciunt, id quasi nouū reprehendis: quod beneuolentia fit, id odio factū criminaris. quod honoris causa pater filio suo concessit, id eum supplicij causa fecisse dicis. neq; hæc tu nō intelligis, sed usque ed, quid arguas, nō habes, ut non modo tibi contra nos dicendū putes, uerū etiam contra rerū naturam, contraq; consuetudinem hominū, cōtraq; opiniones omnium. at. n. cum duos filios haberet, alterū à se non dimittebat, alterū ruri esse patiebatur. quæso Eruti, ut hoc in bonā partem accipias: non enim exprobrādi causā, sed cōmonendi gratia dicā. si tibi fortuna nō dedit, ut patre certo nascere, ex quo intelligere posses, qui animus patrius in liberos esset: at natura certe dedit, ut humanitatis nō parū haberes. ed accessit studiū doctrinæ, ut ne à literis quidē alienus esses. ecquid tādē, tibi uidetur (ut ad fabulas ueniamus) senex ille Cæcilianus minoris facere Eutychū filiū rusticū, q̄ illū alterū Cherestratū? (nā, ut opinor, hoc nomine est) alterū in urbe secū honoris causa habere, alterū rus supplicij causa relegasse? quid ad istas ineptias abis, inquires? quasi uero mihi difficile sit quāuis multos nominatim proferre (ne lōgius abeā) uel tribules, uel uicinos meos, qui suos liberos, quos plurimi faciūt, agricolas assiduos esse cupiūt. uerū homines notos sumere odiosum est: cū et illud incertū sit, uelint ne hi sese nominari; et nemo uobis magis notus futurus sit, quā est hic Eutychus; & certe ad rem nihil intersit, utrū hunc ego comicū adolescentem, an aliquem ex agro Veiente nominē: etenim hæc cōficta ar-

bitror à poetis esse, ut effictos nostros mores in alienis personis, expressamq; imaginem nostrā uitæ quotidianæ uideremus. age nunc, refer animū, sis, ad ueritatem, & cōsidera, nō modo in Umbria atque in ea uicinitate, sed in his ueteribus municipiis quæ studia à patribus familias maxime laudentur: iam profecto te intelliges inopia criminū summā laudem Sex. Roscio uitio et culpæ dedisse: at nō modo hoc patrū uolūtate liberi faciunt, sed permultos & ego noui, & nisi me fallit animus, unusquisque uestrū, quī et ipsi incensi sunt studio, quod ad agrū colēdū attinet, uitamq; hāc rusticā, quā tu probro & crimini putas esse oportere, et honestissimā et suauissimā esse arbitrat̃ur. quid censes hūc ipsum Sex. Rosciū, quo studio, et qua intelligētia esse in rusticis rebus? ut ex his propinquis eius, hominibus honestissimis, audio, nō tu in isto artificio accusatorio callidior es, quā hic in suo. uerū, ut opinor, quoniā ita Chrysogono uidetur, qui huic nullū pradium reliquit, & artificium obliuiscatur, & studium deponat, licebit. quod tametsi miserum, & indignum est, feret tamen æquo animo iudices, si per uos uitam & famam potest obtinere. hoc uero est, quod ferri non potest, si & in hanc calamitatem uenit propter pradiorū bonitatem & multitudinem, et, quodd ea studiose coluit, id erit ei maxime fraudi: ut parum miseriæ sit, quodd alijs coluit, nō sibi; nisi etiam, quodd omnino coluit, crimini fuerit. nā tu Eruii accusator esses ridiculus, si illis temporibus natus esses, cum ab aratro arcescebantur, qui Consules fierent: etenim, qui præesse agro colendo flagitium putes, profecto illum Atilium, quem sua manu spargentem semen, qui missi erant, cōuenerūt, hominem turpissimum, atque

inhonestissimum iudicares. at hercule maiores nostri longe aliter & de illo, et de cæteris talibus uiris existimabāt: itaque ex minima tenuissimaq; Rep. maximā & florentissimā nobis reliquerūt: suos. n. agros studiose colebāt, nō alienos cupide appetebāt: quibus rebus, & agris, & urbibus, & nationibus Remp. atque hoc imperium, et populi R. nomen auxerūt. neque ego hæc eo profero, quo cōferenda sint cū hisce, de quibus nūc querimus; sed ut illud intelligatur, cum apud maiores nostros summi uiri, clarissimiq; homines, qui omni tempore ad gubernacula Reip. sedere debebant, tamē in agris quoque colendis aliquantū operæ, temporisq; consumpserint; ignosci oportere ei homini, qui se fateatur esse rusticum, cum ruri assiduus semper uixerit; cum præsertim nihil esset, quod aut patri gratius, aut sibi incūdius, aut re uera honestius facere posset. odium igitur acerrimum patris in filium ex hoc opinor ostenditur Eruti, quod hūc ruri esse patiebatur. nūquid est aliud? immo uero, inquit, est: nā istum exheredare in animo habebat. audio. nūc dicis aliquid, quod ad rem pertineat. nā illa opinor tu quoque cōcedis leuia esse atque inepta. cōiunia cū patre non inibat: quippe qui ne in oppidū quidem nisi perraro ueniret. domū suā istū non ferē quisquā uocabat: nec mirū, quem neque in urbe uideret, neque rure uocaturus esset. uerū hæc quoque tu intelligis esse nugatoria. illud, quod coepimus, uideamus, quo certius argumentū odiū reperiri nullo modo potest. exheredare pater filium cogitabat. mitto querere, qua de causa: quero, qui scias: tametsi te dicere atque enumerare causas omnes oportebat: & id erat certi accusatoris officium, qui tanti sceleris argueret,

explicare omnia uitia, atque peccata filij, quibus incēsus
 parens potuerit animū inducere, ut naturam ipsam uin-
 ceret, ut amorem illum penitus insitū eijceret ex animo,
 ut denique patrem esse sese obliuisceretur: quæ sine ma-
 gnis huiusce peccatis accidere potuisse nō arbitror. uerū
 concedo tibi, ut ea prætereas, quæ cū taces, nulla esse con-
 cedis. illum quidem uoluisse exheredare, certe tu planū
 facere debes. quid ergo affers, quare id factum pute-
 mur? uere nihil potes dicere. finge aliquid saltem cōmo-
 de, ut ne planē uidearis id facere, quod aperte facis, hu-
 ius miseri fortunis, & horū uirorum talium dignitati il-
 ludere. exheredare filium uoluit: quā ob causam? ne-
 scio. exheredauit ne? nō. quis prohibuit? cogitabat.
 cogitabat? cui dixit? nemini. quid est aliud, iudicio, ac
 legibus, ac maiestate uestra abuti ad quæstū, atque ad li-
 bidinem, nisi hoc modo accusare, atque id obijcere, quod
 planū facere nō modo nō possis, uerū ne coneris quidem?
 nemo nostrū est Eruti, quin sciat tibi inimicitias cū Sex.
 Roscio nullas esse: uident omnes, qua de causa huic inimi-
 cus uenias: sciunt huiusce pecunia te adductum esse.
 quid ergo est? ita tamē quæstus te cupidū esse oportebat,
 ut horum existimationem, & legem Memmiam putares
 aliquid ualere oportere. accusatores multos esse in ciuita-
 te utile est, ut metu contineatur audacia. uerūtamen hoc
 ita est utile, ut ne planē illudamur ab accusatoribus. in-
 nocens est quispiam: uerūtamen, quāquā abest à culpa,
 suspitione tamen non caret. tametsi miserū est, tamen
 ei, qui hunc accuset, possim aliquo modo ignoscere: cum
 enim aliquid habeat, quod possit criminosè ac suspiciosè
 dicere, aperte ludificari, & calumniari sciens non uideat.

tur. quare facile omnes patimur esse quāplurimos accusa-
tores; quōd innocēs, si accusatus sit, absolui potest; nocēs,
nisi accusatus fuerit, condēnari nō potest. utilius est autē
absolui innocentem, quā nocētem causam non dicere.
anseribus cibaria publice locantur, & canes aluntur in
Capitolio, ut significant, si fures uenerint. at fures inter-
noscere nō possunt, significāt tamen, si qui noctu in Ca-
pitoliū uenerint: & quia id est sufficiosum, tamen si be-
stia sunt, tamen in eā partem potius peccāt, quā est cau-
tior. quōd si luce quoque canes latrēt, cū deos salutātū ali-
qui uenerint: opinor, iis crura suffringantur, quōd acres
sint etiā tū, cū suspicio nulla sit. simillima est accusatorū
ratio. alij uestrum anseres sunt, qui tantūmodo clamāt,
nocere non possunt: alij canes, qui & latrare, & morde-
re possunt. cibaria uobis prāberi uidemus: uos autem ma-
xime debetis in eos impetum facere, qui merentur. hoc pō-
pulo gratissimum est. deinde si uoletis, etiam tū, cū ue-
rissimile erit aliquem cōmisisse, in suspicione latratote. id
quoque cōcedi potest. sin autem sic agetis, ut arguatis ali-
quem patrē occidisse, neque dicere possitis aut quare, aut
quo modo, ac tantūmodo sine suspicione latrabitis: crura
quidem uobis nemo suffringet; sed, si ego hos bene noui,
literam illam, cui uos usque ed inimici estis, ut etiā eas o-
mnes oderitis, ita uehementer ad caput affigent, ut po-
stea neminē aliū nisi fortunas uestras accusare possitis.
quid mihi ad defendendum dedisti bone accusator? quid
hisce autem ad suspicandum? ne exheredaretur, ueritus
est. audio: sed quā de causa uereri debuerit, nemo dicit.
habebat pater in animo: planū fac. nihil est, nō, qui cum
deliberarit, quē certiozem fecerit, unde istud uobis suspi-

cari in mentem uenerit. cū hoc modo accusas Eruti, non
 ne hoc palā dicis? ego, quid acceperim, scio: quid dicā, ne-
 scio. unū illud spectāui, quod Chrysogonus aiebat, neminē
 isti patronū futurū: de bonorū emptione, deq; ea societa-
 te neminem esse, qui uerbū facere hoc tempore auderet.
 hæc te opinio falsa in istā fraudem impulit. nō mehercu-
 le uerbū fecisses, si tibi quēquam restōsurū putasses. ope-
 rapretiū erat, si animaduertistis iudices, negligentia eius
 in accusando considerare. credo, cū uidisset, qui homines
 in hisce subsellijs sederent, quasipse, num ille, aut ille defen-
 surus esset; de me ne suspicatu quidē, quod antea causam
 publicā nullam dixerim. posteaquam inuenit, neminē eo-
 rum, qui possunt, & solent: ita negligens esse cōpit, ut,
 cū in mentem ueniret ei, resideret, deinde spatia retur, nō
 nunquā etiam puerum uocaret, credo cui cōnā impera-
 ret, prorsus ut uestro confesso, & hoc conuētū pro sum-
 ma solitudine abuteretur. perorauit aliquando, assedit.
 surrexi ego. respirare uisus est, quod non alius potius di-
 ceret. cōpi dicere. usque eō animaduerti iudices eum ioca-
 ri, atque alias res agere, antequam Chrysogonū nomina-
 ui. quē simul atque attigi, statim homo se erexit, mirari
 uisus est. intellexi, quid eū pupugisset. iterū, ac tertio no-
 minaui. postea homines cursare ultro & citro nō desti-
 terunt, credo, qui Chrysogono nunciarent, esse aliquē in
 ciuitate, qui contra uoluntatem eius dicere auderet; aliter
 causam agi, atque ille existimaret; aperiri bonorū emptio-
 nem, uexari pessime societatem, gratiā potentiamq; eius
 negligi, iudices diligenter attendere; populo rē indignā
 uideri. quæ quoniam te fefellerunt Eruti; quoniamq;
 uides uersa esse omnia, causam pro Sex. Roscio si

non commode, at libere dici; quem dedi putabas, defendi intelligis; quos tradituros sperabas, uides iudicare: restitue nobis aliquando ueterem tuā illā calliditatem, atque prudentiā: cōfiteri huc ea spe uenisse, quod putares hic latrocinium, nō iudicium futurū. de parricidio causa dicitur. ratio ab accusatore reddita non est, quā ob causam patrem filius occiderit. quod in minimis noxis, et in his leuioribus peccatis, quæ magis crebra, & iam propè quotidiana sunt, maxime, & primū quæritur, quæ causa maleficij fuerit; id Erutius in parricidio quæri nō putat oportere. in quo scelere iudices, etiam cū multa causa conuenisse unū in locū, atque inter se congruere uidentur; tamen nō temere creditur, neque leui cōiectura res penditur, neque testis incertus auditur, neque accusatoris ingenio res iudicatur; cū multa antea cōmissa maleficia, tū uita hominis perditissima, tū singularis audacia ostēdatur, necesse est, neque audacia solū, sed summus furor, atque amentia. hæc cū sint omnia, tamē extant oportet expressa sceleris uestigia, ubi, qua ratione, per quos, quo tempore maleficium sit admissum. quæ nisi multa, & manifesta sunt, profecto res tam scelestā, tam atrox, tam nefaria credi nō potest: magna est. n. uis humanitatis: multū ualeat cōmunio sanguinis: reclamitat istiusmodi suspicionibus ipsa natura: portentū atque mōstrū certissimum est, esse aliquem humana specie, & figura, qui tantū immanitate bestias uicerit, ut, propter quos hanc suauissimam lucem aspexerit, eos indignissime luce priuarit, cū etiam feras inter sese partus, atque educatio, & natura ipsa cōciliet. nō ita multis ante annis aiunt T. Clælium quendā Terracinensem, hominē nō obscurū,

cum

cum cœnatus cubitum in idem conclave cū duobus adolescentibus filiis isset, inuentū esse mane iugulatū. cū neque seruus quisquam reperiretur, neque liber, ad quem ea suspicio pertineret; id ætatis autem duo filij propter cubantes ne sensisse quidē se dicerent: nomina filiorum de parricidio delata sunt. quid postea? erat sanē suspiciosum. neutrū sensisse? ausum autem esse quenquam se in id conclave cōmittere, eo potissimū tempore, cū ibidem essent duo adolescentes filij, qui & sentire, & defendere facile possent: erat porro nemo, in quem ea suspicio conueniret. tamen cum planum iudicibus esset factum, aperto ostio dormientes eos repertos esse: iudicio absoluti adolescentes, & suspicione omni liberati sunt; nemo enim putabat quenquam esse, qui, cum omnia diuina atque humana iura scelere nefario polluisset, summum statim capere potuisset: propterea quod qui tantum facinus cōmiserunt, non modo sine cura quiescere, sed ne spirare quidē sine metu possunt. uidetis ne, quos nobis poeta tradiderūt patris ulciscendi causa suppliciū de matre sumpsisse, cū præsertim deorū immortalīū iussis atq; oraculis id fecisse dicantur; tamen ut eos agitent furia, neq; cōsistere usquā patiātur? quod ne pī quidem sine scelere esse potuerunt. sic se res habet iudices, magnam uim, magnā necessitatem, magnā possidet religionem paternus, maternusq; sanguis. ex quo si qua macula cōcepta est, non modo elui nō potest, uerū usq; eō perueniat ad animū, ut summus furor, atq; amentia consequatur. nolite. n. putare, qui madmodū in fabulis sæpe numero uidetis, eos, qui aliquid impie sceleratēq; cōmiserint, agitari, & perterriti furiarū tedīs ardentibus. sua

quenque fraudes, et suus terror maxime uexat: suū quēq;
 scelus agitat, amētiaq; afficit: suā male cogitationes, cō-
 scientiaq; animi terrent. hae sunt impijs assidue domesti-
 caeq; furiae, quae dies noctesq; parentū poenas à conscclera-
 tissimis filijs repetant. hac magnitudo maleficij facit, ut,
 nisi penē manifestum parricidiū proferatur, credibile nō
 sit; nisi turpis adolescentia, nisi omnibus flagitijs uita in-
 quinata, nisi sumptus effusi cū probro atq; dedecore, nisi
 prorupta audacia, nisi tāta temeritas, ut nō procul abhor-
 reat ab insania. accedat huc oportet odium parētis, ani-
 ma ductionis paternae metus, amici improbi, serui cōscij,
 rēpus idoneū, locus opportune captus ad eā rem: penē di-
 cam, respersas manus sanguine paterno iudices uideant,
 oportet, si tantū facinus, tā immane, tam acerbū creditu-
 ri sunt. quare hoc quo minus est credibile, nisi ostēditur;
 eo magis est, si cōuincitur, uindicandū. itaque cū multis
 ex rebus intelligi potest, maiores nostros nō modo armis
 plus, quā ceteras nationes, uerū etiā consilio sapientiaq;
 potuisse; tū ex hac re uel maxime, quodd in impios singu-
 lare supplicium inuenerūt. qua in re quantū prudentia
 praestiterint ijs, qui apud ceteros sapientissimi fuisse dicū-
 tur, considerate. prudētissima ciuitas Atheniensiu, dum
 ea rerū potita est, fuisse traditur. eius porro ciuitatis sa-
 pientissimū Solonē dicunt fuisse, eū, qui leges, quibus ho-
 die quoque utūtur, scripserit. is cum interrogaretur, cur
 nullum supplicium constituisset in eum, qui parentē ne-
 casset: respondit, se id neminē facturum putasse. sapien-
 ter fecisse dicitur, cum de eo nihil sanxerit, quod antea
 cōmissum non erat; ne non tam prohibere, quā admo-
 nere uideretur. quāto maiores nostri sapientius, qui, cum

Intelligent, nihil esse tam sanctum, quod non aliquando violaret audacia, supplicium in parricidas singulare excogitauerunt: ut, quos natura ipsa retinere in officio non potuisset, ij magnitudine poenae maleficio summoveantur: insui uoluerunt in culleū uiuos, atque ita in flumen deiçci. d. singularem sapientiam iudices. non ne uidentur hūc hominem ex rerum natura sustulisse et eripuisse, cui repente cœlum, solem, aquam, terramq; ademerunt? ut, qui eum necasset, unde ipse natus esset; caderet ijs rebus omnibus, ex quibus omnia nata esse dicuntur. noluerūt feris corpus obijcere, ne bestijs quoque, quæ tantum scelus attigissent, inhumanioribus uteremur: non sic nudos in flumen deiçcere, ne, cum delati essent in mare, ipsum polluerent, quo cætera, quæ uiolata sunt, expiari putantur. denique nihil tam uile; neque tam uulgaris est, cuius partem ulla reliquerint: etenim quid tam commune, quā spiritus uiuū? terra mortuū? mare fluctuantibus? litus ciectis? ita uiuunt, dum possunt; ut ducere animam de cœlo non queant: ita moriuntur, ut eorum ossa terra non tangat: ita iactantur fluctibus, ut nunquam abluantur: ita postremo eijciuntur, ut ne ad saxa quidē mortuū conuiescāt. tanti maleficij crimen, cui maleficio tam insigne suppliciū est constitutum, probare te Eruti censes posse talibus uiris, si ne causam quidē maleficij protuleris? si hunc apud bonorū emptores ipsos accusares, eiq; iudicio Chrysogonus præset, tamē diligentius paratiusq; uenisses. utrū, quid agatur, nō uides; an, apud quos agatur? agitur de parricidio: quod sine multis causis suscipi non potest. apud homines autem prudentissimos agitur: qui intelligunt neminem ne

minimum quidem maleficiū sine causa admittere. esto:
 causam proferre non potes. tametsi statim uicisse debeo,
 tamen de meo iure decedam, et tibi, quod in alia causa
 non concederem, in hac concedam, fretus huius innocen-
 tia. non quero abs te, quare patrem Sex. Roscius occide-
 rit: quero, quo modo occiderit. ita quero abs te C. Eruel
 quo modo, et sic tecum agam, ut in eo loco uel responde-
 di, uel interpellandi tibi potestatem faciam, uel etiam, si
 quid uoles, interrogādi. quo modo occidit: ipse percussit,
 an alijs occidendum dedit? si ipsum arguis, Romæ non
 fuit. si per alios fecisse dicis: quero, seruos ne, an liberos?
 quos homines? indidem ne Ameria, an hosce ex Vrbe si-
 carios? si Ameria, qui sunt hi? cur non nominantur? si
 Roma, unde eos nouerat Roscius? qui Romā multis an-
 nis non uenit, neq; unquā plus triduo fuit. ubi eos conue-
 nit? quicum locutus est? quo modo persuasit? pretium
 dedit? cui dedit? per quem dedit? unde, aut quantum
 dedit? nō ne his uestigijs ad caput malefici perueniri so-
 let? Et simul tibi in mentem ueniat facito, quemadmo-
 dum uita huiusce depinxeris: hūc hominē ferū, atq; agre-
 stem fuisse: nunquā cū homine quoquā collocutū esse:
 nūquā in oppido cōstitisse. qua in re prætereo illud, quod
 mihi maximo argumēto ad huius innocentia poterat esse:
 in rusticis moribus, in uictu arido, in hac horrida, incul-
 taq; uita, istiusmodi maleficia gigni non solere. ut non
 omnē frugē neq; arborē in omni agro reperire possis: sic
 nō omne facinus in omni uita nascitur. in urbe luxuries
 creatur: ex luxuria existat auaritia necesse est, ex auaritia
 erumpat audacia: inde omnia scelera ac maleficia
 gignūtur. uita autē hæc rustica, quam tu agrestem uo-

cas, parsimonia, diligentia, iustitia magistra est. uerum
 hac missa facio: illud quaero, is homo, qui, ut tute dicis,
 nunquā inter homines fuerit, per quos homines hoc tātū
 facinus, tam occultū, absens praesertim, cōficere potuerit.
 multa sunt falsa iudices, quae tamē argui suspiciose pos=
 sunt: in his rebus si suspicio reperta erit, culpā inesse con=
 cedam. Romae Sex. Roscius occiditur, cum in agro Ame=
 rino esset filius. literas, credo, misit alicui sicario, qui Ro=
 mae nouerat neminē. arcessiuit aliquē: at quādo? nun=
 cium misit: quē? aut ad quem? pretio, gratia, spe, pro=
 missis induxit aliquē: nihil horū ne confingi quidē po=
 test: & tamen causa de parricidio dicitur. reliquū est,
 ut per seruos id admiserit. ò dī immortales, rem miserā
 & calamitosam. quod in tali crimine innocēti saluti so=
 let esse, ut seruos in quāstionē polliceatur: id Sex. Roscio
 facere nō licet: uos, qui hūc accusatis, omnes eius seruos
 habetis: unus puer uictus quotidiani administer ex tāta
 familia Sex. Roscio relictus nō est. te nūc appello P. Sci=
 pio, te Metelle: uobis aduocatis, uobis agētibus, aliquoties
 duos seruos paternos in quāstionē ab aduersarijs Sex. Ro=
 scius postulauit. meministis ne T. Rosciū recusare? quid?
 ij serui ubi sunt? Chrysogonū iudices seclantur, apud eū
 sunt in honore, et in pretio. etiā nūc, ut ex his quærat,ur,
 ego postulo, hic orat, atq; obsecrat. quid facitis? cur recu=
 satis? dubitate etiā nūc iudices, si potestis, a quo sit Sex.
 Roscius occisus: ab eo ne, qui propter illius mortē in ege=
 state & insidijs uersatur, cui ne quæredī quidē de mor=
 te patris potestas permittitur; an ab ijs, qui quāstionem
 fugitāt, bona possidēt, in cade, atq; ex cade uiuūt. omnia
 iudices in hac causa sunt misera, atq; indigna, tamē hoc

nihilneque acerbius,neque iniquius proferri potest. mortis paternæ de seruis paternis quæstionē habere filio nō licet. ne tandiu quidem dominus erit in suos, dum ex ijs de patris morte quærat. ueniā, neque ita multo post, ad hunc locum: nam hoc totum ad Roscios pertinet: de quorum audacia tum me dicturum pollicitus sum, cum Eruti crimina diluissē. Nūc Eruti ad te uenio. cōueniat mihi tecum, necesse est; si ad hūc maleficiū istud pertinet, aut ipsum sua manu fecisse, id quod negas; aut per aliquos liberos, aut seruos. liberos ne? quos neque ut conuenire potuerit, neque qua ratione inducere, neque ubi, neq; per quos, neq; quā spē, aut quo pretio, potes ostēdere. ego contra ostēdo, nō modo nihil eorū fecisse Sex. Roscium, sed ne potuisse quidem facere, quod neq; Roma multis annis fuerit, neque de prædijs unquā temere discesserit. restare tibi uidebatur seruorum nomen, quod, quasi in portum reiectus à cæteris suspicionibus, confugere posses: ubi scopulum offendis eiusmodi, ut non modo ab hoc crimē resilire uideas, uerum omnem suspicionem in uosmet ipsos recidere intelligas. quid est ergo, quod tandem accusator inopia argumentorum confugerit? eiusmodi tempus erat, inquit, ut homines uulgo impune occiderentur. quare tu hoc, propter multitudinē sicariorum, nullo negotio facere potuisti. interim mihi uideris Eruti una mercede duas res assequi uelle, nos iudicio perfundere, accusare autē eos ipsos, à quibus mercedē accepisti. quid ais? uulgo occidebantur? per quos? et à quibus? nō ne cogitas te à secltoribus huc adductū esse? quid postea? nescimus, per ista tempora eosdem ferē secltores fuisse collorum, & bonorū? ij denique, qui tum armati

dies noctesq; concursabant, qui Romæ erant assidui, qui omni tempore in præda et sanguine uersabantur, Sex; Roscio temporis illius acerbitate iniquitatemq; obijciēt? & illam sicariorum multitudinem, in qua ipsi duces ac principes erant, huic crimini putabunt fore? qui nō modo Romæ nō fuit, sed omnino, quid Romæ ageretur, nesciret, propterea quodd ruri assiduus, quemadmodū tute cōfiteris, fuit. Vereor, ne aut molestus sim uobis iudices, aut ne ingenij uestri uidear dissidere, si de tam perspi-
cuis rebus diutius differā. Erutij criminatio tota, ut arbitror, dissoluta est: nisi forte expectatis, ut illa diluā, quæ de peculatu, ac de eiusmodi rebus cōmētijs, inaudita nobis ante hoc tēpus ac noua, obiecit. quæ mihi iste uisus est ex alia oratione declamare, quā in aliū rcū cōmēta retur: ita neque ad crimē parricidij, neq; ad eū, qui causam dicit, pertinebant. de quibus quoniā uerbo arguit, uerbo satis est negare. si quid est, quod ad testes reseruet; ibi nos quoq; ut in ipsa causa, paratiores reperiet, quā putabat. Venio nūc eō, quod me nō cupiditas ducit, sed fides: nā si mihi liberet accusare, accusarem alios potius, ex quibus possem crescere: quod certū est nō facere, dum utrumuis licebit: is. n. mihi uidetur amplissimus, qui sua uirtute in altiorē locū peruenit, nō qui ascēdit per alterius incōmodum et calamitatē. desinamus aliquādo ea scrutari, quæ sūt inania: quæramus, ubi maleficiū et est, et inueniri potest. iā intelliges Eruti, certū crimē quā multis suspicionibus coarguatur. tametsi neque omnia dicā, et leuitur unūquodque tangā: neque. n. id facerē, nisi necesse esset: et id erit signi, me inuitū facere, q nō prosequar lōgius, quā salus huius, et mea fides postulabit.

causam tu nullā reperiebas in Sex. Roscio: at ego in T. Roscio reperio: tecū. n. mihi res est T. Rosci, quoniā istic sedes, ac te palām aduersariū esse profiteris. de Capitone post uiderimus, si, quemadmodū paratū esse audio, testis prodierit. tū alias quoq; suas palmas cognosceret, de quibus me ne audisse quidē suspicatur. L. Cassius ille, quē populus R. uerissimū et sapiētissimū iudicē putabat, idē tidem in causis querere solebat, cui bono fuisset. sic uita hominū est, ut ad maleficiū nemo conetur sine spe, atque emolumento accedere. hūc quāsitore, ac iudicē fugiebāt, atq; horrebāt ū, quibus periculū creabatur: ideo quod, tametsi ueritatis erat amicus, tamē natura nō tam propēsus ad misericordiā, q̄ inclinatus ad seueritatē uidebatur. ego, quāquā praeest huic quāstioni et contra audaciā fortissimus, et ab innocentia clemētissimus, tamē facile me paterer, uel illo ipso acerrimo iudice quārente, uel apud Cassianos iudices, quorū etiā nunc ū, quibus causa dicenda est, nomē ipsum reformidāt, pro Sex. Roscio dicere: in hac. n. causa cū uiderent illos amplissimā pecuniā possidere, hūc in summa mēdicitate esse, illud quidē nō quārerent, cui bono fuisset; sed eō perspicuū crimen, & suspicionē potius ad praeda adiūgerēt, q̄ ad egestatē. quid, si accedit eodē, ut tenuis antea fueris? quid, si, ut auarus? quid, si, ut audax? quid, si, ut illius, qui occisus est, inimicissimus? num quārenda causa, quae te ad tantū facinus adduxerit? quid ergo horum negari potest? tenuitas hominis eiusmodi est, ut dissimulari nō queat, atq; eo magis eluceat, quo magis occultatur. auaritiā praefers, qui societate coieris de municipis, cognatiq; fortunis cum alienissimo. quā sis audax (ut alia obliuiscar) hinc omnes

intelligere potuerūt, quod ex tota societate, hoc est ex tot
 sicarijs, solus tu inuētus es, qui cū accusatoribus sederes,
 atq; os tuū non modo ostenderes, sed etiā offerres. inimī
 citias tibi fuisse cū Sex. Roscio, et magnas rei familiaris
 cōtrouersias, cōcedas necesse est. restat iudices, ut hoc du
 bitemus, uter potius Sex Rosciū occiderit: is, ad quē mor
 te eius diuitia uenerint; an is, ad quē mendicitas: is, qui
 antea tenuis fuerit; an is, qui postea factus sit egentissi
 mus: is, qui ardēs auaritia feratur infestus in suos; an
 is, qui semper ita uixerit, ut quæstū nosset nullū, fructum
 autē eum solū, quem labore peperisset: is, qui omnīū se
 Etorum audacissimus sit; an is, qui propter fori iudicio
 rumq; insolentiā nō modo subsellia, uerū etiā urbem ip
 sam reformidat: postremo iudices, id quod ad rem mea
 sentētia maxime pertinet, utrū inimicus potius, an filius.
 hæc tu Eruti tot et tāta si nactus esses in reo, quā diu di
 ceres? quo te modo iactares? tēpus hercule te citius, quā
 oratio deficeret: etenim in singulis rebus eiusmodi maté
 ries est, ut dies singulos possis cōsumere: neq; ego nō pos
 sum: nō enim mihi tantum derogo, tamen si nihil arrogo,
 ut te copiosius, quā me, putē posse dicere. uerū ego for
 sitan propter multitudinē patronorū in grege annume
 rer: te pugna Cannēsis accusatorē sat bonū facit. mul
 tos casus nō ad Thrasimenū lacū, sed ad Seruiliū uidi
 mus, quis ibi nō est uulneratus ferro Phrygio? non neces
 se est omnes cōmemorare, Curtios, Marios, denique Ma
 mercos, quos iā etas a prælijs auocabat: postremo Prias
 mum ipsum, senem Antistiliū, quem non modo etas, sed
 etiā leges pugnare prohibebant. iam quos nemo propter
 ignobilitatem nominat, sexcenti sunt, qui inter sica

rios, & de ueneficijs accusabāt. qui omnes (quod ad me
 attinet) uellem uiuerent: nihil. n. mali est, canes ibi quā
 plurimos esse, ubi permulti obseruandi, multa q; seruan
 da sunt. uerum (ut sit) multa saepe imprudentibus impe
 ratoribus uis belli, ac turba molitur. dum is in alijs re
 bus erat occupatus, qui summā rerū administrabat: erāt
 interea, qui suis uulneribus mederentur, qui, tanquam
 si offusa Reip. sempiterna nox esset, ita ruebant in tene
 bris, omnia q; miscebant. à quibus miror, ne quod iudi
 ciorū esset uestigiū, nō subsellia quoque esse combusta:
 nam & accusatores, & iudices sustulerunt. hoc cōmodū
 est, quōd ita uixerūt, ut testes omnes, si cuperēt, interfice
 re nō possent: nam, dum hominum genus erit; qui accu
 set eos, non deerit: dum ciuitas erit, iudicia fient. uerū,
 ut cōpi dicere, et Erutius, hac si haberet in causa, quæ
 cōmemorauī, posset ea quāuis diu dicere, & ego iudices
 possum: sed in animo est (quemadmodū ante dixi) leui
 ter trāsire, ac tantūmodo perstringere unāquāque rem;
 ut omnes intelligāt, me nō studio accusare, sed officio de
 fendere. Video igitur causas esse permultas, quæ istum
 impellerent. uideamus nunc, ecquæ facultas suscipiendi
 maleficiū fuerit. ubi occisus est Sex. Roscius? Romæ. quid
 tu Rosci ubi tunc eras? Romæ. uerum quid ad rem? &
 alij multi. quasi nunc id agatur, qui ex tanta multitu
 dine occiderit, ac non hoc quærat, eum, qui Romæ sit
 occisus, utrum uerisimilius sit ab eo esse occisum, qui assi
 duus eo tempore Romæ fuerit; an ab eo, qui multis an
 nis Romam omnino non accesserit. age nunc, ceteras fa
 cultates quoque consideremus. erat tum multitudo sica
 riorum, id quod commemorauit Erutius: et homines im

pune occidebantur. quid? ea multitudo quæ erat? opior, aut eorum, qui in bonis erant occupati, aut eorum, qui ab ijs cõducebantur, ut aliquem occiderent. si eos putas, qui alienũ appetebant; tu es in eò numero, qui nostra pecunia diues es: sin eos, quos, qui leuiore nomine appellat, percussores uocat; quare, in cuius fide sint et clietela: mihi crede, aliquẽ de societate tua reperies. et quidquid tu cõtra dixeris, id cum defensione nostra corẽdito. ita facillime causa Sex. Roscij cũ tua cõferetur. dices, quid postea, si Romæ assiduus fui? respõdebo: at ego omnino non fui. fateor me sectorem esse, uerum et alij multum: at ego (ut tute arguis) agricola et rusticus. non continuo, si me in gregẽ sicariorũ contuli, sum sicarius: at ego profecto, qui ne noui quidẽ quenquã sicarium, lõge absum ab etusmodi crimine. permulta sunt, quæ dici possunt, quare intelligatur summã tibi facultatẽ fuisse maleficiũ suscipiendi: quæ nõ modo iccirco prætereo, quod te ipsum nõ libenter accuso; uerum eo magis etiã, quod, si de illis cõdibus uelim cõmemorare, quæ tum factæ sunt ista eadẽ ratione, qua Sex. Roscius occisus est, uereor ne ad plures oratio mea pertinere uideatur. uideamus nũc stricim, sicut cetera, quæ post mortem Sex. Roscij abste T. Rosci facta sunt: quæ ita aperta et manifesta sunt, ut medijsfidijs iudices inuitus ea dicam: uereor enim, cuius cuiusmodi es Rosci, ne ita hunc uidear uoluisse seruare, ut tibi omnino nõ pepercerim. cum hoc uereor; et cupio tibi aliqua ex parte, quod salua fide possim, parcere, rursus immuto uoluntatem meam: uenit enim mihi in mentem oris tui. te'ne, cum ceteri socij tui fugerent ac se occultarent, ut hoc iudicium non de illorum præda, sed de

huius maleficio fieri uideretur; potissimum tibi partes istas depoposcisse, ut in iudicio uersarere, & sederes cum accusatore? qua in re nihil aliud assequeris, nisi ut ab omnibus mortalibus audacia tua cognoscatur, & impudentia. occiso Sex. Roscio, qui primus Ameriam nūciat? Mallius Glaucia, quē iam antea nominavi, tuus cliēs et familiaris. quid attinuit eum potissimū nunciare, quod, si nullū iam ante consiliū de morte, ac de bonis eius inieras, nullamq; societate neq; sceleris, neq; prēmij cum homine ullo coieras, ad te minime omniū pertinebat? sua sponte Mallius nūciat? quid, quæso, eius intererat? an, cū Ameriam non huiusce rei causa uenisset, casu accidit, ut id, quod Rōmæ audierat, primus nūciaret? cuius rei causa uenerat Ameriā? nō possum, inquit, diuinare. ed rem iā adducā, ut nihil diuinatione opus sit. qua ratione Roscio Capitonī primum nūciauit? cum Ameria Sex. Roscij domus, uxor, liberiq; essent, cū tot propinquī cognatiq; optime cōuenientes, quā ratione factum est, ut iste tuus cliens, sceleris tui nūcius T. Roscio Capitoni potissimum nūciaret? occisus est à cœna rediens. nōdum lucebat, cum Ameriā scitū est. quid hic incredibilis cursus? quid hæc tanta celeritas, festinatioq; significat? non quæro, quis percussit. nihil est Glaucia, quod metuas: nō excutio te, si quid forte ferri habuisti, nō scrutor: nihil ad me arbitror pertinere. quoniā, cuius consilio occisus sit, inuenio; cuius manu sit percussus, nō laboro. unū hoc sumo, quod mihi apertum tuū scelus, resq; manifesta dat: ubi, aut unde audiuit Glaucia, qui tam cito sciuit? fac audisse statim. quæ res eum nocte una tantū itineris cōtendere coegit? quæ necessitas eū tāta premebat, ut, si

sua sponte iter Ameriam faceret, id tēporis Roma proficisceretur? nullam partē noctis requiesceret? etiā ne in tam perspicuis rebus argumētatio quærenda, aut coniectura capiēda sit? nō ne uobis hac, quæ audistis, cernere oculis uidemini iudices? nō illum miserum, ignarū casus sui, redeūtem à coena uidetis? nō possitas insidias? non impetū repentinum? nō uersatur ante oculos uobis in cade Glaucia? non adest iste T. Roscius? non suis manibus in curru collocat Autumedontē illum, sui sceleris acerbissimi, nefariæq; uictoriæ nunciū? nō orat, ut eā noctē peruiigilet? ut honoris sui causa laboret? ut Capitonī quā primum nunciet? quid erat, quod Capitonē primū scire uolueris? nescio: nisi hoc uideo, Capitonē in his bonis esse sociū: de tribus et decem fundis tres nobilissimos fundos eum uideo possidere. audio præterea, nō hanc suspiciōē nunc primū in Capitonem cōferri, multas esse infames palmas, hāc primā esse tamē lemniscatā, quæ Romæ deferatur: nullum modū esse hominis occidendi, quo ille nō aliquot occiderit: multos ferro, multos ueneno. habeo etiam dicere, quē, contra morem maiorū, minorem annis LX, de pōte in Tyberim deiecerit. quæ, si prodierit, atq; adeo cū prodierit, scio. n. proditurū esse, audiet: ueniat modo, explicet suū uolumen illud: quod ei planū facere possum Erutiū conscripsisse: quod aiūt illum Sex. Roscio intentasse, et minitātū esse, se omnia illa pro testimonio esse dicturū. ò præclarū testem iudices: ò grauitatem dignam expectatione: ò uitā honestam, atq; eiusmodi, ut libentibus animis ad eius testimoniū uestrū iusurandum accomodetis. profecto nō tam perspicue istorū maleficia uideremus, nisi ipsos cacos redderet cupiditas, et auaritia

Et audacia. alter ex ipsa cæde uolucrum nuncium Ameriam ad socium, atq; ad magistrum suum misit, ut, si dissimulare omnes cuperët se scire ad quem maleficium pertineret, tamē ipse apertum suum scelus ante omnium oculos poneret. alter (si dijs immortalibus placet) testimonium etiam in Sex. Roscium dicturus est: quasi uero id nunc agatur, utrū id, quod dixerit, credendum, an, quod fecerit, iudicandū sit. itaque more maiōrū cōparatum est ut in minimis rebus homines amplissimi testimonium de sua re nō dicerent. Africanus, qui suo cognomine de clarat tertiam partē orbis terrarū se subegissē, tamen, si sua res ageretur, testimoniū non diceret. nam illud in tā lē uirū non audeo dicere: si diceret, nō crederetur. uide-
 re nūc, quā uersa et mutata in peiorē partē sint omnia. eum de bonis, et de cæde agatur, testimonium dicturus est is, qui et sector est, et sicarius, hoc est, qui et illorū ipsorū bonorū, de quibus agitur, emptor atq; possessor est, et eum hominē occidendū curauit, de cuius morte quæritur. quid tu uir optime? ecquid habes, quod dicas? mihi ausculta, uide ne tibi desis: tua quoq; res permagna agitur. multa scelerate, multa audacter, multa improbe fecisti, unū stultissime, profecto tua sponte, non de Erutij sentētia. nihil opus fuit te isti credere: neq; n. accusatore muto, neque teste quisquā utitur eo, qui de accusatoris subsellio surgit. huc accedit, quodd paulo tamē occultior, atq; rectior uestra ista cupiditas esset. nūc quid est, quod quisquā ex uobis audire desideret? cū, quæ facitis, eius-
 modi sint, ut ea dedita opera à uobis cōtra uosmet ipsos facere uideamini. Age, nunc illa uideamus iudices, quæ statim consecuta sunt. ad Volaterras in castra L. Sylla

mors Sex. Roscij quatruiduo, quo is occisus est, Chrysogono nunciatur. queritur etiam nunc, quis cum nuncium miserit: nō ne perspicuum est, eundē, qui Ameriam? curat Chrysogonus, ut eius bona ueneant statim. qui nō norat hominē, aut rem? atqui ei uenit in mentē prœdia cōcupiscere hominis ignoti, quē omnino nunquā uiderat. soletis, cum aliquid huiuscemodi auditis iudices, cōtinuo dicere, necesse est aliquē dixisse municipem, aut uicinū. ij plerunque indicant, per eos plerique produntur. hic nihil est, quodd suspicionem hanc putetis. non enim ego ita disputabo: uerisimile est Roscios istam rem ad Chrysogonum detulisse: erat enim eis cum Chrysogono iam antea amicitia: nam cum multos ueteres à maioribus Roscij patronos, hospitesq; haberent, omnes eos colere atque obseruare destiterunt, ac se in Chrysogoni fidem et clientelam contulerunt. hæc possum omnia uere dicere: sed in hac causa coniectura nihil opus est: ipsos certo scio non negare, ad hæc bona Chrysogonum accessisse impulsu suo. si eum, qui indicij partem acceperit, oculis cernetis: poteritis ne dubitare iudices, qui indicarit? qui sunt igitur in istis bonis, quibus partem Chrysogenus dederit? duo Roscij. num quisnam præterea? nemo est iudices. num ergo dubium est, quin ij obtulerint hanc prædam Chrysogono, qui ab eo partem prædæ tulerunt? Age, nunc ex ipsius Chrysogoni iudicio Rosciorum factum consideremus. si nihil in ista pugna Roscij, quod operapretium esset, fecerant, quam ob causam à Chrysogono tantis præmijs donabantur? si nihil aliud fecerunt, nisi rem detulerunt; non ne satis fuit his gratias agi? denique, ut perliberaliter ageretur,

honoris aliquid haberi? cur etiam pradia, tanta pecunie statim Capitori dantur? cur, quæ reliqua sunt, iste Roscius omnia cum Chrysogono communiter possidet? non ne perspicuum est iudices, has manubias Roscius Chrysogonum re cognita concessisse? uenit in Decembris Legatus in castra Capito. totam uitam, naturam, moresque hominis ex ipsius legatione cognoscite. nisi intellexeritis iudices, nullum esse officium, nullum ius tam sanctum, atque integrum, quod non eius scelus, atque perfidia uiolarit, et imminuerit: uirum optimum esse cum iudicatore. impedimento est, quo minus de his rebus Sylla doceatur: ceterorum Legatorum consilia, et uoluntatem Chrysogono enunciat: monet, ut provideat, ne palam res agatur: ostendit, si sublata sit ueditio bonorum, illum pecuniam grandem amissurum, sese capitis periculum aditurum: illum acuere, hos, qui simul erant missi, fallere: illum identidem monere, ut cauere; hisce insidiosam spem falsam ostendere: cum illo contra hos inire consilia, horum consilia illi enunciare: cum illo partem suam depasci, hisce, aliqua fretus hora semper, omnes aditus ad Syllam intercludere. postremo isto hortatore, auctore, intercessore ad Syllam Legati non adierunt: istius fide, ac potius perfidia decepti, id quod ex ipsis cognoscere poteritis, si accusator uoluerit testimonium eis denunciare, pro re certa spem falsam domum retulerunt. in priuatis rebus si qui rem mandatam non modo malitiosius gessisset sui quaestus, aut commodi causa, uerum etiam negligentius, eum maiores summum admisisse dedecus existimabant: itaque mandati constitutum est iudicium, non minus turpe quam furti, credo propterea, quod quibus in rebus ipsi interesse non possumus, in his opera nostrae uicaria fides amico-

tum

rum supponitur: quā qui ledit, oppugnat omnium com-
mune praesidium, & quantum in ipso est, disturbat uitae
societatem: non. n. possumus omnia per nos agere: alius
in alia est re magis utilis: iccirco amicitiae cōparantur,
ut cōmune commodum mutuis officijs gubernetur. quid
recipis mandatū, si aut neglecturus, aut ad tuum cōmo-
dum conuersurus es? cur mihi te offers, ac meis cōmodis
officio simulato officiis, et obstat? recede de medio, per aliū
transigam. suscipis onus officij, quod te putas sustinere
posse: quod minime uidetur graue ijs, qui minime ipsi le-
ues sunt. ergo iccirco turpis haec culpa est, quod duas res
sanctissimas uiolat, amicitia, & fidem. nā neque mādat
quisquā ferē, nisi amico: neque credit, nisi ei, quē fidelem
putat. perditissimi est igitur hominis simul & amicitia
dissolvere, et fallere eū, qui laesus nō esset, nisi credidisset.
ita ne est? in minimis rebus, qui mandatum neglexerit,
turpissimo iudicio condēnetur necesse est: in re tanta, cū
is, cui fama mortui, fortuna uiui cōmendatae sunt, atque
concredita, ignominia mortuū affecerit, is inter honestos
homines, atq; adeo inter uiuos numerabitur? in minimis
* priuatisq; rebus etiam negligentia in crimē mandati iu-
diciūq; infamia reuocatur, propterea quod, si recte
fiat, illū negligere oporteat, qui mādarit, nō illū, qui man-
datū receperit: in re tanta, quae publice gesta, atque com-
missa sit, qui non negligentia priuatū aliquod cōmodum
laserit; sed perfidia, legationis ipsius cerimonia polluerit,
maculāq; affecerit; qua is tandem poena afficietur? aut
quo iudicio dānabitur? si hanc ei re priuatim Sex. Ros-
cius mandauisset, ut cū Chrysogono transigeret, atque
decideret; inq; eā rem fidem suā, si quid opus esse puta-

ret, interponeret: ille, qui sese facturum recepiſſet, nō ne, ſi ex eo negotio tantulū in rem ſuā cōuertiffet, damnatus per arbitrū, & rem reſtitueret, et honeſtatē omnem amitteret? nunc non hanc ei rem Sex. Roſcius mandauit: ſed, id quod multo grauius eſt, ipſe Sex. Roſcius cum fama, uita, bonisq; omnibus à decurionibus publice Roſcio mandatus eſt: & ex eo T. Roſcius nō paulū neſcio quid in rem ſuā cōuertit, ſed hunc funditus euerit bonis: ipſe tria prædia ſibi depaſtus eſt, uoluntatē decurionum ac municipū omniū tantidem, quanti fidem ſuam, fecit. uidete iam porro cætera iudices, ut intelligatis ſingi maleficiū nullū poſſe, quo iſte ſeſe non contaminarit. in rebus minoribus ſocium fallere turpiſſimū eſt, æqueq; turpe, atque illud, de quo ante dixi: neque iniuria, propterea quod auxiliū ſibi ſe putat adiunxiſſe, qui cū altero rem cōmunicauit. ad cuius igitur fidē confugiet, cū per eius fidē læditur, cui ſe cōmiſerit? atqui ea ſunt animaduertēda peccata maxime, quæ difficillime præcauentur. recti eſſe ad alienos poſſumus: intimi multa apertiora uideant neceſſe eſt: ſociū uero cauere qui poſſumus? quē etiam ſi metuimus, ius officiī lædimus. recte igitur maiores eum, qui ſociū ſefelliſſet, in uiroꝝ bonorum numero nō putarūt haberi oportere. at uero T. Roſcius nō unū rei pecuniariæ ſociū ſefellit (quod tamenſi graue eſt, tamen aliquo modo poſſe ferri uidetur) uerū non uem homines honeſtiſſimos, eiꝰdem muneris, legationis, officiī, mādatorumq; ſocios induxit, decepit, deſtituit, aduerſarijꝰ tradidit, omni fraude & perfidia ſefellit. qui de eiꝰ ſcelere ſuſpicari nihil potuerunt, ſociū officiī metuere nō debuerunt: eiꝰ malitiā nō uiderunt, oratio=

ni uana crediderūt. itaque nūc illi homines honestissimī
 propter istius insidias parū putātur cauti, prouidiq; fuisse
 se. iste, qui initio proditor fuit, deinde perfuga, qui primo
 sociorū consilia aduersarijs enūciauit, deinde societate cū
 ipsis aduersarijs coiit; terret etiam nos, ac minatur, tribus
 prædijs, hoc est præmijs sceleris, ornatus. in eiusmodi uita
 iudices, in his tot tantisq; flagitijs hoc quoque maleficiū,
 de quo iudicium est, reperietis. etenim querere ita debe-
 tis: ubi multa auare, multa audacter, multa improbe,
 multa perfidiose facta uidetis, ibi scelus quoque latere in-
 ter illa tot flagitia putatote. tametsi hoc quidē minime
 latet, quod ita promptū, & propositū est, ut non ex illis
 maleficijs, quæ in illo constat esse, hoc intelligatur; uerū
 ex hoc, etiam si quod illorū forte dubitabitur, conuinca-
 tur. quid tandē quæso iudices? nū aut ille lanista omni-
 no iam à gladijs recessisse uidetur, aut is discipulus ma-
 gistro tantulū de arte cōcedere? par est auaritia, similis
 improbitas, eadem impudentia, gemina audacia: etenim
 quoniam fidem magistri cognostis, cognoscite nunc disci-
 puli æquitatem. dixi iam antea, sepe numero postulatos
 esse ab istis duos seruos in quæstionem: tu semper T. Ro-
 sci recusasti. quæro abs te, ij ne, qui postulabant, indigni
 erant, qui impetrarent; an iste non commouebat, pro
 quo postulabāt? an res ipsa tibi iniqua uidebatur? postu-
 labant homines nobilissimi, atque integerrimi nostræ ci-
 uitatis, quos iam antea nominauī: qui ita uixerunt, ta-
 lesq; à populo R. putantur, ut, quidquid dicerent, nemo
 esset, qui non æquum putaret. postulabant autem pro
 homine miserrimo, atque infelicissimo, qui uel ipse se-
 se in cruciatum dari cuperet, dum de patris morte

quereretur. res porro abs te eiusmodi postulabatur, ut
 nihil interesset, utrum eam rem recusares, an de malefici-
 cio confiterere. quæ cū ita sint, quero abs te, quā ob cau-
 sam recusaris. cū occiditur Sex. Roscius, ibidem fuerūt.
 seruos ipsos, quod ad me attinet, neque arguo, neque pur-
 go. quiddā uobis hoc pugnari uideo, ne in questionem
 dentur, suspiciosum est: quoddā uero apud uos ipsos in hono-
 re tanto sunt, profecto necesse est, sciant aliquid, quod si
 dixerint, perniciosum uobis futurū sit. in dominos quæ-
 ri de seruis, iniquū est. an ne queritur? Sex. enim Ro-
 scius reus est: neque. n. cū de hoc queritur, uos dominos
 esse dicitis. cū Chrysogono sunt. ita credo: literis eorū, et
 urbanitate Chrysogonus ducitur, ut inter suos omnīū de-
 liciarū atque omnīū artium puerulos, ex tot elegantissi-
 mis familijs lectos, uelit hos uersari, homines penē opera-
 rios ex Amerina disciplina patrisfamilie rusticani. non
 est ita profecto iudices, non est uerisimile, ut Chrysogo-
 nus horū literas adamarit, aut humanitatē; non, ut rei
 familiaris negotio diligentia cognorit eorū, et fidem. est
 quiddam, quod occultatur: quod quo studiosius ab ipsis
 opprimitur, & absconditur, eo magis eminet, & appa-
 ret. quid igitur? Chrysogonus sui malefici occultandi
 causa questionē de his haberi nō uult? minime iudices.
 nō in omnes arbitror omnia cōuenire. ego in Chrysogo-
 no, quod ad me attinet, nihil eiusmodi suspicor, neq; hoc
 mihi nunc primū in mentē uenit dicere. meministis me
 ita distribuisse initio causam; in crimē, cuius tota argu-
 metatio permessa Erutio est; et in audaciā, cuius partes
 Roscius impostæ sunt. quidquid malefici, sceleris, cadis-
 erit, propriū id Rosciorū esse debet. nimiam gratiā po-

tentiamq; Chryfogoni dicimus & nobis obſtare, et per
 ferri nullo modo poſſe, & à nobis, quoniã poteſtas data
 eſt, nō modo infirmari, uerū etiã uindicari oportere. ego
 ſic exiſtimo; qui quæri uelit ex ijs, quos conſtat, cū cades
 facta ſit, affuiſſe, eū cupere uerū inuenire; qui recuſet, eū
 proſecto, tametſi uerbo non audet, tamen re ipſa de ma
 leſicio ſuo confiteri. dixi initio iudices, nolle me plura de
 iſtorū ſcelere dicere, quàm cauſa poſtularet, ac neceſſitas
 ipſa cogeret: nã et multæ res afferri poſſunt, et unaquæ
 que earū multis cū argumētis dici poteſt. uerū ego, quod
 inuitus ac neceſſario facio, neq; diu, neq; diligēter face
 re poſſum. quæ præteriri nullo modo poterant, ea leuiter
 iudices attingi. quæ poſita ſunt in ſuſpicionibus, de quibus
 ſi cœpero dicere, pluribus uerbis ſit diſſerendū; ea ueſtris
 ingenijs coniecturaq; cōmitto. Venio nūc ad illud no
 men aureū Chriſogoni: ſub quo nomine tota ſocietas ſta
 tuitur: de quo iudices neq; quo modo dicā, neq; quo mo
 do taceā, reperire poſſum: ſi. n. taceo, uel maximā partē
 relinquo: ſi autē dico, uereor ne nō ille ſolus, id quod ad
 me nihil attinet, ſed alij quoque plures laſos ſe eſſe pu
 tēt: tametſi ita res ſe habet, ut mihi in cōmunē cauſam
 ſectorū dicendū nihil magnopere uideatur: hæc. n. cauſa
 noua proſecto & ſingularis eſt. bonorū Sex. Roſcij em
 ptor eſt Chryſogonus. primum hoc uideamus, eius homi
 nis bona qua ratione uenierūt, aut quo modo uenire po
 tuerunt. atq; hoc nō ita quæram iudices, ut id dicā, eſſe in
 dignū hominis innocentis bona ueniſſe: ſi. n. hæc audiē
 tur, ac libere dicētur, nō fuit tantus homo Sex. Roſcius
 in ciuitate, ut de eo potiffimū conqueramur. uerum ego
 hoc quæro: qui potuerunt iſta ipſa lege, quæ de proſcrip

ptione est, siue Valeria est, siue Cornelia (nō. n. noui, nec
 scio) uerum ista ipsa lege bona Sex. Roscij uenire qui po-
 tuerunt? scriptū. n. ita dicunt esse, ut eorū bona ueneāt,
 qui proscripti sunt: quo in numero Sex. Roscius non
 est: aut eorum, qui in aduersariorū præsidijs occisi sunt.
 dū præsidia ulla fuerunt, in Syllæ præsidijs fuit. postea
 quam ab armis recesserunt, in summo otio rediens a cœ-
 na Romæ occisus est. si lege, bona quoq; lege uenisse fa-
 teor. sin autem cōstat contra omnes non modo ueteres
 leges, uerū etiā nouas occisum esse: bona quo iure, aut
 quo modo, aut qua lege uenierint, quaro. in quē hoc dī-
 cam, quæris Eruti? non in eum, quem uis, & putas: nam
 Syllam & oratio mea ab initio, & ipsius eximia uirtus
 omni tempore purgauit. ego hac omnia Chrysogonum
 fecisse dico, ut ementiretur, ut malū ciuem Rosciū fuisse
 fingeret, ut eum apud aduersarios occisum esse diceret,
 ut his de rebus à legatis Amerinorum doceri L. Syllam
 passus nō sit. deniq; etiam illud suspicor, omnino hac bo-
 na non uenisse: id quod postea, si per uos iudices licitum
 erit, aperietur: opinor. n. esse in lege, quam ad diem pro-
 scriptiones, uenditionesq; fiant, nimirū ad Cal. Iun. alt-
 quot post menses & homo occisus est, et bona uenisse dī-
 cuntur. profecto aut hæc bona in tabulas publicas nula-
 las redierunt, nosq; ab isto nebulone facilius eludimur,
 quàm putamus: aut, si redierunt, tabula publicæ corru-
 ptæ aliqua ratione sunt: nam lege quidē bona uenire nō
 potuisse cōstat. intelligo, me ante tēpus iudices hæc scri-
 tari, & propemodum errare, qui, cū capiti Sex. Roscij
 mederi debeam, reduniam curem: non. n. laborat de pe-
 cunia, non ullius rationem sui cōmodi ducit: facile ege

statē suam se laturū putat, si hac indigna suspitione, et ficto crimine liberatus sit. uerum quāso à uobis iudices, ut hæc pauca, quæ restant, ita audiat, ut partim me dicere pro me ipso putetis, partim pro Sex. Roscio: quæ. n. mihi ipsi indigna & intolerabilia uidetur, quæq; ad omnes, nisi prouidemus, arbitror pertinere; ea pro me ipso, ex animi mei sensu ac dolore pronūcio: quæ ad huius uitæ casum, causamq; pertineāt, & quid hic pro se dici uelit, & qua cōditione cōtentus sit, iam in extrema oratione nostra iudices audietis. Ego hæc à Chrysogono mea spon̄te remoto Sex. Roscio quæro: primum, quare ciuis optimi bona uenierint: deinde, quare hominis eius, qui neq; apud aduersarios occisus est, bona uenierint, cū in eos solos lex scripta sit: deinde, quare aliquādo post eā diē uenierint, quæ dies in lege præfinita est: deinde, cur eantulo uenierint. quæ omnia si, quemadmodum solent liberti nequam, et improbi facere, in patronū suum uoluerit cōferre, nihil egerit: nemo est. n. qui nesciat, propter magnitudinē rerū multa multos partim cōnuēte, partim imprudente L. Sylla cōmisisse. placet igitur in his rebus aliquid imprudentia præteriri: nō placet iudices, sed necesse est. etenim si Iupiter Optimus Maximus, cuius nutu & arbitrio cœlum, terra, mariaq; reguntur, sæpeuētis uehemētioribus, aut immoderatis tēpestatibus, aut nimio calore, aut intolerabili frigore hominibus nocuit, urbes deleuit, fruges perdidit, quorū nihil perniciæ causa diuino cōsilio, sed uī ipsa, & magnitudine rerum factum putamus; at contra, cōmoda, quibus utimur; lucemq; , quā fruimur; spiritūq; , quē ducimus, ab eo nobis dari, atq; impertiri uidemus: quid miramur, L. Syllā.

cum solus Remp. regeret, orbemq; terrarum gubernaret, imperiūq; maiestatem, quam armis receperat, legibus confirmaret, aliqua animadvertere non potuisse? nisi hoc mirum est, quod uis diuina assequi non possit, si id mens humana adepta non sit. uerum ut hac missa faciam, quæ iam facta sunt: ex ijs, quæ nunc maxime fiunt, non ne quiuis potest intelligere, omnium architectum, & machinatorem unum esse Chrysogonum, qui Sex. Rosciū nomen deferendum curauit? hoc iudicium, cuius honoris causa accusare se dixit Erutius.

desunt non pauca.

aptam, et ratione dispositam se habere existimāt, qui in Salētinis aut in Brutijs habēt, unde uix ter in anno audire nuncium possunt. alter tibi descendit de Palatio, et ædibus suis: habet animi relaxādi causa rus amœnum & suburbanū, plura præterea prædia, neque tamen ullum nisi præclarum & propinquum: domus referta uasis Corinthijs et Deliacis, in quibus est anthepsa illa, quā tanto pretio nuper mercatus est, ut, qui prætereuntes pretiū enumerari audiebant, fundū uenire arbitrarentur. quid præterea calati argēti? quid stragula uestis? quid pictarū tabularū? quid signorū? quid marmoris apud illū putatis esse? tantū scilicet, quantū ē multis splendidisq; familijs, in turba et rapinis coacernari una in do-

mo potuit. familiā uero quantam, et quā uarijs cū ar-
 tificijs habeat, quid ego dicam? mitto hasce artes uulga-
 res, coquos, pistorēs, lēficarios: animi & aurium causa
 tot homines habēt, ut quotidiano cantu nocū, & neruo
 rū, et tibiārum, nocturnisq; cōuiuijs tota uicinitas perso-
 net. in hac uita iudices quos sumptus quotidianos, quas
 effusiones fieri putatis? quæ uero cōuiuiā? honesta, credo;
 in eiusmodi domo. si domus hac habēda est potius, quā
 officina nequitie, & diuersoriū flagitiorū omniū. ipse
 uero quemadmodū cōposito & delibuto capillo passim
 per forum uolitet cum magna caterua rogatorū, uide-
 tis iudices; ut omnes despiciat, ut hominē præ se neminē
 putet, ut se solum beatū, solum potētē putet. quæ uero
 efficiat, & quæ conetur, si uelim cōmemorare, uereor iu-
 dices, ne quis imperitior existimet me causam nobilitatis
 uictoriāq; uoluisse lādere. tamen si meo iure possum, si
 quid in hac parte mihi nō placeat, uituperare: non. n.
 uereor, ne quis alienum me animū habuisse à causa no-
 bilitatis existimet. sciunt ū, qui me norunt, me pro illa te-
 nui infirmāq; parte, posteaquā id, quod maxime uolui,
 fieri nō potuit, ut cōponeretur; id maxime defendisse, ut
 ij uincerēt, qui uicerunt: quis. n. erat, qui nō uideret hū-
 militatem cū dignitate de amplitudine contendere? quo
 in certamine periti ciuis erat nō se ad eos iungere, quib-
 us incolumibus, et domi dignitas, et foris auctoritas re-
 tineretur. quæ perfectā esse, & suum cuique honorē, et
 gradum redditum, gaudeo iudices, uehementerq; lator:
 atq; omnia deorū uolūtate, studio populi R. consilio, et
 imperio, et felicitate L. Syllæ gesta esse intelligo. quiddā
 nimaduersum est in eos, qui cōtra omni ratione pugna-

runt: nō debeo reprehendere. quidd uiris fortibus, quorū
 opera eximia in rebus gerēdis extitit, honos habitus est:
 laudo. quæ ut fierent, iccirco pugnatū esse arbitror, meq;
 in eo studio partium fuisse confiteor. sin autem id actū
 est, et iccirco arma sumpta sunt, ut homines postremi pe-
 cunijs alienis locupletarentur, & in fortunas uniuscui-
 usque impetū facerent, & id nō modo re prohibere nō
 licet, sed ne uerbis quidem uituperare: tum uero in isto
 bello nō recreatus, neque restitutus, sed subactus oppress-
 usq; populus R. est. uerū longe aliter est: nihil horū est
 iudices: nō modo nō lædetur causa nobilitatis, si istis ho-
 minibus resisteris, uerū etiam ornabitur: etenim quī hęc
 uituperare uolunt, Chrysogonū tantū posse queruntur:
 qui laudare uolunt, concessum ei non esse cōmemorant.
 ac iam nihil est, quod quisquā aut tam stultus, aut tam
 improbus sit, qui dicat: uellem quidem liceret, hoc dixis-
 sem: dicas licet. hoc fecissem: facias licet, nemo prohibet.
 hoc decreuissem: decerne, modo recte: omnes approba-
 bunt. hoc iudicissem: laudabunt omnes, si recte et ordine
 iudicaris. dū necesse erat, resq; ipsa cogebat, unus omnia
 poterat. qui posteaquā magistratus creauit, legesq; cōstituit:
 sua cuiq; procuratio auctoritasq; est restituta. quā
 si retinere uolunt ij, qui receperunt: in perpetuū poterunt
 obtinere. sin has cades & rapinas, & hos tantos, tamq;
 profusos sumptus aut facient, aut approbabunt: nolo in
 eos grauius quidquā ne ominis quidē causa dicere: unū
 hoc dico, nostri isti nobiles, nisi uigilantes, et boni, et for-
 tes, & misericordes erunt, ij hominibus, in quibus hęc
 erunt, ornamenta sua concedant necesse est. quapropter
 desinant aliquādo dicere, male aliquem locutum esse, si

ūs uere ac libere locutus sit: desinant suam causam cū
 Chrysogono cōmunicare: desināt, si ille laesus sit, de se ali
 quid detractum arbitrari: uideant, ne turpe miserumq;
 sit, eos, qui equestrem splendorē pati non potuerunt, ser
 ui nequissimi dominationē ferre posse. quæ quidē domi
 natio iudices in alijs rebus antea uersabatur; nunc uero
 quā uiam munitet, quō iter affeētet, uidetis: ad fidē, ad
 iusiurandū, ad iudicia uestra, ad id, quod solum propē
 in ciuitate sincerum, sanctumq; restat. hic ne etiā sese
 putat aliquid posse Chrysogonus: hic etiā potēs esse uult?
 d rem miseram, atq; acerbam. neq; mehercules hoc indi
 gne fero, quōd uerear, ne quid possit: uerum, quōd ausus
 est, quōd sperauit sese apud tales uiros aliquid ad perni
 ciem posse innocētis, id ipsum queror. iccirco ne experre
 ēta nobilitas, armis, atq; ferro Remp. recuperauit, ut ad
 libidinem suam liberti seruuliq; nobiliū, bona, fortunas
 uestras, nostrasq; uexare possent: si id actū est, fateor me
 errasse, qui hoc maluerim: fateor insanisse, qui cum illis
 senserim: tamen si inermis iudices sensi. si n autem uictō
 ria nobiliū ornamento, atq; emolumento Reip. populoq;
 R. debet esse: tum uero optimo, & nobilissimo cuique
 meam orationē gratissimam esse oportet. quōd si quis
 est, qui & se, & causam ladi putet, cum Chrysogonus
 uituperetur: is causam ignorat, se ipsum propē non no
 uit: causa enim splendidior fiet, si nequissimo cuique re
 sistetur: ille improbissimus Chrysogoni fautor, qui sibi
 cum illo rationem communicatam putat, ladicur, cum
 ab hoc splendore causæ separatur. uerum hæc omnis o
 ratio, ut iam ante dixi, mea est: qua me uti Resp. &
 dolor meus, & istorum iniuria coegit. sed Roscius hoc

rum nihil indignum putat: neminem accusat: nihil de suo patrimonio queritur: putat homo imperitus morū, agricola, & rusticus, ista omnia, quæ uos per Syllam gestā esse dicitis, more, lege, iure gentiū facta: culpa liberatus, & crimine nefario solutus, cupit à uobis discedere: si hac indigna suspitione careat, animo æquo se carere suis omnibus cōmodis dicit: rogat, oratq; te Chrysogone, si nihil de patris fortunis amplissimis in suam rem conuertit, si nulla in re te fraudauit, si tibi optima fide sua omnia concessit, adnumerauit, appendit, si uestitum, quo ipse tectus erat, annulumq; dedit, os suum tibi tradidit, si ex omnibus rebus se ipsum nudum, neque præterea quidquid, exceptit: ut sibi per te liceat innocētī amicorū opibus uitā in egestate degere. prædia mea tu possides: ego aliena misericordia uiuo. cōcedo; et quoddā animus æquus est, et quia necesse est. mea domus tibi patet, mihi clausa est. fero. familia mea maxima uteris: ego seruū habeo nullū. patior, et ferendū puto. quid uis amplius? quid insequeris? quid oppugnās? quā in re tuā uoluntatem ledi à me putas? ubi tuis cōmodis officio? quid tibi obsto? si spoliōrum causa uis hominem occidere, spoliasti. quid quaeris amplius? si inimicitiarum, quæ sunt tibi inimicitia cū eo, cuius antea prædia possedisti, quā ipsum cognosti? sin metuis: ab eo ne aliquid metuis, quē uidēs ipsum ab sese tam atrocē iniuriā propulsare nō posse? sin quiddā bona, quæ Rosciū fuerūt, tua facta sunt, iccirco hunc illius filiū studes perdere: nō ne ostendis id te uereri, quod præter ceteros tu metuere nō debeas, ne quando liberis proscriptorum bona patria reddantur? facis iniuriā Chrysogone, si maiorem spem emptionis tuæ in huius exitio po-

nis, quā in ijs rebus, quas L. Sylla gessit. quodd si tibi cau-
sa nulla est, cur hūc miserū tāta calamitate affici uelis;
si tibi omnia sua prater animā tradidit, nec sibi quidquā
paternū, ne monumētū quidē causa, reseruauit: per deos
immortales, quæ ista tanta crudelitas est? quæ tam fera
immanisq; natura? quis unquā prado fuit tā nefarius,
quis pirata tam barbarus, ut, cum integram prædā sine
sanguine habere posset, cruenta spoliā detrahēre mallet?
scis hūc nihil habere, nihil audere, nihil posse, nihil unquā
cōtra rē tuā cogitasse: et tamē oppugnās eū: quē nequē
metuere potes, neque odisse debes, nec quidquā habere iā
reliqui uides, quod ei detrahēre possis: nisi hoc indignū
putas, quodd uestitū sedere in iudicio uides, quē tu ē patri-
monio tanquā ē naufragio nudū expulisti. quasi uerō
nescias hunc & ali, & uestiri à Cæcilia Balearici filia,
Nepotis sorore, spectatissima fœmina: quæ cū patrē cla-
rissimū, amplissimos patruos, ornatissimum fratrem habe-
ret, tamen, cū esset mulier, uirtute perfecit, ut, quāto ho-
nore ipsa ex illorū dignitate afficeretur, non minora illis
ornamēta ex sua laude redderet. an quodd diligenter de-
fenditur, id tibi indignū facinus uidetur? mihi crede, si
pro patris eius hospitij, et gratia uellēt oēs huius hospi-
tes adesse, et auderēt libere defendere, satis copiose defen-
deretur: sin autē pro magnitudine iniuriæ, proq; eo, quodd
summa Reip. in huius periculo tentatur, hæc omnes uin-
dicarent, consistere mehercule uobis, isto in loco non lice-
ret. nunc ita defenditur, non sanē ut moleste ferre ad-
uersarij debeant, neque ut se potentia superari putent.
quæ domi gerenda sunt, ea per Cæciliam transiguntur.
fori iudicij; rationem Messala, ut uidetis iudices, susce-

pit. quī si iam satis ætatis atque roboris haberet, ipse pro Sex. Roscio diceret. quoniam ad dicendū impedimento est ætas, et pudor, qui ornat ætatē; causā mihi tradidit, quē sua causa cupere ac debere intelligebat. ipse assiduitate, consilio, auctoritate, diligentia perfecit, ut Sex. Roscij uita erepta de manibus sectorū, sententijs iudicū permitteretur. nimirū iudices pro hac nobilitate pars maxima ciuitatis in armis fuit: hæc acta res est, uti nobiles restituerentur in ciuitatē, qui hoc facerēt, quod facere Messalā uidetis, qui caput innocētis defenderent, qui iniuriæ resisterent, qui, quantum possent, in salute alterius, quā in exitio, mallent ostendere. quod si omnes, qui eodē loco nati sunt, facerent: & Rest. ex illis, et ipsi ex inuidia minus laborarēt. uerū si à Chrysogono iudices nō impetramus, ut pecunia nostra contentus sit, uitā ne petat; si ille adduci non potest, ut, cū ademerit nobis omnia, quæ nostra erant propria, ne lucē quoque hanc, quæ cōmunis est, eripere cupiat; si nō satis habet auaritiā suā pecunia explere, nisi etiam crudelitate sanguinis perlitus sit: unū perfugiū iudices, una spes reliqua est Sex. Roscio, eadem quæ Reip. uestra pristina bonitas, & misericordia. quæ si manet, salui etiam nunc esse possumus. sin ea crudelitas, quæ hoc tēpore in Rep. uersata est, uestros quoque animos, id quod fieri profecto non potest, duriores acerbioresq; reddidit: actum est iudices: inter feras satius est atatem degere, quā in hac tanta immanitate uersari. ad eam ne rem uos reservati estis, ad eam ne rem delecti, ut eos condemnaretis, quos sectorēs, ac sicarij ingulare non potuissent? solent hoc boni Imperatores facere, cū prælium committunt, ut in eo loco, quo fugam

hostium fore arbitrentur, milites collocent, in quos, si qui ex acie fugerint, de improviso incidant. nimirum similiter arbitrantur isti bonorum emptores, uos hic tales uide-
 ros sedere, qui excipiat eos, qui de suis manibus effugerint. dii prohibeant iudices, ut hoc, quod maiores consilium publicum uocari uoluerunt, praesidium sectorum existimetur. an uero iudices uos non intelligitis, nihil aliud agi, nisi ut proscriptorum liberi quauis ratione tollantur? et eius rei initium in uestro iureiurando, atque in Sex. Roscii periculo quaerit? dubium est, ad quem maleficium pertineat, cum uideatis ex altera parte sectorem, inimicum, sicarium, eundemque accusatorem hoc tempore; ex altera egentem, probatum suis filium, in quo non modo culpa nulla, sed ne suspicio quidem potuit consistere? nunc quid hic aliud uidetis obstare Roscio, nisi quoddam patris bona uenierunt? quoddam si id uos suscipitis, et eadem in re operam uestram profitemini; si ideo sedetis, ut ad uos adducantur eorum liberi, quorum bona uenierunt: caute per deos immortales iudices, ne noua, et multo crudelior per uos proscriptio instaurata esse uideatur. illam priorem, quae facta est in eos, qui arma capere potuerunt, tamen senatus suscipere noluit, ne quid acrius, quam more maiorum comparatum est, publico consilio factum uideretur. hanc uero, quae ad eorum liberos, atque infantium puerorum incunabula pertinet, nisi hoc iudicio a uobis reijcitis, et aspernamini: uidete per deos immortales, quem in locum Remp. perueneram putetis. homines sapientes, et ista auctoritate, et potestate praeditos, qui uos estis, ex quibus rebus maxime Rep. laborat, iis maxime mederi conuenit.

uestrum nemo est, quin intelligat populum R. qui quondam in hostes lenissimus existimabatur, hoc tempore domestica crudelitate laborare. hanc tollite ex ciuitate iudices: hanc pati nolite diutius in hac Rep. uersari: quæ non modo id habet in se mali, quodd tot ciues atrocissime sustulit; uerum etiam hominibus lenissimis ademie misericordiam consuetudine incommodorum: nam cum omnibus horis aliquid atrociter fieri uidemus, aut audimus, etiam qui natura mitissimi sumus, assiduitate molestiarum sensum omnem humanitatis ex animis amittimus.

Desit fortasse quippiam.

PRO Q. ROSCIO COMOEDO:
ORATIO III.

Multa, quæ defunt, querenda.

malitiam naturæ, crederetur. is scilicet uir optimus, & singulari fide præditus, qui suo iudicio tabulis suis testibus uti conatur. solent ferè dicere qui per tabulas hominis honesti pecuniam expensam tulerunt: ego ne talem uirum corrumpere potui, ut mea causa falsum in codice referret? expecto, quàm mox Cherea hac oratione utatur. ego ne hanc manum plenam perfidiæ, & hos digitos meos impellere potui, ut falsum perscriberent nomen? quodd si ille suas proferet tabulas, proferet suas quoque Roscius. erit in illius tabulis hoc nomen: at in huius nō erit. cur potius illius, quàm huius credetur? scripsisset ille, si nō iussu huius expensum tulisset? nō scripsisset hic, quod sibi expensum ferri iussisset? nā quæadmodum turpe est scribere, quod non debeat: sic improbum est nō referre, quod debeat: æque enim tabulæ condemnantur eius, qui uerum non retulit; et eius, qui falsum perscripsit. sed ego copia et facultate causæ confisus, uide, quò progrediar. si tabulas C. Fannius accepti & expensi profert suas, in suam rem, suo arbitratu scriptas: quo minus secundum illum iudicetis, non recusō. quis hoc frater fratri, quis parens filio tribuit, ut, quodcūque

Cic. Orat.

G

retulisset, id ratum haberet? ratū habebit Roscius, pro-
 fer. quod tibi fuerit persuasum, huic erit persuasum:
 quod tibi fuerit probatum, huic erit probatum. paulo
 ante à M. Perpenna P. Saturi tabulas poscebamus, nūc
 tuas C. Fanni Cherea solius flagitamus: et quo minus se-
 cundū eas lis detur, nō recusamus. quid ita non profers?
 nō conficit tabulas? immo diligentissime. nō refert par-
 ua nomina in codices? immo oēs summas. leue, et tenue
 hoc nomē HS CCCIDDD sunt? quo modo tibi tanta pe-
 cunia extraordinaria iacet? quo modo HS CCCIDDD
 in codice accepti et expensi non sunt? prō dii immorta-
 les, esse ne quenquam tanta audacia prāditū, qui, quod
 nomen referre in tabulas timeat, id petere audeat? quod
 in codice iniuratus referre noluit, id iurare in litē non
 dubitet? quod sibi probare nō possit, id persuadere alte-
 ri conetur? nimium cito ait me indignari de tabulis: non
 habere se hoc nomen in codice accepti et expensi relatū
 cōfiteatur, sed in aduersarijs patere cōtendit. usque eō ne-
 te diligis, et magnifice circumspicis, ut pecuniam non ex
 tuis tabulis, sed aduersarijs petas? suū codicem testis lo-
 co recitare, arrogantia est: suarum perscriptionum, et
 liturarū aduersaria proferre, non amentia est? quidd si
 eandem uim, diligentia, auctoritatemq; habent aduer-
 saria, quam tabulae: quid attinet codicem instituere, con-
 scribere? ordinē conseruare? memoria tradere literarū
 ueritatē? sed si, quodd aduersarijs nihil credimus, iccirco
 codicē scribere instituimus: quod etiam apud omnes le-
 ue et infirmum est, id apud iudicem graue et sanctum
 esse ducetur? quid est, quodd negligenter scribamus aduer-
 saria? quid est, quodd diligēter conficiamus tabulas? qua

de causa? quia hæc sunt menstrua, illæ sunt æternæ: hæc delentur statim, illæ seruantur sancte: hæc parui temporis memoriam, illæ perpetuæ existimationis fidem & religionem amplectuntur: hæc sunt deiecta, illæ in ordinem confecta. itaque aduersaria in iudicium protulit nemo: codicem protulit, tabulas recitauit. tu C. Piso, tali fide, uirtute, grauitate, auctoritate ornatus, ex aduersarijs pecuniâ petere non auderes. ego, quæ clara sunt consuetudinè, diutius dicere non debeo: illud uero, quod ad rem uehementer pertinet, quæro: quàm pridem hoc nomen Fanni in aduersaria retulisti? erubescit: quid respondet, nescit: quid fingat ex tēplo, non habet. sunt duo menses iam, dices: tamen in codicem acceptum & expensum referri debuit. amplius sunt sex menses: cur tantu iacet hoc nomē in aduersarijs? quid, si tandem amplius triennium est? quo modo, cum omnes, qui tabulas conficiant, menstruas penè rationes in tabulas transferant, tu hoc nomen triennium amplius in aduersarijs iacere pateris? utrum cætera nomina in codicem accepti & expensi digesta habes, an non? si non, quo modo tabulas conficis? si etiam: quamobrem, cum cætera nomina in ordinem referebas, hoc nomen triennio amplius, quod erat in primis magnum, in aduersarijs relinquebas? nolebas sciri, debere tibi Roscium: cur scribebas? rogatus eras, ne referres: cur in aduersarijs scriptum habebas? sed hæc quanquam firma esse uideo: tamen ipse mihi satisfacere non possum, nisi à C. Fannio ipso testimonium sumo, hanc pecuniâ eī non deberi. magnum est, quod conor: difficile est, quod polliceor: nisi eundem et aduersarium,

Et testem habuerit Roscius, nolo uincat. pecunia tibi de-
 bebatur certa, quæ nunc petitur per iudicē, in qua legi-
 timæ partis sponsio facta est. hic tu si amplius HS nūmo
 petisti, quàm tibi debitum est: causam perdidisti: propter
 reā quodd aliud est iudiciū, aliud, est arbitrium. iudicium
 est pecuniæ certæ, arbitriū incertæ. ad iudicium hoc mo-
 do uenimus, ut totam litem aut obtineamus, aut amitta-
 mus. ad arbitrium hoc animo adimus, ut neque nihil,
 neque tantū, quantū postulauimus, cōsequamur. eius rei
 ipsa uerba formulæ testimonio sunt. quid est in iudicio?
 directum, asperum, simplex. si peteret HS 1000 dari:
 hic, nisi planū facit HS 1000 ad libellam sibi deberi,
 causam perdit. quid est in arbitrio? mite, moderatū, quā-
 tum æquius et melius sit dari. ille tamen confiteretur plus
 se petere, quàm debeat: sed satis superq; habere dicit,
 quod sibi ab arbitro tribuatur. itaque alter causa consi-
 dit, alter diffidit. quæ cū ita sint, quæro abs te, quid ita
 de hac pecunia, de his ipsis HS 1000, de tuarū tabularū
 fide compromissum feceris, arbitriū sumpseris, quantum
 æquius et melius sit dari repromittiue, si pateret. quis in
 hanc rem fuit arbiter? utinā is quidem Romæ esset: Ro-
 mæ est. iam utinā adesset in iudicio: adest. utinam sede-
 ret in consilio C. Pisonis: ipse C. Piso est. eundē ne tu ar-
 bitrum, et iudicē sumebas? eidem et infinitam largitio-
 nem remittebas, et eundem in angustissimam formulam
 sponsionis concludebas? quis unquā ad arbitriū, quan-
 tum petijt, tantū abstulit? nemo: quantū. n. æquius es-
 set sibi dari, petijt. de quo nomine ad arbitrum adisti, de
 eo ad iudicē uenisti. ceteri cū ad iudicem causam labe-
 factari animaduertunt, ad arbitrum confugiunt: hic ab

arbitrio ad iudicē uenire est ausus: qui cum de hac pecunia, de tabularū fide arbitrū sumpsit, indicauit sibi pecuniā nō deberi. iā duæ partes causæ sunt confectæ: adnumerasse sese negat: expensum tulisse nō dicit, cū tabulas nō recitat. reliquū est, ut stipulatū se esse dicat: præterea enim quæadmodū certam pecuniā petere possit, non reperiō. stipulatus es? ubi? quo die? quo tēpore? quo præsentē? quis spondidisse me dicit? nemo: hic ego si finem faciā dicendi, satis fidei & diligentia meæ, satis causæ & cōtrouersia, satis formulæ & sponsoni, satis etiā iudici fecisse uidear, cur secūdū Rosciū indicari debeat. pecunia petita est certa, cū tertia parte sponso facta est. hæc pecunia, necesse est, aut data, aut expensa lata, aut stipulata sit. datam non esse, Fānius cōfiteretur: expensam latā nō esse, codices Fānij confirmant: stipulatā non esse, taciturnitas testiū concedit. quid ergo est? quodd et reus is est, cui et pecunia leuissima, et existimatio sanctissima fuit semper; & iudex est is, quē nos nō minus bene de nobis existimare, quā secūdū nos iudicare uelimus; et aduocatio ea est, quā propter eximium splendorem, ut iudicem unum, uereri debeamus: perinde ac si in hac formulā omnia iudicia legitima, omnia arbitria honoraria, omnia officia domestica conclusa, & comprehensa sint, perinde dicemus. illa superior fuit oratio necessaria, hæc erit uoluntaria: illa ad iudicem, hæc ad C. Pisonē: illa pro reo, hæc pro Roscio: illa uictoria, hæc bonæ existimationis causa comparata. pecuniam petis Fanni à Roscio, quā? dic audaciter, & aperte: utrum, quæ tibi ex societate debeatur, an, quæ ex liberalitate huius promissa sit, & ostentata? quorum alterum est grauius, & odiosius: alterum

lenius, & facilius. quæ ex societate debeat? quid ais?
hoc iam non leniter ferendū est, neque negligēter defen-
dendū: si quæ. n. sunt priuata iudicia summa existima-
tionis, & penē dicam capitis, tria hæc sunt, fiducia, tute-
le, societatis: æque. n. perfidiosum & nefariū est fidem
frangere, quæ continet uitā; & pupillū fraudare, qui in
tutelam peruenit; & sociū fallere, qui se in negotio con-
iunxit. quæ cū ita sint: qui sit qui socium fraudarit, &
fefellerit, cōsideremus: dabit. n. nobis iā tacite uita acta
in alterutram partem firmum & graue testimonium.

Q. Roscius? quid ais? non ne ut ignis in aquam cōiectus
cōtinuo restinguitur, & refrigeratur: sic reseruens fal-
sum crimen in purissimam & castissimā uitam collatū
statim cōcidit, & extinguitur? Roscius sociū fraudauit?
potest hoc homini huic herere peccatū? qui mediūfidius
(audacēter dico) plus fidei, quā artis; plus ueritatis,
quā disciplina possidet in se: quē P. R. meliorē uirū,
quā histrionem esse arbitratur: qui ita dignissimus est
scena propter artificium, ut dignissimus sit curia pro-
pter abstinentiam. sed quid ego ineptus de Roscio apud
Pisonem dico? ignotum hominem scilicet pluribus uerbis
commēdo. est ne quisquam omnium mortalium, de quo
melius existimes tu? est ne quisquam, qui tibi purior, pu-
dentior, humanior, officiosior, liberalior uideatur? quid
in Saturi, qui contra hunc uenis, existimas aliter? non
ne, quotiescūque in causa in nomen huius incidisti, toties
hunc & uirum bonum esse dixisti, & honoris causa ap-
pellasti? quod nemo nisi aut honestissimo, aut amicissimo
facere consuevit. quæ in re mihi ridicule es uisus esse in-
constans, qui eundem & laderes, et laudares; & uirū.

optimum, & hominē improbiſſimū eſſe diceret. eundem tu & honoris cauſa appellabas; & uirum primariū eſſe dicebas, & ſociū fraudaffe arguebas. ſed, ut opinor, laudem ueritati tribuebas; crimē gratiæ cōcedebas: de hoc, ut exiſtimabas, prædicabas; Cherea arbitratu cauſam agebas. fraudauit Roſcius. eſt hoc quidem auribus, animiſq; hominū abſurdū. quid, ſi tādē aliquē timidū, de mentē, diuitem, inertē naſtus eſſet, qui experiri non poſſet? tamē incredibile eſſet. ueruntamen, quē fraudarit, uideamus. C. Fanniū Cheream Roſcius fraudauit. oro, atque obſecro, uos, qui noſtis, uitā inter ſe utriuſque conferre: qui nō noſtis, faciem utriuſque conſiderate. non ne ipſum caput, & ſupercilia illa penitus abraſa olere malitiam, & clamitare calliditatē uidentur? nō ne ab imis unguibus uſque ad uerticē ſummū, ſi quā coniecturā affert hominibus tacita corporis figura, ex fraude, fallacijs, mendacijs conſtare totus uidetur? qui uicirco capite & ſupercilijs ſemper eſt raiſis, ne ullum pilum uiri boni habere dicatur: cuius perſonam præclare Roſcius in ſcena tractare conſueuit. neque tamen pro beneficio ei par gratia refertur: nam Ballionem illum improbiſſimum, & periuriſſimum lenonem cum agit, agit Cheream. perſona illa, lutulenta, impura, inuiſa, in huius moribus, natura, uitāq; eſt expreſſa. qui quamobrē Roſciū ſimilem ſui in fraude & malitia exiſtimarit, nihil uidetur: niſi forte, quod præclare hunc imitari ſe in perſona lenonis animaduertit. quamobrem etiam atque etiam conſidera C. Piſo, quis quem fraudaffe dicatur: Roſcius Fannium? quid eſt hoc? probus improbum, prudens impudentem, periurum caſtus, callidum imperitus, liberalis

auidum. incredibile est. quemadmodū, si Fannius Rosciū
 fraudasse diceretur, utrūque ex utriusque persona uerifi-
 mile uideretur, & Fanniū per malitiā fecisse, et Rosciū
 per imprudentiā deceptū esse: sic, cū Roscius Fanniū frau-
 dasse arguatur, utrūq; incredibile est, et Rosciū quidquā
 per auaritiā appetisse, & Fanniū quidquā per se bonita-
 te amisisse. principia sunt huiusmodi: spectemus reliqua.
 HS I D D Q. Roscius fraudauit Fanniū, qua de cau-
 sa? subridet Saturius ueterator, ut sibi uidetur. ait, pro-
 pter ipsa HS I D D D. uideo: sed tamē, cur ipsa HS I D D D
 tam uehemēter cōcupierit, quaro. nā tibi M. Perpenna,
 C. Piso certe tanti non fuisset, ut sociū fraudaretis. Ro-
 scio cur tāi fuerit, causam requiro. egebat? immo locu-
 ples erat. debebat? immo in suis nūmis uersabatur. aua-
 rus erat? immo etiam ante, quā locuples, semper libera-
 lissimus munificentissimusq; fuit. prō deum hominumq;
 fidē, qui HS CCC I D D CCC I D D CCC I D D qua-
 stus facere noluit (nā certe HS CCC I D D CCC I D D
 CCC I D D merere et potuit, & debuit, si potest Diony-
 sia HS CCC I D D CCC I D D merere) is per summam
 fraudem, & malitiā, & perfidiam HS I D D D appetijt?
 & illa fuit pecunia immanis, hac paruula: illa honesta,
 hac sordida: illa iucūda, hac acerba: illa propria, hac in
 causa, & in iudicio collocata. decem his annis proximis
 HS sexagies honestissime consequi potuit, noluit: laborē
 quāstus recepit, quāstū laboris reiecit: populo R. adhuc
 seruire non destitit, sibi seruire iam pridem destitit. hoc
 tu unquā Fanni faceres? sed si hos quāstus recipere pos-
 ses, non eodem tempore & gestum, & animam ageres?
 dic nunc te ab Roscio HS I D D D circumscriptum esse:

quī tantas, & tam infinitas pecunias non propter inerti-
 tiam laboris, sed propter magnificentiam liberalitatis re-
 pudiarit. quid ego nunc illa dicam, quæ uobis in mentē
 uenire certo scio? fraudabat te in societate Roscius. sunt
 iura, sunt formulæ de omnibus rebus cōstitutæ, ne quis
 aut in genere iniuriæ, aut ratione actionis errare possit:
 expresse sunt. n. ex uniuscuiusq; damno, dolore, incōmo-
 do, calamitate, iniuria publicæ à Prætorē formulæ, ad
 quas priuata lis accōmodatur. quæ cū ita sint; cur nō
 arbitrium pro socio adegeris Q. Rosciū, quæro. formulā
 nō noras? notissima erat. iudicio graui experiri uole-
 bas? quid ita? propter familiaritatem ueterem? cur ergo
 lædis? propter integritatē hominis? cur igitur infimulas?
 propter magnitudinem criminis? ita ne uero, quem per
 arbitriū circumuenire nō posses, cuius de ea re proprium
 erat iudiciū; hunc per iudicem condemnabis, cuius de ea
 re nullū est arbitriū? quin tu hoc crimen aut obijce, ubi
 licet agere: aut iacere noli, ubi non oportet. tamen iam
 hoc tuo testimonio crimen sublatū est: nam quo tu tēpo-
 re illa formula uti noluisti, nihil hūc in societatem frau-
 dis fecisse ostēdisti. fecit pactiōem: num tabulās habet,
 an nō? si non habet, quæ admodū pactiō est? si habet, cur
 nō nominas? dic nunc, Rosciū abs te petisse, ut familiarē
 suū sumeres arbitriū: non petijt. dic pactiōem fecisse, ut
 absolueretur: nō pepigit. quære, quare sit absolutus: quid
 erat summa innocētia, & integritate. quid. n. factū est?
 uenisti domū ultro Roscij: satisfecisti: quid temere com-
 misisses in iudiciū ut denunciaret, rogasti ut ignosceret:
 te affuturum negasti: deberi tibi ex societate nihil, clami-
 tasti. iudici hic denunciauit: absolutus est. tamen frau-

dis ac furti mentionem facere audeis? perstat in impudentia: pactionem enim, inquit, mecum fecerat. iccirco uidelicet, ne condemnaretur? quid erat causa, cur metueret ne cōdemnaretur? res erat manifesta: furtum erat apertum. cuius rei furtum factum erat? exorditur magna cū expectatione ueteris hystorici exponere societatem. Panurgus, inquit, fuit Fannij. is fuit ei cum Roscio cōmunis. hic primū questus est nō leuiter Saturius, cōmunē factum esse gratis cū Roscio, qui pretio proprius fuisset Fannij. largitus est scilicet homo liberalis, & dissolutus, et bonitate affluens Fānius Roscio. sic puto. quoniam ille hic cōstitit paulisper, mihi quoq; necesse est paulum cōmorari. Panurgum tu Saturi propriū Fannij dicis fuisse: at ego totum Roscij fuisse cōtendo. quid erat enim Fannij? corpus: quid Roscij? disciplina. facies non erat, ars erat pretiosa. ex qua parte erat Fannij, nō erat HS IDDD: ex qua parte erat Roscij, amplius erat HS CCCIDDD. nemo enim illum ex trunco corporis spectabat, sed ex artificio comico astimabat. nam illa membra merere per se nō amplius poterant duodecim aris: disciplina, quae erat ab hoc tradita, locabat se non minus HS CCCIDDD. ò societate captiosam & indignam: ubi alter HS IDDD, alter, CCCIDDD quod sit, in societate affert. nisi iccirco moleste pateris, q̄ HS IDDD tu ex arca proferebas, HS CCCIDDD ex disciplina et artificio Roscius promebat. quam enim rem, & expectationē, quod studium, & quem fauorem secum in scenam attulit Panurgus? quidd Roscij fuit discipulus. qui diligebant hūc, illi fauebant: qui admirabantur hunc, illum probabāt: qui denique huius nomen audierant, illum eruditum et

perfectum existimabant. sic est uulgius, ex ueritate pauca, ex opinione multa aestimat. quid sciret ille, per pauci animaduvertebant: ubi didicisset, omnes querebant: nihil ab hoc prauum & peruersum produci posse arbitrabantur. si ueniret ab Statilio, tamen si artificio Roscium superaret, aspicere nemo posset: nemo enim, sicut ex improbo patre probum filium nasci, sic ex pessimo histrione bonum comoedum fieri posse existimaret. quia ueniebat à Roscio, plus etiam scire, quam sciebat, uidebatur. quod item nuper in Erote comoedo usu uenit: qui postea quam è scena non modo sibilis, sed etiam conuictio explodebatur, sicut in aram confugit in huius domum, disciplinā, patrocinium, nomen. itaque per breuē tempore, qui ne in nouissimis quidē erat histrionibus, ad primos peruenit comoedos. quæ res extulit eum? una commendatio huius: qui tamen Panurgum illum non solum, ut Roscij discipulus fuisse diceretur, domum recepit, sed etiam summo cum labore, stomacho, miseriaq; erudit: nam quo quisque est solertior, & ingeniosior, hoc docet iracundius, & laboriosius: quod enim ipse celeriter arripuit, id cum tarde percipi uidet, discruciat. paulo longius oratio mea prouecta est hac de causa, ut conditionem societatis diligenter cognosceretis. quæ deinde consecuta? Panurgum, inquit, hunc seruum communem Q. Flauius Tarquinienensis quidam interfecit. in hanc rem, inquit, me cognitorem dedisti: lite contestata, iudicio damni iniuria constituto, tu sine me cū Flauio decidisti: utrum pro dimidia parte, an pro tota societate? planius dicam: utrum pro me, an pro me, & pro te? pro me? potui. exemplo multorum licitum

est: iure fecerunt multi: nihil in ea re tibi iniuriæ feci:
pete tu tuum: exige, & aufer quod debetur: suā quisq;
partem iuris possideat, et presequatur, at enim tu tuum
negotium gessisti bene: gere & tu tuum bene. magno
tuam dimidiā partem decidisti: magno & tu tuam
partē decide. HS C C C I D D D tu abstulisti: si sit hoc
uero, HS C C C I D D D tu quoque aufer. sed hanc de
cisionē Rosciū, oratione, & opinione augere licet, re &
ueritate mediocrem & tenuem esse inuenietis: accepit
enim agrum temporibus ijs, cum iacerent pretia prædio
rū: qui ager neque uillā habuit, neque ex ulla parte fuit
cultus: quī nunc multo pluris est, quā tunc fuit: neque
id est mirū: tum enim propter Reip. calamitates omniū
um possessiones erant incertæ; nūc, deum immortalium
benignitate, omnium fortunæ sunt certæ: tum erat ager
incultus sine tecto, nunc est cultissimus cum optima uil
la. ueruntamen, quoniā natura tam maleuolus es, nun
quam ista te molestia & cura liberabo. præclare suum
negotiū gessit Roscius, fundum fructuosissimum abstu
lit: quid ad te? tuam partem dimidiā, quemadmodū
uis, decide. uertit hic rationem, & id, quod probare non
potest, fingere conatur. de tota re, inquit, decidisti. ergo
huc uniuersa causa deducitur, utrum Roscius cum Fla
uio de sua parte, an de tota societate fecerit pactionem.
nam ego Roscium, si quid cōmuni nomine tetigit, confiteor
præstare debere societati. societatis, non suas lites re
demit, cum fundum à Flauio accepit. quid ita satis non
dedit, amplius à se neminem petiturum? qui de sua par
te decidit, reliquis integram relinquit actionem. qui pro
socijs transigit, satisfacit neminem eorū postea petiturū.

quid ita Flauio sibi cauere non uenit in mentē? nesciebat uidelicet Panurgum fuisse in societate: sciebat. nesciebat Fanniū Roscio esse sociū: præclare: nam iste cum eo litem cōtestatam habebat. cur igitur decedit, et nō restipulatur, neminē amplius petiturū? cur de fundo decedit, & iudicio nō absoluitur? cur tam imperite facit, ut nec Rosciū stipulatione alliget, neque à Fannio iudicio se absoluat? est hoc primum & ex conditione iuris, & ex consuetudine cautionis grauissimū, & firmissimū argumentū: quod ego pluribus uerbis amplecterer, si nō alia certiora & clariora testimonia in causa haberē. & ne forte me hoc frustra pollicitū esse prædices, te, te inquam Fanni ab tuis subsellijs contra te testem suscitabo. criminationis tuae quæ est? Roscium cū Flauio pro societate dedisse: quo tēpore? abhinc annis XV. defensio mea quæ est? Rosciū pro sua parte cū Flauio transegisse. repromittis tu abhinc trienniū Roscio. quid? recita istā restipulationē clarius: attende quæso Piso. Fanniū inuitū, et huc atque illuc tergiuersantē, testimoniū contra se dicere cogo. quid enim restipulatio clamat? QVOD A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO. tua uox est Fanni. quid tu auferre potes à Flauio, si Flauius nihil debet? quid hic porro nūc restipulatur, quod iā pridē ipse exegit? quid uero Flauius tibi daturus est, qui Roscio omne, quod debuit, dissoluit? cur in re tã ueteri, in negotio tã cōfecto, in societate dissoluta, noua hæc restipulatio interponitur? quis est huius restipulationis scriptor? testis? arbiter? quis? tu Piso: tu. n. Q. Rosciū pro opera, pro la-



bore, quodd cognitior fuisset, quodd uadimoniam obisset, rogasti ut Fannio daret HS CCCIDDD hac cōditione, ut, si quid ille exegisset à Flavio, partē eius dimidiam Roscio dissolueret. satis ne ista restipulatio dicere tibi uideretur aperte, Rosciū pro se decidisse? at enim forsitan hoc tibi ueniat in mentē, repromississe Fanniū Roscio, si quid à Flavio exegisset, eius partē dimidiā; sed omnino exegisse nihil. quid? tu nō exitū exactionis, sed inītiū repromissionis spectare debes: neq; si ille persequi noluit, nō, quod in se fuit, iudicauit Roscium suas, nō societatis lites redemisse. quid, si tandem planum facio, post decisionem ueterem Roscij, post repromissionem recentē hanc Fanniū, HS CCCIDDD Fannium à Q. Flavio Panurgi nomine abstulisse? tamen diutius illudere uiri optimi existimationi Q. Roscij audebit? paulo ante querebam, id quod uehementer ad rem pertinebat, qua de causa Flavius, cū de tota lite faceret pactionē, neque satis acciperet à Roscio, neque iudicio absolueretur à Fannio. nūc uero, id quod mirū et incredibile est, requiro, quamobrē, cū de tota re decidisset cū Roscio, HS CCCIDDD separatim Fannio dissoluit. hoc loco Saturi quid pareis respōdere, scire cupio; utrū, omnino Fanniū à Flavio HS CCCIDDD nō abstulisse, an alio nomine, & alia de causa abstulisse? si alia de causa, quæ ratio tibi cū eo intercesserat? nulla. addictus erat tibi? non. frustra tempus cōtero: omnino, inquit, HS CCCIDDD à Flavio nō abstulit neq; Panurgi nomine, neque cuiusquā. si planū facio, post hanc recentē stipulationē Roscij HS CCCIDDD à Flavio te abstulisse: nūquid causæ est, quin ab iudicio abeas turpissime uictus? quo teste igitur hoc planū faciam? uenerat,

ut opinor, hæc res in iudicium? certe. quis erat petitor? Fannius. quis reus? Flavius. quis iudex? Cluvius. ex his unus mihi testis est producendus, qui pecuniâ datam dicat. quis est ex his gravissimus? sine controuersia, qui omnium iudicio coprobatum est, iudex. quem igitur ex his tribus à me testē spectabis? petito rem? Fannius est: contra se nunquam testimonium dicet. reum? Flavius est: is iam pridem est mortuus: si uiueret, uerba eius audiretis. iudicem? Cluvius est. quid is dicit? HS CCCIDDD Panurgi nomine Flauium Fannio dissoluisse. quem tu si ex censu spectas, eques R. est: si ex uita, homo clarissimus est: si ex te, iudicem sumpsisti: si ex ueritate, id, quod scire potuit et debuit, dixit. nega, nega nunc, equiti R. homini honesto, iudici tuo credi oportere. circūspicit, æstuat, negat nos Cluij testimonium recitatu ros. recitabimus: erras: inani, & tenui spe te consolaris. recita testimonium T. Manilij, et C. Lusciij Ocreæ, duorum senatorum, hominum ornatissimorum, qui ex Cluio audierunt. utrum dicis, Luscio & Manilio, an & Cluio non esse credendum? planius atque apertius dicat: utrum Luscius et Manilius nihil de HS CCCIDDD ex Cluio audierunt, an Cluius falsum Luscio & Manilio dixit? hoc ego loco, soluto & quieto sum animo: &, quorsum recidat responsum tuum, non magnopere laboro: firmissimis enim, & sanctissimis testimonijs uirorum optimorum causa Roscij communica est. si iam tibi deliberatum est, quibus abroges fidem iurisiurandi: responde. Manilio & Luscio negas esse credendum? dic, aude: est tuæ contumaciæ, arrogantiæ, uitæq; uniuersæ uox. quid expectas, quam mox ego Luscium & Manilium dic

eā ordine esse senatores, etate grādes natu, natura san-
 ctos et religiosos, copiis rei familiaris locupletes, et pecunio-
 sos? nō faciā: nihil mihi detraham, cū illis exacte etatis
 seuerissime fructū, quē meruerunt, retribuā. magis mea
 adolescētia indiget illorū bona existimatione, quā illorū
 seuerissima senectus desiderat meā laudē. tibi uero Piso
 diu deliberandū, et cōcoquendū est, utrū potius Chereæ
 iniurato in sua lite, an Manilio et Luscio iuratis in alie
 no iudicio credas. Reliquū est, ut Cluuiū falsum dixisse
 Luscio & Manilio contendat. quod si facit, quā impu-
 dentia est? eū ne testē improbabit, quē iudicē probaret?
 ei negabit credi oportere, cui ipse crediderit? eius testis
 ad iudicē fidē infirmabit, cuius propter fidē et religionē
 iudicis testes cōparabat? quē ego si ferrē iudicē, refugere
 nō deberet: cū testē producā, reprehēdere audebit? dixit
 enim, inquit, iniuratus Luscio et Manilio. si diceret iura-
 tus, crederes? at quid interest inter periurū, & menda-
 cē? qui mētiri solet, peierare consuevit. quē ego, ut men-
 tiatur, inducere possum; ut peieret, exorare facile pote-
 ro: nā qui semel à ueritate deflexit, hic nō maiore religio-
 ne ad periuriū, quā ad mēdaciū perducī consuevit: quis
 enim deprecatione deorū, nō cōscientiæ fide cōmouetur?
 propterea, quæ pœna ab dijs immortalibus periuro, hac
 eadem mēdaci cōstitutā est. nō. n. ex pœtione uerborū,
 quibus insurandū cōprehēditur, sed ex perfidia & ma-
 litia, per quā insidia tēduntur alicui, dij immortales ho-
 minibus irasci, et succēdere cōsuerunt. at ego hoc ex con-
 trario cōtendo. leuior esset auctōritas Cluuij, si diceret
 iuratus, quā nunc est, cū dicit iniuratus: tum enim for-
 sitan improbis nimis cupidus uideretur, qui, quā de re
 iudex

iudex fuisset, testis esset : nūc omnibus inimicis necesse est
castissimus, & constantissimus esse uideatur, qui id, quod
scit, familiaribus suis dicit. dic nunc, si potes, si res, si cau-
sa patitur, Cluuium esse mentitum. mentitus est Cluui-
us? ipsa mihi ueritas manum iniecit, & paulisper consi-
stere, & commorari cogit. unde hoc totum ductum, &
conflatum mendacium est? Roscius est uidelicet homo
callidus & uersutus: hoc initio cogitare coepit: quoniam
Fannius à me petit HS 1000, petam à C. Cluuius equi-
te R. ornatissimo homine, ut mea causa mentiatur: di-
cat decisionem factā esse, quæ facta non est; HS CCC=
1000 à Flauio data esse Fannio, quæ data non sunt. est
hoc principium improbi animi, miseri ingenij, nullius con-
siliij. quid deinde? posteaquam se praeclare confirmauit,
uenit ad Cluuium, quem hominem? leuem? immo graui-
ssimum: mobilem? immo constantissimum: familiarem?
immo alienissimum. hunc posteaquam salutauit, rogare
coepit, blande & concinne scilicet: mentire mea causa,
uiris optimis tuis familiaribus praesentibus dic Flauium
cum Fānio de Panurgo decidisse, qui nihil transegit: dic
HS CCC1000 dedisse, qui assem nullum dedit. quid
ille? ego uero cupide & libenter mentiar tua causa:
& si quando me uis peierare, ut paululum tu compen-
dij facias, paratum fore scito. non fuit causa, cur tantū
laborem caperes, & ad me uenires: per nuncium hoc,
quod erat tam leue, transigere potuisti. prò deum homi-
numq; fidem: hoc aut Roscius unquā à Cluuius petisset,
si HS millies in iudicium haberet: aut Cluuius Roscio
petenti concessisset, si uniuersæ prædæ particeps esset: uix
medius fidius tu Fanni à Ballione, aut aliquo eius simili

hoc postulare auderes, & impetrare posses: quod cum est
 ueritate falsum, tū ratione quoque est incredibile. obliui=
 scor. n. Rosciū & Cluuium uiros esse primarios: impro=
 bos, temporis causa esse fingo. falsum subornauit testem
 Roscius Cluuium: cur tam sero? cur, cum altera pensio
 soluenda esset, nō tum, cum prima? nam iam antea HS
 IDDD dissoluerat. deinde, si iam persuasum erat Cluuius
 ut mentiretur: cur potius HS CCCIDDD, q̄ CCCIDDD
 CCCIDDD CCCIDDD, data dixit Fannio à Flauio, cū
 ex restipulatione pars eius dimidia Rosciū esset? iam in=
 telligis C. Piso, sibi soli, societati nihil Roscium petisse. hoc
 cum sentit Saturius esse apertum, resistere, & repugna=
 re contra ueritatem nō audet: aliud fraudis & insidia=
 rum in eodem uestigio diuerticulum reperit. petisse, in=
 quit, suam partem Roscium à Flauio cōfiteor: uacuā, &
 integram reliquisse Fānii, concedo: sed quod sibi exegit,
 id cōmune societatis factum esse cōtendo. quo nihil ca=
 ptiosius, neque indignius potest dici. quæro. n. potuerit ne
 Roscius ex societate suam partem petere, nec ne? si nō po=
 tuit, quēadmodum abstulit? si potuit, quēadmodum non
 sibi exegit? nam quod sibi petitur, certe alteri nō exigi=
 tur. an ita est? si, quod uniuersæ societatis fuisset, petisset:
 quod tū exactū esset, æqualiter omnes partirentur. nunc
 cum petierit quod suæ partis esset: nō, quod tum abstulit,
 soli sibi exegit? quid interest inter eum qui per se liti=
 gat, & qui cognitor est datus? qui per se litem conte=
 statur, sibi soli petit. alteri nemo potest, nisi qui cognitor
 est factus. ita ne uero? cognitor si fuisset tuus; quod uici=
 fet iudicio, ferres tuum: suo nomine petiit; quod abstulit,
 tibi, non sibi exegit? quod si quisquam petere potest alte=

ri, qui cognitor non est factus : quæro, quid ita, cum Paternus esset interfectus, & lis contestata cum Flavio damni iniuria esset, tu in eam litem cognitor Roscii sis factus? cum præsertim ex tua oratione, quodcunque tibi peteres, huic peteres: quodcunque tibi exigeres, id in societatem recideret. quod si ad Roscium nihil eius perveniret, quod tu à Flavio abstulisses, nisi te in suam litem dedisset cognitorem : ad te pervenire nihil debet, quod Roscius pro sua parte exegit, quoniam tuus cognitor non est factus. quid enim huic rei respondere poteris Fanni? cum de sua parte Roscius transiit cum Flavio, ætior nem tibi tuam reliquit, an non? si non reliquit, quemadmodum HS CCCIDDD ab eo postea exegisti? si reliquit, quid ab hoc petis, quod per te persequi & petere debes? simillima enim, & maxime gemina societas hereditatis est. quemadmodum socius in societate habet partem: sic hæres in hereditate habet partem. ut hæres sibi soli, non cohæredibus petit: sic socius sibi soli, non socijs petit: & quemadmodum uterque pro sua parte petit, sic pro sua parte dissolvit; hæres ex sua parte, qua hereditatē adiit; socius ex ea, qua societatem cōiit. quemadmodum suam partem Roscius suo nomine condonare potuit Flavio, ut eam tu non peteres: sic cum exegit suam partem, & tibi integrā petitionem reliquit, tecum partiri non debet. nisi forte tu perverso more, quod huius est, ab alio extorquere non potes, huic eripere potes. perstat in sententia Saturius; quodcunque sibi petat socius, id societatis fieri. quod si ita est: qua, malum, stultitia fuit Roscius, qui ex iuris peritorum consilio & auctoritate restipularetur à Fannio diligenter, ut, quod

is exegisset à Flavio , dimidiam partem sibi dissolueret ,
 siquidem sine cautione, & repromissione nihilo minus id
 Fannius societati , hoc est Roscio , debebat ?

desiderantur non pauca.

ACCUSATIONIS IN C. VERREM
LIBER PRIMVS, QVI DIVI-
NATIO DICITVR.
ORATIO IIII.

I QVIS uestrum iudices, aut eorū,
qui adsunt, forte miratur, me, qui tot
annos in causis iudicijsq; publicis ita
sim uersatus, ut defenderim multos, læ-
serim neminem, subito nūc mutata uo-
luntate ad accusandū descendere: is, si mei consilij cau-
sam rationemq; cognouerit, unā & id, quod facio, pro-
babit, & in hac causa profecto neminem mihi esse præ-
ponendum actorem putabit. Cum Quæstor in Sicilia
fuissem iudices, itaq; ex ea provincia decessissem, ut Sici-
lis omnibus iucundam diurnamq; memoriam Quæ-
sturæ nominisq; mei relinquerem: factū est, uti cū sum-
mum in ueteribus patronis multis, tum nonnullum etiam
in me præsidium suis fortunis constitutum esse arbitra-
rentur. qui nūc populati, atque uexati, cuncti ad me pu-
blice sæpe uenerunt, ut suarum fortunarum omnium
causam defensionemq; susciperem. me sæpe esse pollicitū,
sæpe ostendisse dicebant, si quod tempus accidisset, quo tē-
pore aliquid à me requirerent, cōmodis eorum me non
defuturum. uenisse tempus aiebant, non iam ut cōmoda
sua, sed ut uitā salutemq; totius prouinciæ defenderem:
se se iam ne deos quidem in suis urbibus, ad quos confuge-
rent, habere, quod eorum simulacra sanctissima C. Ver-
res ex delubris religiosissimis sustulisset: quas res luxu-
ries in flagitijs, crudelitas in supplicijs, auaritia in ra-

pinis, superbia in cōtumelijs efficere potuisset, eas omnes
 sese hoc uno Pratore per triennium pertulisse: rogare, &
 orare, ne illos supplices aspernarer, quos me incolumi
 nemini supplices esse oporteret. tuli grauiter, & acerbe
 iudices, in eum me locum adductum, ut aut eos homines
 spes falleret, qui opem à me, atque auxiliū expectassent;
 aut ego, qui me ad defendendos homines ab ineunte ado
 leſcentia dedissem, tempore atque officio coactus, ad accu
 sandum traducerer. dicebam, habere eos aēctorem Q.
 Cæcilium, qui præsertim Quæstor in eadem provincia
 post me Quæstorem fuisset. quo ego adiumento spera
 bam hanc à me molestiam posse dimoueri, id mihi erat
 aduersarium maxime: nam illi multo mihi hoc facilius
 remisissent, si istum nō nossent, aut si iste apud eos Quæ
 stor non fuisset. adductus sum iudices officio; fide, mise
 ricordia, multorum bonorum exemplo, ueteri consuetu
 dine, institutoq; maiorum, ut onus hoc laboris, atque offi
 cij non ex meo, sed ex meorum necessariorum tempore
 mihi suscipiendum putarem. quo in negotio tamen illa
 me res iudices consolatur, quòd hæc, quæ uidetur esse,
 accusatio mea, non potius accusatio, quàm defensio est
 existimanda: defendo enim multos mortales, multas ci
 uitates, provinciam Siciliam totam. quam ob rem si
 mihi unus est accusandus, propemodum manere in
 instituto meo uideor, & non omnino à defendendis
 hominibus subleuandisq; discedere. quòd si hanc cau
 sam tam idoneam, tam illustrem, tam grauem non
 haberem; si aut hoc à me Siculi non petissent, aut
 mihi cum Siculis causa tantæ necessitudinis non in
 tercederet, & hoc, quod facio, me Reip. causa fa=

cere profiterer, ut homo singulari cupiditate, audacia, scelere præditus, cuius furta atque flagitia non in Sicilia solum, sed in Achaia, Asia, Cilicia, Paphylia, Romæ denique ante oculos omnium maxima turpissimaq; nosse-
mus, me agente in iudicium uocaretur: quis eadem esset, qui meum factum aut consilium posset reprehendere? quid est, præ deum hominumq; fidem, in quo ego Reip. plus hoc tempore prodesse possim? quid est, quod aut populo R. gratius esse debeat, aut socijs exterisq; nationibus optatius esse possit, aut saluti fortunisq; omnium magis accommodatum sit? populatæ, uexatæ, funditus euerse provincie: socij, stipendiarij; populi R. afflictj, miseri, iam non salutis spem, sed exitij solatium querunt. qui iudicia manere apud ordinem senatorium uolunt, queruntur accusatores se idoneos non habere. qui accusare possunt, iudiciorum seueritatem desiderant. populus R. interea, tametsi multis incommodis difficultatibusq; affectus est, tamen nihil æque in Rep. atque illam ueterem iudiciorum uim grauitatemq; requirit. iudiciorum desiderio tribunitia potestas efflagitata est. iudiciorum leuitate ordo quoque alius ad res iudicandas postulatur. iudicij culpa atque dedecore etiam censorium nomen, quod asperius antea populo uideri solebat, id nunc poscitur, id iam populare, atque plausibile factum est. in hac libidine hominum nocentissimorum, in populi R. quotidiana querimonia, iudiciorum infamia, totius ordinis offensione, cum hoc unum his tot incommodis remedium esse arbitrarer, ut homines idonei, atque integri causam Reip. legumq; susciperent: fateor me salutis omnium causa ad eam partem

accessisse Reip. subleuandæ, quæ maxime laboraret. nunc, quoniam, quibus rebus adductus ad causam accesserim, demonstraui, dicendum necessario est de contentione nostra, ut in constituendo accusatore, quod sequi possitis, habeatis. Ego sic intelligo iudices: cum de pecunijs repetundis nomen cuiuspiam deferatur, si certamen inter aliquos sit, cui potissimum delatio detur, hac duo in primis spectari oportere; quem maxime uelint actorem esse uel, quibus factæ esse dicantur iniuriæ; et quem minime uelit is, qui eas iniurias fecisse arguatur. in hac causa iudices, tametsi utrumque esse arbitror perspicuum, tamen de utroque dicam, et de eo prius, quod apud uos plurimum debet ualere, hoc est de uoluntate eorum, quibus iniuriæ factæ sunt, quorum causa iudicium de pecunijs repetundis est constitutum. Siciliam provinciam C. Verres per triennium depopulatus esse, Siculorum ciuitates uastasse, domos exinanisse, fana spoliasse dicitur. adsunt, queruntur Siculi uniuersi: ad meam fidem, quam habent spectatam iam, et diu cognitam, confugiunt: auxilium sibi per me a uobis atque a populo R. legibus petunt: me defensorum calamitatum suarum, me ultorem iniuriarum, me cognitorem iuris sui, me actorem causæ totius esse uoluerunt. utrum Q. Cæcili hoc dices, me non Siculorum rogatu ad causam accedere, an optimorum fidelissimorumque sociorum uoluntatem apud hos graue esse non oportere? si id audebis dicere, quod C. Verres, cui te inimicum esse simulas, maxime existimari uult, Siculos hoc a me non petisse: primum causam inimici tui subleuabis: de quo non præiudicium, sed planè iudicium iam factum putatur, quod ita percrebuit, Siculos omnes actorem suæ causæ contra illius in-

iurias quasisse. hoc si tu, inimicus eius, factum negabis, quod ipse, cui maxime hæc res obstat, negare non audeat: uideto, ne nimium familiariter inimicitias exercere uideamur. deinde sunt testes uiri clarissimi nostræ ciuitatis: quos omnes à me nominari non est necesse. eos, qui adsunt, appellabo: quos, si mentirer, testes esse impudentiæ meæ minime uellem. scit is, qui est in consilio, C. Marcellus: scit is, quem adesse uideo, Cn. Lentulus Marcellinus: quorum fide atque presidio Siculi maxime nituntur, quod omnino Marcellorum nomini tota illa provincia adiuncta est. hi sciunt, hoc non modo à me petitum esse, sed ita sepe, et ita uehementer esse petitum, ut aut causa mihi suscipienda fuerit, aut officium necessitudinis repudiandum. sed quid ego his testibus utor? quasi res dubia, aut obscura sit. adsunt homines ex tota provincia nobilissimi, qui presentes uos orant atque obsecrant iudices, ut in actore causæ suæ diligendo uestrum iudicium à suo iudicio ne discrepet. omnium ciuitatum totius Siciliae legationes adsunt, præter duas ciuitates: quarum duarum si adessent, duo crimina uel maxima minuerentur, quæ cum his ciuitatibus C. Verri communicata sunt. at. n. cur à me potissimum hoc presidium petiuerunt? si esset dubium, petissent à me presidium, nec ne: dicere, cur petissent. nunc uero, cum id ita perspicuum sit, ut oculis indicare possitis: nescio, cur hoc mihi detrimento esse debeat, si id mihi obijciatur, me potissimum esse delectum. uerum id mihi non sumo iudices, et hoc non modo in oratione mea non pono, sed ne in opinione quidem cuiusquam relinquo, me omnibus patronis esse prepositum. non ita est: sed uniuscuiusque, temporis, uoletudinis facultatis ad agendum, ducta ratio est. mea fuit semper hæc in hac re uoluntas, et sensus

zentia, quēuis ut hoc mallent, de ijs qui essent idonei, su-
 scipere, quā me ; me ut mallent, quā neminem. Reli-
 quum est iam, ut illud queramus: cum hoc constet, Sicu-
 los à me petisse ; ecquid hāc rem apud uos, animosq; ue-
 stros ualere oporteat, ecquid auctoritatis apud uos in
 suo iure repetundo socij populi R. supplices uestri habere
 debeant. de quo quid ego plura cōmemorem ? quasi ue-
 ro dubium sit, quin tota lex de pecunijs repetundis socio-
 rum causa constituta sit. nam ciuibus cum sunt erepta
 pecunia, ciuili ferē aēione, & priuato iure repetuntur.
 hāc lex socialis est : hoc ius nationum exterarū est : hāc
 habent arcem, minus aliquanto nūc quidem manitam,
 quā antea ; uerūtamen, si qua reliqua spes est, quā so-
 ciorum animos consolari possit, ea tota in hac lege posita
 est. cuius legis non modo à populo R. sed etiam ab ul-
 timis nationibus iampridem seueri custodes requiruntur.
 quis igitur est, qui neget oportere eorum arbitratu lege
 agi, quorum causa lex sit constituta? Sicilia tota, si una
 uoce loqueretur, hoc diceret : quod auri, quod argenti,
 quod ornamentorum in meis urbibus, sedibus, delubris
 fuit, quod in unaquaq; re beneficio senatus populiq; R.
 iuris habui, id mihi tu C. Verres eripuisti, atque abstuli-
 sti. quo nomine abs te sestertium millies ex lege repetō. si
 uniuersa, ut dixi, prouincia loqui posset, hac uoce utere-
 tur. quoniā id nō poterat, harū rerū aēlorem quem ido-
 neum esse arbitrata est, ipsa delegit. in huiusmodi re
 quisquam tam impudens reperietur, qui ad alienam cau-
 sam inuitis ijs, quorum negotium est, accedere, aut aspi-
 rare audeat ? si tibi Q. Cæcili hoc Siculi dicerent ; te
 non nouimus ; nescimus, qui sis ; nunquā te antea uidi-

mus ; sine nos per eum nostras fortunas defendere , cuius fides est nobis cognita : non ne id dicerent , quod cuius probare deberent ? nunc hoc dicunt , utrūque se nosse , alterum se cupere defensorem esse fortunarum suarum , alterum planè nolle . cur nolint , etiam si tacent , satis dicunt . uerum nō tacent . tamen his inuitissimis te offeres ? tamen in aliena causa loquere ? tamen eos defendas , qui se ab omnibus desertos potius , quàm abs te defensos esse malunt ? tamen his operam tuam pollicebere , quē te neque uelle sua causa , nec , si cupias , posse arbitrantur ? cur eorum spem exiguam reliquarum fortunarum , quā habent in legis et iudiciū seueritate positam , ui extorquere conaris ? cur te interponis inuitissimis ijs , quibus maxime lex consultum esse uult ? cur , de quibus in prouincia non optime es meritis , eos nunc planè fortunis omnibus conaris euertere ? cur ijs non modo persequendi iuris sui , sed etiam deplorandæ calamitatis adiutis potestatem ? nam te actore quem eorum affuturum putas , quos intelligis , non ut per te alium , sed ut per aliquem te ipsum ulciscantur , laborare ? At enim solum id est , ut me Siculi maxime uelint : alterum illud credo obscurum est , à quo Verres minime se accusari uelit . equis unquam tam palam de honore , tam uehementer de salute sua cōtendit , quàm ille atque illius amici , ut ne hac mihi delatio detur ? sunt multa , quæ Verres in me esse arbitratur , quæ scit in te Qu. Cæcili nō esse : quæ cuiusmodi in utroque nostrū sunt , paulo post cōmemorabo . nūc tantum id dicam , quod tacitus tu mihi assentire : nullā rem in me esse , quā ille cōtemnat ; nullā in te , quā pertimescat . itaque magnus ille defensor ,

D I V I N A T I O

et amicus eius tibi Hortensius suffragatur, me oppugnat: aperte ab iudicibus petit, ut tu mihi anteponare: & ait, hoc se honeste, sine ulla inuidia, ac sine ulla offensione contendere: nō enim, inquit, illud peto, quod soleo, cū uementius cōtendi, impetrare; reus ut absoluator, nō peto: sed ut ab hoc potius, quā ab illo accusetur, id peto. da mihi hoc: cōcede, quod facile est, quod honestum, quod non inuidiosum: quod cum dederis, sine ullo tuo periculo, sine infamia illud dederis, ut is absoluator, cuius ego causa laboro. & ait idem, ut aliquis metus adiunctus sit ad gratiam; certos esse in cōsilio, quibus ostendi tabellas uelit: id esse perfacile: non. n. singulos ferre sententias, sed uniuersos cōstituere: ceratam unicuique tabellam dari cera legitima, nō illa infami ac nefaria. atque is nō tā propter Verrem laborat, quā quod cū minime res tota delectat: uidet enim, si à pueris nobilibus, quos adhuc elusit, si à quadruplatoribus, quos non sine causa cōtempse semper, ac pro nihilo putauit, accusandi uoluntas ad uiros fortes, spectatosq; homines translata sit, se in iudicijs dominari nō posse. huic ego homini iam ante denūcio: si à me causam hanc uos agi uolueritis, rationem illi defendendi totam esse mutandam, & ita tamen mutandā, ut meliore & honestiore cōditione sit, q̄ qua ipse esse uult, ut imitetur homines eos, quos ipse uidit, amplissimos, L. Crassum, & M. Antonium, qui nihil se arbitrabātur ad iudicia causasq; amicorū præter fidem, & ingenium asferre oportere. nihil erit, quod me agente arbitretur iudicium sine magno multorum periculo posse corrūpi. ego in hoc iudicio mihi Sicularum causam receptam, populū R. susceptam esse arbitror: ut mihi non unus homo im=

probus opprimendus sit, id quod Siculi petiuerunt, sed omnino omnis improbitas, id quod populus R. iādū flagitat, extingūda atque delenda sit. in quo ego quid enī ti, aut quid efficere possim, malo in aliorū spē relinquere, quā in oratione mea ponere. Tu uero Cæcili quid potes? quo tēpore, aut qua in re non modo specimen cæteris alī quod dedisti, sed tute tui periculum fecisti? in mētem tibi nō uenit, quid negotij sit, causam publicam sustinere? uitā alterius totā explicare? atque eā nō modo in animis iudicum, sed etiam in oculis, conspēctūq; omnium exponere? sociorum salutem, cōmoda provinciarum, uim legum, grauitatem iudiciorū defendere? cognosce ex me, quoniam hoc primū tempus discendi nāctus es, q̄ multa esse oporteat in eo, qui alterū accuset: ex quibus si unum aliquod in te cognoueris, ego iam tibi ipse istuc, quod expetis, mea uoluntate concedam. primū integritatē, atque innocentiam singularem: nihil est enim, quod minus ferendum sit, q̄ rationem ab altero uitæ reposcere eum, qui nō possit suæ reddere. hic ego de te plura nō dicam: unū illud credo omnes animaduertere, te adhuc ab nullis nisi à Siculis potuisse cognosci: Siculos hoc dicere, cum eisdem sint irati, cui tu te inimicum esse dicis, sese tamen te aēctore ad iudicium non affuturos. quāre negent, ex me non audies: hos patere id suspicari, quod necesse est. illi quidem, ut est hominum genus nimis acutum & suspiciosum, nō te ex Sicilia literas in Verrem deportare uelle arbitrantur, sed, cum iisdem literis illius Prætura; & tua Quæstura consignata sit, asportare te uelle ex Sicilia literas suspicantur. deinde accusatorem firmū, uerūq; esse oportet. eum ego si te putem cupere esse, facile intel-

ligo esse non posse. nec ea dico, quæ, si dicam, tamen infir-
 mare non possis : te, antequam de Sicilia decesseris, in gra-
 tiam redisse cum Verre : Potamonem, scribam, & fami-
 liarem tuum, retentum esse à Verre in prouincia, cum tu
 decederes : M. Cæcilium fratrem tuum, leuissimum, atque
 ornatissimum adolescentem, non modo non adesse, neque te-
 cum tuas iniurias persequi, sed esse cum Verre, cum illo
 familiarissime atque amicissime uiuere. sunt hæc, et alia
 in te falsi accusatoris signa permulta : quibus ego nunc non
 utor. hoc dico, te, si maxime cupias, tamen uerum accu-
 satores esse non posse : uideo enim permulta esse crimi-
 na, quorum tibi societas cum Verre eiusmodi est, ut ea in
 accusando attingere non audeas. Queritur Sicilia tota
 C. Verrem ab aratoribus, cum frumentum sibi in cellam
 imperauisset, & cum esset tritici modius HS II, pro fru-
 mento in modios singulos duodenos sestertios exegisse.
 magnum crimen, ingens pecunia, furtum impudens, in-
 iuria non ferenda. ego hoc uno crimine illum cõdemnem
 necesse est. tu Cæcili quid facies ? utrum hoc tantum cri-
 men prætermittes, an obijcies ? si obijcies : id ne alteri cri-
 mini dabis, quod eodem tempore in eadem prouincia tu
 ipse fecisti ? audebis ita accusare alterum, ut, quo minus
 tute cõdemnere, recusare non possis ? si prætermittes, qua-
 lis erit ista tua accusatio ? quæ domestici periculi metu,
 certissimi & maximi criminis non modo suspicionem, ue-
 rum etiã mentionem ipsam pertimescat. Emptum est ex
 S. C. frumentum ab Siculis Prætorè Verre, pro quo fru-
 mento pecunia omnis soluta non est. graue est hoc crimen
 in Verrem, graue me agente, te accusante nullum : eras
 enim tu Quæstor : pecuniã publicã tu tractabas : ex qua,

etiam si cuperet Prator, tamē, ne qua deductio fieret, magna ex parte tua potestas erat. huius quoque igitur criminis te accusante metio nulla fiet. silebitur toto iudicio de maximis, & notissimis illius furtis, & iniurijs. mihi crede Cæcili, non potest in accusando, socios uere defendere is, qui cū reo criminū societate coniunctus est. Mancipes à ciuitatibus pro frumento pecuniā exegerūt. quid? hoc Verre Pratore factum est solum? non, sed etiam Quæstore Cæcilio. quid igitur? daturus es huic crimini, quod & potuisti prohibere ne fieret, & debuisti? an totum id relinques? ergo id omnino Verres in iudicio suo nō audiet, quod cum faciebat, quemadmodū defensurus esset, non reperiebat. atque ego hæc, quæ in medio posita sunt, cōmemoro. sunt alia magis occulta furtis: quæ ille, ut istius credo animos, atque impetus retardaret, cū Quæstore suo benignissime cōmunicauit. hæc tu scis ad me esse delata: quæ si uelim proferre, facile omnes intelligent, uobis inter uos nō modo uoluntatem fuisse coniunctam, sed ne prædam quidem adhuc esse diuisam. quapropter si tibi iudiciū postulas dari, quod tecū unā fecerit: concedo, si id lege permittitur. sin autem de accusatione dicimus: cōcedas oportet ijs, qui nullo suo peccato impediuntur, quo minus alterius peccata demonstrare possint. ac uide, quātū interfuturū sit inter meā, atque tuā accusatio nem. ego, etiā quæ tu sine Verre cōmisisti, Verri crimini daturus sum, quod te nō prohibuerit, cū summā ipse haberet potestatem. tu cōtra, ne quæ ille quidē fecit, obicies, nequa ex parte coniunctus cū eo reperiare. Quid illa Cæcili? cōtemnenda ne tibi uidentur esse? sine quibus causa sustineri, præsertim tanta, nullo modo potest. aliqua

facultas agendi, aliqua dicendi consuetudo, aliqua in foro, iudicijs, legibus aut ratio, aut exercitatio. intelligo, quod scopuloso, difficiliq; in loco uerser: nam cum omnis arrogantia odiosa est, tum illa ingenij, atque eloquentiae multo molestissima. quod obrem nihil dico de meo ingenio; neque est, quod possim dicere; neque, si esset, dicere: aut enim id mihi satis est, quod est de me opinionis, quidquid est: aut, si id parum est, ego maius id commemorando facere non possum, de te Caelii iam mehercule hoc extra hanc contentionem certamenq; nostrum familiariter tecum loquar. tu ipse quemadmodum existimes, uide etiam atque etiam: Et tu te collige: Et, qui sis, Et quid facere possis, considera. putas ne te posse de maximis, acerbissimisq; rebus, cum causam sociorum, fortunaq; provinciae, ius populi Romanae gravitatem iudicij, legumq; susceperis, tot res, tam uarias, uoce, memoria, consilio, ingenio sustinere? putas ne te posse, quae C. Verres in Quaestura, quae in Legatione, quae in Praetura, quae Romae, quae in Italia, quae in Achaia, Asia, Pamphyliaq; patrarit, ea, quemadmodum locis, et temporibusq; diuisa sint, sic criminibus Et oratione distinguere? putas ne posse, id quod in eiusmodi reo maxime necessarium est, facere, ut, quae ille libidine, quae crudeliter fecerit, ea aequae acerba Et indigna uideantur esse ijs, qui audierit, atque illis uisa sunt, qui senserunt? magna sunt ea, quae dico. mihi, mihi crede, noli hac continere. dicenda, demonstranda, explicanda sunt omnia: causa non solum exponenda, sed etiam grauitate copioseq; agenda est: perficiendum est, si quid agere aut perficere uis, ut homines te non solum audiant, uerum etiam libere studioseq; audiant. in quo si te multum natura adiunxerit, si optime

mis à pueritia disciplinis atque artibus studuisses, & in his elaborasses, si literas græcas Athenis, nō Lilybæi, latinas Romæ, nō in Sicilia didicisses: tamē esset magnum, tantā causam, tam expectatam et diligentia consequi, et memoria complecti, & oratione exponere, et uoce, et uiribus sustinere. fortasse dices: quid? ergo hæc in te sunt omnia? utinā quidē essent: ueruntamē, ut esse possent, magno studio mihi à pueritia est elaboratū. quod si ego hæc propter magnitudinem rerū, ac difficultatē assequi nō potui, qui in omni uita nihil aliud egi: quā lōge tu te ab his rebus abesse arbitrare, quas nō modo antea nunquā cogitasti, sed ne nunc quidem, cū in eas ingrederis, quæ et quantæ sint, suspicari potes? ego, qui, sicut omnes sciunt, in foro iudicij; ita uerser, ut eiusdem ætatis aut nemo, aut pauci plures causas defenderint, & qui omne tempus, quod mihi ab amicorū negotijs datur, in his studijs, laboribusq; consumā, quo paratior ad usum forenssem, promptiorq; esse possim: tamen ita deos mihi uelim propitios, ut, cū illius diei mihi uenit in mentem, quo die citato reo mihi dicendum sit, non solū cōmoueor animo, sed etiam toto corpore perhorresco. iam nunc mente, & cogitatione prospicio, quæ tum studia hominū, qui concursus futuri sint, quantā expectationem magnitudo iudicij sit allatura, quantā auditorū multitudinē C. Veris infamia concitatura, quantā denique audientiā orationi meæ improbitas illius factura sit. quæ cū cogito, iā nūc timeo, quidnā pro offensione hominū, qui illi inimici, insensiq; sunt, et expectatione omnium, et magnitudine rerum dignū eloqui possim. tu horum nihil metuis, nihil cogitas, nihil laboras: et, si quid ex uetere aliqua oratio-

D I V I N A T I O

ne; I O V E M ego Optimū Maximū; aut, V E L L E M si fieri potuisset iudices; aut aliquid eiusmodi ediscere potueris; præclare te paratū in iudicium uenturū arbitraris. ac si nemo tibi respōsurus esset, tamē ipsam causam, ut ego arbitror, demonstrare nō posses. nūc ne illud quidem cogitas, tibi cū homine disertissimo, et ad dicendum paratissimo futurū esse certamen? quicū modo differendū, modo omni ratione pugnandū, certandumq; sit. cuius ego ingeniū ita laudo, ut nō pertimescā: ita probō, ut me ab eo delectari facilius, quā decipi putem posse. nunquā ille me opprimeret consilio, nunquā ullo artificio peruerteret: nunquā ingenio me suo labefactare atq; infirmare conabatur: noui omnes hominis petitiones, rationesq; dicendi: saepe in iisdē, saepe in contrarijs causis uersati sumus. ita cōtra me ille dicet, quāuis sit ingeniosus, ut nonnullum etiā de suo ingenio iudicium fieri arbitretur. te uero Cæcili quemadmodū sit elusurus, quā omni ratione iactaturus, uidere iam uideor: quoties ille tibi potestatem optionemq; facturus sit, ut eligas utrū uelis; factū esse, nec ne; uerū esse, an falsum: utrū dixeris, id cōtra te futurum. qui tibi astus, qui error, quæ tenebræ dij immortales erūt, homini minime malo? quid, cum accusationis tuæ membra diuidere cœperit, et in digitis suis singulas partes causæ cōstituere? quid, cū unumquodque transigere, expedire, absoluere? ipse profecto metuere incipies, ne innocenti periculum facesseris. quid, cum commiserari, conqueri, & ex illius inuidia deonerare aliquid, et in te traicere cœperit? commemorare Quæstoris cum Prætoris necessitudinem constitutam? morē maiorum? sortis religionem? poteris ne eius orationis subire inuidiam?

uide modo, etiā atque etiam considera: mihi. n. uidetur periculū fore, ne ille non modo uerbis te obruat, sed gestu ipso ac motu corporis prastringat aciem ingenij tui, teq; ab institutis tuis, cogitationibusq; abducatur. atq; huiusce rei iudiciū iam continuo uideo futurū. si. n. mihi hodie respondere ad hac, quæ dico, potueris; si ab isto libro, quem tibi magister ludi nescio quis ex alienis orationibus compositū dedit, uerbo uno discesseris: posse te et illi quoque iudicio nō deesse, et causæ atque officio tuo satisfacere arbitror. sin mecum in hac prolusione nihil fueris, quem te in ipsa pugna cum acerrimo aduersario fore putemus? esto: ipse nihil est, nihil potest: at uenit paratus cū subscriptoribus exercitatis & disertis. est tamen hoc aliquid, tametsi nō est sati: somnibus. n. rebus is, qui princeps in agendo est, ornatissimus et paratissimus esse debet. uerūtamen L. Apuleium esse uideo proximū scriptorem, hominē nō atate, sed usu forensi atque exercitatione tyronem. deinde, ut opinor, habet Allienū, hunc tamen à subsellijs: qui quid in dicendo possit, nunquam satis attendi: in clamando quidem uideo eum esse bene robustum atque exercitatū. in hoc spes tuæ sunt omnes. hic, si tu eris actor constitutus, totum iudiciū sustinebit. ac ne is quidem tantum contendet in dicendo, quantum potest, sed consulet laudi et existimationi tuæ, & ex eo, quod ipse potest in dicendo, aliquantum remittet, ut tu tamen aliquid esse uideare. ut in actoribus Græcis fieri uidemus; sæpe illū, qui est secundarum, aut tertiarum partium, cum possit aliquanto clarius dicere, quàm ipse primarum, multum summittere, ut ille princeps quā maxime excellat: sic faciet Allienus, tibi seruiet, tibi

lenocinabitur: minus aliquanto contendet, quā potest. iā hoc considerate, cuiusmodi accusatores in tāto iudicio si mus habituri, cū & ipse Allienus ex ea facultate, si quā habet, aliquantum detracturus sit, & Cæcilius tum denique se aliquid futurum putet, si Allienus minus uehemens fuerit, & sibi primas in dicēdo partes concesserit. quartum quem sit habiturus, non uideo, nisi quem forte ex illo grege oratorū, qui subscriptionē sibi postularunt, cuicumque uos delitionē dedissetis. ex quibus alienissimis hominibus ita paratus uenis, ut tibi hospes aliquis sit recipiendus. quibus ego non sum tantū honorē habiturus, ut ad ea, quæ dixerint, certo loco, aut singulatim unicuique respondeā. sic breuiter, quoniam nō consulto, sed casu in eorū mentionē incidi, quasi prateriens satisfaciā uniuerfis. tanta ne uobis inopia uideor esse amicorum, ut mihi non ex his, quos mecum adduxerim, sed de populo subscriptor addatur? uobis autē tanta inopia reorū est, ut mihi causam præripere conemini potius, quā aliquos à columna Menia uestri ordinis reos reperiatis? custodē, inquit, Tullio mē apponite. quid? mihi quā multis custodibus opus erit, si te semel ad meas capsas admiserō? qui, non solum ne quid enuncies, sed etiam ne quid auferas, custodiendus sis. sed de isto custode toto sic uobis breuissime respondebo: non esse hos tales uiros cōmissuros, ut ad causam tantam à me susceptam, mihi credi tam quisquam subscriptor me inuito aspirare possit: etenim fides mea custodem repudiat, diligentia speculatorem reformidat. uerum ut ad te Cæcili redeam, quā multa te deficiant, uides: quā multa sint in te, quæ reus nocens in accusatore suo cupiat esse, profecto iam in=

telligis. quid ad hæc dici potest? non enim quaero, quid tu dicturus sis. uideo, mihi non te, sed hunc librum esse respondendum, quem monitor tuus hic tenet. qui si recte monere uolet, suadebit tibi, ut hinc discedas, neque mihi uerbum ullum respondeas: quid enim dices? an id, quod dicitas, iniuriam tibi fecisse Verrem? arbitror: neque enim esset uerisimile, cum omnibus Siculis faceret iniurias, te illi unum eximium, cui consuleret, fuisse. sed ceteri Siculi ultorem suarum iniuriarum inuenerunt: tu, dum tuas iniurias per te, id quod non potest, persequi conaris, id agis, ut ceterorum quoque iniuriæ sint impunitæ, atque inultæ. Hoc te præterit, non id solum spectari solere, qui debeat; sed etiam illud, qui possit ulcisci: in quo utrumque sit, eum superiorem esse: in quo alterum, in eo, non quid is uelit, sed quid facere possit, quaeri solere. quod si ei potissimum censes permitti oportere accusandi potestatem, cui maximam C. Verres iniuriam fecerit: utrum tandem censes hos iudices grauius ferre oportere, te ab illo esse læsum, an provinciam Siciliam esse uexatam, ac perditam? opinor, concedis, multo hoc esse grauius, et ab omnibus ferri grauius oportere. concede igitur, ut tibi anteponatur in accusando provincia: nam provincia accusat, cum is agit causam, quem sibi illa defensorem sui iuris, ultorem iniuriarum, auctorem totius causæ adoptauit. at eam tibi C. Verres fecit iniuriam, quæ ceterorum quoque animos posset alieno incommodo commouere. minime: nam id quoque ad rem pertinere arbitror, qualis iniuria dicatur, quæ causa inimicitiarum proferatur. cognoscite ex me: nam iste eam profecto, nisi planè nihil sapit, nunquam proferet. Agonis est quædam Lilybatana, liberta Ver-

DIVINATIO

neris Erycinæ, quæ mulier ante hunc Quæstorem copiosa planè et locuples fuit. ab hac præfectus Antonij quidam symphoniacos seruos abducebat per iniuriam, quibus se in classe uti uelle dicebat. tum illa, ut mos in Sicilia est omnium Venercorum, & eorum qui à Veneris se liberauerunt; ut præfecto illi religionem Veneris, nomenq; obijceret, dixit & se, & omnia sua Veneris esse. ut hoc Quæstori Cæcilio uiro optimo, & homini aequissimo nuntiatum est: uocari ad se Agonidem iuber: iudiciū dat statim, si patere eam se, & sua Veneris esse dixisse. iudicāt Recuperatores id, quod necesse erat: neq; enim erat cuiquam dubium, quin illa dixisset. iste in possessionem bonorū mulieris mittit: ipsam Veneri in seruitutem adiudicat: deinde bona uendit: pecuniam redigit. ita dum pauca mǎcipia Veneris nomine Agonis ac religione retinere uult, fortunas omnes libertatemq; suam istius iniuria perdidit. Lilybæū Verres uenit postea: rem cognoscit: factum improbat: cogit Quæstorem suum pecuniam, quā ex Agonidis bonis redeget, eam mulieri omnem adnumerare & reddere. est adhuc, id quod uos omnes admirari uideo, nō Verres, sed Q. Mutius: quid enim facere potuit elegātius ad hominum exīsumationem? æquius ad leuandā mulieris calamitatē? uehementius ad Quæstoris libidinem coercendam? summe hæc omnia mihi uidentur esse laudanda. sed repēte uestigio ex homine, tanquam aliquo Circeo poculo, factus est Verres: redit ad se, atq; ad mores suos: nam ex illa pecunia magnā partem ad se auertit: mulieri reddidit, quātulum uisum est. hic tu si lasum te à Verre esse dices, patiar, et concedam: si iniuriam tibi factam quæ-

reris, defendā, & negabo. deinde de iniuria, quæ tibi facta sit, neminem nostrū grauiorem vindicem esse oportet, quā te ipsum, cui facta dicitur. si tu cū illo postea in gratiam redisti, si domi illius aliquoties fuisti, si ille apud te postea coenauit: utrū, te perfidiosum, an prauaricatorem existimari māuis? uideo esse necesse alterutrum. sed ego tecum in eo non pugnabo, quo minus, utrum uelis, eligas. quid, si ne iniuriæ quidem, quæ tibi ab illo facta sit, causa remanet? quid habes, quod possis dicere, quam ob rem nō modo mihi, sed cuiquam antepondere? nisi forte illud, quod dicturum te esse audio: Quæstorē illius fuisse. quæ causa grauis esset, si certares mecum, uter nostrum illi amicior esse deberet. in cōtentione suscipiendarum inimicitiarum ridiculum est putare, causam necessitudinis ad inferendum periculum iustam uideri oportere: etenim si plurimas à tuo Pratore iniurias accepisses, tamen eas ferendo maiorem laudem, quā ulciscendo mererere: cum uero nullum illius in uita relictius factum sit, quā id, quod tu iniuriam appellas; hi statuent, hanc causam, quam ne in alio quidem probarent, in te iustam ad necessitudinem uiolandam uideri? qui si summam iniuriam ab illo accepisti: tamen, quoniam Quæstor eius fuisti, non potes eum sine ulla uituperatione accusare. si uero nulla tibi facta est iniuria: sine scelere eum accusare non potes. quare cum incertū sit de iniuria: quenquam esse horū putas, qui nō malit te sine uituperatione, quā cū scelere discedere? at uide, quid differat inter meā opinionē, ac tuā. tu cū omnibus rebus inferior sis, hac una in re te mihi anteferrī putas oportere, quod Quæstor illius fueris. ego, si superior cæteris

D I V I N A T I O

rebus esses, te hâc unâ ob causam accusatorê repudiari putarem oportere: sic. n. à maioribus nostris accepimus, Prætorem Quæstorî suo parentis loco esse oportere, nullâ neq; iniuriâ, neq; grauiorê causam necessitudinis posse reperiri, quàm coniunctionê sortis, quàm prouinciæ, quàm officij, quàm publicâ muneris societate. quâ ob rē si iure cum possis accusare, tamen, cū is tibi parentis numero fuisset, id pie facere non posses. cum uero neq; iniuriam acceperis, & Prætori tuo periculum crees: fatearis, necesse est, te illi iniustum impiumq; bellum inferre conari. etenim ista Quæsiura ad eam rem ualet, ut elaborandum tibi in ratione reddenda sit, quamobrem, quî Quæstor eius fueris, accuses: non ut ob eam ipsam causam postulandū sit, ut tibi potissimum accusatio detur. neque ferè unquâ uenit in contentionem de accusando quî Quæstor fuisset, quin repudiaretur. itaq; neque L. Philoni in C. Seruiliū nominis deferēdi potestas est data, neq; M. Aurelio Scauro in L. Flaccum, neq; Cn. Pōpeio in T. Albutium: quorum nemo propter indignitatem repudiatuſ est, sed ne libido uiolandæ necessitudinis auctoritate iudicū comprobaretur. atq; ille Cn. Pompeius ita cum C. Iulio contendit, ut tu mecum: Quæstor enim Albutij fuerat, ut tu Verris. Iulius hoc secum auctoritatis ad accusandum afferebat, quòd ut hoc tempore nos ab Siculis, sic tum ille ab Sardis rogatus ad causam accesserat. semper hæc causa plurimum ualuit: semper hæc ratio accusandi fuit honestissima, pro socijs, pro salute prouinciæ, pro exterarum nationum commodis inimicitias suscipere, ad periculum accedere, operam, studium, laborem interponere. etenim si probabilis est eorū

causa, qui iniurias suas persequi uolunt, qua in re dolori suo, non Reip. commodis seruiunt: quanto illa causa honestior, quæ nō solum probabilis uideri, sed etiam grata esse debet; nulla priuatim accepta iniuria, sociorum atque amicorū populi R. dolore atq; iniurijs cōmoueri? nuper cum in P. Gabinium uir fortissimus & innocentissimus L. Piso delationem nominis postulareret, & contra Q. Cæcilius peteret, isq; se ueteres inimicitias iādiu susceptas persequi diceret: cum auctoritas & dignitas Pisonis ualebat plurimum, tum illa erat causa iustissima, quod eum sibi Achæi patronū adoptarant: etenim cum lex ipsa de pecunijs repetundis sociorum, atq; amicorum populi R. causa comparata sit; iniquum est, nō eum legis iudicij; auctorem idoneum maxime putari, quem auctorem causæ suæ socij, defensoremq; fortunarū suarum potissimum esse uoluerunt. an quod ad cōmemorandum est honestius, id ad probandum non multo uideri debet æquius? utra igitur est stolidior, utra illustrior commemoratio? accusaui eum, quicum Quæstor fueram, quicum me fors cōsuetudoq; maiorum, quicum me deorum hominumq; iudicium cōiunxerat: an, accusaui rogatu sociorum atq; amicorum; delectus sum ab uniuersa prouincia, qui eius iura fortunæq; defenderē? dubitare quisquam potest, quin honestius sit, eorum causa, apud quos Quæstor fueris, quàm eum, cuius Quæstor fueris, accusare? clarissimi uiri nostræ ciuitatis, temporibus optimis, hoc sibi amplissimum pulcherrimumq; ducebant, ab hospitibus clientibusq; suis, ab exteris nationibus, quæ in amicitia populi R. ditionemq; essent, iniurias propulsare, eorumq; fortunas defendere. M. Cato=

DIVINATIO

nem illum sapientem, clarissimū uirū, et prudentissimū, cum multis graues inimicitias gessisse accepimus propter Hispanorum, apud quos Consul fuerat, iniurias. nuper Cn. Domitiū scimus Decimo Silano diem dixisse propter unius hominis Egritomari paterni amici, atq; hospitii iniurias: neq; n. magis animos hominū nocentiū res unquā ulla cōmouit, quā hęc maiorū cōsuetudo longo interuallo repetita, atq; relata. sociorū querimonia delata ad hominē nō inertissimū: suscepta ab eo, qui uidebatur eorum fortunas fide, diligentiaq; sua posse defendere: hoc timent homines: hoc laborant: hoc institui, atq; adeo institutū referrī, ac renouari moleste ferūt. putāt fore, uti, si paulatim hęc consuetudo serpere, ac prodire cōperit, per homines honestissimos uirosq; fortissimos, nō imperitos adolefcētulos, aut illiusmodi quadruplatores, leges iudiciaq; administrentur. cuius consuetudinis, atq; instituti patres maioresq; nostros nō pœnitebat, tū, cū P. Lētulus, is, qui princeps senatus fuit, accusabat M. Aquiliū subscriptore C. Rutilio Rufo; aut cū P. Africanus, homo uirtute, fortuna, gloria, rebus gestis amplissimus, posteaquā bis Cōsul et Censor fuerat, L. Cottam in iudiciū uocabat. iure tum florebat populi R. nomē: iure auctoritas huius imperij, ciuitatisq; maiestas grauis habebatur. nemo mirabatur in Africano illo, quod in me nūc homine paruis opibus, ac facultatibus prædito simulant sese mirari: cū moleste ferant: quid sibi iste uult? accusatorē ne se existimari, qui antea defendere cōsueuerat? nūc præsertim, ea iam ætate, cū Aedilitatē petat. ego uero ætatis non modo meæ, sed multo etia superioris, & honoris amplissimi puto esse, & accusare impro-

bos, & miseros calamitososq; defendere. et profecto aut
 hoc remediū est agrotæ, ac propè desperatæ Reip. iudi-
 ciiq; corruptis, ac cõtaminatis paucorū uitio ac turpita-
 dine, homines ad legū defensionē iudiciorūq; auctoritæ-
 tem quā honestissimos, et integerrimos, diligentissimosq;
 accedere: aut, si ne hoc quidē prodesse poterit, profecto
 nulla unquā medicina his tot incōmodis reperietur. nul-
 la salus Reip. maior est, quā eos, qui alterū accusant,
 nō minus de laude, de honore, de fama sua, q̃ illos, qui ac-
 cusantur, de capite, ac fortunis suis perimescere. itaque
 semper ij̃ diligentissime, laboriosissimeq; accusarūt, qui se
 ipsos in discrimen existimationis uenire arbitrati sunt.
 quāobrē hoc statuere iudices debetis, Q. Cæciliū, de quo
 nulla unquā opinio fuerit, nullaq; in hoc ipso iudicio ex-
 pectatio futura sit, qui neq; ut ante collectā famā cōser-
 uet, neque, uti reliqui tēporis spem cōfirmet, laborat; nō
 nimis hāc causam seuerē, nō nimis accuratē, nō nimis di-
 ligenter aēturū: habet enim nihil, quod in offensioe de-
 perdat, ut turpissime flagitiosissimeq; discedat: nihil de
 suis ueteribus ornamentis requireret. à nobis multos obsi-
 des habet populus R. quos ut incolumes cōseruare, tueri,
 confirmare, ac recuperare possimus, omni ratione erit di-
 micādū. habet honorē, quem petimus: habet spem, quā
 propositam nobis habemus: habet existimationem multo
 sudore, labore, uigilijsq; collectam: ut, si in hac causa no-
 strū officiū, ac diligentiam probauerimus, hæc, quæ dixi,
 retinere per populum R. incolumia, ac salua possimus:
 si tantulum offensum titubatumq; sit, ut ea, quæ singu-
 latim ac diu collecta sunt, uno tempore uniuersa per-
 damus. quapropter iudices uestrum est, deligere quem

LIBER II.

existimetis facillime posse magnitudinem causæ, ac iudicij sustinere fide, diligentia, cōsilio, auctoritate. uos si mihi Q. Cæciliū anteposueritis; ego me dignitate superatum non arbitrabor; populus R. ne tam honestā, tam seueram, diligentemq; accusationem neq; uobis placuisse, neque ordini uestro placere arbitretur, provideate.

ACCUSATIONIS IN C. VERRE

REM LIBER II.

ORATIO V.

Q UOD erat optandum maxime iudices, et quod unum ad inuidiam uestri ordinis, infamiamq; iudiciorum sedandam maxime pertinebat; id nō humano consilio, sed propè diuinitus datū, atque oblatū uobis summo Reip. tempore uidetur: inueterauit enim iam opinio perniciosa Reip. uobisq; periculosa, quæ nō modo Romæ, sed & apud exteras nationes omnium sermone percrebruit, his iudicijs, quæ nūc sint, pecuniosum hominem, quamuis sit nocens, neminē posse damnari. nunc in ipso discrimine ordinis iudiciorumq; uestrorum, cum sint parati qui concionibus & legibus hanc inuidiam senatus inflammare conentur: reus in iudicium adductus est C. Verres, homo uita atque factis, omnium iam opinione damnatus, pecuniæ magnitudine, sua spe, ac prædicatione absolutus. huic ego causæ iudices cum summa uoluntate, et expectatione populi R. auctor accessi; non ut augerem inuidiam ordinis, sed ut infamiæ cōmuni succurrerem: adduxi enim hominem,

In quo reconciliare existimationē iudiciorū amissam, re dire in gratiā cū populo R. satisfacere exteris nationibus possetis; depeculatorem ærarij, uexatorē Asiæ, atque Pamphyliæ, prædonē iuris urbani, labem atque perniciē provincie Siciliæ. de quo si uos seuerè, religio, eq̃ iudica ueritis: auctoritas ea, quæ in uobis remanere debet, hærebit. sin istius ingentes diuitiæ iudiciorū religionē, ueritatēq; persfregerint: ego hoc tamē assequar, ut iudiciū potius Reip. quā aut reus iudicibus, aut accusator reo defuisse uideatur. equidem, ut de me confitear iudices, cū multæ mihi à C. Verre insidiæ terra mariq; factæ sint, quas partim mea diligentia deuitarim, partim amicorū studio, officioq; repulerim: nunquā tamē neque tantū periculū mihi adire uisus sum, neque tātopere pertimui, ut nūc in ipso iudicio. neque tantū me expectatio accusationis meæ, cōcursusq; tantæ multitudinis, quibus ego rebus uehemētissime perturbor, cōmouet; quantū istius insidiæ nefariæ, quas uno tēpore mihi, uobis, M. Glabrioni Prætori, socijs, exteris nationibus, ordini, nomini denique senatorio facere conatur. qui ita diclitat, ijs esse metuentdū, qui, quod ipsis solis satis esset, surripuissent: se tantum rapuisse, ut id multis satis esse possit: nihile esse tā sanctū, quod nō uiolari; nihil tam munitū, quod nō expugnari pecuniā possit. quodd si, quā audax est ad conandū, tā esset obscurus in agendo: fortasse aliqua in re nos aliquando fefellisset. uerum hoc adhuc percommode cadit, quodd cū incredibili eius audacia singularis stultitia coniuncta est: nam ut apertus in corripiendis pecunijs fuit, sic in spe corrumpendi iudicij persficua sua consilia, conatusq; omnibus fecit. semel ait se in uita pertimuisse,

tum, cum primum reus à me factus sit: quodd, cū è provincia recens esset, inuidiāq; et infamia non recenti, sed uetere ac diuturna flagraret, tum ad iudiciū corrūpendum tēpus alienū offenderet. Itaque cū ego diem in Sicilia inquirendi perexiguam postulauissem, inuenit iste qui sibi in Achaia biduo breuiorem diem postularet: non ut idem conficeret diligentia, et industria sua, quod ego meo labore, & uigilijs consecutus sum: etenim ille Achaicus inquisitor ne Brundusiū quidem peruenit: ego Siciliam totam quinquaginta diebus sic obij, ut omnium populorum, priuatorumq; literas, iniuriasq; cognoscerem: ut persficiū cuius esse possit, hominem ab isto quasitū esse, nō qui reū suū adduceret, sed qui meū tempus obsideret. nūc homo audacissimus, atque amētissimus hoc cogitat. intelligit me ita paratū, atque instructū in iudiciū uenire, ut non modo in auribus uestris, sed in oculis omnium sua furti, atque flagitia defixurus sim: uidet senatores multos esse testes audaciae suae: uidet multos equites R. frequētes, praterea ciues atque socios, quibus ipse insignes iniurias fecerit: uidet etiam tot graues ab amicissimis ciuitatibus legationes cū publicis auctoritatibus, ac testimonijs conuenisse. quae cū ita sint: usque ed de omnibus bonis male existimat, usque ed senatoria iudicia perditā profligataq; esse arbitratur, ut hoc palam dictitet, non sine causa se cupidum pecuniae fuisse, quoniam tantum in pecunia praesidiū experiatur esse: sese (id quod difficillimū fuerit) tēpus ipsum emisse iudicij sui, quo cetera facilius emere posset, ut, quoniam criminū uim subter fugere nullo modo poterat, procellam tēporis deuicaret. quodd si nō modo in causa, uerū in aliquo honesto praesi-

dio, aut in alicuius eloquentia aut gratia spem aliquam collocasset: profecto non hæc omnia colligeret, atque aucuparetur, non usque edessiceret, contemneretq; ordinem senatorium, ut arbitratu eius deligeretur ex senatu qui reus fieret, qui, dum hic, quæ opus essent, cõpararet, causam interea ante eum diceret. quibus ego rebus quid iste speret, & quod animum intendat, facile perspicio. quamobrem uero se confidat aliquid perficere posse hoc Prætor, et hoc consilio, intelligere non possum. unum illud intelligo, quod populus R. in reiectione iudicium iudicauit: ea spe istum fuisse præditum, ut omnem rationem salutis in pecunia poneret; hoc erepto præsidio ut nullam sibi rem adiumento fore arbitraretur: etenim quod est ingenium tantum, quæ tanta facultas dicendi, & copia, quæ istius uitam tot uitijs flagitijsq; conuictam, iampridem omnium uoluntate, iudicioq; damnatum, aliqua ex parte possit defendere? cuius ut adolescentiæ maculas ignominiasq; præteream, Quæstura primus gradus honoris quid aliud habet in se, nisi Cn. Carbonem spoliatum à Quæstore suo pecunia publica? nudatum & proditum Consulem? desertum exercitum? relictam prouinciam? sortis necessitudinem, religionemq; uiolatam? cuius Legatio exitium fuit Asiæ totius, & Pamphyliae. quibus in prouincijs multas domos, plurimas urbes, omnia fana depeculatus est, cum in Cn. Dolabellam scelus suum illud pristinum renouauit & instaurauit quæstorium, cum eum, cui Legatus, & Proquæstore fuisset, & in inuidiam suis maleficijs adduxit, et in ipsis periculis non solum deseruit, sed etiam oppugnavit, ac prodidit. cuius

LIBER II.

Prætura urbana ædium sacrarum fuit, publicorumq; operum depopulatio: simul in iure dicendo bonorum possessionumq; contra omnium instituta addictio, et condonatio. iam uero omnium uitiorum suorum plurima et maxima constituit monumeta, et indicia in prouincia Sicilia: quæ iste per triennium ita uexauit, ac perdidit, ut ea restitui in antiquum statum nullo modo possit, uix autem per multos annos, innocentesq; Prætores aliqua ex parte recreari aliquando posse uideatur. hoc Prætor Siculi neque suas leges, neque nostra S. C. neque communia iura tenuerunt. tantum quisque habet in Sicilia, quantum hominis auarissimi, et libidinosissimi aut imprudentiam subterfugit, aut satietati superfluit. nulla res per triennium, nisi ad nutum istius, iudicata est: nulla res cuiusquam tam patria, atque auita fuit, quæ non ab eo, imperio istius abiudicaretur. innumerabiles pecuniæ ex aratorum bonis nouo nefarioq; instituto coactæ: socij fidelissimi in hostium numero existimati: ciues Romani seruilem in modum cruciati, et necati: homines nocentissimi propter pecuniâ iudicio liberati, honestissimi, atque integerrimi absentes rei facti, in dicta causa damnati, et eiectioni: portus munitissimi, maximæ tutissimæq; urbes piratis, prædonibusq; patefactæ: nautæ, militesq; Siculorum, socij nostri, atque amici fame necati: classes optimæ, atque opportunissimæ cum magna ignominia populi R. amissæ et perditæ. idem iste Prætor monumeta antiquissima partim Regum locupletissimorum, quæ illi ornamento urbibus esse uoluerunt, partim etiam nostrorum imperatorum, quæ uictores ciuitatibus Siculis aut dederunt, aut reddiderunt, spoliauit, nudauitq; omnia. neque hoc solum in statuis publicis,

blicis, ornamentisq; fecit: sed etiam delubra omnia sanctissimis religionibus consecrata depeculatus est: deū denique nullū Siculis, qui ei paulo magis affabre, atque antiquo artificio factus uideretur, reliquit. in superis uero, & flagitijs nefarias eius libidines comemorare, pudore deterreor: simul illorū calamitatem comemorando augere nolo, quibus liberos coniugesq; suas integras ab istius petulantia conseruare non licitū est. at enim hæc ita commissæ sunt ab isto, ut non cognita sint ab omnibus. hominem esse arbitror neminem, qui nomē istius audierit, quin facta quoque eius nefaria comemorare possit: ut mihi magis timendū sit, ne multa crimina prætermittere, quā ne qua in istū fingere existimer: neque. n. mihi uidetur hæc multitudo, quæ ad audiendū conuenit, cognoscere ex me causā uoluisse, sed ea, quæ scit, mecū recognoscere. quæ cū ita sint: iste homo amens ac perditus alia mecū ratione pugnat: non id agit, ut alicuius eloquentiam mihi opponat: nō gratia, nō auctoritate cuiusquā, non potentia nititur: simulat, his se rebus confidere. sed uideo, quid agat: neque. n. agit occultissime: proponit inania mihi nobilitatis, hoc est hominū arrogantium, nomina: qui nō tam me impediunt, quod nobiles sunt; quā adiuuant, quod noti sunt: simulat se eorū præsidio confidere, cū interea aliud quiddam iandiu machinetur. quā spem nūc habeat in manibus, et quid moliatur, breuiter iam iudices exponā: sed prius, ut ab initio res ab eo constituta sit, quæso cognoscite. . . . Ut primum ē prouincia redijt, redemptio est huius iudicij facta grandi pecunia: mansit in conditione atque pacto usque ad eum finem, dum iudices reiecti sunt. postea quā reiectio iudicū facta

est: quoddam in sortitione, istius spem fortuna populi R. et in reiiciendis iudicibus mea diligentia istorum impudentiam uicerat; renuntiata est tota conduclio. præclare se res habebat: libelli nominum uestrorum consilijq; huius in manibus erant omnium: nulla nota, nullus color, nulla sordes uidebantur his sententijs allini posse: cum iste repete ex alacri, atque læto sic erat humilis, atque demissus, ut non modo populo R. sed etiã sibi ipse condemnatus uideretur. ecce autẽ repete, his diebus paucis, comitijs consularibus factis, eadem illa uetera consilia pecunia maiore repetuntur, eademq; uestre fame, fortunisq; omnium insidia per eosdem homines comparantur. quæ res primo iudices pertenui nobis argumẽto, indicioq; patefacta est: post aperto suspicionis introitu ad omnia intima istorum consilia sine ullo errore peruenimus: nam ut Hortensius Cos. designatus domũ reducebatur è campo, cum maxima frequentia, à multitudine; fit obuiam casu ei multitudini C. Curio: quem ego hominem honoris potius, quàm contumeliæ causa nominatum uolo: etenim ea dicam, quæ ille si commemorari nolisset, non tanto in conuentu, tam aperte, palamq; dixisset: quæ tamẽ à me pedetentim cauteq; dicentur, ut amicitia nostra, et dignitatis illius habita ratio esse intelligatur. uidet ad ipsum fornicem Fabianũ in turba Verrem: appellat hominem, et ei uoce maxima uictoriam gratulatur: ipsi Hortensio, qui Consul erat factus, propinquis necessarijsq; eius, qui tum aderant, uerbũ nullum facit: cum hoc consistit, hunc amplexatur, hunc iubet sine cura esse. renuntio, inquit, tibi, te hodiernis comitijs esse absolutum. quod cum tam multi homines honestissimi au-

diffent, statim ad me defertur, immo uero, ut quisque me uiderat, narrabat. alijs illud indignum, alijs ridiculum uidebatur: ridiculum ijs, qui istius causam in testium fide, in criminum ratione, in iudicum potestate, non in comitijs consularibus positam arbitrabantur: indignum ijs, qui altius perspiciebant, & hanc gratulationem ad iudicium corrumpendū spectare arbitrabantur: etenim sic ratiocinabantur, sic honestissimi homines inter se, et mecum loquebantur, aperte iam et perspicue nulla esse iudicia; qui reus pridie iam ipse se condemnatū putabat, is, posteaquā defensor eius Consul est factus, absoluitur. quid igitur? quodd tota Sicilia, quodd omnes Siculi, omnes negotiatores, omnes publica priuataq; literæ Romæ sunt, nihil ne id ualebit? nihil, inuito Consule designato. quid iudices? non crimina, nō testes, nō exsimationem populi R. sequentur? non: omnia in unius potestate, ac moderatione uertentur. uere loquar iudices, uehementer me hæc res cōmouebat: optimus enim quisque ita loquebatur: iste quidem tibi eripietur, sed nos non tenebimus iudicia diutius: etenim quis poterit Verre absoluto de transferendis iudicijs recusare? erat omnibus molestum: neque eos tam istius perditū subita latitia, quā hominis amplissimi noua gratulatio cōmouebat. cupiebam dissimulare, me id moleste ferre: cupiebam animi dolorem uultu tegere, & taciturnitate calare. ecce autem illis ipsis diebus, cum Prætores designati sortirentur, & M. Metello obtigisset, ut is de pecunijs repetundis quæreret: nuntiatur mihi, tantam isti gratulationem esse factam, ut is quoque domum mitteret, qui uxori suæ nūtiarent. sanè ne hæc quidem res mihi pla-

cebat : neque tamen, quid tātopere in hac sorte metuen-
 dum mihi esset, intelligebam : unum illud ex hominibus
 certis, ex quibus omnia comperi, reperiēbam, fiscos com-
 plures cum pecunia Siciliensi à quodam senatore iad
 equitem Romanum esse translatos: ex his quasi X fiscos
 ad senatorem illum relictos esse comitiorū meorū nomi-
 ne: diuifores omnium tribuū noctu ad istum iocatos. ex
 quibus quidam, qui se omnia mea causa debere arbitra-
 batur, eadem illa nocte ad me uenit, demonstrat qua iste
 oratione usus esset: commemorasse istum, quā liberaliter
 eos tractasset, et iam antea, cū ipse Praturam petisset, et
 proximis cōsularibus, pratorijūq; comitijs: deinde esse pol-
 licitum quantum uellent pecunia, si me Aedilitate deie-
 cissent: hic alios negasse audere; alios respondisse, nō pu-
 tare perfici posse: inuentū tamen esse fortem amicum, ex
 eadem familia Q. Verrem Romilia, ex optima diuiforū
 disciplina, patris istius discipulum, atque amicū, qui, HS
 quingentis millibus depositis, id se perfecturum pollicere-
 tur: & fuisse tamen nonnullos, qui se unā facturos esse
 dicerent. quæ cū ita essent: sanè beneuolo animo me, ut
 magnopere cauere, pramonebat. sollicitabar rebus mā-
 ximis uno, atque eo perexiguo tempore. urgebant comi-
 tia: & his ipsis oppugnabar grandī pecunia. instabat iu-
 diciū: ei quoque negotio fisci Sicilienses minabatur. age-
 re, quæ ad iudiciū pertinebāt, libere, comitiorū metu de-
 terrebar: petitioni toto animo seruire, propter iudiciū nō
 licebat. minari denique diuiforibus, ratio nō erat, propte-
 rea quod eos intelligere uidebā, me hoc iudicio distric-
 tū, atque obligatū futurum. atque hoc ipso tempore Siculis
 denuntiātum esse audio, primum ab Hortensio, domum

ad illū ut uenirent: Siculos sanè in eo liberos fuisse, qui,
 quam ob rem accerserentur, cum intelligerent, nō uenif-
 sent. interea comitia nostra, quorū iste se, ut ceterorum
 hoc anno comitiorū, dominum esse arbitrabatur, haberi
 coepta sunt. cursare iste homo potens cū filio blando &
 gratioſo circū tribus: paternos amicos, hoc est diuiores,
 appellare omnes, et cōuenire. quod cum esset intellectū,
 & animaduersum: fecit animo libētissimo populus R.
 ut cuius diuitiae me de fide deducere non potuissent, ne
 eiusdem pecunijs de honore deiceret. posteaquam illa
 petitionis magna cura liberatus sum, animo coepi multo
 magis uacuo, ac soluto nihil aliud nisi de iudicio agere,
 et cogitare. reperio iudices hac ab istis consilia inita, &
 constituta, ut, quacunq; opus esset ratione, res ita ducere-
 tur, ut apud M. Metellū Prætorē causa diceretur: in eo
 esse hac commoda, primū M. Metellū amicissimū, dein
 de Hortensiu Consulem, nō solū, sed etiam Q. Metellū:
 qui quā istī sit amicus, attēdite: dedit enim prærogati-
 uam suā uoluntatis eiusmodi, ut istī pro prærogatiuis iā
 reddidisse uideatur. an me taciturū tantis de rebus exi-
 stimauistis? et in tanto Reip. existimationisq; meae peric-
 culo cuiquā consulturū potius, quā officio & dignita-
 ti meae? accersit alter Consul designatus Siculos: ueniūt
 nonnulli, propterea q̄ L. Metellus esset Prætor in Sicilia:
 cū ijs ita loquitur, se Cōsulem esse, fratrem suum alte-
 rū Siciliam prouinciam obtinere, alterū esse quasiturū
 de pecunijs repetundis: Verri ne noceri possit, multis ra-
 tionibus esse prouisum. quid est quæso Metelle iudiciū
 corrumpere, si hoc nō est testes, præsertim Siculos, timi-
 dos homines, & afflictos, non solum auctoritate deter-

vere, sed etiam consulari metu, & duorum Prætorum potestate? quid faceres pro homine innocente, & propinquo, cum propter hominem perditissimū atque alienissimū de officio, ac dignitate decedis, et cōmittis, ut, quod ille dictitat, alicui, qui te ignorat, uerum esse uideatur? nam hoc Verrem dicere aiebant: te nō fato, ut ceteros ex uestra familia, sed opera sua Consulem factū. duo igitur Consules, & Quæstor erant ex illius uoluntate. non solum effugiemus, inquit, hominem in quærendo nimium diligentem, nimium seruientem populi existimationi, M. Glabrimonem: accedet nobis etiā illud: iudex est M. Cæsonius collega nostri accusatoris, homo in rebus iudicandis spectatus, & cognitus: quem minime expediat esse in eo consilio, quod conemur aliqua ratione corrumpere: propterea quod iam antea, cū iudex in Iuniano consilio fuisset, turpissimū illud facinus non solum grauiter tulit, sed etiam in medium protulit. hunc iudicem ex Cal. Ian. nō habebimus. Q. Manlium, et Q. Cornificiū duos seuerissimos, atq; integerrimo iudices, quod Tribuni pl. tum erunt, iudices nō habebimus. P. Sulpitius, iudex tristis & integer, magistratum ineat necesse est. Nonis Dec. M. Crepereius, ex acerrima illa equestri familia, et disciplina; L. Cassius, ex familia tum ad ceteras res, tum ad iudicandum seuerissima; Cn. Tremellius, homo summa religione, & diligentia; tres hī homines ueteres Tribuni militares sunt designati, ex Cal. Ian. nō iudicabunt. subfortiemur etiam in M. Metelli locum, quoniā is huic ipsi quæstioni præfuturus est. ita secundum Cal. Ian. & Prætorē, & propē toto consilio commutato, magnas accusatoris minas, magnamq; iudicij expectatio=

nem ad nostrum arbitrium, libidinemq; eludemus. Nonne sunt hodie Sextiles : hora nona convenire coepistis. hunc diem iam ne numerant quidem. decem dies sunt ante ludos uotiuos, quos Cn. Pompeius facturus est. hi ludi dies quindecim auferent: deinde continuo Romani consequentur. ita propè XL diebus interpositis, tum denique se ad ea, quæ à nobis dicta erunt, responsuros esse arbitrantur: deinde se ducturos & dicendo, & excusando facile ad ludos Victoriæ: cum his plebeios esse coniunctos, secundum quos aut nulli, aut pauci dies ad agendum futuri sunt: ita defessa, ac refrigerata accusatione rem integram ad M. Metellum Prætorem esse uenturam. quem ego hominem, si eius fidei diffusus essem, iudicem non retinuisssem. nunc tamen eo animo sum, ut eo iudice, quàm Prætore, hanc rem transigi malim, & iurato suam, quàm iniurato aliorum tabellas committere. nunc ego iudices iam uos consulo, quid mihi faciendū putetis: id enim consilij mihi profecto taciti dabitis, quod egomet mihi necessario capiendum intelligo. si utar ad dicendum meo legitimo tempore: mei laboris, industriæ, diligentiaeq; capiam fructum, & ex accusatione perficiam, ut nemo unquam post hominum memoriã paratior, uigilantior, compositior ad iudicium uenisse uideatur. sed in hac laude industriæ meæ reus ne elabatur, summū periculum est. quid est igitur, quod fieri possit? non obscurum, opinor, neque absconditum. fructum istum laudis, qui ex perpetua oratione percipi potuit, in alia tempora reseruemus. nūc hominem tabulis, testibus, priuatis, publicisq; literis, auctoritatibusq; accusamus. res omnis mihi tecū erit Hortensi. dicā aperte.

si te mecū dicendo, ac diluendis criminibus in hac causa
 cōtendere putarē, ego quoq; in accusando, atq; in expli-
 cādis criminibus operam consumerem. nunc quoniam pu-
 gnare cōtra me instituisi nō tam ex tua natura, quā
 ex istius tempore, et causa, malitiose: necesse est istiusmo-
 di rationi aliquo consilio absistere. tua ratio est, ut secū-
 dū binos ludos mihi respōdere incipias: mea, ut ante pri-
 mos ludos cōperendinem. ita fiet, ut tua ista ratio existi-
 metur astuta, meū hoc consiliū necessariū. uerum illud,
 quod institueram dicere, mihi rem tecū esse, huiusmodi
 est. ego cū hanc causā Siculorū rogatus recepissem, idq;
 mihi amplū, et præclarū existimassem, eos uelle meæ fidei
 diligentiaq; periculū facere, qui innocentia, abstinē-
 tiaq; fecissent: tum suscepto negotio maius mihi quiddā
 proposui, in quo meā in Remp. uolūtate populus R. per-
 spicere posset. nam illud mihi nequaquam dignū indu-
 stria, conatuq; meo uidebatur, istū a me in iudiciū iam
 omniū iudicio condemnatū uocari, nisi ista tua intolera-
 bilis potētia, et ea cupiditas, qua per hosce annos in quī-
 busdam iudicijs usus es, etiam in istius hominis desperati
 causa interponeretur. nūc uero, quoniam hac te omnis
 dominatio regnumq; iudiciorū tantopere delectat; et
 sunt homines, quos libidinis, infamiaq; suæ neq; pudeat,
 neq; tædeat, qui quasi de industria in odiū offensionēq;
 populi R. irruere uideantur: hoc me profiteor suscepisse;
 magnum fortasse onus, et mihi periculosum, ueruntā-
 mē dignū in quo omnes neruos ætatis, industriaq; meæ
 contenderem. quoniam totus ordo paucorum improbi-
 tate, et audacia premitur, et urgetur infamia iudiciorū:
 profiteor, huic generi hominū me inimicū, accusatorem,

odiosum, assiduum, acerbum aduersarium. hoc mihi sumo: hoc mihi depono: quod agam in magistratu, quod agam ex eo loco, ex quo me populus R. ex Cal. Ian. secum agere de Rep. ac de hominibus improbis uoluit. hoc munus Aedilitatis meae populo R. amplissimum, pulcherri-
 mumque polliceor. moneo, praedico, ante denuncio: qui aut deponere, aut accipere, aut recipere, aut polliceri, aut sequestres, aut interpretes corrumpendi iudicii solent esse; quique ad hanc rem aut potentiam, aut impudentiam suam professi sunt, abstineant in hoc iudicio manus, animosque ab hoc scelere nefario. erit tum Consul Hortensius cum summo imperio, et potestate, ego autem Aedilis, hoc est paulo amplius, quam priuatus: tamen haec huiusmodi res est, quam me acturum esse polliceor, ita populo R. grata, atque iucunda, ut ipse Consul in hac causa praeme minus etiam, si fieri possit quam priuatus esse uideatur. omnia non modo commemorabuntur, sed etiam expositis certis rebus agentur, quae intra decem annos, posteaquam iudicia ad senatum translata sunt, in rebus iudicandis nefarie, flagitioseque facta sunt. cognoscet ex me populus R. quid sit, quamobrem, cum equester ordo iudicaret, annos prope quinquaginta continuos nullo iudice equite R. iudicante ne tenuissima quidem sufficio acceptae pecuniae ob rem iudicandam constituta sit: quid sit, quodd iudicijs ad senatorium ordinem translatis, sublataque populi R. in unum quenque nostrum potestate, Q. Calidius damnatus dixerit, minoris H S X X X M praetorium hominem honeste non posse damnari: quid sit, quodd P. Septimio senatore damnato, Q. Hortensio Praetore, de pecunijs repetundis, lis aestimata sit eo nomine, quodd ille ob rem iudi-

cand. i pecuniā accepisset: quod in C. Herennio, quod in C. Popilio senatoribus, qui ambo peculatus dñati sunt; quod in M. Attilio, qui de maiestate damnatus est, hoc planū factū est, eos pecuniam ob rem iudicandam accepisse: quod inuenti sunt senatores, qui C. Verre Præt. urbano sortiente, exirent in eū reū, quem incognita causa condemnarent: quod inuentus est senator, qui cū index esset, in eodem iudicio ab reo pecuniam acciperet, quā iudicibus diuideret, et ab accusatore, ut reum damnet. iam uero quo modo illam labem, ignominiam, calamitatemq; totius ordinis conquerar? hoc factum esse in hac ciuitate, cum senatorius ordo iudicaret, ut discoloribus signis, iuratorum hominum sententiæ notarētur. hac omnia me diligenter, seuerēq; acturū esse polliceor. quo me tandem animo fore putetis, si quid in hoc ipso iudicio intellexero simili aliqua ratione esse uiolatum, atque commissum? cum præsertim planum facere multis testibus possim, C. Verrem in Sicilia multis audientibus sape dixisse, se habere hominem potentem, cuius fiducia provinciam spoliaret: neq; sibi soli pecuniā quærere, sed ita triennium illud Præturæ Siciliensis distributum habere, ut secū præclare agi diceret, si unius anni quæstum in rem suam cōuerteret, alterū patronis, et defensoribus sui traderet, tertium illum uberrimum quæstuosissimumq; annum totum iudicibus reseruaret. ex quo mihi uenit in mentē illud dicere, quod apud M. Glabionem nuper cū in reijciendis iudicibus comemorassē, intellexi uehementer populum R. cōmoueri: me arbitrari fore, uti nationes exteræ legatos ad populum R. mitterent, ut lex de pecunijs repetundis iudiciūq; tolleretur. si enim iudicia nulla sint,

tantum unumquemque ablaturū putant, quantū sibi ac
 liberis suis satis esse arbitretur: nūc quidd eiufmodi iudi-
 cia sint, tantū unūquemque auferre, quantū sibi, patro-
 nis, aduocatis, Prætoribus, iudicibus satis futurū sit: hoc
 profecto infinitum esse: se auarissimi hominis cupiditatē
 satisfacere posse, nocentissima uictoriā nō posse. d cōme-
 morāda iudicia, præclaramq; existimationem nostri or-
 dinis, cum socij populi R. iudicia de pecunijs repetundis
 fieri nolunt, quæ à maioribus nostris sociorū causa com-
 parata sunt. an iste unquā de se bonā spem habuisset, nī
 si de uobis malā opinionem animo imbibisset? quo maio-
 re etiā, si fieri potest, apud uos odio esse debet, quā est
 apud populum R. cum in auaritiā, scelere, periurio uos
 sui similes esse arbitretur. cui loco per deos immortales
 iudices cōsultite, ac prouidete. moneo, prædicoq; id, quod
 intelligo, tempus opportunissimū uobis hoc diuinitus da-
 tum esse, ut odio, inuidia, infamia, turpitudine totum or-
 dinem liberetis. nulla in iudicijs seueritas, nulla religio,
 nulla deniq; iā existimātur esse iudicia. itaque à populo
 R. contemnimur, despiciimur, graui, diuturnāq; iam fla-
 gramus infamia: neque enim ullā aliam ob causam po-
 pulus R. tribunitiam potestatem tāto studio requisit: ut
 quam cum poscebat, uerbo illam poscere uidebatur, re
 uera iudicia poscebat. neque hoc Q. Catulū hominem
 sapientissimum, atque amplissimū fugit: quib Cn. Poma-
 peio uiro fortissimo, & clarissimo de tribunitia potesta-
 te referente, cum esset sententiam rogatus, hoc initio est
 summa cum auctoritate usus: patres cōscriptos iudicia
 male & flagitiose tueri: & si in rebus iudicandis popu-
 li R. existimationi satisfacere uoluissent, non tantopere

homines fuisse tribunitiā potestatem desideraturos . ipse denique Cn. Pompeius, cum primum concionem ad Urbem Consul designatus habuit; ubi, id quod maxime expectari uidebatur, ostendit se tribunitiā potestatem restitutum, factus est in eo strepitus, & grata concionis admurmuratio. idem in eadem concione cum dixisset, populatas, uexatasq; esse provincias, iudicia autē turpia, & flagitiosa fieri, ei rei se providere, ac cōsulere uelle: tum uero nō strepitu, sed maximo clamore suam populus R. significauit uoluntatem. nūc autem homines in speculis sunt: obseruant, quemadmodum se unusquisque uestrū gerat in retinenda religione, conseruandisq; legibus. uident, adhuc post legem tribunitiā unum senatorem uel tenuissimū esse damnatum. quod tamen non reprehendunt, tamen magnopere, quod laudent, nō habent: nulla est enim laus, ibi esse integrum, ubi nemo est, qui aut possit, aut conetur corrūpere. hoc est iudiciū, in quo uos de reo, populus R. de uobis iudicabit. in hoc homine statuatur, possit ne senatoribus iudicantibus homo nocētissimus, pecuniosissimusq; damnari. deinde est huiusmodi reus, in quo homine nihil sit, prater summa peccata, maximamq; pecuniam: ut, si liberatus sit, nulla alia suspicio, nisi ea, quæ turpissima est, residere possit. nō gratia, nō cognatione, nō alijs recte factis, nō deniq; aliquo mediocri uitio tot tantaq; eius uitia subleuata esse existimabuntur. postremo ego causam sic agam iudices: eiusmodi res, ita notas, ita testatas, ita magnas, ita manifestas proferam, ut nemo à uobis, ut istum absoluat, per gratiam conetur cōtendere. habeo autem certā uiam, atque rationem, qua omnes illorū conatus inuesti-

gare, & consequi possim. ita res à me agetur, ut in eorum consilijs omnibus non modo aures hominum, sed etiam oculi populi R. interesse uideantur. uos aliquot iā per annos conceptam huic ordini turpitudinē, atque in famiā delere, ac tollere potestis. constat inter omnes, post hæc constituta iudicia, quibus nunc utimur, nullum hoc splendore, atque hac dignitate consiliū fuisse. hic si quid erit offensum; omnes homines nō iam ex eodem ordine alios magis idoneos, quod fieri non potest, sed aliū omnino ordinē ad res iudicandas quarendū arbitrabuntur. quapropter primum ab dijs immortalibus, quod sperare mihi uideor, hoc idem iudices peto, ut in hoc iudicio nemo improbus præter eum, qui iam pridem inuentus est, reperiatur. deinde, si plures improbi fuerint, hoc uobis, hoc populo R. iudices confirmo, uitam mehercule mihi prius, quā uim perseverantiamq; ad illorum improbitatem persequendam defuturam. uerum quod ego laboribus, periculis, inimicitijsq; meis tum, cū admissum erit, dedecus seuerē me persecuturum esse polliceor; id ne accidat, tu tua sapientia, auctoritate, diligētia M. Glabrio potes providere. suscipe causam iudiciorum: suscipe causam seueritatis, integritatis, fidei, religionis: suscipe causam senatus, ut is hoc iudicio probatus, cum populo R. et in laude, & in gratia esse possit. cogita, qui sis, quo loco, quid dare populo R. quid reddere maioribus tuis debeas. fac tibi paternæ legis Aciliæ ueniat in mentem: qua lege populus R. de pecunijs repetundis, optimis iudicijs, seuerissimisq; iudicibus usus est. circumstant te summæ auctoritates, quæ te obliuisci laudis domesticæ non sinant, quæ te dies noctesq; comoneant, fortissimū tibi patrem,

sapientissimum auum, grauissimum socerum fuisse .
 quare si Glabrionis patris uim , & acrimoniam ceperis
 ad resistendum hominibus audacissimis; si aui Scaeuolæ
 prudentiã ad prospiciendas insidias, quæ tuæ, atque ho=
 rum famæ comparantur; si soceri Scauri constantiam,
 ut ne quis te de uera, & certa possit sententia dimoue=
 re: intelliget populus R. integerrimo, atque honestissimo
 Pratore, delectoq; consilio, nocenti reo magnitudinẽ pe=
 cuniæ plus habuisse momenti ad suspicionem criminis,
 quàm ad rationem salutis : mihi certum est non cõmit=
 tere, ut in hac causa Prator nobis, consiliũq; mutetur .
 non patiar rem in id tempus adduci, ut Siculi, quos ad=
 huc serui designatorum Consulũ non mouerunt, cum
 eos nouo exemplo uniuersos arcesserent, eos tum liẽtores
 Consulũ uocent, ut homines miseri, antea socij , atque
 amici populi R. nũc serui ac supplices, non modo ius suũ
 fortunaq; omnes eorum imperio amittant, uerũ etiam
 deplorandi iuris sui potestatem non habeant. non sinam
 profecto, causa à me perorata, XL diebus interpositis,
 tum nobis denique respondeant, cũ accusatio nostra in
 obliuionem diuturnitate adducta sit. non cõmittam, ut
 tum res iudicetur, cum hac frequentia totius Italiæ Ro=
 ma discesserit, quæ conuenit uno tempore undique, comi=
 tiorum, ludorum, censendiq; causa. huius iudiciũ et lau=
 dis fructum, & offensionis periculum, uestrum ; labo=
 rem, sollicitudinemq; nostram ; scientiam quid agatur,
 memoriamq; quid à quoque dictum sit, omniũ puto esse
 oportere. faciam hoc nõ nouũ, sed ab ijs, qui nunc prin=
 cipes nostræ ciuitatis sunt, ante factũ, ut testibus utar sta=
 tim. illud à me nouũ iudices cognoscetis , quoddã ita testes

constituam, ut crimen totum explicem : ubi id interrogando, argumentis atque oratione firmaverō, tum testes ad crimen accommodem, ut nihil inter illam usitatam accusationem, atque hanc novam intersit, nisi quod in illa tunc, cum omnia dicta sunt, testes dantur, hic in singulas res dabuntur, ut illis quoque eadem interrogandi facultas, argumētandi, dicendiq; sit. si quis erit, qui perpetuā orationē, accusationemq; desideret: altera actione audiet. nunc id, quod facimus, ea ratione facimus, ut malitiæ illorum consilio nostro occurramus, necessarium fieri intelligat. hac primæ actionis erit accusatio.

Dicimus C. Verrem, cum multa libidinose, multa crudeliter in ciues R. atque in socios, multa in deos, hominesq; nefarie fecerit, tum præterea quadringenties sestertium ex Sicilia contra leges abstulisse. hoc testibus, hoc tabulis, privatis publicisq; auctoritatibus ita vobis planum faciemus, ut hoc statuatis, etiam si spatium ad dicendū nostro commodo, uacuosq; dies habuissemus, tamen oratione longa nihil opus fuisse. Dixi.

potentissimorum hominum defendatur : certet mea diligentia cum illorum omnium cupiditate, uestra integritas cum istius pecunia, testium constantia cum illius patronorum minis, atque potentia. tum demum illa uicta uidebuntur, cum in contentionem certamenque uenerint. absens si iste esset dānatus, nō tam ipse sibi consuluisse, quā inuidisse uestrae laudi uideretur : neque enim salus ulla maior Reip. hoc tempore reperiri potest, quā populū R. intelligere, diligenter reiectis ab accusatore iudiciis, socios, leges, Remp. senatorio consilio maxime posse defendi. neque tanta fortunis omnium perniciēs potest accidere, quā opinione populi R. rationem ueritatis, integritatis, fidei, religionis ab hoc ordine abiudicari. itaque mihi uideor magnam, et maxime agram, et propē depositam Reip. partem suscepisse, neque in eo magis mea, quā uestrae laudi existimationique seruisse. accessi. n. ad inuidiam iudiciorum leuandam, uituperationemque tollendā, ut, cum hac res pro uoluntate populi R. esset indicata, aliqua ex parte mea diligentia constituta auctoritas iudiciorum uideretur: postremo, ut esset hoc iudicatum, ut finis aliquādo iudiciariae cōtrouersiae constitueretur: etenim sine dubio iudices in hac causa ea res in discrimen adducitur: reus est enim nocentissimus: qui si condemnatur, desinent homines dicere, his iudicijs pecuniam plurimum posse; sin absoluitur, desinemus nos de iudicijs transferendis recusare. tamen si de absolutione istius neque ipse iam sperat, nec populus R. metuit. de impudētia singulari, quod adest, quod respōdet, sunt qui mirentur: mihi pro cetera eius audacia atque amētia ne hoc quidē mirandū uidetur: multa. n. et in deos, et in homines impie

nefarieq; commisit. quorū scelerum pœnis agitatur, &
 à mente consilioq; deducitur. agunt eū præcipitem pœ-
 nae ciuiū R. quos partim securi percussit, partim in uin-
 culis necauit, partim implorantes iura libertatis & ciui-
 tatis in crucem sustulit. rapiunt eum ad supplicium dii
 patrii, quoddam iste inuentus est, qui è complexu parentū ab-
 reptos filios ad necem duceret, & parentes pretium pro
 sepultura liberum posceret. religiones uero, cerimoniaeq;
 omniū sacrorum, fanorumq; uiolatae, simulacraq; deo-
 rum, quæ non modo ex suis templis ablata sunt, sed etiā
 iacent in tenebris ab isto retrusa, atque abdita, cōsistere
 eius animū sine furore atque amentia nō sinunt. neque
 iste mihi uidetur se ad damnationem offerre solum, ne-
 que hoc auaritiæ supplicio communi, qui tot sceleribus se
 obstrinxerit, contentus esse: singularem quandam pœnā
 istius immanis, atque importuna natura desiderat. nō id
 solum queritur, ut isto damnato bona restituantur ijs,
 quibus erepta sunt: sed & religiones deorum immorta-
 lium expiandæ, et ciuium R. cruciatus, multorumq; in-
 nocentium sanguis istius supplicio luendus est: non enim
 furem, sed ereptorem; non adulterū, sed expugnatorem
 pudicitiae; nō sacrilegum, sed hostem sacrorum religio-
 numq;; non sicarium, sed crudelissimum carnificem ci-
 uium, sociorumq; in uestrū iudiciū adduximus: ut ego
 hunc unum eiusmodi reum post hominum memoriam
 fuisse arbitrer, cui damnari expediret: nam quis hoc nō
 intelligit? istum absolutū dīs hominibusq; inuitis, tamen
 ex manibus populi R. eripi nullo modo posse? quis hoc
 non perspicit, præclare nobiscū aetum iri, si populus R.
 istius unius supplicio contentus erit? ac non sic statuerit,

non istum maius in sese scelus concepisse, cum fana sfo-
 liarit, cū tot homines innocentes necarit, cū ciues R. mor-
 te, cruciatu, cruce affecerit, cum prædonū duces accepta
 pecunia dimiserit; quā eos, si qui istū tot, tantis, tam nefa-
 rijs sceleribus coopertum iurati sententia sua liberarent?
 non est, nō est in hoc homine cuiquā peccandi locus iu-
 dices: non is est reus, nō id tempus, nō id consilium (me-
 tuo, ne quid arrogātius apud tales uiros uidear dicere)
 ne aētor quidem est is, cui reus tam nocens, tā perditus,
 tam uictus aut occulte surripī, aut impune eripi possit.
 his ego iudicibus nō probabo C. Verrem contra leges pē-
 cunias cepisse? sustinebūt tales uiri, se tot senatoribus, tot
 equitibus R. tot ciuitatibus, tot hominibus honestissimis
 ex tam illustri provincia, tot populorū, priuatorumq; li-
 teris nō credidisse? tantæ populi R. uolūtati restitisse? su-
 stineant. reperiemus, si istum uiuum ad aliud iudicium
 perducere potuerimus, quibus probemus, istum in Quæ-
 stura pecuniā publicam Cn. Carthoni Cos. datam auer-
 tisse: quibus persuadeamus, istum alieno nomine à Quæ-
 storibus urbanis, quod priore aēlione didicisti, pecuniā
 abstulisse. erūt, qui et in eo quoque audaciā eius reprehē-
 dant, qudd aliquot nominibus de capite, quantū commo-
 dū fuerit, frumenti decumani detraxerit. erūt etiā for-
 tasse iudices, qui illum eius peculatum uel acerrime uin-
 dicandū putēt, qudd iste M. Marcelli, et P. Africani mo-
 nimenta, quæ nomine illorū; re uera populi R. et erant,
 & habebantur, ex fanis religiosissimis, ex urbibus so-
 ciorū, atque amicorum non dubitauerit auferre. emer-
 serit ex peculatus etiam iudicio: medietur de ducibus
 hostium, quos accepta pecunia liberauit: uideat, quid

de illis respondeat, quos in eorum locum subditos domi
sue reservauit. quærat, non solum quemadmodum nostra
crimini, uerum etiam quo pacto sue confessioni possit me
deri. meminerit, se priore actione clamore populi R. in
festo, atque inimico excitatum, confessum esse, duces a se
prædonum securi non esse percussos; se iam tum esse ueritum,
ne sibi crimini daretur, eos ab se pecunia liberatos. fatea
tur id, quod negari non potest, se priuatum hominem præ
donum duces uiuos, atque incolumes domi sue, posteaquam
Romam redierit, usque dum per me licuerit, tenuisse. hoc in
illo maiestatis iudicio si licuisse sibi ostenderit, ego oport
uisse concedam. ex hoc quoque euaserit. proficiscar eum, quod
me iam pridem uocat populus R. de iure. n. libertatis, et
ciuitatis suum putat esse iudicium, et recte putat. confrin
gat iste sane uir sua consilia senatoria, quaestiones omnium
perrumpat, euolet ex uestra seueritate. mihi credite, ar
etioribus apud populum R. laqueis tenebitur. credet ijs
equitibus R. populus R. qui ad uos antea producti testes,
ipsis inspectantibus ab isto ciuem R. qui cognitores homi
nes honestos daret, sublatum esse in crucem dixerunt. cre
dent omnes V & XXX tribus homini grauissimo,
atque ornatissimo M. Annio, qui se presente ciuem R. se
curi percussum esse dixit. audietur a populo R. uir pri
marius eques R. L. Flauius, qui suum familiarem Herennium
negotiatorem ex Africa, cum eum Syracusis amplius cen
tum ciues R. cognoscerent, lacrymantesque defenderent, pro
testimonio dixit, securi esse percussum. probabit fidem, et
auctoritatem, et religionem suam L. Suetius, homo omni
bus ornamentois præditus, qui iuratus apud uos dixit, mul
tos ciues R. in Latumius istius imperio crudelissime per

uim morte esse mulctatos. hanc ego causam cum agam beneficio populi R. de loco superiore, non uereor, ne aut istum uis ulla ex populi R. suffragiis eripere, aut à me ullū munus Aedilitatis amplius, aut gratius populo R. esse possit. quapropter omnes in hoc iudicio conentur omnia: nihil est iam, quod in hac causa peccare iudices quisquā, nisi uestro periculo, possit. mea quidē ratio cū in præteritis est rebus cognita, tum in reliquis explorata, atque prouisa est. ego meū studium in Remp. iam illo tempore ostendi, cum longo interuallo ueterem consuetudinem retuli, & rogatu sociorum, atque amicorū populi R. meorū autem necessariorū, nomē hominis audacissimi detuli. quod meū factum lectissimi uiri, atque ornatissimi, quo in numero è uobis complures fuere, ita probarunt, ut ei, qui istius Quaestor fuisset, & ab isto latus inimicitias iustas persequeretur, non modo deferendi nominis, sed ne subscribendi quidem, cum id postularer, facerent potestatem. in Siciliam sum inquirendi causa profectus: quo in negotio industriam meam celeritas reditionis, diligentiam multitudo literarum, et testium declarauit: pudorem uero, ac religionem, quod cum uenissem senator ad socios populi R. qui in ea prouincia Quaestor fuissem, ad hospites meos, ac necessarios causæ communis defensor diuertere potius, quàm ad eos, qui à me auxilium petiuissent. nemini meus aduentus labori aut sumptui neque publice, neque priuatim fuit. uim in inquirendo tantā habui, quantā mihi lex dabat, non quantā habere poterā istorū studio, quos iste uexarat. Romā ut ex Sicilia redij, cum iste, atque istius amici, homines lauti et urbani, sermones huiuscemodi dissipassent, quo

animos testiū retardarent; me magna pecunia à uera accusatione esse deductū: tamen si probabatur nemini, quod & ex Sicilia testes erant ij, qui Quaestorem me in prouincia cognouerant, & hinc homines maxime illustres, qui ut ipsi noti sunt, sic nostrū unūquenque optime norūt; tamen usque ed timui, ne quis de mea fide, atque integritate dubitaret; donec ad reiiciendos iudices uenimus. sciebā, in reiiciendis iudicibus nōnullos memoria nostra pactionis suspicionem nō uitaſſe, cū in ipsa accusatione eorū industria, ac diligentia probaretur. ita reieci iudices, ut hoc cōſtet, post hunc statū Reip. quo nūc utimur, simili splendore, & dignitate consilium nullū fuisse. quam iste laudem cōmunem ait sibi esse mecum: qui cum P. Galbam iudicem reiecisset, M. Lucretiū retinuit: et cum eius patronus ex eo quæreretur, cur suos familiarissimos Sex. Peduceum, Q. Considium, Q. Iuniū reijci passus esset, respondit, quod eos in iudicādo nimium sui iuris, sententiāq; cognosceret. itaque iudicibus reiectis sperabā iam onus meum uobiscum esse cōmune: putabā, non solū notis, sed etiam ignotis probatam meā fidem esse, & diligentiam. quod me nō sefellit: nam comitijs meis, cū iste infinita largitione contra me uteretur, populus R. iudicauit istius pecuniam, quā apud me contra fidem meam nihil potuisset, apud se contra honorem meum nihil posse debere. quo quidem die primum iudices citati in hunc reum cōſediſtis, quis tam inimicus huic ordini fuit, quis tam nouarum rerum, iudiciorum, iudicūq; cupidus, qui nō conspectu, confessuq; uestro commoueretur? cum in eo uestra mihi dignitas fructū diligentia referret, id sum affecutus, ut una hora, qua

cœpi dicere, reo audaci, pecunioso, profuso, perditio stem
iudicij corrumpendi præciderem : ut primo die testium
tanto numero citato populus R. iudicaret, ipso absoluto
Reip. stare nō posse: ut alter dies amictus istius, et defen
soribus non modo spem uictoriae, sed etiam uoluntatem
defensionis auferret: ut tertius dies sic hominem proster
neret, ut morbo simulato, nō quid responderet, sed quē
admodum non responderet, deliberaret. deinde reliquis
diebus, his criminibus, his testiis, & urbanis, & prouin
cialibus, sic obrutus, atque oppressus est, ut his ludorū die
bus interpositis, nemo istum comperendinatum, sed con
demnatum iudicaret. quapropter ego, quod ad me atti
net iudices, uici: nō enim stolia C. Verris, sed existima
tionem populi R. cōcupiui. meum fuit, cum causa acce
dere ad accusandum: quæ causa fuit iustior, quàm à tã
illustri prouincia defensorem constitui & deligi? Reip.
consulere: quid iam Reip. honestius, quàm in tanta in
uidia iudiciorum adducere hominem, cuius damnatio
ne totus ordo cum populo R. & in laude, & in gratia
possit esse? ostendere, ac persuadere, hominem nocen
tem aductum esse: quis est in populo R. qui hoc non
ex priore actione abstulerit, omnium ante damnato
rum scelera, furta, flagitia, si in unum locum cōferā
tur, uix cum huius parua parte æquari, cōferriq; posse?
uos, quod ad uestram famā, existimationem, salutemq;
communem pertinet iudices, prospicite, atque consulite.
splendor uester facit, ut peccare sine summo Reip. de
trimento, ac periculo non possitis: non enim potest spe
rare populus R. esse alios in senatu, qui recte possint iu
dicare, uos si non potueritis. necesse est, cum de toto

ordine desperarit, aliud genus hominū, atque aliā ratio-
nem iudiciorum requirat. hoc si uobis ideo leuius uide-
tur, quodd putatis onus esse graue, & incōmodum, iudi-
care: intelligere debetis, primum interesse, utrū id onus
uosmet ipsi reieceritis, an, quodd probare populo R. fidem
uestrā, & religionem non potueritis, eo uobis iudicandi
potestas erepta sit. deinde etiā illud cogitate, quanto pe-
riculo uenturi simus ad eos iudices, quos propter odium
uestri populus R. de uobis uoluerit iudicare. uerum uo-
bis dicam id, quod intellexi iudices. homines scitote esse
quosdam, quos tantum odium uestri ordinis teneat, ut
hoc palām iam dicant, se istum, quem sciant esse homi-
nem improbissimū, hoc uno nomine absolui uelle, ut ab
senatu iudicia per ignominiā, turpitudinemq; auferan-
tur. hæc me iudices pluribus uerbis uobiscum agere coe-
git nō timor meus de uestra fide, sed spes illorum noua:
quæ cum Verrem à porta subito ad iudicium retraxis-
set, nōnulli suspicari sunt nō sine causa illius consiliū
tam repente esse mutatū. nunc ne nouo querimonia ge-
nere uti possit Hortensius, et ea dicere, opprimi reum, de
quo nihil dicat accusator; nihil esse tā periculosum for-
tunis innocentī, quā tacere aduersarios; et ne aliter,
quā ego uelim, meū laudet ingenium, cū dicat, me, si
multa dixissem, subleuatūrū fuisse eū, quem contra dī-
cerē; quia nō dixerim, perdidisse: morem illi gerā: ut ar-
ratione perpetua; nō quoniam hoc sit necesse; uerū ne
experiar, utrum ille ferat molestius, me tunc tacuisse, an
nūc dicere. hic tu fortasse eris diligens, ne quam ego ho-
ram de meis legitimis horis remittam: nisi omni tēpore,
quod mihi lege cōcessum est, abusus ero, querere, deū at-

que hominū fidē implorabis, circūueniri C. Verrē, quodd
accusator nolit tandiu, quādiu liceat, dicere. quod mihi
lex mea causa dedit, eo mihi nō uti nō licebit? nā accusā
di mihi tēpus mea causa datū est, ut possē oratione mea
crimina causamq; explicare. hoc si nō utor, nō tibi iniu
riā facio, sed de meo iure aliquid, & cōmodo detraho.
causam enim, inquit, cognosci oportet. ea re quidē, quodd
aliter condēnari reus, quāuis sit nocens, nō potest. id igitur
tu moleste tulisti, a me aliquid factum esse, quo mi
nus iste condemnari posset? nam causa cognita possunt
multi absolui: incognita quidem condemnari nemo po
test. adimo enim cōperendinatum: quod habet lex in se
molestissimū: bis ut causa dicatur. quod aut mea causa
potius est cōstitutum, quā tua: aut nihilo tua potius,
quā mea. nā si, bis dicere, est cōmodū: certe utriusque
cōmune est. si eū, qui posterius dixit, opus est redargui:
accusatoris causa, ut bis ageretur, cōstitutū est. uerum,
ut opinor, Glaucia primus tulit, ut comperendinaretur
reus: antea uel iudicari primo poterat, uel, amplius, pro
nunciari. utrā igitur putas legem molliorem? opinor, il
lam ueterem; qua uel cito absolui, uel tarde cōdēnari
licebat. ego tibi illam Aciliam legem restituo: qua lege
multi semel accusati, semel dicta causa, semel auditis tes
tibus, cōdēnati sunt, nequaquā tā manifestis, neque tan
tis criminibus, quantis tu conuinceris. puta te nō hac tam
atroci, sed illa lege mitissima causam dicere. accusabo:
respondebis. testibus editis, ita mittā in consiliū, ut, etiam
si lex ampliandi faciat potestātē, tamē isti turpe sibi exi
stimēt, nō primo iudicare. uerū si causam cognosci opus
est, parum ne cognita est? dissimulamus Hortēsi: quod

sæpe in dicēdo experti sumus. quis nos magnopere attē-
 dit unquam, in hoc quidem genere causarū, ubi aliquid
 ereptum aut ablatum à quopiam dicitur? non ne aut
 in tabulis, aut in testibus omnis expectatio iudicum est?
 dixi prima aēlione, me planū esse facturū, C. Verrem
 HS quadringentis cōtra legem abstulisse. quid hoc pla-
 nius egissē, si ita narrassem. Dio quidā fuit Halesinus:
 qui, cum eius filio Pratore Sacerdote hēreditas à propin-
 quo permagna uenisset, nihil habuit neque negotiū, neq;
 cōtrouersia. Verres simul ac tetigit prouinciam, statim
 Messanam literas dedit, Dionem euocauit, calumniato-
 res ex sinu suo apposuit, qui illam hēditatem Veneri
 Erycinæ cōmissam esse dicerent. hac de re ostendit se ip-
 sum cogniturum. possum deinceps totā rem explicare,
 deinde ad extremū id, quod accidit, dicere: Dionem HS
 decies centena millia numerasse, ut causam certissimā
 obtineret: præterea greges equarū eius istum abigendos
 curasse: argēti uestisq; stragula quod fuerit, curasse au-
 ferendū. hac neque cū ego dicerem, neque cū tu nega-
 res, magni momenti nostra esset oratio. quo tempore igi-
 tur aures iudex erigeret, animumq; attenderet? cū Dio
 ipse prodiret, cū ceteri, qui tum in Sicilia negotiis Dio-
 nis interfuisent: cum per eos ipsos dies, per quos causam
 Dio diceret, reperiretur, pecunias sumpsisse mutuas, no-
 mina sua exegisse, prædia uendidisse: cum tabula uiro-
 rum bonorū proferrentur: cū, qui pecuniam Dionis de-
 derunt, dicerent se iam tum audisse, eo nūmos sumi, ut
 Verri darentur: cum amici, hospites, patroni Dionis, ho-
 mines honestissimi, hac eadem se audisse dicerēt. opinor,
 cum hac fierent, tum uos audiretis, sicut audistis, tum

causa agi uideretur. sic à me sunt acta omnia priore actione, ut in criminibus omnibus nullum esset, in quo quisquā uestrū perpetuam accusationem requirat. nego esse quidquā à testibus dictum, quod aut uestrū cuiquam esset obscurū, aut cuiusquā oratoris eloquētiā quaereret: etenim sic me ipsum egisse memoria tenetis, ut in testibus interrogādis omnia crimina proponerē, et explicarē; ut, cū rem totā in medio proposuissem, tū denique testē interrogarē. itaque nō modo uos, quibus est iudicandū, nostra crimina tenetis: sed etiā populus R. totā accusationē causamq; cognouit. tamen si ita de meo facto loquor, quasi ego illud mea uolūtate potius, q̄ uestra iniuria adductus fecerim. interposuistis accusatorē, q, cū ego mihi C et X dies solos in Sicilia postulassē, C et VIII sibi in Achaiā postularet: mēses mihi tres cū eripuissetis ad agendū maxime appositos, reliquū omne tēpus huius anni me uobis remissurū putaistis: ut, cū horis nostris nos essemus usi, tu, binis ludis interpositis, quadragésimo post die responderes; deinde ita tēpus duceretur, ut à M. Glabrione Præt. et à magna parte horū iudicū ad Pratorē aliū, iudicesq; alios ueniremus. hæc si ego nō uidissem; si me nō omnes noti ignoti; monuissent, id agi, id cogitari, in eo laborari, ut res in illud tēpus reuiceretur: credo, si meis horis in accusando uti uoluissē, uererer, ne mihi crimina nō suppeterent, ne oratio deesset, ne uox uiresq; deficerēt, ne, quem nemo prima actione defendere ausus esset, cū ego bis accusare non possem. ego meū consiliū tū iudicibus, tum populo R. probaui. nemo est, qui alia ratione istorū iniuriæ, atque impudētiæ potuisse obsistebitur: etenim qua stultitia fuisset, si, quam diem qui

istum eripiendum redemerunt, in cautione uiderunt, eā
 ita cauere, si post Cal. Ian. in consilium iretur; in eā
 diem ego, cum potuissem uitare, incidissem? nunc mihi
 temporis eius, quod mihi ad dicendum datur, quoniam
 in animo est causam omnem exponere, habēda ratio est
 diligenter. itaque primum illum actum istius uitae tur-
 pissimum, & flagitiosissimum pratermittam: nihil a
 me de pueritiae suae flagitijs, peccatisq; audiet: nihil ex
 illa impura adolescentia sua: quae qualis fuerit, aut me
 minis, aut ex eo, quem sui simillimū produxit, recogno-
 scere potestis. omnia prateribo, quae mihi turpia dictu ui-
 debuntur: neque solu, quid istum audire, uerum etiam
 quid me deceat dicere, considerabo. uos quaeso date hoc,
 et concedite pudori meo, ut aliquā partem de istius im-
 pudetia reticere possim. omne illud tēpus, quod fuit an-
 tequam iste ad magistratus, remq; publicam accessit, ha-
 beat per me solutū, ac liberū. sileatur de nocturnis eius
 bacchationibus, ac uigilijs: lenonum, aleatorū, perductio-
 rum nulla mentio fiat: damna, dedecora, quae res patris
 eius, aetas ipsius pertulit, praterantur: lucretur indicia
 ueteris infamiae: patiatur eius uita reliqua me hāc tan-
 tam iacturam criminū facere. Quaestor Cn. Papirio
 Cos. fuisti abhinc annos quatuordecim: ex ea die ad hāc
 diē quae fecisti, in iudiciū uoco. hora nulla uacua a fur-
 to, a scelere, crudelitate, flagitio reperietur. hi sunt anni
 cōsumpti in Quaestura, & Legatione Asiatica, et Pratu-
 ra urbana, & Praetura siciliēsi. quare haec eadem erit
 quadripartita distributio totius accusationis meae. Qua-
 estor ex S. C. prouinciā sortitus es: obtigit tibi cōsularis:
 ut cū Cos. Cn. Carbone esses, eamq; prouinciā obtineres.

erat tum dissensio ciuium : de qua nihil sum dicturus, quid sentire debueris: unum hoc dico, in eiusmodi tempore ac sorte statuere te debuisse, utrum malles sentire, atque defendere. Carbo grauiter ferebat, sibi *Quæstorē* obtigisse hominē singulari luxuria, atque inertia: uerum tamē ornabat eum beneficijs officijsq; omnibus. ne diutius teneam, pecunia attributa numerata est: profectus est *Quæstor* in prouinciā: uenit in Galliam expectatus ad exercitum cōsularem cū pecunia: simul ac primū ei occasio uisā est (cognoscite hominis principiū magistratū gerendorū, et Reip. administrandæ) auersa pecunia publica *Quæstor* Consulē, exercitū, prouinciāq; deseruit: uideo, quid egerim: erigit se: sperat sibi auram posse alīquā afflari in hoc crimine uolūtatis, assensionisq; eorū, quibus *Cn. Carbonis* mortui nomen odio sit: quibus illā relictionē, prodicionemq; Consulī suī gratiā sperat fore: quasi uero id cupiditate defendendæ nobilitatis, aut studio partiū fecerit, ac nō apertissime Consulē, exercitū, prouinciāq; cōpilarit, et propter impudentissimū furtū aufugerit: est enim obscurū, aut eiusmodi factum eius, ut possit aliquis suspicari, *C. Verrem*, quod ferre nouos homines non potuerit, ad nobilitatem, hoc est ad suos, transisse, nihil fecisse propter pecuniā. uideamus, rationes quemadmodū retulerit: iam ipse ostendet, quamobrē *Cn. Carbonem* reliquerit: iam se ipse indicabit. primum breuitatem cognoscite. **ACCEPI, INQUIT, VICIES DVCENTA TRIGINTA QVINQUE MILLIA QVADRINGENTOS XVII NUMMOS: DEDI STIPENDIO, FRUMENTO, LEGATIS, PRO QVÆ**

LIBER III.

STORIBVS, COHORTI PRAETORIAE
 HS MILLE SEXCENTA TRIGINTA=
 QVINQVE MILLIA, QVADRINGEN=
 TOS XVII NUMMOS: RELIQVI ARI
 MINI HS SEXCENTA MILLIA. hoc est
 rationes referre? hoc modo aut ego, aut tu Hortēsi, aut
 quisquam hominū retulit? quid hoc est? quæ impudens=
 tia? quæ audacia? quod exemplū ex tot hominū ratio=
 nibus relatis huiusmodi est? illa tamē HS sexcēta millia,
 quæ ne falso quidē potuit, quibus data essent, describere;
 quæ se Arimini scribit reliquisse, quæ ipsa HS sexcenta
 millia reliqua facta sunt, neq; Carbo attigit, neq; Sylla
 uidit, neque in arariū relata sunt. oppidū sibi elegit Ari
 minū, quod tum, cum iste rationes referebat, oppressum
 direptumq; erat. nō suspicabatur id, quod nūc sentiet, sa
 tis multos ex illa calamitate Ariminensiu testes nobis in
 hanc rem reliquos esse. recita denuo. P. LENTULO,
 L. TRIARIO QVAESTORIBVS VRBA
 NIS, RATIONVM RES RELATARVM.
 recita. EX S. C. ut hoc pacto rationes referre liceret, eo
 Syllanus repēte factus est, nō ut honos, et dignitas nobili
 tati restitueretur. quodd si illinc inanis profugisses; tamē
 ista tua fuga, nefaria proditio Consulis tui, scelerata iu
 dicaretur. malus ciuis, improbus Consul, seditiosus homo
 Cn. Carbo fuit. fuerit alijs: tibi quādo esse coepit? postea
 quā tibi pecuniā, rem frumentariā, rationes omnes suas,
 exercitumq; cōmisit: nā si tibi antea displicuisset, idem
 fecisses, quod anno post M. Piso Quæstor, cū L. Scipioni
 Consuli obtigisset: non attigit pecuniā: nō ad exercitum
 profectus est: quod de Rep. sensit, ita sensit, ut nec fidem

suam, nec morem maiorū, nec necessitudinē sortis laderet. etenim si hæc perturbare omnia, et permiscere uoluimus, totā uitā periculosam, infestamq; reddemus, si nullam religionē fors habebit, nullā societatem coniūctio secunda, dubiaq; fortunæ, nullā auctoritatē mores, atque instituta maiorū. omnium est communis inimicus, qui fuit hostis suorū. nemo unquā sapiens proditori credendū putauit. ipse Sylla, cui aduentus istius gratissimus esse debuit, ab se hominē, atque ab exercitu suo remouit. Beneuenti esse iussit apud eos, quos suis partibus amicissimos esse intelligebat, ubi iste summæ rei, causaq; nocere nihil posset. ei postea præmia tamen liberaliter tribuit: bonæ quædā proscriptorū in agro Beneuentano diripienda concessit: habuit honorē ut proditori, nō ut amico fidē. nūc, quāuis sint homines, qui mortuū Cn. Carbonē oderint: tamē hi debent, nō quid illi accidere uoluerint, sed quid ipsis in tali re metuendū sit, cogitare. cōmune est hoc malum, cōmunis metus, cōmune periculū. nullæ sunt occultiores insidiæ, quàm eæ, quæ latent in simulatione officij, aut in aliquo necessitudinis nomine. nam eum, qui palam est aduersarius, facile cauendo uitare possis: hoc uero occultum, intestinū, ac domesticum malum nō modo non existit, uerū etiam opprimit, antequā perspicere, atque explorare potueris. ita ne uero? tu, cū Quæstor ad exercitū missus sis, custos nō solum pecuniæ, sed etiā Consulis, particeps omnium rerum, consiliorumq; fueris, habitus sis in liberū loco, sicut mos maiorum ferebat; repente relinquis? deseras? ad aduersarios transeas? d scelus: d portentū in ultimas terras exportandū: nō enim potest ea natura, quæ tantum facinus cōmiserit, hoc uno

scelere esse contenta: necesse est, semper aliquid eiusmodi moliatur: necesse est, in simili audacia, perfidiaq; uersetur. itaque idē iste, quē Cn. Dolabella postea C. Malleolo occiso pro Quæstore habuit (haud scio, an maior etiā hæc necessitudo fuerit, quā illa Carbonis, ac plus iudiciū uolūtatis ualere, quā sortis debeat) idem in Cn. Dolabellā, qui in Cn. Carbonē, fuit: nā, quæ in istū ualebant crimina, cōtulit in illū, causamq; illius omnem ad inimicos accusatoresq; detulit: ipse in eū, cui Legatus, cui pro Quæstore fuerat, inimicissimū, atq; improbissimū testimoniū dixit. ille miser cum esset; tum proditione istius nefaria, tum improbo, & falso eiusdem testimonio, tū multo ex maxima parte istius furtorū, ac flagitiorū inuidia conflagrauit. quid hoc homine faciat? aut ad quam spem tam perfidiosum, tam importunū animal reseruetis? qui in Cn. Carbone sortē, in Cn. Dolabella uoluntatē neglexerit, ac uiolarit, eosq; ambos non solum deseruerit, sed etiā prodiderit, atque oppugnarit. nolite, quæso iudices, breuitate orationis meæ potius, quā rerū ipsarū magnitudine crimina pōderare: mihi. n. properandū necessario est, ut omnia uobis, quæ mihi cōstituta sunt, possim exponere. quāobrem Quæstura istius demonstrata, primi; magistratus & furto, et scelere perspecto, reliqua attendite. in quibus illud tempus Syllanarū proscriptionū ac rapinarū prætermittā: neque ego istum sibi ullam ex communi calamitate defensionem sinā sumere: suis eū certis proprijsq; criminibus accusabo. quāobrem, hoc omnī tempore Syllano ex accusatione circumscripto, Legationem eius præclaram cognoscite. Posteaquam Cn. Dolabellæ prouincia Cilicia constituta est, dī immortales,

quanta

quanta iste cupiditate, quibus allegationibus illam sibi Legationem expugnauit? id quod Cn. Dolabellæ principium maximæ calamitatis fuit. nã ut iste profectus est, quacunque iter fecit, eiusmodi fuit, nõ ut Legatus populi R. sed ut quædam calamitas peruadere uideretur. in Achaia (prætermittam minora omnia, quorum simile forsitan alius quoque aliquid aliquando fecerit: nihil dicam, nisi singulare, nisi quod, si in alium reum diceretur, incredibile uideretur) magistratum Sicyonium nummos poposcit. ne sit hoc crimen in Verrem: fecerunt alij. cū ille non daret, animaduertit. improbum, sed nõ inauditum. genus animaduersionis uidete: quæretis, ex quo genere hominem istum iudicetis. ignem ex lignis uiridibus atque humidis in loco angusto fieri iussit: ibi hominem ingenuum, domi nobilem, populi R. socium, atque amicū, fumo excruciatum semiuiuū reliquit. iam quæ iste signa, quas tabulas pictas ex Achaia sustulerit, non dicam hoc loco, est alius mihi locus ad hanc cupiditatem demonstrandam seruatus. Athenis audistis ex æde Minervæ grande auri pondus ablatum. dictum hoc est in Cn. Dolabellæ iudicio: dictum? etiam æstimatum. huius consilij non modo participem C. Verrem, sed principem fuisse reperiētis. Delum uenit: ibi ex fano Apollinis religiosissimo noctu clam sustulit signa pulcherrima, atque antiquissima eaq; in onerariam nauem suam coniicienda curauit. postriedie cum spoliatum fanum uiderent ij, qui Delum incolebant, grauiter ferebāt: est enim tanta apud eos eius fani religio, atque antiquitas, ut in eo loco ipsum Apollinē natum esse arbitrentur. uerbum tamen facere non audebant, ne forte ea res ad Dolabellam ipsum pertineret: tū

subito tempestates coortæ sunt maximæ indices, ut non
 modo proficisci, cum cuperet, Dolabella non posset, sed
 uix in oppido consisteret: ita magni fluctus eiciebantur.
 hic navis illa prædonis istius, onusta signis religiosis, ex=
 pulsa, atque ciecta fluctu, frangitur: in litore signa illa
 Apollinis reperiuntur: iussu Dolabellæ reponuntur: tem=
 pestas sedatur: Dolabella Delo proficiscitur. non dubito,
 quin, tametsi nullus in te sensus humanitatis, nulla ratio
 unquam fuit religionis, nunc tamen in metu periculoq;
 tuo tuorum tibi scelerum ueniat in mentem. potest ne ti=
 bi ulla spes salutis commoda ostendi, cum recordaris, in
 deos immortales quàm impius, quàm sceleratus, quàm ne=
 farius fueris? Apollinem ne tu Delium spoliare ausus es? il=
 li ne tu templo, tam antiquo, tam sancto, tam religioso
 manus impias, ac sacrilegas. afferre conatus es? si in pue=
 ritia non ijs artibus, & disciplinis institutus eras, ut ea,
 quæ literis madata sunt, disceres, atque cognosceres: ne po=
 stea quidem, cum in ea ipsa loca uenisti, potuisti accipere
 id, quod est proditum memoriæ, ac literis: Latonā ex lon=
 go errore, & fuga, grauidam, & iam ad pariendum ui=
 cinam, temporibus exactis fugisse Delum, atque ibi Apolli=
 nem Dianamq; peperisse. qua ex opinione. hominum illa
 insula eorum deorum sacra putatur: tantaq; eius aucto=
 ritas religionis et est, & semper fuit, ut ne Persæ quidem,
 cum bellum toti Græciæ, dijs, hominibusq; indixissent, &
 mille numero nauium classem ad Delum appulissent, quid=
 quam conarentur aut uiolare, aut attingere. hoc tu fa=
 num depopulari homo improbissime, atque amentissime
 audebas? fuit ulla cupiditas tanta, quæ tantam extingue=
 ret religionem? & si tū hæc non cogitabas, ne nunc qui=

dem recordaris, nullum esse tantum malum, quod non tibi pro sceleribus tuis iandiu debeatur? in Asiam uero postquam uenit, quid ego aduentu istius prædia, cœnas, equos, muneraq; commemorem? nihil cum Verre de quo tidianis criminibus acturus sum. Chio per uim signa pulcherrima dico abstulisse: item Erythris, & Halicarnasso. Tenedo (prætereo pecuniam, quam eripuit) Tenē ipsum, qui apud Tenedios sanctissimus deus habetur, qui urbem illam dicitur condidisse, cuius ex nomine Tenedus nominatur, hūc ipsum inquam Tenem, pulcherrime factum, quem quondam in comitio uidistis, abstulit magno cum gemitu ciuitatis, illa uero expugnatio fanī antiquissimī, & nobilissimī Iunonis Samiæ quā lucuosa Samiis fuit? quā acerba toti Asiæ? quā clara apud omnes? quā nemini uestrum inaudita? de qua expugnatione cum Legati ad C. Neronem in Asiam Samo uenissent, responsum tulerunt; eiusmodi querimonias, quæ ad Legatum populi R. pertinerent, non ad Prætores, sed Romā deferri oportere. quas iste tabulas illinc, quæ signa sustulit? quæ cognoui egomet apud istū in ædibus nuper; cum obsignandi gratia uenissem. quæ signa nunc Verres ubi sunt? illa quero, quæ apud te nuper ad omnes columnas, omnibus etiam intercolumniis, in sylua denique disposita sub diuo uidimus. cur ea, quandiu alium Prætores cum iis iudicibus, quos in horum locum subfortitus es, de te in consilium iturum putasti, tandiu domi fuerunt: posteaquam nostris testibus nos, quā horis tuis, uti male uidisti, nullum signum domi reliquisti, præter duo, quæ in medijs ædibus sunt, quæ ipsa Samo sublata sunt? non putasti me tuis familiarissimis in hanc

rem testimonia denunciaturum? qui tuæ domi sæpe fuissent, ex quibus quærerem, signa scirent ne fuisse, quæ nõ essent. quid tum hos de te iudicaturos arbitratus es, cum uiderent, te iam non contra accusatorem tuum, sed contra Quæstorem, secloremq; pugnare? qua de re Charidemum Chium testimonium priore actione dicere audistis: sese, cum esset Trierarchus, & Verrem ex Asia decedentem prosequeretur, iussu Dolabellæ fuisse unà cum isto Sami, seseq; tum scire spoliatum esse fanum Iunonis, & oppidum Samum, posteaq; se causam apud Chios ciues suos Samijs accusantibus publice dixisse, eoq; se esse absolutum, quod planũ fecisset, ea, quæ legati Samiorum dicerent, ad Verrem, non ad se pertinere. Aspendũ uetus oppidum, & nobile in Pamphylia scitis esse, plenissimum signorum optimorum. non dicam illinc hoc signum ablatum esse, & illud: hoc dico, nullũ te Aspendi signũ Verres reliquisse, omnia ex fanis, ex locis publicis, palam, stantibus omnibus, plostris euecta, asportataq; esse. atque etiam illum Aspendium citharistam, de quo sæpe audistis id, quod est Græcis hominibus in prouerbio, quem omnia intus canere dicebant, sustulit, & in intimis suis adibus posuit, ut etiam illũ ipsum artificio suo superasse uideatur. Pergæ fanum antiquissimum, & sanctissimum Dianæ scimus esse. id quoque à te nudatum, & spoliatum esse, ex ipsa Diana, quod habebat auri, detractum, atque ablatũ esse dico. quæ (malũ) est ista tanta audacia, atque amentia? quas enim sociorũ, atque amicorum urbes adisti Legationis iure, & nomine; si in eas ui cum exercitu, imperioq; inuasisses, tamen opinor quæ signa, atque ornamenta ex his urbibus sustulisses, hæc non in tuam domũ,

neque in suburbana amicorum, sed Romam in publicū deportasset. quid ego de M. Marcello loquar? qui Syracusas urbem ornatissimā cepit. quid de L. Scipione? qui bellum in Asia gessit, Antiochumq; Regem potentissimum uicit. quid de Flaminiō? qui Regem Philippū, & Macedoniā subegit. quid de L. Paulo? qui Regem Persen uī, ac uirtute superauit. quid de L. Mūmio? qui urbem pulcherrimā, atque ornatissimam Corinthum, plenissimam rerū omnium, sustulit, urbesq; Achaiae, Boeotiaeq; multas sub imperium populi R. ditionemq; subiunxit. quorum domus cum honore, & uirtute florent, signis, & tabulis pictis erant uacuae. at uero urbem totā, templa deorū, omnesq; Italiae partes illorum donis, ac monumentis exornatas uidemus. uereor, ne haec forte cuiquam nimis antiqua, & iam obsoleta uideatur: ita enim tum aequabiliter omnes erāt huiusmodi, ut haec laus eximiae uirtutis, & innocentiae non solum hominum, uerum etiam temporū illorum esse uideatur. P. Seruilius, uir clarissimus, maximis rebus gestis, adest, de te sententiam laturus est: Olympū uī, copiis, consilio, uirtute cepit, urbem antiquam, & omnibus rebus auctam, & ornatā. recens exemplum fortissimi uiri profero: nam postea Seruilius imperator populi R. Olympū urbem hostium cepit, quā tu in iisdem illis locis Legatus quaestorius oppida pacata sociorum, atque amicorum diripienda, ac uexanda curasti. tu quae ex fanis religiosissimis per scelus, & per latrocinium abstulisti, ea nos uidere, nisi in tuis, amicorumq; tuorum tectis, non possumus: P. Seruilius quae signa atque ornamenta ex urbe hostiū, & uirtute capta, belli lege, atque imperatorio iure sustulit, ea populo R. apportauit, per triumphū

uexit, in tabulas publicas ad ærarium perscribenda cura=
uit. cognoscite ex literis publicis hominis amplissimi dili=
gentiam. recita. RATIONES RELATÆ
P. SERVILII. nō solum numerum signorū, sed
etiam uniuscuiusque magnitudinem, figurā, statum lite=
ris definiri uides. certe maior est uirtutis, uictoriæq; iucū=
ditas, quā ista uoluptas, quæ percipitur ex libidine, &
cupiditate. multo diligentius habere dico Seruilium præ=
dæ populi R. quā te tua furti, notata, atque descripta.
dices, tua quoque signa, et tabulas pictas ornamento ur=
bi, foroq; populi R. fuisse. memini: uidi simul cū popu=
lo R. forum, comitiumq; adornatum ad speciem magni
fico ornatu, ad sensum, cogitationemq; acerbo, & lugu=
bri: uidi collucere omnia furtis tuis, præda prouinciarū,
spolijs sociorum, atque amicorum. quo quidem tempore
iudices iste spem maximam reliquorum quoque peccato=
rum nactus est: uidit enim eos, qui iudiciorum dominos
se dici uolebant, harum cupiditatum esse seruos. socij ue=
ro, nationesq; exteræ spem omnium tum primum abiece=
re rerū, ac fortunarum suarum: propterea quodd casu Le=
gati ex Asia, atque Achaia plurimi Romæ tunc fuerūt,
qui deorum simulacra ex suis fanis sublata in foro ue=
nerabantur: itemq; cætera signa, & ornamenta cū co=
gnoscerent, alia alio in loco lacrymantes intuebantur.
quorum omnium hunc sermonem tum esse audiebamus,
nihil esse, quod quisquam dubitaret de exitio sociorum,
atque amicorum, cum quidem uiderent in foro popu=
li R. quo in loco antea, qui socijs iniurias fecerant, accu=
sari, & cōdemnari solebant, ibi esse palam posita ea, quæ
ab socijs per scelus ablata, ereptaq; essent. hic ego nō ar=

bitror illum negaturum, signa sese plurima, tabulas pictas innumerabiles habere. sed, ut opinor, solet hæc, quæ rapuit, & furatus est, non nunquã dicere se emissee, quoniam quidem in Achaiam, Asiam, Pamphyliam sumptu publico, & Legationis nomine, cum imperio, & securibus mercator signorum tabularumq; pictarum missus est. habeo & istius & patris eius accepti tabulas omnes, quas diligentissime legi, atque digessi: patris, quoad uixit tuas, quoad ais te cõfecisse. nam in isto iudices hoc nouũ reperietis. audimus aliquem tabulas nunquam confecisse: quæ est opinio hominũ de Antonio, falsa: nam fecit diligentissime. uerum sit hoc genus aliquod minime probandum. audimus alium non ab initio fecisse, sed ex tempore aliquo cõfecisse. est aliqua etiam huiusce rei ratio. hoc uero nouum, & ridiculum est, quod hic nobis respondit, cum ab eo tabulas postularemus; usque ad M. Terentium, & C. Cassium Cõsules confecisse, postea destitisse. alio loco, hoc cuiusmodi sit, cõsiderabimus. nunc nihil ad me attinet: horum enim temporum, in quibus nũc uersor, habeo tabulas & tuas, & patris. plurima signa pulcherrima, plurimas tabulas deportasse te, negare non potes: atque utinã neges. unum, ostende in tabulis aut tuis, aut patris tui, emptum esse: uicisti. ne hæc quidem duo signa pulcherrima, quæ nunc ad impluuium tuum stant, quæ multos annos ad ualuas Iunonis Samiæ steterunt, habes quo modo emeris; hæc inquam duo, quæ in ædibus tuis sola iam sunt, quæ sectorem expectat, relicta, ac destituta à cæteris signis. At credo in hisce solis rebus indomitas cupiditates, atque effrenatas habebat: cæteræ libidines eius ratione aliqua, aut modo consinebantur.

quàm multis istum ingenuis, quàm multis matribus fami-
lias in illa tetra atque impura Legatione uim attulisse
existimatis? ecquo in oppido pedem posuit, ubi nō plura
stuprorū, flagitiorumq; suorū, quàm aduentus sui uesti-
gia reliquerit? sed ego omnia, quæ negari poterūt, præ-
termittā. etiam hæc, quæ certissima sunt; & clarissima,
relinquā. unum aliquod de nefarijs istius factis eligam,
quo facilius ad Siciliam possim aliquando, quæ mihi hoc
oneris, negotijq; imposuit, peruenire. Oppidum est in
Helleſpōto Lampſacum iudices, in primis Asiæ prouinciæ
clarum, & nobile: homines autem ipsi Lampſaceni tum
summe in omnes ciues Romanos officiosi, tum præterea
maxime sedati, & quieti, propè præter ceteros ad sum-
mum Græcorū otium potius, quàm ad ullā uim, aut tu-
multum accommodati. accidit, cum iste à Cn. Dolabella
efflagitasset, ut se ad Regem Nicomedem, Regemq; Sada-
lam mitteret, cumq; iter hoc sibi magis ad quæstū suum,
quàm ad Reip. tempus accommodatum depoposcisset; ut
illo itinere ueniret Lampſacum, cum magna calamitate,
& propè pernicio ciuitatis. deducitur iste ad Ianitorem
quendam hospitem: comitesq; eius item apud ceteros ho-
spites collocātur. ut mos erat istius, atque ut eū suæ libi-
dines flagitiosæ facere admonuerant, statim negotium
dat illis suis comitibus, nequissimis, turpissimisq; homini-
bus, ut uideant, & inuestigent, ecquæ uirgo sit, aut mu-
lier, digna, quamobrem iste Lampſaci diutius commo-
raretur. erat comes eius Rubrius quidam, homo factus
ad istius libidines: qui miro artificio, quocunque uenerat,
hæc inuestigare omnia solebat. is ad eū rem istā defert:
Philodamū esse quēdā genere, honore, copijs, existimatio=

ne facile principem Lampfacenorum : eius esse filiam , quæ cum patre habitaret, propterea quodd virū non haberet, mulierem eximia pulchritudine, sed eam summa integritate pudicitiaq; existimari. homo ut hæc audiuit, sic exarsit ad id, quod nō modo ipse nunquā viderat, sed ne audierat quidē ab eo, qui ipse uidisset ; ut statim ad Philodamum migrare se diceret uelle. hospes ianitor, qui nīhil suspicaretur, ueritus ne quid in ipso se offenderit, hominem summa uī retinere cœpit . iste, qui hospitis relinquendi causam reperire nō posset, alia sibi ratione uiam munire ad stuprū cœpit : Rubriū, delicias suas, in omnibus eiusmodi rebus adiutorem suū, & consciū, parum laute diuersari dicit, ad Philodamum deduci iubet. quod ubi est Philodamo nūciatū : tametsi non erat ignarus, quantū sibi ac liberis suis iam tum mali cōstitueretur, tamen ad istum uenit, ostendit munus illud suū nō esse : se, cum suæ partes essent hospitum recipiendorum, tum ipsos tantum Prætores & Consules, non Legatorum assecclas, recipere solere . iste, qui una cupiditate raperetur, totum illius postulatū causamq; neglexit : per uim ad eum, qui recipere nō debebat, Rubrium deduci imperauit. hic Philodamus, posteaquam ius suum obtinere non potuit ; ut humanitatem consuetudinemq; suam retineret, laborabat . homo, qui semper hospitalissimus amicissimusq; nostrorū hominū existimatus esset , noluit uideri ipsum illū Rubrium inuitus in domū suā recepisse : magnifice & ornate , ut erat in primis inter suos copiosus, conuiuium comparat : rogat Rubrium, ut, quos ei comodum sit, inuitet ; locum sibi soli, si uideatur, relinquat : ut etiam filium suū, lectissimū adolescentem, foras ad propinquum

suum quendam mitteret ad cœnam . tum Rubrius istius
 comites inuitat . eos omnes Verres certiores facit , quid
 opus esset . mature ueniunt : discumbitur : fit sermo inter
 eos, & inuitatio, ut græco more biberetur : hospes hortatur :
 poscūt maioribus poculis : celebratur omniū sermo =
 ne letitiâq; cōuiuiū . posteaquā satis calere res Rubrio uī
 sa est : quæso, inquit, Philodame, cur ad nos filiā tuā nō
 intro uocari iubes ? homo, qui & summa grauitate, &
 iam id ætatis, & parens esset, obstupuit hominis improbi
 dicto . instare Rubrius . tū ille, ut aliquid respōderet, ne =
 gavit moris esse Græcorū, ut in conuiuiō uirorū accū =
 berent mulieres . hic tū alius ex alia parte : enimuero fe =
 rendū hoc non est : uocetur mulier . & simul seruis suis
 Rubrius, ut ianuā clauderent, & ipsi ad fōres assisterēt,
 imperat . quod ubi ille intellexit, id agi, atque id parari, ut
 filiæ suæ uis afferretur, seruos suos ad se uocat, his impe =
 rat, ut se ipsum negligant, filiā defendant, excurrat ali =
 quis, qui hoc tantū domestici mali filio suo nūciet . clamor
 interea fit tota domo inter seruos Rubrii, atque hospitis :
 iactatur domi suæ uir optimus, & homo honestissimus .
 pro se quisque manus affert : aqua denique feruenti à
 Rubrio ipso Philodamus perfunditur . hæc ubi filio nūcia =
 ta sunt, statim exanimatus ad ædes cōtendit, ut & uitæ
 patris, et pudicitie sororis succurreret . omnes eodē animo
 Læpsaceni, simul ut hoc audiuerūt, quod eos tū Philoda =
 mi dignitas, tū iniuriæ magnitudo mouebat, ad ædes no =
 ètu cōuenerūt . hic liCTOR istius Cornelius, qui cū eius ser =
 uis erat à Rubrio, quasi in præsidio, ad auferendā mulie =
 rē collocatus, occiditur : serui nōnulli uulnerātur : ipse Ru =
 brius in turba sauciatur . iste, qui sua cupiditate tantos

tumultus cōcitatos uideret, cupere aliquā euolare, si posset. postridie mane homines in cōcionem ueniūt: quærūt, quid optimū factū sit: pro se quisque, ut in quoque erat auctoritatis plurimū, ad populū loquebatur: inuentus est nemo, cuius nō hęc & sententia esset, & oratio: nō esse metuendū, si istius nefarium scelus Lāpsaceni ultri ui, manūq; essent, ne senatus populūsq; R. in eā ciuitatem animaduertendū putaret: quodd si hoc iure Legati populi R. in socios, nationesq; exterarū uterentur, ut pudicitia liberorū seruare ab eorū libidine tutā non liceret; quiduis esse perpeti satius, quā in tāta ui, atque acerbitate uersari. hęc cū omnes sentiret, et cū in eā rationem pro suo quisque sensu, ac dolore loqueretur: omnes ad eam domū, in qua iste diuersabatur, profecti sunt. cadere ianuā saxis, instare ferro, ligna & sarmenta circūdare, ignem subiungere coeperūt. tū ciues R. qui Lampfaci negotiabantur, concurrūt, orāt Lampfacenos, ut grauius apud eos nomē Legationis, quā iniuria Legati putaretur: sese intelligere, hominē illū esse impurū, ac nefariū; sed quoniā nec perfecisset, quod conatus esset, neque futurus esset Lāpsaci postea, leuius eorū peccatū fore, si homini scelerato pepercissent, quā si Legato non pepercissent. sic iste multo sceleratior, & nequior, quā ille Adriani, aliquanto etiam felicior fuit. ille, quodd eius auaritiā ciues R. ferre non potuerant, Vtica domi suae uiuus exustus est: idq; ita illi merito accidisse existimatum est, ut lætarentur omnes, neque ulla animaduersio constitueretur. hic sociorum ambustus incendio, tamen ex illa flamma, periculoq; euolauit: neque adhuc causam ullam excogitare potuit, quā obrem commiserit, aut quid eueniret.

rit, ut in tantum periculum ueniret: non enim potest dicere, cum seditionem sedare uellem, cum frumentum imperarem, cum stipendium cogerem, cum aliquid denique Reip. causa gererē, quod acrius imperaui, quod animaduerti, quod minatus sum. quæ si diceret; tamen ignosci non oporteret, si nimis atrociter imperando socijs, in tantum adductus periculum uideretur. nunc, cum ipse causam illius tumultus neque uerā dicere, neque falsam cōfingere audeat; homo autem ordinis sui frugalissimus, qui tū accensus C. Neroni fuit, P. Tettius hæc eadem se Lampfaci cognosse dixerit; uir omnibus rebus ornatissimus C. Varro, qui tū in Asia Tribunus militū fuit, hæc eadem ipsa se ex Philodamo audisse dicat: potestis dubitare, quin istum fortuna nō tam ex illo periculo eripere uoluerit, quā ad uestrū iudicium referuare? nisi uero illud dicet, quod & in testimonio Tettij priore actione interpellauit Hortensius: quo tempore quidem signi satis dedit, si quid esset, quod posset dicere, se tacere nō posse: ut, quā diu in cæteris rebus tacuerit, scire omnes possemus, nihil habuisse quod diceret. hoc tum dixit, Philodamum & eius filium à Cn. Nerone esse dānatos. de quo ne multa differā, tantū dico, secutū id esse Neronem, & eius cōsiliū; quod Corneliū lictorem occisum esse cōstaret, putasse nō oportere esse cuiquā, ne in ulciscenda quidē iniuria, hominis occidendi potestatem. in quo uideo Neronis iudicio nō te absolutū esse improbitatis, sed illos dānatos esse cædis. uerū ista dānatio tamen cuiusmodi fuit? audite quæso iudices, & aliquādo miseremini sociorū, & ostendite aliquid his in uestra fide presidij esse oportere. quod toti Asiæ iure occisus uidebatur istius ille uerbo li-

Elor, re uera minister improbissimæ cupiditatis: perti-
muit iste, ne Philodamus Neronis iudicio liberaretur. ro-
gat & orat Dolabellam, ut de sua provincia decedat, ad
Neronē profiscatur: se demonstrat incolumem esse non
posse, si Philodamo uiuere, atque aliquando Romā ueni-
re licuisset. cōmotus est Dolabella: fecit id, quod multi
reprehenderunt, ut exercitum, provinciā, bellum relinque-
ret, & in Asiā hominis nequissimi causa, in alienā pro-
uinciā, profisceretur. posteaquā ad Neronem uenit, con-
tendit ab eo, ut Philodami causam cognosceret. uenerat
ipse, qui esset in cōsilio, & primus sententiā diceret: ad-
duxerat etiam præfectos, & Tribunos militares suos,
quos Nero omnes in cōsiliū uocauit: erat in cōsilio etiā,
æquissimus iudex, ipse Verres: erant nōnulli togati, cre-
ditores Græcorū: quibus ad exigendas pecunias impro-
bissimi cuiusque Legati plurimū prodest gratia. ille miser
defensorem reperire neminem poterat: quis. n. esset aut
togatus, qui Dolabellæ gratia, aut Græcus, qui eiusdē ui,
& imperio nō moueretur? accusator autem apponitur
ciuis Romanus de creditoribus Lampfacenorū; qui, si di-
xisset quod iste iussisset, per eiusdem istius liētores a popu-
lo pecuniā posset exigere. cū hæc omnia tāta cōtentione,
tantis copijs agerētur; cum illum miserum multi accusa-
rent, nemo defenderent; cumq; Dolabella cum suis præfe-
ctis pugnaret in consilio; Verres fortunas agi suas dice-
ret; idem testimoniū diceret, idem esset in cōsilio, idem
accusatorem parasset; hæc cū omnia fierent; & cū ho-
minem cōstaret occisum: tamen tanta uis istius iniuriæ,
tanta in isto improbitas putabatur, ut de Philodamo, am-
plius, pronūciaretur. quid ego nūc in altera aēlione Cn.

Dolabella spiritus? quid huius lacrymas, & concursiones proferam? quid C. Neronis, uiri optimi, atque innocentissimi, nonnullis in rebus animū nimis timidum, atque demissum? qui, in illa re quid facere potuerit, non habebat: nisi forte id, quod omnes tum desiderabāt, ut ageret eam rem sine Verre, et Dolabella. quidquid esset sine his actū, omnes probarent. tum uero quod pronunciatum est, non per Neronem iudicatū, sed per Dolabellam ereptum existimabatur. cōdemnatur enim per paucis sententijs Philodamus, & eius filius. adest, instat, urget Dolabella, ut quamprimum securi feriantur, quo quamminime multi ex illis de istius nefario scelere audire possent. cōstituitur in foro Laodiceæ spectaculum acerbum, & miserum, & graue toti Asiæ prouinciæ, grandis natu parens adductus ad supplicium, ex altera parte filius, ille, quod pudicitiam liberorum, hic, quod uitam patris, famamq; sororis defenderet. flebat uterque; non de suo supplicio, sed pater de filij morte, de patris filius. quid lacrymarum ipsum Neronem putatis profudisse? quem aetum totius Asiæ fuisse? quem luctum, & gemitū Lampacenorum? securi esse percussos homines innocentes, nobiles, socios populi R. atque amicos, propter hominis flagitiosissimi singularem nequitiam, atque improbissimā cupiditatem. nemo iam Dolabella neque tui, neque tuorum liberū, quos tu miseris in egestate, atque in solitudine reliquisti, misereri potest. Verres ne tibi tanti fuit, ut eius libidinem hominum innocentū sanguine lui uelles? iccirco ne exercitū, atque hostem relinquebas, ut tua ui, & crudelitate istius hominis improbissimi pericula subleuares? quod n. eū tibi Quæstoris in locū constitueras, iccirco tibi amicū in perpetuū

fore putasti? nesciebas, ab eo Cn. Carbonem Cos. cuius reuera Quaestor fuit, non modo relictum, sed etiam spoliatum auxilijs, nefarie oppugnatum, & proditum? expertus igitur es istius perfidiam tum, cum se ad inimicos tuos contulit, cum in te homo ipse nocens acerrimum testimonium dixit, cum rationes ad aerarium nisi dānato te refferre noluit. tanta ne tuæ Verres libidines erunt, ut eas capere, ac sustinere nō prouinciæ populi R. non nationes exteræ possint? tu ne quod uideris, quod audieris, quod concupieris, quod cogitaris, nisi id ad nutum tuū præsto fuerit, nisi libidini tuæ cupiditatiq; patuerit, immittentur homines? expugnabuntur domus? ciuitates nō modo pacatæ, uerum etiam sociorum, atque amicorum, ad uim, atque ad arma confugient, ut ab se, atque ab liberis suis Legati populi R. scelus, atque libidinem propulsare possint? nam quæro abs te, circumsessus ne sis Lampsaci? coeperit ne domum, in qua diuersabare, illa multitudo incendere? uoluerint ne Legatum populi R. comburere uiuum Lampsaceni? negare non potes: habeo enim testimonium tuum, quod apud Neronem dixisti: habeo quas ad eundem literas misisti. recita hunc ipsum locum de testimonio. **TESTIMONIUM C. VERRIS IN ARTEMIDORVM. NON MVLTQ. POST IN DOMVM.** bellum ne populo R. Lampsaceni ciues facere conabantur? deficere ab imperio ac nomine nostro uolebant? uideo enim, & ex ijs, quæ legi, & audiui, intelligo; in qua ciuitate non modo Legatus populi R. circumsessus, non modo igni, ferro, manu, copijs oppugnatus, sed aliqua ex parte uiolatus sit, nisi publice satisfactum sit, ei

civitati bellum indici, atque inferri solere. quæ fuit igitur causa, cur cuncta civitas Lampsacenorum de concione, quemadmodum tute scribis, domum tuam concurreret? tu. n. neque in literis, quas Neroni mittis; neque in testimonio causam tanti tumultus ostendis ullam. obsessum te dicis: ignem allatum, sarmenta circumdata, lictorem tuum occisum esse dicis: prodeundi tibi in publicum potestatem factam negas: causam huius tanti terroris occultas. nam si quam Rubrius iniuriam suo nomine, ac non impulsu tuo, & tua cupiditate, fecisset; de tui comitis iniuria questum ad te potius, quam te oppugnatum uenirent. cum igitur, quæ causa illius tumultus fuerit, testes à nobis producti dixerint, ipse celarit: non ne causam hanc, quam nos proposuimus, tum illorum testimonia, tum istius taciturnitas perpetua confirmat? huic homini parceris igitur iudices? cuius tanta peccata sunt, ut ij, quibus iniurias fecerit, neque legitimum tempus expectare ad ulciscendum, neque uim tantam doloris in posterum differre potuerint. circumfessus es. à quibus? à Lampsaceris: barbaris hominibus credo, aut ijs, qui populi Romani nomen contemnerent: immo uero ab hominibus & natura, & consuetudine, et disciplina lenissimis: porro autem populi Romani conditione socijs, fortuna seruis, uoluntate supplicibus: ut perspicuum sit omnibus, nisi tanta acerbitas iniurie, tanta uis sceleris fuisset, ut Lampsaceni moriendum sibi potius, quam perpetiendum putarent, nunquam illos in eum locum progressuros fuisse, ut uehementius odio libidinis tuæ, quam metu Legationis mouerentur. nolite per deos immortales cogere socios atque exteræ nationes hoc uti perfrigio: quo, nisi uos uindictatis, utentur necessario. Lampsacenos in istum nunquam

quam ulla res mitigasset, nisi eum pœnas Romæ daturū credidissent. etsi talem acceperant iniuriam, quam nulla lege satis digne persequi poterant: tamen incommoda sua uestris committere legibus, & iudicijs, quàm dolori suo permittere, maluerunt. tu mihi, cum circumfessus à tam illustri ciuitate sis propter tuum scelus, atque flagitium; cum coegeris homines miseros, et calamitosos, quàm si desperatis nostris legibus, & iudicijs, ad uim, ad manus, ad arma confugere; cū te in oppidis, & ciuitatibus amicorum non Legatum populi R. sed tyrannum libidinum, crudelemq; præbueris; cum apud exteras nationes imperij, nominisq; nostri famam tuis probris, flagitijsq; uolaris; cum te ex ferro amicorum populi R. eris pueris, atque è flamma sociorum euolaris: hic tibi per fugiū speras futurū? erras. ut hūc incideres, non ut hic conquiesceres, illi te uiuum exire passi sunt. ais, iudicium esse factum, te iniuria circumfessum esse Lampsaci, quod Philodamus cum filio condemnatus sit. quid, si doceo, si planum facio, teste homine nequam, uerū ad hanc rem tamen idoneo, (te ipso inquam teste docebo) te huius circūsessionis tuæ causam, & culpam in alios transtulisse; neque in eos, quos tu insimularis, esse animaduersum? iā nihil te iudiciū Neronis adiuuat. recita, quas ad Neronē literas misit.

EPISTOLAC. VERRIS AD NERONEM. THEMISTAGORAS ET THESSALVS. Themistagorā, & Thessalū scribie populū concitasse: quem populū? qui te circūsedit, qui te uiuū comburere conatus est. ubi hos persequeris? ubi accusas? ubi defendis ius, nomenq; Legati? in Philodami iudicio dices id aētum. cedo mihi ipsius Ver-

ris testimoniū . uideamus, quid idem iste iuratus dixerit. recita. AB ACCVSATORE ROGA=TVS, RESPONDIT: IN HOC IVDICIO NON PERSEQVI: SIBI IN ANIMO ESSE ALIO TEMPORE PERSEQVI. quid igitur te inuat Neronis iudicium? quid Philodami damnatio? Legatus cum esses circūfessus; cumq; , quēadmodum tute ad Neronem scripsisti, populo R. cōmunīq; causā Legatorū facta esset iniuria insignis: non es persecutus: dicis tibi in animo esse alio tempore persequi. quod fuit id tempus? quando es persecutus? cur imminuisti ius Legationis? cur causam populi R. deseruisti, ac prodidisti? cur iniurias tuas contunētas cum publicis reliquisti? nō ne te ad senatū causam deferre, non de tā atrocibus iniurijs conqueri, nō eos homines, qui populum concitarant, Consulū literis euocādos curare oportuit? nuper M. Aurelio Scauro postulante, quod is Ephesi se Questorem uī prohibitum esse dicebat, quo minus ē fano Dianæ seruum suum, qui in illud asylum confugisset, abduceret; Pericles Ephesius, homo nobilissimus, Romam euocatus est, quod auctor iniuria illius fuisse argueretur. tu, si te Legatum ita Lampfaci tractatum esse senatum docuisses, ut tui comites uulnerarētur, lictor occideretur, ipse circūfessus penē incenderere, eius autē rei duces, & auctores, & principes fuisse, quos scribis, Themistagoram, & Thessalum: quis non commoueretur? quis non ex iniuria, quæ tibi esset facta, sibi prouideret? quis nō in ea re causam tuam, periculum commune agi arbitraretur? etenim nomen Legati eiusmodi esse debet, quod non modo inter sociorum iura, sed etiam inter hostium rela

incolumē uerſetur. magnum hoc Lampſacenum crimen eſt libidinis, atque improbiſſimæ cupiditatis. accipite nūc auaritiæ propemodū in ſuo genere non leuius. Milesios nauem popoſcit, quæ eum præſidiꝝ cauſa Myndū proſequeretur. illi ſtatim myoparonem egregiū de ſua claſſe, ornātū, atque armātū dederunt. hoc præſidio Myndū profectus eſt. nam quid Milesijs lanæ publicæ abſtulerit, item de ſumptu in aduentum, de contumelijs, & iniurijs in magiſtratum Mileſiūm, tameſi dici tum uere, tū gratūter, & uehementer poteſt, tamen dicere prætermittam, eaq; omnia teſtibus integra reſeruabo. illud, quod neque taceri ullo modo poteſt, neque dici pro dignitate, cognoſcite. milites remigesq; Miletū Myndo pedibus reuerti iubet: ipſe myoparonē pulcherrimum de decem Milesiorū nauibus electū, L. Magio, et L. Rabio, qui Myndi habitabāt, uendidit. hi ſunt homines, quos nuper ſenatus in hoſtium numero cenſuit habendos. hoc illi nauigio ad omnes populi R. hoſtes uſque ab Dianio, quod in Hiſpania eſt, ad Sinopē, quæ in Ponto eſt, nauiganerunt. o diꝝ immortales, incredibilem auaritiā, ſingularemq; audaciā. nauem tu de claſſe populi R. quā tibi Mileſia ciuitas, ut te proſequeretur, dediſſet, auſus es uendere? ſi te magnitudo maleficiꝝ, ſi te hominū exiſtimatio non mouebat, ne illud quidem cogitabas, huius improbiſſimi furti, huius adeo nefariæ prædæ tā illuſtrem, ac tam nobilē ciuitatē teſtem futurā? an, quia tū Cn. Dolabella in eū, qui ei myoparoni præſuerat, Milesijsq; rē geſtā renūciarat, anima duertere tuo rogatu conatus eſt, renūciationemq; eius, quæ erat in publicas literas relata illorū legibus, tolli iuſſerat; iccirco te ex hoc crimine elapſum eſſe arbitrabare? multū te iſta

fefellit opinio, & quidē multis in locis: semper enim exi-
 stimasti, & maxime in Sicilia, satis cautū tibi ad defen-
 sionem fore, si aut referri aliquid in literas publicas ue-
 tuisses, aut, quod relatum esset, tolli coegisses. hoc quā-
 nihil sit, tametsi ex multis Siciliæ ciuitatibus priore aēlio
 ne didicisti, tamen etiam in hac ipsa ciuitate cognosce.
 sunt illi quidem dicto audientes, quandiu adsunt ij, qui
 imperant. simul ac discesserunt, non solum illud perscri-
 bunt, quod tum prohibiti sunt, sed etiam causam adscri-
 bunt, cur non tum in literas relatum sit. manent istæ li-
 teræ Mileti: manent, & dum erit illa ciuitas, manebūt:
 decem enim naues iussu L. Murænae populus Milesius ex
 pecunia uectigali populi R. fecerat, sicut pro sua quæque
 parte Asiæ ceteræ ciuitates. quamobrem unam ex decē
 non prædonum repentino aduētū, sed Legati latrocinio,
 non uī tempestatis, sed hac horribili tempestate sociorum
 amissam, in literas publicas retulerunt. sunt Romæ Le-
 gati Milesij, homines nobilissimi, ac principes ciuitatis:
 qui tametsi mensem Februarium & Consulū designa-
 torum nomen expectant, tamen hoc tantum facinus nō
 modo negare interrogati, sed ne producti quidem retice-
 re poterunt. dicent inquam & religione adducti, & le-
 gum domesticarum metu, quid illo myoparone factum
 sit. ostendent, C. Verrem in ea classe, quæ contra piratas
 ædificata sit, piratā ipsum cōsceleratum fuisse. C. Mal-
 leolo Quæstore Cn. Dolabellæ occiso, duas sibi heredita-
 tes uenisse arbitratus est, unam quæstoriæ procurationis
 (nam à Dolabella statim Proquæstore iussus est esse) al-
 teram tutele: nam cum pupilli Malleoli tutor esset, in bo-
 na eius impetum fecit. nam Malleolus in prouinciā sic

copiose profectus erat, ut domi prorsus nihil relinqueret. præterea pecunias occuparat apud populos, & syngraphas fecerat: argenti optime calati græde pondus secum tulerat (nā ille quoque sodalis istius erat in hoc morbo, & cupiditate) grande pondus argenti, familiam magnā, multos artifices, multos formosos homines reliquit. iste, quod argenti placuit, inuasit: quæ mancipia uoluit, abduxit: uina, cæteraq; quæ in Asia facillime comparantur, quæ ille reliquerat, asportauit: reliqua uendidit, pecuniam exegit. cum ad HS XX quinquies redegissee constaret: ut Romā rediit, nullam literā pupillo, nullam matri eius, nullā tutoribus reddidit: seruos artifices pupilli cum haberet domi, circūpedes autem homines formosos, & literatos, suos esse dicebat, se emisse. cum sæpius mater, & auia pueri postularent, uti, si non redderet pecuniam, nec rationem daret, diceret saltem, quātū pecunie Malleoli deportasset: multis efflagitatus aliquādo dixit, HS decies: deinde in codicis extrema cera nomen infimū in flagitiosa litura fecit: expensa Chrysogono seruo HS sexcēta millia, accepta pupillo Malleolo retulit. quo modo ex decies HS sexcenta sint facta, quo modo DC eodē modo quadrarint, (ut illa de Cn. Carbonis pecunia reliqua HS sexcēta facta) quo modo Chrysogono expensa lata sint, cur id nomen infimū, in lituraq; sit, uos existimabitis. tamen HS sexcenta millia cum accepta retulisset, HS quinque millia soluta nō sunt. homines, posteaquā reus factus est, alij redditi, alij etiam nūc retinentur: peculia omnium, uicarijque retinentur. hæc est istius præclara tutela. en cui tuos liberos committas, en memoria mortui sodalis, en metus uiuorum existimationis. cum tibi se

tota Asia spoliandam ac uexandam tradidisset; cū tibi exposita esset omnis ad prædandum Pamphylia: cōtentus his tam opimis rebus nō fuisti? manus à tutela, manus à pupillo, manus à sodalis filio abstinere nō potuisti? iam te non Siculi, nō aratores, ut dictitas, circumueniunt, non ij, qui decretis, edictisq; tuis in te concitati, infestiq; sunt: Malleolus à me productus, & mater eius atque auia: quæ miserae, flentes, euersum à te puerum patrijs bonis esse dixerunt. quid expectas? an, dū ab inferis ille Malleolus existat, atque abs te officia tutelæ; sodalitatæ, familiaritatæq; flagitet? ipsum putato adesse. homo auarissime et spurcissime, redde bona sodalis filio, si nō quæ abstulisti, at quæ confessus es. cur cogis sodalis filiū hanc primam in foro uocem cum dolore & querimonia emittere? cur sodalis uxorem, sodalis socrum, domū denique totam sodalis mortui contra te testimonium dicere? cur prudentissimas, lectissimasq; foeminas in tantum uirorum cōuentū insolitas, inuitasq; prodire cogis? recita omnium testimonia. TESTIMONIUM MATRIS ET AVIAE. Proquaestore uero quo modo iste cōmune Miliadū uexarit, quomodo Lyciam, Pamphyliam, Pisidiam, Phrygiamq; totam frumento imperando, aestimando hac sua, quam tū primum excogitauit, Siciliensi aestimatione afflixerit, non est necesse demonstrare uerbis. hoc scitote, his nominibus, quæ res per eum gestæ sunt, cum iste ciuitatibus frumentum, coria, cilicia, saccos imperaret, neque ea sumeret, pro his rebus pecuniam exigeret, his nominibus solis Cn. Dolabellæ HS ad tricies licem esse aestimatam. quæ omnia, etiam si uolūtate Dolabellæ fiebant, per istum omnia tamen gerebantur. consti-

stam in uno nomine: multa sunt ex eodē genere, recita.
 DE LITIBVS AESTIMATIS CN. DO
 LABELLAE PR. POPVLO R. PECV-
 NIAE REDACTAE. QVOD A' COM-
 MVNI MILIADVM. te hac coegisse, te asti-
 masse, tibi pecuniam numeratā esse dico: eademq; ui, &
 iniuria cū pecunias maximas cogeres, per omnes partes
 prouincia te, tanquam aliquam calamitosam tempesta-
 tē, pestemq; peruasisse demōstro. itaque M. Scaurus, qui
 Cn. Dolabellam accusauit, istū in sua potestate ac dicio-
 ne tenuit. homo adolescens, cū istius in inquirendo mul-
 ta furta, ac flagitia cognosceret, fecit perire, & callide,
 uolumen eius rerum gestarum maximum isti ostendit,
 ab homine, quae uoluit, in Dolabellam abstulit, istum te-
 stem produxit: dixit iste, quae uelle accusatorem putauit.
 quo ex genere mihi testium, qui cum isto furati sunt, si
 uui uoluissē, magna copia fuisset, qui, ut se periculo li-
 tium, coniunctione criminum liberarent, quod ego uellem,
 descensuros pollicebantur. eorū ego uoluntatem omnium
 repudiau: non modo proditori, sed ne perfugae quidem
 locus in meis castris cuiquam fuit. forsitan meliores illi
 accusatores habēdi sunt, qui hac omnia fecerunt. sed ego
 defensorem in mea persona, non accusatorem maxime
 laudari uolo. rationes ad aerarium, antequā Dolabella
 condemnatus est, non audet referre. impetrat à senatu,
 ut dies sibi prorogaretur, quod tabulas suas ab accusato-
 ribus Dolabellae obsignatas diceret: perinde quasi exscri-
 bendi potestatem nō haberet. solus est hic, qui nunquam
 rationes ad aerarium referat. audistis quae storiā rationem
 tribus uersiculis relatā: Legationis, non nisi cōdemnato,

Et eiectō eo, qui posset reprehendere: nūc denique Præ-
 tura: quā ex S. C. statim referre debuit, usque ad hoc
 tempus nō retulit, Quæstorem se in senatu expectare di-
 xit. perinde quasi nō, ut Quæstor sine Prætoře posset re-
 ferre, ut tu Hortensi, ut omnes, eodē modo sine Quæstore
 Prætor. dixit, idem Dolabellam impetrasse. omen magis
 patribus conscriptis, quā causa placuit. probauerūt. ue-
 rū Quæstores quoque iam pridem uenerūt: cur nō retu-
 listi ē illarū rationum ex ea fece Legationis, quæstoriæq;
 tuæ procurationis illa sunt nomina, quæ Dolabella neces-
 sario sunt aestimata. EX LITIBVS AESTI-
 MATIS DOLABELLAE PR. ET PRO-
 PR. quodd minus Dolabella Verri acceptū retulit, quā
 Verres illi expensum tulerit, HS quingenta triginta
 quinque millia: et quodd plus fecit Dolabella Verrem ac-
 cepisse, quā iste in suis tabulis habuit, HS ducenta tri-
 ginta duo millia: Et quodd plus frumenti fecit accepisse
 istū, HS decies Et octingenta millia, quod tu homo ca-
 stissimus aliud in tabulis habebas. hinc illa extraordina-
 riæ pecuniæ, quas nullo duce, tamen aliqua ex particula
 inuestigamus, redundarunt. hinc ratio cum Q. Et Cn.
 Posthumijs, Curtijs, multis nominibus, quorum in tabulis
 iste habet nullū. hinc HS quater decies P. Tadio nume-
 rata Athenis, testibus planū faciā. hinc emptā apertissimē
 Prætura: nisi forte id etiā dubium est, quo modo iste
 Prætor factus sit. homo scilicet aut industria, aut opera
 probata, aut frugalitatis existimatione præclara, aut de-
 nique, id quod leuissimū est, assiduitate, qui ante Quæstu-
 ram cum meretricibus lenonibusq; uixisset, Quæsturam
 ita gessisset, quemadmodū cognouistis, Romæ post Quæ-

sturam illam nefariam uix triduum constisset, absens non in obliuione iacuisset, sed in assidua cōmemoratione omnibus omnium flagitiorum fuisset; is repente, ut Romam uenit, gratis Prætor factus est. alia porro pecunia, ne accusaretur, data, cui sit data, nihil ad me, nihil ad rem pertinere arbitror: datam quidem esse, cum inter omnes recenti negotio facile constabat. homo stultissime & amentissime, tabulas cum conficeres, & cum extraordinaria pecunia crimē subterfugere uelles; satis te elapsurum omni suspitione arbitrabare, si, quibus pecuniā credebamus, ijs expensum nō ferres, neque in tuas tabulas ullū nomen referres, cum tot tibi nominibus acceptum Curtij referrent? quid proderat tibi te expensum illis non tulisse? an tuis solis tabulis te causam dicturum existimasti? Verum ad illam iam ueniamus præclarā Prætoriam, criminaq; ea, quæ notiora sunt his, qui adsunt, q̄ nobis, qui meditati ad dicendū paratiq; uenimus. in quibus, nō dubito, quin offensionem negligentia uitare, atque effugere nō possim. multi. n. ita dicent: de illo nihil dixit, in quo ego interfui; illam iniuriam nō attigit, quæ mihi, aut quæ amico meo facta est: quibus ego in rebus interfui. his omnibus, qui istius iniurias norunt, hoc est populo R. uniuerso, me uehementer excusatum uolo, non negligentia mea fore, ut multa præteream, sed quòd alia rebus integre reseruari uelim, multa autem propter rationem breuitatis, ac temporis prætermittenda existimē. fatebor etiam illud inuitus, me prorsus, cū isle punctum tēporis nullū uacuum peccato præterire passus sit, omnia, quæ ab isto cōmissa sunt, nō potuisse cognoscere. quapropter ita me de Præture criminibus auditote, ut ex utroq;

que genere, & iuris dicendi, & sartorum tectorum exi-
 gendorum, ea postuletis, quæ maxime digna sunt eo reo,
 cui parvum ac mediocre obijci nihil oporteat. nam ut Præ-
 tor factus est; qui auspicato à Chelidone surrexisset, for-
 tem nactus est urbanae provinciae, magis ex sua & Che-
 lidonis, quam ex populi R. uoluntate. qui principio qua-
 lis in edicto constituendo fuerit, cognoscite. P. Annius Asel-
 lus mortuus est C. Sacerdote Pratore. is cū haberet uni-
 cam filiam, neque census esset; quod cū natura hortaba-
 tur, lex nulla prohibebat, fecit, ut filiam bonis suis hære-
 dem institueret. hæres erat filia: faciebant omnia cū pu-
 pilla, legis aequitas, uoluntas patris, edicta Prætorū, con-
 suetudo iuris eius, quod erat tum, cum Asellus est mor-
 tuus. iste Prætor designatus (utrum admonitus, an tenta-
 tus, an, quæ est iste sagacitate in his rebus, sine duce ullo,
 sine iudice pervenerit ad hanc improbitatem, nescio: uos
 tantū hominis audaciam, amentiamq; cognoscite) appel-
 lat heredem L. Annium, qui erat institutus secundum fi-
 liam: nō enim mihi persuadetur, istum ab illo prius ap-
 pellatū. dicit, se posse ei cōdonare edicto hereditatem: do-
 cet hominem, quid possit fieri. illi bona res, huic uendibi-
 lis uidebatur. iste tametsi singulari est audacia, tamē ad
 pupillæ matrem summittebat, malebat pecuniā accipere,
 ne quid novi ediceret, quā ut hoc edictum tam impro-
 bum, & inhumanū interponeret. tutores, pecuniam Præ-
 tori si pupillæ nomine dedissent, grandem præsertim,
 quemadmodū in rationem inducerent, quemadmodum
 sine periculo suo dare possent, non uidebant: simul &
 istum fore tam improbum non arbitrabantur. sæpe ap-
 pellati, pernegauerunt. iste ad arbitrium eius, cui condo-

narat hereditatem ereptam liberis, quàm æquum edictū
 scripserit, quæso cognoscite. CVM INTELLI-
 GAM, LEGEM VOCONIAM. quis unquā
 crederet Verrem mulierū aduersarium futurū? an ideo
 aliquid cōtra mulieres fecit, ne totū edictum ad Chelido-
 nis arbitrium scriptū uideretur? cupiditati hominū ait se
 obuiā ire. quid potius nō modo his temporibus, sed etiam
 apud maiores nostros? quis tam remotus fuit à cupidi-
 tate? dic quæso cætēra: delectat. n. me hominis gravitas,
 scientia iuris, auctoritas. QVI AB A. POSTHV-
 MIO, Q. FVLVIO CENSORIBVS PO-
 STVE EA, FECIT, FECERIT. fecit, fecerit?
 quis unquā edixit isto modo? quis unquā eius rei frau-
 dem, aut periculum proposuit edicto, quæ neque post edi-
 ctum, neque ante edictum prouideri potuit? iure, legibus,
 auctoritate omnium, qui cōsulebātur, testamentū P. AN-
 nius fecerat, nō improbum, nō inofficiosum, nō inhumā-
 num. quod si ita fecisset, tamen post illius mortem nihil
 de testamento illius noui iuris cōstitui oporteret. Voconia
 lex te uidelicet delectabat. imitatus esses illum ipsum C.
 Voconium, qui lege sua hereditatem ademit nulli neque
 uirgini, neque mulieri: sanxit in posterū; qui post eos Cen-
 sores census esset, ne quis heredem uirginem, ne ue mulie-
 rem faceret. in lege Voconia non est, fecit, fecerit: neque
 in ulla præteritum tempus reprehenditur, nisi eius rei,
 quæ sua sponte scelerata ac nefaria est, ut, etiam si lex
 non esset, magnopere uitanda fuerit. atque in his rebus
 multa uidemus ita sancta esse legibus, ut ante facta in
 iudicium non uocentur. Cornelia, testamentaria, nūma-
 ria, cætēra complures, in quibus non ius aliquod nouum

populo cōstituitur, sed sancitur, ut quod semper malum facinus fuerit, eius quæstio ad populum pertineat ex certo tempore. de iure uero ciuili si quis noui quid instituit, omnia, quæ ante acta sunt, rata esse patitur? cedo mihi leges Atinias, Furias, Fuffias, ipsam, ut dixi, Voconiam, omnes præterea de iure ciuili: hoc reperies in omnibus statui ius, quo post eam legem populus utatur. qui plurimū tribuunt edicto, Prætoris edictum legem annuam dicunt esse. tu edicto plus cōplecteris, q̄ lege. si finem edicto Prætoris afferūt Calendæ Ianuarij, cur non initium quoque edicti nascitur à Calendis Ianuarij? an in eum annum progredi nemo poterit edicto, quo Prætor alius futurus est: in illū, quo alius Prætor fuit, regredietur? ac si hoc iuris nō unius causa hominis edixisses, cautius composuisses. scribis, si quis heredē fecit, fecerit. quid, si plus legarit, quā ad heredem, heredesue perueniat, quod per legem Voconia ei, qui census sit, licet? cur hoc, cū in eodem genere sit, nō caues? quia nō generis, sed hominis causam uerbis amplecteris: ut facile appareat, te pretio esse cōmotū. atque hoc si in posterum edixisses, minus esset nefarium, tamen esset improbum: sed tum uituperari posset, in dubium uenire non posset: nemo. n. cōmitteret: nūc est eiusmodi edictum, ut quiuis intelligat, non populo esse scriptum, sed P. Annij secundis heredibus. itaque cum à te caput illud tam multis uerbis mercenario proœmio esset ornatum, ecquis est inuentus postea Prætor, qui illud idem ediceret? nō modo nemo edixit, sed ne metuit quidem quisquā, ne quis ediceret: nam post te Prætorem multi testamenta eodem modo fecerūt, in his nuper Anania ea de multorum propinquorum sententia, pecuniosa

mulier, quodd censā non erat, testamēto fecit heredē filiā.
itaque hoc magnū iudiciū hominū de istius singulari
improbitate, quod Verres sua sponte instituisset, id nemi-
nem metuisse, ne quis reperiretur, qui istius institutum se-
qui uellet : solus enim tu inuentus es, cui non satis fuerit
corrigere uoluntates uiuorū, nisi etiam rescinderes mor-
tuorum. tu ipse ex Siciliēsi edicto hoc sustulisti : uolui-
sti, ex improviso si quæ res natæ essent, ex urbano edicto
decernere. quā postea tu tibi defensionem relinquebas, in
ea maxime offendisti, cum tuam auctoritatem tute ipse
edicto prouinciali repudiabas. atque ego nō dubito, quin
ut mihi, cui filia maxime cordi est, res hæc acerba uidea-
tur, atque indigna, sic unicuique uestrū, qui simili sensu,
atque indulgētia filiarum cōmouemini: quid enim natu-
ra nobis iucundius, quid charius esse uoluit? quid est di-
gnius, in quo omnis nostra diligentia, indulgentiāq; cōsu-
matur? homo importunissime cur tantā iniuriā P. An-
nio mortuo fecisti? cur hūc dolorem cinerī eius, atque os-
sibus inuulsi, ut liberis eius bona patria, uolūtate patris,
iure, legibus tradita, eriperes, et, cū tibi esset cōmodum,
condonares? quibuscum uiuī bona nostra partimur, ipsi
Prætor adimere nobis mortuis bona, fortunasq; poterit?
nec petitionem, inquit, nec possessionē dabo. eripies igitur
pupilla rogā prætextā? detrahes ornamenta non so-
lum fortunæ, sed etiā ingenuitatis? miramur ad arma
contra istū hominem Lampſacenos isse? miramur istum
de prouincia decedentē clam Syracusis profugisse? nos si
alienā uicem pro nostra iniuria doleremus, uestigiū istius
in foro esset relictum? pater dat filia: prohibes. leges si-
nunt: tamē te interponis. de suis bonis ita dat, ut ab iure

non abeat: quid habes, quod reprehendas? nihil opinor. at ego concedo: prohibe, si potes, si habes qui te audiat, si potest tibi dicto audiens esse quisquam. eripias tu uoluntatem mortuis? bona uiuis? ius omnibus? hoc populus R. non manu uindicasset, nisi te huic tempori, atque huic iudicio reseruasset? posteaquam ius pratorium constitutum est, semper hoc iure usi sumus, si tabulae testamenti non proferrentur, tunc uti proximum quenque potissimum heredem esse oporteret: si is intestato mortuus esset, ita secundum eum possessio daretur. quare hoc sit acquisitum, facile est docere: sed in re tam usitata, satis est ostendere, omnes antea ius ita dixisse, et hoc uetus edictum, translatumque esse. cognoscite aliud hominis in re uetere edictum nouum: et simul, dum est unde ius civile discatur, adolentes ei in disciplinam tradite. mirum est hominis ingenium, mira prudentia. Minutius quidem mortuus est ante istum Praetorem. eius testamentum erat nullum: lege hereditas ad gentem Minutiam ueniebat. si habuisset iste edictum, quod ante istum, et postea omnes habuerunt; possessio Minutiae genti esset data. si quis testamento se heredem esse arbitraretur, quod tunc non extaret, lege ageret in hereditatem, aut, pro parte litis iudicialium cum satis accepisset, sponsonem faceret. ita de hereditate certaret. hoc opinor iure et maiores nostri, et nos semper usi sumus. uide, ut hoc iste correxerit. componit edictum ijs uerbis, ut quiuis intelligere possit, unius hominis causa conscriptum esse: tantum quod hominem non nominat: causam quidem totam perscribit: ius, consuetudinem, aequitatem, edicta omnium negligit. EX EDICTO VRBANO. SI DE HAEREDITATE AMBIGITVR, SI POSSES

SOR, SPONSIONEM NON FACIET.
iā quid id ad Pratorē, uter possessor sit? nō ne id quari oportet, utrū possessorem esse oporteat? ergo quia possessor est, nō moues possessione: si possessor non esset, nō dares: nusquā. n. scribis, neq; tu aliud quidq̃ edicto amplecteris, nisi eā causam, pro qua pecuniā acceperas. iā hoc ridiculum est. S I D E H A E R E D I T A T E A M B I G I T V R; E T T A B V L A E T E S T A M E N T I O B S I G N A T A E N O N M I N V S M V L T I S S I G N I S, Q V A M E' L E G E O P O R T E A T, A D M E P R O F E R E N T V R: S E C V N D V M T A B V L A S T E S T A M E N T I P O T I S S I M V M H A E R E D I T A T E M D A B O. hoc trāslatitiū est. sequi illud oportet: si tabulae testamenti nō proferētur. quid ait? se ei daturū, qui se dicat heredem esse: quid ergo interest, proferātur, nec ne? si protulerit, uno signo ut sit minus, q̃ ex lege oportet: non des possessionē: si omnino tabulas nō proferet, dabis. quid nūc dicam? neminē unquam postea aliū edixisse? ualde sit mirum, neminē fuisse, qui istius se similem dici uellet. ipse in Siciliensi edicto hoc nō habet: exegerat enim iam mercedem. item, ut illo edicto, de quo ante dixi, in Sicilia de hereditatum possessionibus dandis, edixit idem, quod omnes Romae prater istū. E X E D I C T O S I C I L I E N S I: S I D E H A E R E D I T A T E A M B I G I T V R. at per deos immortales quid est, quod de hoc dici possit? iterum enim iam quaro abs te, sicut modo in illo capite Anniano de mulierum hereditatibus, nunc in hoc de hereditatum possessionibus, cur ea capita in edictum prouinciale transferre

nolueris. utrum, digniores homines existimas, si eos, qui habitabāt in prouincia, quā nos, qui æquo iure uteremur: an aliud Romæ æquū est, aliud in Sicilia? non. n. hoc potest hoc loco dici, multa esse in prouincijs aliter edicenda: non de hæreditatum quidem possessionibus, nō de mulierum hæreditatibus: nā utroque genere uideo non modo ceteros, sed te ipsum totidem uerbis edixisse, quot uerbis edici Romæ solet. quæ Romæ magna cū infamia, pretio accepto edixeras, ea sola te, ne gratis in prouincia male audires, ex edicto Siciliensi sustulisse uideo. & cū edictum totum eorum arbitratu, quandiu fuit designatus, componeret, qui ab isto ius ad utilitatem suam nundinarentur: tum uero in magistratu contra illud edictum suum sine ulla religione decernebat. itaque L. Piso multos codices impleuit earum rerū, in quibus ita intercessit, quoddam aliter, atque ut edixerat, decreuisset. quod uos oblitos esse non arbitror, quæ multitudo, qui ordo ad Pisonis sellam isto Prætoris solitus sit conuenire. quem iste collegam nisi habuisset, lapidibus coopertus esset in foro. sed eo leniores istius iniuriæ uidebantur, quoddam erat in æquitate, prudentiaq; Pisonis paratissimum perfugium, quo sine labore, sine molestia, sine impensa, etiam sine patrono homines uterentur. nam quæso redite in memoriam iudices, quæ libido istius in iure dicendo fuerit, quæ uarietas decretorum, quæ nundinatio, quā inanes domus eorum omnium, qui de iure civili consuli solent, quā plena, atque referta Chelidonis: à qua muliere, cum erat ad eum uentū, & in aurem eius insusurratum, aliàs reuocabat eos, inter quos iam decreuerat, decretumq; mutabat; aliàs inter alios contrarium sine ulla religione

religione decernebat, ac proximis paulo ante decreuerat. hinc illi homines erant, qui etiam ridiculi inueniebantur ex dolore. quorum alij, ut audistis, negabant mirandum esse, ius tam nequam esse Verrinū: alij etiam frigidiores erant: sed quia stomachabantur, ridiculi uidebātur esse, cum Sacerdotem execrabantur, qui Verrem tam nequā reliquisset. quæ ego non cōmemorare (neque. n. perface=te dicta, neque porro hac seueritate digna sunt) nisi uos illud uellem recordari, istius nequitiam, & iniquitatem eū in ore uulgi, atque in cōmunibus prouerbijs esse uersatam. In plebem uero Romanam utrum superbiam prius memorem, an crudelitatem? sine dubio crudelitas grauior est, atque atrocior. oblitos ne igitur hos putatis esse, quemadmodum sit iste solitus uirgis plebem Romanam concidere? quā rem etiam Tribunus pl. in concione egit, cū eum, quem uirgis isle ceciderat, in prospectum populi R. produxit: cuius rei cognoscendæ faciam uobis suo tempore potestatem. superbia uero quā fuerit, quis ignorat? quemadmodū is tenuissimū quenque cōtempserit, despexerit, liberum esse nunquam duxerit. P. Trebonius uiros bonos, et honestos complures fecit hæredes: in his fecit suum libertum. is A. Treboniū fratrem habuerat proscriptum. ei cum cautū uellet, scripsit, ut hæredes iurarent, se curaturos, ut ex sua cuiusque parte ne minus dimidiū ad A. Trebonium fratrem illū proscriptū perueniret. libertus iurat: ceteri hæredes aduent ad Verrem: docent, nō oportere se iurare facturos esse quod contra legē Corneliā esset, quæ proscriptū iuari uetat: impetrant, ut ne iurent. dat his possessionē. id ego nō reprehendo: etenim erat iniquum, homini proscripto, egenti,

de fraternis bonis quidquā dari: et ille libertus, nisi ex testamento patroni iurasset, scelus se facturū arbitrabatur. itaque ei Verres possessionem hereditatis negat se daturum, ne posset patronū suum proscriptum iuuare: simul ut esset poena, quod alterius patroni testamento obtemperasset. das possessionem ei, qui nō iurauit. concedo: praetoriū est. adimis tu ei, qui iurauit? quo exēplo? proscrip-
tum iuuat: lex est: poena est. quid ad eū, qui ius dicit? utrū reprehendis, quod patronum iuuabat eum, qui tum in miserijs erat: an, quod alterius patroni mortui uoluntatem conseruabat, a quo summū beneficium acceperat? utrū horum reprehendis? Et hoc tum de sella uir optimus dixit, equiti R. tam locupleti libertinus sit homo haeres? modestū ordinē, quod illinc uiuus surrexit. possum sexcenta decreta proferre, in quibus, ut ego pecuniā non dicam intercessisse, ipsa decretorum nouitas iniquitasq; declarat. uerū ut ex uno de ceteris coniecturam facere possitis, id quod priore actione cognostis, audite. C. Sulpitius Olympius fuit. is mortuus est C. Sacerdote Praetore, nescio an ante, quā Verres Praeturā petere cōeperit. fecit heredem M. Octauīū Ligurem. Ligur hereditatem adiit, possedit Sacerdote Praetore sine ulla controuersia. posteaquam Verres magistratum inijt: ex edicto istius, quod edictum Sacerdos non habuerat, Sulpitij patroni filia sextam partem hereditatis ab Ligure petere cōepit. Ligur non aderat. L. frater eius causam agebat: aderant amici, propinqui. dicebat iste, nisi cū muliere decideretur, in possessionem se ire iussurū. L. Gellius causam Liguris defendebat: docebat, edictum eius non oportere ad eas hereditates ualere, quae ante eum Praetorem uer-

nissent: si hoc tum fuisset edictum, fortasse Ligurem hereditatem aditurum non fuisse. æqua postulatio, summa hominum auctoritas pretio superabatur. uenit Romam Ligur: non dubitabat, quin, si ipse Verrem conuenisset, æquitate causæ, & auctoritate sua commouere hominem posset: domum ad eum uenit: rem demonstrat: quã priusdem sibi hereditas uenisset, docet: quod facile in causa æquissima homini ingenioso fuit: multa, quæ quẽuis mouere possent, dixit: ad extremũ petere cœpit, ne usque ad suam auctoritatem despiceret, gratiamq; contemneret, ut se tanta iniuria afficeret. homo Ligurẽ accusare cœpit, qui in re aduentitia, atque hereditaria tam diligens, tam attentus esset: debere eũ aiebat suam quoque rationẽ ducere: multa sibi opus esse, multa canibus suis, quos circa se haberet. nõ possum illa planius commemorare, quã ipsum Ligurem pro testimonio dicere audistis. quid enim Verres? utrum ne his quidem testibus credetur, an hæc ad rem nõ pertinent? non M. Octauio? non L. Liguri? quis nobis credet? cui nos? quid est Verres, quod planũ fieri testibus possit, si hoc nõ sit? an id, quod dicunt, leue est? nihil leuius, quàm Prætorem urb. hoc iuris in suo magistratu constituere, omnibus ijs, quibus hereditas uenerit, cohæredem Prætorem esse oportere. an uero dubitamus, quo ore iste ceteros homines inferiore loco, auctoritate, ordine, quo ore homines rusticanos ex municipijs, quo denique ore, quos nunquam liberos putauit, libertinos homines solitus sit appellare, qui ob ius dicendum M. Octauium Ligurem, hominem ornatissimum loco, ordine, nomine, uirtute, ingenio, copijs, poscere pecuniam non dubitarit? In fartis testis uero

quemadmodū sese gesserit, quid ego dicam? dixerūt, qui
 senserūt. sunt alij, qui dicant. notæ res, ac manifestæ pro-
 latae sunt, et proferuntur, dixit C. Fannius eques R. fra-
 ter germanus Q. Titinij iudicis tui, tibi se pecuniā de-
 disse. recita testimoniū C. Fannij. nolite C. Fannio dicē-
 ti credere noli inquit tu Q. Titini C. Fannio fratri tuo
 credere: dicit enim rem incredibilem, C. Verrem in simu-
 lat avaritiæ, et audaciæ: quæ vitia videntur in quemvis
 potius, quā in istum convenire. dixit Q. Tadius, homo
 familiarissimus patris istius, non alienus à matris eius
 genere, et nomine: tabulas protulit, quibus pecuniā se de-
 disse ostendis. recita nomina Q. Tadij. recita testimoniū
 Q. Tadij. ne tabulis quidem Q. Tadij, nec testimonio
 credetur. quid igitur in iudicijs. sequemur? quid est
 aliud, omnibus omnia peccata, et maleficia cōcedere, nisi
 hoc, hominū honestissimorum testimonijs, et uirorum bo-
 norum tabulis nō credere? nam quid ego de quotidia-
 no sermone, querimoniaq; populi R. loquar? de istius im-
 pudentissimo furto, seu potius nouo ac singulari latroci-
 nio? ausum esse in æde Castoris, celeberrimo, clarissimoq;
 monumento, quod templum in oculis, quotidianoq; aspe-
 ctu populi R. est positum, quod sæpenumero senatus con-
 uocatur, quod maximarum rerum frequentissima quoti-
 die aduocationes fiunt, in eo loco, in sermone hominum
 audaciæ suæ monumentum æternum relinquere. Ae-
 dem Castoris iudices P. Iunius habuit tuendā, L. Sylla,
 Q. Metello Consulibus. is mortuus est: reliquit pupillū
 paruum filium. cum L. Octavius, C. Aurelius Coss. ædes
 sacras locauissent, neque potuissent omnia facta cœta
 exigere, neque ij Prætores, quibus erat negotiū datū, C.

Sacerdos, & M. Celsus: factum est S. C. quibus de sartis tectis cognitū & iudicatū non esset, uti C. Verres, P. Celsus Praetores cognoscerent, et indicarent. qua potestate iste permissa, ut ex C. Fannio, & ex Q. Tadio cognovistis, ueruntamen, cum esset omnibus in rebus apertissime impudentissimēq; praedatus, hoc uoluit clarissimum relinquere indicium latrociniorum suorum, de quo non audire aliquādo, sed uidere quotidie possemus: quaesivit, quis aedem Castoris sartā tectam deberet tradere. Iunium ipsum mortuū esse sciebat: scire uolebat, ad quem illa res pertineret. audit pupillū esse filiū. homo, qui semper ita palam dicebat, pupillos, et pupillas certissimā praedam esse. Praetoribus, optatum negotium sibi in sinū delatum esse dicebat. monumentū illa amplitudine, illo opere quamuis sartum tectum, integrumq; esset, tamen aliquid se inuenturū, in quo moliri, praedariq; posset, arbitrabatur. L. Rabonio aedem Castoris tradi oportebat. is casu pupilli Iunij tutor erat testamento patris. cū eo sine ullo intertrimento conuenerat iam, quemadmodū traderetur. iste ad se Raboniū uocat, quaerit, ecquid sit, quoddā a pupillo traditum nō sit, quod exigi debeat. cum ille id, quod erat, diceret, facilem pupillo traditionem esse, signa, et dona comparere omnia, ipsum templum omni opere esse integrum: indignum isti uideri coepit, ex tanta aede, tantoq; opere se non opimum praeda, praefertim a pupillo, discedere. uenit ipse in aedem Castoris: cōsiderat templum: uidet undique tectum, pulcherrime laqueatū: praeterea cetera noua, atque integra: uersat se: quaerit, quid agat. dicit ei quidam ex illis canibus, quos iste Liguri dixerat esse circa se multos: tu Verres, hic

quod moliare, nihil habes: nisi forte uis ad perpendiculū columnas exigere: homo omnium rerum imperitus quærit, quid sit, ad perpendiculum. dicunt ei, serè nullam esse columnam, quæ ad perpendiculū esse possit. iam me hercule, inquit, sic agamus, columnæ ad perpendiculum exigantur. Rabonius, qui legem nossset, qua in lege numerus tantum columnarum traditur, perpendiculi mētio fit nulla; et qui non putaret sibi expedire, ita accipere, ne eodem modo reddendū esset: negat, id sibi deberi: negat, oportere exigi. iste Rabonius quiescere iubet: et simul ei nonnullam spem societatis ostendit. hominem modestum, et minime pertinacem facile coercet: columnas ita se exacturū esse cōfirmat. noua res atq; improuisa, pupillicalamitas nuntiatur statim. C. Mustio uitrice pupilli, qui nuper est mortuus; M. Iunio patruo, P. Porcio tutori, homini frugalissimo. hi rem ad uirum primariū summo officio, ac uirtute præditum M. Marcellum, qui erat pupillitutor, deferunt. uenit ad Verrem M. Marcellus: petit ab eo pro sua fide, ac diligētia pluribus uerbis, ne per summam iniuriam pupillū Iunium fortunis patris conetur euertere. iste, qui iam spe, et opinione prædam illam deuorasset, neq; ulla æquitate orationis, neq; auctoritate M. Marcelli cōmotus est: itaque, quemadmodum ostendisset, se id exacturum esse respondit. cū sibi omnes ad istum allegationes difficiles, omnes aditus arduos, ac potius interclusos uiderent, apud quem non ius, non æquitas, nō misericordia, non propinqui oratio, non amici uoluntas, non cuiusquam auctoritas pro pretio, non gratia ualeret: statuūt id sibi optimum esse factu, quod cuius uenisset in mentem; petere auxilium à Che

lidone: quæ isto Prætorē non modo in ture civili, privato
rūmq; omnium controuersijs populo R. præfuit, uerum
etiam in his fartis ecclis dominata est. uenit ad Chelido
nem C. Mustius, eques R. publicanus, homo cum primis
honestus: uenit M. Iunius patruus pueri, frugalissimus
homo, & castissimus: uenit homo summo honore, pudore,
& summo officio, spectatissimus ordinis sui P. Poti
tius tutor. d multis acerbam, d miseram, atq; indignam
Praturam tuam. ut mittam cetera, quo tandem pudore
tales uiros, quo dolore meretricis domum uenisse arbi
tramini? qui nulla conditione istam turpitudinem subis
sent, nisi officij, necessitudinisq; ratio coegisset. ueniūt, ut
dico, ad Chelidonē. domus erat plena: noua iura, noua
decreta, noua iudicia petebantur: mihi det possessionē,
mihi ne adimat: in me iudiciū ne det: mihi bona addi
cat. alij nummos numerabāt: alij tabulas obsignabane.
domus erat non meretricio conuentu, sed prætoria tur
ba referta. simul ac potestas primū data est, adeunt hi,
quos dixi: loquitur Mustius: rem demonstrat: petit auxi
liū: pecuniam pollicetur. respondet illa, ut meretrix, non
inhumane: libeter ait se esse facturam, & se cū isto di
ligenter sermocinaturā: reuerti iubet. tum discedūt. pos
tridie reuertūtur. negat illa posse hominē exorari, per
magnā eū dicere ex illa re pecuniā confici posse. uereor,
ne quis forte de populo, qui priori actione nō affuit, hæc,
quia propter insignē turpitudinē sunt incredibilia, fingi
a me arbitretur. ea uos antea iudices cognouistis. dixit
iuratus P. Potitius tutor pupilli Iunij, dixit M. Iunius tu
tor, & patruus. Mustius dixisset, si uiueret: sed pro Mu
stio, recēti re de Mustio auditū dixit L. Domitius: qui cū

sciret me ex Mustio uiuo audisse, q̄ eo sum usus plurimū (etenim id iudiciū, quod propè omnium fortunatum suarum C. Mustius habuit, me uno defendēte uicit) cū hoc, ut dico, sciret L. Domitius me scire, ad eū res omnes Mustium solitū esse deferre; tamen de Chelidone reticuit, quoad potuit; aliud responsionē suam deriuauit. tantus in adolescente clarissimo, ac principe iuuentutis pudor fuit, ut aliquandiu, cum à me premeretur, omnia potius respōderet, quā Chelidonem nominaret. primo necessarios istius ad eū allegatos esse dicebat: deinde aliquando coactus Chelidonē nominauit. nō te pudet Verres, eius mulieris arbitrati gessisse Praturam, quā L. Domitius ab se nominari uix sibi honestum esse arbitrabatur? reiecti à Chelidone, capiunt consiliū necessariū, ut suscipiant ipsi negotium. cum Rabonio tutore, quod erat uix HS quadraginta millium, transigunt HS ducentis millibus. refert ad istum rem Rabonius; ut sibi uidebatur, satis grādem pecuniam, & satis impudentem esse. iste, qui aliquanto plus cogitasset, male accipit uerbis Rabonium, negat eum sibi illa decisione satisfacere posse. ne multa, locaturū se esse confirmat. tutores hac nesciunt: quod actū erat cum Rabonio, putāt id esse certissimū: nullam maiorem pupillo metuunt calamitatem. iste uero non procrastinat: locare incipit nō proscripta, neq; edictā die, alienissimo tēpore, ludis ipsis Romanis, foro ornato. itaq; renūciat Rabonius illā decisione tutoribus: accurrūt tamē ad tēpus tutores: digitū tollit Iunius patruus. isti color immutatus est; uultus, oratio, mens deniq; excidit: quid ageret, coepit cogitare. si opus pupillo redimeretur, si res abiret ab eo mancipe, quē ipse appo-

fuisset, sibi nullam prædā esse. itaque excogitat: quid? ni-
 hil ingeniose, nihil quod quisquā possit dicere improbe,
 uel callide: nihil ab isto rectum, nihil ueteratorium expe-
 ctaueritis: omnia aperta, omnia perspicua reperientur,
 impudentia, amētia, audacia. si pupillo opus redimitur,
 mihi præda de manibus eripitur. quod est igitur reme-
 dium? quod? ne liceat pupillo redimere. ubi illa consue-
 tudo in bonis, prædibus, prædijsq; uēdundis, omnium Cō-
 sulum, Censorum, Prætorum, Quæstorum denique? ut
 optima conditione sit is, cuius res sit, cuius periculū? ex-
 cludit eū solum, cui propē dicam soli potestatem factam
 esse oportebat: quid enim quisquam ad meam pecuniā
 me inuito aspirat? quid accedit? locatur opus id, quod ex
 mea pecunia reficiatur. ego me refecturū esse dico. pro-
 batio futura est tua, qui locas: prædibus et prædijs popu-
 lo cautum est. & si nō putas cautū: scilicet tu Prætor
 in mea bona, quos uoles, immittes? me ad meas fortunas
 defendendas accedere non sinas? operæpretiū est ipsam
 legem cognoscere. dicetis eundem conscripsisse, qui illud
 edictū de hereditate. EX OPERE FACIUN-
 DO. QVÆ PVPILLI IVNII. dic, dic, quæso
 clarius. C. VERRES PRAET. VRB.
 ADDIDIT. corriguntur leges censorie: quod enim
 uideo in multis ueteribus legibus, Cn. Domitius, L. Merel-
 lus, L. Cassius, Cn. Seruilius Cēsores addiderūt, uult ali-
 quid eiusmodi C. Verres. dic quid addidit. QVI DE
 L. MARTIO, M. PERPENNA CENSO-
 RIBVS REDEMERIT, EVM SOCIVM
 NE ADMITTITO, NE'VE EI PARTEM
 DATO, NE'VE EI REDIMITO. quid ita? ne

nitiosum opus fieret? at erat probatio tua. ne parū locuples esset? at erat, & esset amplius, si uelles, populo cantū prædibus, et prædijs. hic te si res ipsa, si indignitas iniuriæ tuæ nō commouebat, si pupilli calamitas, propinquorū lacrymæ, D. Bruti, cuius prædia subierant periculum; M. Marcelli tutoris auctoritas apud te ponderis nihil habebat? ne illud quidem animaduvertebas, eiusmodi fore hoc peccatū tuū, quod tu neq; negare posses (in tabulas enim retulisti) nec cum defensione aliqua confiteri? addicitur id opus HS D L X millibus, cum tutores HS L X X X millibus id opus ad istius hominis iniquissimi arbitriū se effecturos esse clamarent. etenim quid erat operis? id, quod uos uidistis. omnes illæ columnæ, quas dealbatas uideris, machina apposita, nulla impensa deiecit, eisdemq; lapidibus repositæ sunt. hoc tu HS D L X millibus locauisti. atqui in illis columnis dico esse quæ à tuo redemptore cōmotæ non sint, dico esse ex qua tantū rectoriū uetus delictū sit, & nouum inductum. quod si tāta pecunia columnas dealbari putassem, certe nūquā Aedilitatem petiuissem. at ut uideatur tamen res agi, et non eripi pupillo: SI QUID OPERIS CAUSA RESCIDERIS, REFICITO. quid erat, quod rescinderet, cum suo quæque loco lapidem reponeret? QUI REDEMERIT, SATIS DET DAMNI INFECTI EI, QUI A VETERE REDEMPTORE ACCEPERIT. deridet, cū sibi ipsum iubet satisfacere Raboniū. PECUNIA PRAESENS SOLVATUR. quibus de bonis eius, qui, quod tu HS D L X millibus locauisti, HS L X X X millibus effecturum esse clamauit.

quibus de bonis? pupilli. cuius aetatem, & solitudinem, etiam si tutores non essent, defendere Prætor debuit: tutoribus defendentibus, non modo patrias eius fortunas, sed etiā bona tutorū ademisti. **HOC OPVS BONO SVO QVOQVE FACITO.** lapis aliquis cadendus, et apportandus fuit machina sua? an illud nō saxū, nō materies aduecta est: tātum operis sed in ista locatione fuit, quantū pauca opera fabrorum mercedis tulerunt, & manupretij machina? utrū existimatis, minus operis esse, unā columnam efficere ab integro nouā, nullo lapide rediuiuo; an quatuor illas reponere? nemo dubitat, quin multo maius sit nouam facere. ostēdam, in aedibus priuatis, lōga difficilīq; uetura, colūnas singulas ad impluuium HS XL millibus non minus magnas locatas. sed ineptum est de tam perspicua istius impudentia pluribus uerbis disputare, præsertim cum iste aperte tota lege omnium sermonem, atque existimatorem contempserit, qui etiam ad extremum cōscripserit, **REDIUIVA SIBI HABETO.** quasi quidquā rediuiui ex opere illo tolleretur, ac nō totū opus ex rediuiuis constitueretur. at enim pupillo redimi non licebat, non necesse erat rem ad ipsum peruenire, poterat aliquis ad id negotiū de populo accedere. omnes exclusi sunt non minus aperte, quā pupillus. diem præstituit operi faciundo Cal. Dec. locat circiter Idus Sept. angustis temporis excluduntur omnes. quid ergo? Rabonius istā diē quo modo assequitur? nemo Rabonio molestus est, neq; Cal. Dec. neq; Nonis, neq; Idibus. deniq; aliquāto in prouinciā iste proficiscitur prius, quā opus effectū est. posteaquam reus factus est, primo negabat opus in

acceptum referre posse. cū instaret Rabonius, in me causam cōferebat, quōd tum codicē obsignassem. petit à me Rabonius, & amicos allegat: facile impetrat. iste, quid ageret, nesciebat. si in acceptū non retulisset, putabat se aliquid defensionum habiturum: Rabonium porrō intelligebat rem totam esse patefacturū: tamen si quid poterat esse apertius, quā nunc est, ut uno minus teste haberet Rabonio? opus in acceptum retulit: quadriennio post, q̄ diem operi dixerat. hac conditione, si quis de populo redemptor accessisset, cū die ceteros redēptores exclusisset, tum in eius arbitrium ac potestatem uenire nolebat, qui sibi ereptam prædam arbitraretur. nam quid arguētamur, quōd ista pecunia peruenerit? fecit iste in dicium. primū cum uehementius cum eo D. Brutus contenderet, qui de sua pecunia HS D X L millia numerauit; quōd iam iste ferre non poterat, opere addicō; prædibus acceptis, de HS D L X millibus remisit D. Bruto HS C X millia. hoc, si aliena res esset, certe facere non potuisset. deinde nūmi numerati sunt Cornificio: quem scribam suū fuisse, negare nō potest. postremo ipsius Rabonij tabula prædam illam istius fuisse clamant. recita nomina Rabonij. hic etiā priore actione Q. Hortensius pupillum Iunium uenisse pretextatum in uestrum conspectum, et testes secum, patruo testimoniū dicente, questus est: & me populariter agere, atq; inuidiam cōmouere, quōd puerū producere, clamitauit. quid erat Hortensi tandem in illo puero populare? quid inuidiosum? Gracchi credo, aut Saturnini, aut alicuius hominis eius modi produxeram filiū, ut nomine ipso, & memoria patris animos imperitæ multitudinis concitarem. P. Iunij

erat, hominis de plebe Romana filius: quē pater moriens
 tū tutoribus, et propinquis, tū legibus, tum æquitati ma-
 gistratuum, tum iudicijs uestris commendandū putauit.
 hic istius scelerata locatione, nefarioq; latrocinio, bonis
 patrijs fortunisq; omnibus spoliatus, uenit in iudicium,
 si nihil aliud, saltem ut eū, cuius opera ipse multos annos
 est in sordibus, paulo tamen obsoletius uestitum uideret.
 itaque tibi Hortensi non illius atas, sed causa; non uesti-
 tus, sed fortuna popularis uidebatur. neque te tam com-
 mouebat, quod ille cū toga prætexta, quā quod sine bulla
 uenerat: uestitus enim neminem comouebat is, quem illi
 mos, et ius ingenuitatis dabat: quod ornamentum pue-
 ritiae pater dederat, indicium, atque insigne fortunæ, hoc
 ab isto prædone creptū esse, grauitè et acerbe homines
 ferebant. neque erant hæ lacrymæ populares magis, quā
 nostræ, quā tuæ Q. Hortensi, quàm horum, qui senten-
 tiā laturi sunt: ideo quod cōmunis est causa, cōmune pe-
 riculū: communi præsidio talis improbitas, tanquam ali-
 quod incendiū, restinguenda est: habemus enim liberos
 paruos: incertum est, quā longa nostrum cuiusque uita
 futura sit: cōsulare uiuī ac prospicere debemus, ut illorū
 solitudo, et pueritia quāfirmissimo præsidio munita sit:
 quis est enim, qui tueri possit liberū nostrorum pueri-
 tiam contra improbitatem magistratū? mater credo:
 scilicet magno præsidio fuit Anniae pupillæ mater fœmi-
 na primaria: minus, illa deos hominesq; implorante, iste
 infanti pupillæ fortunas patrias ademit. tutores ne defen-
 derent? per facile uero apud istiusmodi Prætozem, à quo
 M. Marcelli tutoris in causa pupilli Iunij et oratio, et
 uoluntas, et auctoritas repudiata est. queremus etiam,

quid iste in ultima Phrygia, quid in extremis Paphylia
 partibus fecerit? qualis in bello prædonum prædo ipse
 fuerit? qui in foro populi R. pirata nefarius reperia-
 tur? dubitamus, quid iste in hostium præda molitus sit,
 qui manubias sibi tantas ex L. Metelli manubijs fecerit,
 qui maiore pecunia quatuor columnas dealbādas, quā
 ille omnes ædificandas locauerit? expectemus, quid di-
 cant ex Sicilia testes? quis unquā templum illud aspe-
 xit, quin auaritiæ tuæ, quin iniuriæ, quin audaciæ testis
 esset? quis à signo Vertumni in Circū maximum uenit,
 quin is in unoquoque gradu de auaritia tua commone-
 retur? quam tu uiam thesaurum, atque pompæ elusmo-
 di exegisti, ut tu ipse illā ire nō audeas. te putet quisquā,
 cum ab Italia freto disiunctus esses, socijs temperasse, qui
 ædem Castoris testem furtorum tuorum esse uolueris,
 quam populus R. quotidie iudices etiam tum, cum de te
 sententiam ferrent, uiderent? atque etiam iudicium in
 Prætura publicum exercuit: non enim prætereundum
 est ne id quidem. petita mulcta est apud istum Prætorē
 à Q. Opimio, qui adductus est in iudiciū uerbo, quod,
 cum esset Tribunus pl. intercessisset cōtra legem Corne-
 liam, quod in Tribunatu dixisset cōtra alicuius hominis
 nobilis uolūtatem. de quo iudicio si uelim dicere omnia,
 multi appellandi ledendiq; sunt: quod mihi non est ne-
 cesse. tantū dicam, paucos homines arrogantes hoc adiu-
 tore Q. Opimium per ludum et iocum fortunis omni-
 bus eueruisse. is mihi etiā queritur, quod à nobis I X so-
 lis diebus prima actio sui iudicij transacta sit, cū apud
 ipsum tribus horis Q. Opimius senator populi R. bo-
 na, fortunas, ornamenta omnia amiserit. cuius propter

indignitatem iudicij, sapissime est actum in senatu, ut genus hoc totum mulctarum, ac iudiciorum eiusmodi tolleretur. iam uero in bonis Q. Opimij uendendis quas iste prædas, quam aperte, quam improbe fecerit, longum est dicere. hoc dico: nisi uobis id hominum honestissimorum tabulis planum fecero, fingi à me hoc totum temporis causa putatote. iam qui ex calamitate senatoris populi R. cum Prætor iudicio eius præfuisset, spolia domum suam referre, & manubias detrahere conatus sit; is ullam ab sese calamitatem poterit deprecari? nam de subfortitione illa Iuniana iudicum nihil dico. quid enim? contra tabulas, quas tu protulisti, audeam dicere? difficile est: non enim me tua solum & iudicum auctoritas, sed etiam annulus aureus scribe tui deterret. non dicam id, quod probare difficile est. hoc dicam, quod ostendam: multos ex te uiros primarios audisse, cum diceres, ignosci tibi oportere, quodd falsum codicem protuleris: nam qua inuidia C. Iunius conflagrarat, ea, nisi prouidisses, tibi ipsi tum pereundum fuisse. hoc modo iste sibi, & saluti suæ prospicere didicit, referendo in tabulas & priuatas & publicas quod gestum non esset, tollendo quod esset, & semper aliquid demendo, mutando, curando ne litura appareat, interpolando: eò enim usque progreditur, ut ne defensionem quidem maleficiorum suorum sine alijs maleficijs reperire posset. eiusdem modi sortitionem homo amentissimus suorum quoque iudicum fore putauit per sodalem suum Q. Curtium iudicem quaestionis: cui nisi ego ui populi, & hominum clamore, atque conuiutio restitissem, ex hac decuria nostra,

LIBER III.

cuius mihi copiam quam largissime factam oportebat,
erepta esset facultas bonorum, cum is annuerat: in suum
consilium sine causa subortiebatur. *

Desideratur quippiam.

ACCUSATIONIS IN C. VER-
REM LIBER IIII.
ORATIO VII.

ULTA mihi necessario iudices præ-
termittenda sunt, ut possim aliquo mo-
do de ijs rebus, quæ meæ fidei commissæ
sunt, dicere: recepi. n. causam Siciliæ;
ea me ad hoc negotiū prouincia attra-
xit. ego tamen hoc onere suscepto, et recepta causa Sici-
liensi, amplexus animo sum aliquanto amplius: suscepi
enim causam totius ordinis: suscepi causam populi R.
quod putabā tū denique recte iudicari posse, si nō modo
reus improbus adduceretur, sed etiam diligens, et firmus
accusator ad iudiciū ueniret. quo mihi maturius ad Si-
ciliæ causam ueniendum est, relictis cæteris eius furtis,
ac flagitijs, ut et uiribus quam integerrimis agere, et ad
dicendū temporis satis habere possim. atque adeo ante-
quam de incommodis Siciliæ dico, pauca mihi uidentur
esse de prouinciæ dignitate, uetustate, utilitate dicenda:
nam cum omnium sociorum prouinciarumq; rationem
diligenter habere debetis, tum præcipue Siciliæ iudices,
plurimis iustissimisq; de causis: primū, quod omnium na-
tionum exterarum princeps Sicilia se ad amicitiam fi-
demq; populi R. applicuit: prima omnium, id quod orna-
mentum imperij est, prouincia est appellata: prima do-
cuit maiores nostros, quā præclarum esset exteris gen-
tibus imperare: sola fuit ea fide beneuolentiāq; erga po-
pulum R. ut ciuitates eius insulæ, quæ semel in amicitia
nostram uenissent, nunquam postea deficerent, pleraque

autem, & maxime illustres in amicitia perpetuo manerent. itaque maioribus in Africā ex hac prouincia gradus imperij factus est: neque. n. tam facile opes Carthaginis tantā concidissent, nisi illud et rei frumentariæ subsidium, & receptaculum classibus nostris pateret. quare P. Africanus Carthagine deleta, Siculorum urbes signis, monumentisq; pulcherrimis exornauit, ut, quos uictoria populi R. maxime letari arbitrabatur, apud eos monumenta uictoriae plurima collocaret. denique ille ipse M. Marcellus, cuius in Sicilia uirtutem hostes, misericordiā uicti, fidem ceteri Siculi perspexerunt, non solum socijs in eo bello consuluit, uerū etiam superatis hostibus temperauit, urbem pulcherrimam Syracusas, quæ cum manu munitissima esset, tū loci natura terra, ac mari claudabatur, cum ui, consilioq; cepisset, nō solum incolumem passus est esse, sed ita reliquit ornatam, ut esset idem monumentū uictoriae, mansuetudinis, continentiae, cum homines uiderent, & quid expugnasset, & quibus pepercisset, & quæ reliquisset. tantū ille honorem Siciliae habendum putauit, ut ne hostium quidem urbem ex sociorum insula tollendam arbitraretur. itaque ad omnes res Sicilia prouincia semper usi sumus: ut, quidquid ex sese posset efferre, id nō apud eos nasci, sed domi nostræ conditum putaremus. quando illa frumentū, quod deberet, non ad diem dedit? quādo id, quod opus esse putaret, nō ultro pollicita est? quando id, quod imperaretur, recusa uit? itaque ille M. Cato sapiens cellā penariā Reip. nostræ, nutricem plebis Romanæ Siciliam nominauit. nos uero experti sumus Italico maximo difficillimoq; bello, Siciliam nobis non pro penaria cella, sed pro ærario illo

maiorum uetere ac referto fuisse: nam sine ullo sumptu nostro corijs, tunicis, frumentoq; suppeditato, maximos exercitus nostros uestiuit, aluit, armauit. quid, illa, quæ forsitan ne sentimus quidem iudices, quanta sunt? quodd multis locupletioribus ciuibus utimur: quodd habent propinquam, fidelem, fructuosamq; provinciam, quodd facile excurrant, ubi libenter negotium gerant: quos illa partim mercibus suppeditandis cū quæstu, compendioq; dimittit, partim retinet, ut arare, ut pascere, ut negotiari libeat, ut denique sedes, ac domiciliū collocare. quodd commodum non mediocre populi R. est, tantum ciuium R. numerum, tam propè ab domo, tam bonis fructuosusq; rebus detineri. et quoniam quasi quædam prædia populi R. sunt uectigalia nostra, atque provinciæ; quæadmodum propinquis uos uestris prædijs maxime delectamini, sic populo R. iucūda suburbanitas est huiusce provincie. iam uero hominū ipsorum iudices ea patientia, uirtus, frugalitasq; est, ut proxime ad nostram disciplinam illam ueterem, non hanc, quæ nunc increbuit, uideantur accedere. nihil caterorum simile Græcorum, nulla desidia, nulla luxuria: contra summus labor in publicis, priuatisq; rebus; summa parsimonia, summa diligentia. sic porro nostros homines diligunt, ut his solis neque publicanus, neque negotiator odio sit. magistratuum autem nostrorum iniurias ita multorum tulerunt, ut nunquam ante hoc tempus ad aram legum præsidiumq; uestrum publico consilio confugerent. tametsi & illum annum pertulerant, qui sic eos afflixerat, ut salui esse non possent, nisi C. Marcellus quasi aliquo fato uenisset, ut bis ex eadem familia salus

Sicilia cōstitueretur, postquam M. Antonij infinitū illud imperiū senferant. sic à maioribus suis acceperant, tanta populi R. in Siculos esse beneficia, ut etiam iniurias nostrorum hominum perferendas putarēt. in neminem ciuitates ante hunc testimoniū publice dixerūt. hunc denique ipsum pertulissent, si humano modo, si usitato more, si denique uno aliquo in genere peccasset. sed cū perferre non possent luxuriam, crudelitatem, auaritiam, superbiam, cū omnia sua cōmoda, iura, beneficia senatus, populiq; R. unius scelere, ac libidine perdidissent: hoc statuerunt, aut istius iniurias per uos ulcisci, & persequi, aut, si uobis indigni essent nisi, quibus opem auxiliumq; ferretis, urbes, ac sedes suas relinquere, quandoquidem iam ante istius iniurijs exagitati reliquissent. hoc cōsilio à L. Metello legationes uniuersæ petiuerunt, ut quamprimum isti succederet: hoc animo tories apud patronos de suis miserijs deplorarunt: hoc commoti dolore postulata Consulibus, quæ non postulata, sed in istum crimina uiderentur esse, ediderunt: fecerunt etiam, ut me, cuius fides, continentiamq; cognouerāt, propè de uitæ meæ statu dolore, ac lacrymis suis deducerent, ut ego istum accusarem, à quo mea longissime ratio uoluntasq; abhorrebat. quanquā in hac causa multo plures partes mihi defensionis, quàm accusationis suscepisse uideor. postremo homines ex tota prouincia nobilissimi, primi; , publice priuatimq; uenerunt. grauissima, atque honestissima quæque ciuitas uehementissime suas iniurias persecuta est. at quæadmodū iudices uenerūt? uideor. n. mihi liberius apud uos iam pro Siculis loqui debere, quā forsitan ipsi uelint: saluti enim eorū potius consulam, quàm uos

luntati. ecquem existimatis unquam ulla in prouincia reum absentem, contra inquisitionem accusatoris, tantis opibus, tanta cupiditate esse defensum? Quæstores utrūque prouinciæ, qui isto Pratore fuerant, cum fascibus mihi præsto fuerūt. hi porro, qui successerunt, uehementer istius cupidi, liberaliter ex istius cibarijs tractati, nō minus acres contra me fuerūt. uidete, quid potuerit, qui quatuor in prouincia Quæstores studiosissimos defensores, propugnatoresq; habuerit, Pratorē uero cohortemq; totam sic studiosam, ut facile appareret, non tam illis Siciliam, quam inanem offenderant, q̄ Verrem ipsum, qui plenus decesserat, prouinciā fuisse. minari Siculis, si creissent Legationem, quæ cōtra istum diceret: minari, si qui essent profecti: alijs, si laudaret, benignissime promittere: grauissimos priuatarum rerū testes, quibus nos præsentibus denunciāuimus, eos uicustodijsq; retinere. quæ cum omnia facta sint, tamen unam solam scitote esse ciuitatem Mamertinam, quæ publice Legatos, qui istū laudarent, miserit. eius autem Legationis principem ciuitatis nobilissimū C. Heium iuratum dicere audistis, isti nauem onerariam maximā Messanæ esse publicæ coactis operis edificatam. idemq; Mamertinorū Legatus, istius laudator, non solum istum bona sua, uerum etiā sacra, deosq; penates à maioribus traditos ex ædibus suis eripuisse dixit. præclara laudatio, cum duabus in rebus Legatorum una opera consumitur, in laudando, atq; repetendo. atq; ea ipsa ciuitas qua ratione illi amica sit, dicitur certo loco: reperietis. n. quæ causæ beneuolentiæ sint Mamertinis erga istum, eas ipsas causas satis iustas esse dānationis. alia ciuitas nulla indices publico cōsilio lau

dat. uis illa summi imperij tantū potuit apud perpau-
cos homines, non ciuitates, ut aut leuissimi quidā ex mi-
serrimis, desertissimisq; oppidis inuenirentur, qui iniussu
populi, ac senatus proficiscerentur, aut ij, qui contra istū
Legatos decreuerant, & testimonium publicum, manda-
taq; acceperāt, uī ac metu retinerētur. quod ego in pau-
cis tamen usu uenisse non moleste fero, quo reliquæ tot,
& tātæ, & tā graues ciuitates, tota deniq; Sicilia plus
auctoritatis apud uos haberet, cum uideretis nulla uī re-
tineri, nullo periculo prohiberi posse, quo minus experi-
rentur, ecquid apud uos querimonia ualerent antiquissi-
morum, fidelissimorumq; sociorum. nam quod fortasse
non nemo uestrum audierit, istum à Syracusanis publi-
ce laudari: id tamen si priore aēlione ex Heraclij Syra-
cusani testimonio, cuiusmodi esset, cognouistis; tamen uo-
bis alio loco, ut se tota res habet, quod ad eā ciuitatē at-
tinet, demonstrabitur: intelligetis. n. nullis hominibus quē
quam tanto odio, quanto istum Syracusanis, esse, et fuisse.
at enim istū soli Siculi persequuntur, ciues R. qui in
Sicilia negotiantur, defendunt, diligunt, saluum esse cu-
piunt. primū, si ita esset, tamen uos in quæstione de pecu-
nijs repetundis, quæ sociorum causa cōstituta est, lege iu-
dicioq; sociali, sociorum querimonia audire oporteret.
sed intelligere potuistis priore aēlione, ciues R. ex Sicilia
plurimos, honestissimos, maximis de rebus, & quas ipsi
accepissent iniurias, & quas scirent alijs esse factas, pro
testimonio dicere. ego hoc, quod intelligo iudices, sic cō-
firmo. uideor mihi gratum fecisse Siculis, quod eorū in-
iurias meo labore, inimicitias periculo sim persecutus. nō
minus hoc gratū me nostris ciuibz intelligo fecisse: qui

hoc existimāt, iuris, libertatis, rerum, fortunarumq; suarum salutem in istius damnatione cōsistere. quapropter de istius Prætura Siciliēsi, nō recuso, quin ita me audiat, ut, si cuiquam generi hominū, siue Siculorum, siue nostrorum ciuium, siue cuiquam ordini, siue aratorū, siue pecuariorum, siue mercatorum probatus sit, si non horum omnium communis hostis, prædōq; fuerit, si cuiquam denique ulla in re unquā temperauit, ut uos quoque temperetis. Qui, simul atque ei sorte prouincia Sicilia obuenit, statim Romæ, & ad Urbē, antequā proficisceretur, querere ipse secum, et cogitare cū suis coepit, quibusnam rebus in ea prouincia maximam uno anno pecuniā facere posset. nolebat in agēdo discere, (tametsi nō prouinciæ rudis erat, & tyro) sed in Siciliā paratus ad prædam, meditatusq; uenire cupiebat. d præclare coniectū à uulgo in illam prouinciā omen communis famæ, atq; sermonis, cū ex nomine istius, quid in prouincia facturus esset, perridiculi homines augurabātur. etenim quis dubitare posset, cum istius in Questura fugam, et furtum recognosceret, cum in Legatione oppidorum fanorumq; spoliationes cogitaret, cum uideret in foro latrocinia Præturæ, qualis iste in quarto actū improbitatis futurus esset? atque ut intelligatis eum Romæ quæsisse non modo genera furādi, sed etiā nomina: certissimum accipite argumentum, quo facilius de singulari eius impudentia existimare possitis. quo die Siciliā tetigit (uidete, satis ne paratus ex illo omine urbano ad euerrendam prouinciā uenerit) statim Messana literas Halesam mittit, quas ego istum in Italia scripsisse arbitror: nam simul atque è naui egressus est, dedit

operā, ut Halesinus ad se Dio cōtinuo ueniret, se de hā
 redate uelle cognoscere, quæ eius filio à propinquo ho-
 mine Apollodoro Laphirone uenisset. ea erat indices per
 grādis pecuniā. hic est Dio indices nūc beneficio Q. Me-
 telli ciuis R. factus: de quo multis uiris primarijs testi-
 bus, multorumq; tabulis uobis priore aēione satisfactū
 est, HS undecies numeratū esse, ut eam causam, in qua
 ne tenuissima quidem dubitatio posset esse, isto cognoscē-
 te obtineret: praterea greges nobilissimarum equarum
 abactos: argenti, uestisq; stragula, domi quod fuerit, esse
 direptum: ita HS undecies Q. Dionē, quod hareditas ei
 obuenerat, nullā aliam ob causam, perdidisse. quid? hac
 hareditas quo Pratore Dionis filio uenerat? eodem, quo
 P. Annij senatoris filia; eodē, quo M. Liguri senatori;
 C. Sacerdote Pratore. quid? tū nemo molestus Dioni fue-
 rat? nō plus, quā Liguri Sacerdote Pratore. quid? ad
 Verrem quis detulit? nemo: nisi forte existimatis ei qua-
 druplatores ad fretum præsto fuisse. ad urbem cum es-
 set, audiuit, Dioni cuidā Siculo permagnam uenisse hā-
 redate, heredem statuas iussu esse in foro ponere;
 nisi posuisset, Veneri Erycina esse mulctatū. tametsi po-
 sita essent ex testamento; putabat tamen, quoniā Vene-
 ris nomen esset, causam pecunie se reperturū. itaque ap-
 ponit qui petat Veneri Erycina illā hareditatē: non. n.
 Quæstor petit, ut est cōsuetudo, is, qui Erycum montem
 obtinebat. petit Neuius Turpio, quidam istius excursor
 et emissarius, homo omniū ex illo cōuentu quadrupla-
 torum deterrimus, C. Sacerdote Pratore cōdemnatus in
 iuriarū. etenim erat eiusmodi causa, ut ipse Prator cū
 quæreret calumniatorem, paulo tamen cōsideratiorem

reperire non posset. hunc hominem Veneri absoluit, sibi
 cōdēnat. maluit uidelicet homines peccare, quā deos:
 se potius à Dione, quod nō licebat, quā Venerem, quod
 nō debebatur, auferre. quid ego nunc hic Sex. Pompeij
 Clori testimonium recitem? qui causam egit Dionis, qui
 omnibus rebus interfuit; hominis honestissimi; tametsi
 ciuis R. uirtutis causa iandiu est, tamen omniū Siculo-
 rum primi, ac nobilissimi. quid ipsius Q. Cæcilij Dionis;
 hominis probatissimi, ac prudentissimi? quid L. Vetecilij
 Liguris, T. Manlij, L. Caleni? quorū omnium testimonijs
 de hac Dionis pecunia confirmatū est. dixit hoc idē M.
 Lucullus, se de his Dionis incommodis pro hospitio, quod
 sibi cū eo esset, iam ante cognosse. quid? Lucullus, qui tū
 in Macedonia fuit, melius hæc cognouit, q̄ tu Hortensi,
 qui Romæ fuisti? ad quem Dio confugit: qui de Dionis
 iniurijs grauissime per literas cum Verre questus es. no-
 ua tibi hæc sunt, & inopinata? nunc primum hoc aures
 tuæ crimen accipiūt? nihil de Dione, nihil de socru tua,
 foemina primaria, Seruilia, uetere Dionis hospita, audi-
 sti? nō ne multa mei testes, quæ tu scis, nesciūt? nō ne te
 mihi testē in hoc crimine eripuit nō istius innocētia, sed
 legis exceptio? TESTIMONIA M. LVCVL-
 LI, CLORI, DIONIS. satis ne uobis magnā pe-
 cuniā Venerius homo, qui è Chelidonis sinu in provin-
 ciā profectus esset, Veneris nomine quasisse uidetur? ac-
 cipite aliā in minore pecunia nō minus impudentē calū-
 niam. Sosippus & Epicrates fratres sunt Agrinē-
 ses. horū pater ab hinc duos et XX annos est mortuus.
 in cuius testamēto quodam loco, si cōmissum quid esset,
 multa erat Veneri. ipsos XX annos, cum tot interea

Prætores, tot Quæstores, tot calumniatores in provincia fuissent, hæreditas ab his Veneris nomine petita nō est. causam Verres cognoscit: per Volcatium pecuniam accepit, ferè ad HS C C C C millia ab duobus fratribus. multorū testimoniū audistis antea: uicerūt Agyrinenses fratres, ita, ut egentes inanesq; discederēt. at enim ad Verrem pecunia ista nū peruenit. quæ est ista defensio? utrum, asseneratur in hoc, an tentatur? mihi enim noua res est. Verres calumniatores apponebat: Verres adesse iubebat: Verres cognoscebat: Verres indicabat: pecuniæ maximæ dabātur: qui dabant, causas obtinebant: tu mihi ita defendas? nō est ista Verri numerata pecunia. adiuuo te: mei quoque testes idem dicunt: Volcatio dicunt sese dedisse. quæ uis erat Volcatio tanta, ut HS C C C C millia duobus hominibus auferret? ecquis Volcatio, si sua sponte uenisset, unam libellam dedisset? ueniat nūc, experietur, te cōto recipiet nemo. at ego amplius dico. HS quadringenties accepisse te arguo contra leges: nego, tibi ipsi ullum nummū esse numeratū: sed cum ob tua decreta, ob imperata, ob iudicata pecuniæ dabātur, non erat quærendum, cuius manu numeraretur, sed cuius iniuria cogeretur. comites illi tui delecti, manus erāt tuæ: præfecti, scribæ, medici, accensi, aruspices, præcones, manus erāt tuæ: quo quisque te maxime cognatione, affinitate, necessitudine aliqua attingebat, ita maxime manus tua putabatur: cohors tota illa tua, quæ plus mali Siciliæ dedit, quàm si centum cohortes fugitiuorū fuissent, tua manus sine controuersia fuit. quidquid ab horū quopiam captum est, id nō modo tibi datū, sed tua manu numeratum iudicari necesse est. nam si hanc defen-

sionem probabit, Non accepit ipse: licet omnia de pecunijs repetundis iudicia tollatis: nemo unquā tam reus, tam nocens adducetur, qui ista defensione nō possit uti. etenim cum Verres utatur, quis erit unquam posthac reus tam perditus, qui nō ad Q. Mutij innocentiam referatur, si cum isto conferatur? neque nūc tam mihi ista Verrem defendere videntur, quā in Verre defensionis tentare rationē. qua de re iudices vobis magnopere providendum est. pertinet hoc ad summā Reip. & ad existimationem ordinis, salutemq; sociorum. si enim innocentes existimari volumus, nō solum nos abstinentes, sed etiam nostros comites prestare debemus. primū omnium, opera tanta danda est, ut eos nobiscū ducamus, qui nostrā famæ, capitiq; consulant: deinde, si in hominibus eligendis nos spes amicitiæ fefellerit, ut vindicemus, missos faciamus, semper ita vivamus, ut rationem reddendam nobis arbitremur. Africani est hoc, hominū liberalissimū, veruntamen. ea liberalitas est probanda, quæ sine periculo existimationis est, ut in illo fuit. cū ab eo quidā vetus affectator ex numero amicorū nō impetraret, ut se præfectū in Africā duceret, & id ferret moleste: non li, inquit, mirari, si tu à me hoc non impetras: ego iam pridem ab eo, cui meam existimationem caram fore arbitror, peto, ut mecum præfectus proficiscatur, et adhuc impetrare nō possum. etenim re vera multo magis est petendum ab hominibus, si salui esse volumus, ut eam nobiscū in provinciā, quā hoc illis in beneficij loco defendendū. sed tu, cū et tuos amicos in provinciā quasi in prædam inuitabas, ac cum illis, ac per eos prædabare, et eos in cōcione annulis aureis donabas: nō statuebas, tibi nō

solum de te, sed etiā de illorum factis rationem esse red-
 dendam? cum hos sibi quæstus constituisset magnos, atq;
 uberes ex ijs causis, quas ipse instituerat in cōsilio, hoc est
 cum sua cohorte, cognoscere: tum infinitum genus inue-
 nerat ad innumerabilem pecuniā corripendam. dubiū
 nemini est, quin omnes omniū pecuniā posita sint in eo-
 rum potestate, qui iudicia dant, & eorum, qui iudicāt:
 quin nemo nostrū possit ades suas, nemo fundū, nemo
 bona patria obtinere, si, cū hac à quopiā uestrū petita
 sunt, Prætor improbus, cui nemo interdicere possit, det
 quem uelit iudicem, iudex nequā & levis, quod Prætor
 iusserit, iudicet. si uero illud quoque accedet, ut Prætor
 in ea uerba iudiciū det, ut uel Octavius Balbus iudex,
 homo & iuris & officij peritissimus, nō possit aliter iu-
 dicare: sit eiusmodi L. Octavius iudex. esto. si apparet
 fundū Capenatem, quo de agitur, ex iure eū P. Seruiliū
 esse, neq; is fundus Q. Catulo restituetur: nō necesse erit
 L. Octavio iudici cogere P. Seruiliū Q. Catulo fundū
 restituere, aut cōdemnare eū, quem nō oporteat eiusdē
 modi totū ius prætoriū, eiusdemmodi omnis res iudicia-
 ria fuit in Sicilia per trienniū Verre Prætor. decreta
 eiusmodi. SI NON ACCIPIT QVOD
 TE DEBERE DICIS, ACCVSES. SI
 PETIT, DVCAS. C. Fusciū duci iussit petito-
 rem, L. Suetiū, L. Raciliū. iudicia huiusmodi. QVI
 CIVES RERANT, SICVLI ESSENT,
 TVM SI EORVM LEGIBVS DARI
 OPORTERET. QVI SICVLI, SI CI-
 VES R. ESSENT. uerum ut totum genus am-
 plectamini iudiciorū, prius iura Siculorū, deinde istius

instituta cognoscite. Siculi hoc iure sunt, ut, quod ciuis cum ciue agat, domi certet suis legibus: quod Siculus cum Siculo, non eiusdem ciuitatis, ut de eo Prætor iudices ex P. Rupilij decreto, quod is de decem Legatorum sententia statuit, quam legem Siculi Rupiliam uocant; sortiatur. quod priuatus à populo petit, aut populus à priuato, senatus ex aliqua ciuitate, qui iudicet, datur, cum alternæ ciuitates reiectæ sunt. quod ciuis Romanus à Siculo petit, Siculus iudex datur. quod Siculus à ciue Romano, ciuis R. datur. cæterarum rerum selecti iudices ex ciuium R. conuentu proponi solent. inter aratores & decumanos lege frumentaria, quæ Hieronicam appellant, iudicia fiunt. hæc omnia isto Prætoris non modo perturbata, sed planè et Siculis, & ciuibus R. erepta sunt. primum suæ leges, quod ciuis cum ciue ageret, aut eum iudicem, quem commodum erat, præconem, aruspicem, medicum suum dabat, aut, si legibus erat iudicium constitutum, et ad ciuem suum iudicem uenerant, libere ciui iudicare non licebat: edictum. n. hominis cognoscite: quo edito omnia iudicia redegerat in suam potestatem: Si quis perperam iudicasset, se cognitum: cum cognosset, animaduersum. idque cum faciebat, nemo dubitat, quin cum iudex alium de suo iudicio putet iudicatum, sequi in eo capitis periculum aditum, uoluntatem spectet eius, quem statim de capite suo putet iudicatum. selecti è conuentu, autem propositi ex negotiatoribus iudices, nulli. hæc copia, quam dico, iudicum, cohors non Q. Scauolæ, qui tamè de eorum horte sua dare non solebat, sed C. Verris. cuiusmodi cohortem putatis hoc principem fuisse? sicuti uidetis edictum.

SI QUID PERPERAM IUDICARIT

SENATVS. cū quoque ostendā, si quando sit datus, coactus istius, quod nō senserit, iudicasse. ex lege Rupilia sortitio nulla, nisi cū nihil intererat istius. lege Hieronica iudicia plurimarū cōtroversiarū sublata uno nomine omnia. de cōuentu, ac negotiatoribus nulli iudices. quantā potestatem habuerit, uidetis: quas res gesserit, cognoscite. Heraclius est Hieronis filius Syracusanus, homo in primis domi suæ nobilis, et ante hūc Prætorem uel pecuniosissimus Syracusanorū, nunc nulla alia calamitate, nisi istius auaritia, atque iniuria pauperrimus. huic hereditas facile ad HS tricies uenit testamēto propinqui sui Heraclij: plena domus calari argenti optimi, multaq; stragula uestis, pretiosissimorūq; mācipiorū. quibus in rebus istius cupiditates, et insaniam quis ignorat? erat in sermone res, magnā Heraclio pecuniā uenisse, nō solū Heracliū diuitem, sed etiā ornatū suppellectili, argēto, ueste, mancipijs futurū. audit hæc etiā Verres: et primo, illo suo leuiore artificio Heracliū aggredi conatur; ut eum roget inspicienda, quæ nō reddat: deinde à quibusdam Syracusanis admonetur. hi autem quidam erāt affines istius, quorū uxores iste nunquā alienas existimauit, Cleomenes, et Aescario: qui quantū apud istū, et quā turpi de causa potuerint, ex reliquis criminibus intelligitis. hi, ut dico, hominē admonent, rem esse præclarā, refertā omnibus rebus: ipsum autem Heraclium hominem esse maiorem natu, nō promptissimū; et eū, præter Marcellos, patronū, quem iure suo adire, aut appellare posset, habere neminē: esse in eo testamento, quo ille hæres esset, scriptū, ut statuas in palæstra deberet ponere. faciemus, ut palæstricæ negent ex testamēto esse positas: petāt hæ-

reditatem, quodd eā palastræ cōmisisse dicant. placuit ratio Verri: nā hoc animo prouidebat; cū tanta hēreditas in cōtrouersiam uenisset, iudicioq; peteretur, fieri nō posse, ut sine praeda ipse discederet. approbat cōsiliū: auctōr est, ut quamprimū agere incipiant, hominemq; id atatis minime litigiosum quātumultuosissime adorātur. scribitur Heraclio dica. primo miratur omnes improbitatē calumniæ. deinde, qui istum nossent, partim suspicabantur, partim planē uidebant adiectum esse oculum hēreditati. interea dies aduenit, quo die sese ex instituto, ac lege Rupilia dicas sortiturū Syracusis iste edixerat: paratus ad hanc dicā sortiendā uenerat. tum cū docet Heraclius nō posse eo die sortiri, quodd lex Rupilia uetaret diebus XXX sortiri dicā, quibus scripta esset. dies XXX non dum fuerant. sperabat Heraclius, si illū diem effugisset, ante alteram sortitionē Q. Arriū, quem prouincia tum maxime expectabat, successurū. iste omnibus iudicijs diem distulit, et eam diem cōstituit, ut hanc Heraclij dicam sortiri post dies XXX ex lege posset. posteaquam ea dies uenit, iste incipit simulare se uelle sortiri, Heraclius cum aduocatis adit, et postulat, ut sibi cū palestritis, hoc est cū populo Syracusano, æquo iure disceptare liceat. aduersarij postulant, ut in eā rem iudicentur ex ijs ciuitatibus, quæ in id forū cōuenirent, electi qui Verri uiderētur: Heraclius cōtra, ut iudices ē lege Rupilia dentur, ut ab institutis superiorum, ab auctōritate senatus, ab iure omnium Siculorū ne recedatur. quid ego istius in iure dicendo libidinem demonstrēm? quis uestrum non ex urbana iurisdicōne cognouit? quis unquam isto Prætorē Chelidone inuita lege agere

potuit? non istum, ut non neminem, prouincia corrumpit: idem fuit, qui Romæ. cū id, quod omnes intelligebant, diceret Heraclius, ius esse certum Siculis, inter se quo iure certarent; legem esse Rupiliam, quā Prætor Rupilius ex S. C. de decem Legatorū sententia dedisset; hoc omnes semper in Sicilia Consules Prætoresq; seruasse: negauit se iudices è lege Rupilia sortiturū: quinque iudices, quos cōmodum ipsi fuit, dedit. quid huic homini facias? quod supplicium dignum libidini eius inuenies? præscriptum tibi cum esset homo deterrime, et impudentissime, quem admodum inter Siculos iudices dares; cum imperatoris populi R. auctoritas, Legatorū decem summorum hominū dignitas, S. C. intercederet, cuius cōsulto P. Rupilius Prætor ex Legatorū sententiā leges in Sicilia cōstituerat; cū omnes ante te Prætores Rupilianas leges in cæteris rebus, et in iudicijs maxime obseruassent: tū ausus es pro nihilo præ tua præda tot res sanctissimas ducere? tibi nulla lex fuit? nulla religio? nullus existimationis pudor? nullus iudicij metus? nullius apud te grauis auctoritas? nullū exemplū, quod sequi uelles? uerum, ut institui dicere, quinque iudicibus nulla lege, nullo instituto, nulla religione, nulla sorte, ex libidine istius datis, non qui causam cognoscerēt, sed qui, quod imperatū esset, iudicarēt; eo die nihil actum est; adesse iubentur postridie. Heraclius interea, cum omnes insidias à Præторе fortunis suis fieri uideret, capit consiliū de amicorū, et propinquorum sententia, nō adesse ad iudiciū: itaque Syracusis illa nocte profugit. iste postero die mane, cum multo maturius, quā unquā antea, surrexisset, iudices citari iubet: ubi cōperit Heracliū non adesse, cogere incipit eos, ut absentem

Heraclium

Heraclium condemnarent. illi eū cōmonefaciunt, ut, si ei uideatur, utatur instituto suo, nec cogat ante horā decimam de absente secundū præsentem iudicare. impetrāt. interea sanè perturbatus & ipse, & eius amici, et consiliarij, moleste ferre cœperunt, Heracliū profugisse: putabāt absentis damnationem, præsertim tantæ pecuniæ, multo inuidiosiore fore, quā si præsens damnatus esset. eò accedebat, quòd iudices è lege Rupilia dati nō erant. multo etiam rem turpiorem, & iniquiorem uisum iri intelligebant. itaque hoc dum corrigere uult, apertior eius cupiditas, improbitasq; facta est: nam illis quinque iudicibus uti sese negat: iubet id, quod initio è lege Rupilia fieri oportuerat, citari Heraclium, & eos, qui dicam scripserant: atq; iudices è lege Rupilia uelle sortiri. quod ab eo pridie, cum multis lacrymis eum oraret, atque obsecraret Heraclius, impetrare nō potuerat, id ei postera die uenit in mentem, è lege Rupilia sortiri dicas oportere. educit ex urna tres. ipsi, ut absentem Heraclium condemnent, imperat: itaque cōdemnant. quæ (malum) ista fuit amentia? ecquando te rationem factorū tuorū redditurū putasti? ecquando his de rebus tales uiros audituros existimasti? petatur hæreditas ea, quæ nulla debetur, in prædam Prætoris? interponatur nomen ciuitatis? imponatur honestæ ciuitati turpissima persona calūniæ? neque hoc solū, sed ita res agatur, ut ne simulatio quidē aequitatis ulla adhibeatur? nā per deos immortales, quid interest, utrū Prætor imperet, uiq; cogat aliquē de suis bonis omnibus decedere; an huiusmodi iudiciū det, quo iudicio indicta causa fortunis omnibus euertere necesse sit? profecto. n. negare nō potes, te ex lege Rupilia sortiri.

Cic. Orat.

Q

tiri iudicium debuisse, cum præsertim Heraclius id pos-
 tularet. sin illud dices, te Heraclij uoluntate ab lege re-
 cessisse: ipse te impedies, ipse tu tua defensione implicabe-
 re: quare enim primum ille ipse adesse noluit, cum ex eo
 numero iudices haberet, quos postularat? deinde tu cur
 post illius fugam iudices alios sortitus es, si eos, qui erant
 antea dati, utriusque dederas uoluntate? deinde ceteras
 dicas omnes illo foro M. Posthumius Quæstor sortitus
 est: hanc solā tu illo conuentu reperiere sortitus. ergo, in-
 quiet aliquis, donauit populo Syracusano illam heredi-
 tatem. primum, si id confiteri uelim, tamen istum condē-
 netis necesse est: neque. n. permissum est, ut impune no-
 bis liceat, quod alicui eripuerimus, id alteri tradere. ue-
 rum ex ista reperietis hereditate ita istum prædatum,
 ut perpauca occulte fecerit; populum quidem Syracusa-
 num in maximam inuidiā sua infamia, alieno præmio
 peruenisse; paucos Syracusanos, eos qui se nunc publice
 laudationis causa uenisse dicunt, et tunc participes præ-
 da fuisse, et nunc non ad istius laudationem, sed ad cō-
 munem litiū æstimationem uenisse. posteaquam dam-
 natus est absens: nō solum illius hereditatis, de qua am-
 bigebatur, quæ erat HS tricles, sed omnium bonorū pa-
 ternorum ipsius Heraclij, quæ non minor erat pecunia,
 palæstræ Syracusanorum, hoc est Syracusanis, possessio
 traditur. quæ est ista Prætura? eripis hereditatem, quæ
 uenerat à propinquo, uenerat testamento, uenerat legi-
 bus: quæ bona is, qui testamentū fecit, huic Heraclio an-
 te aliquāto, quā est mortuus, omnia utenda ac possiden-
 da tradiderat: cuius hereditatis, cū ille aliquāto ante te
 Prætorem esset mortuus, cōtrouersia fuerat nulla, men-

tionem fecerat nemo. uerū esto, eripe hereditatē propin-
quis, da palæstritis: prædare in bonis alienis nomine ciui-
tatis: euerte leges, testamenta, uoluntates mortuorum, iu-
ra uiuorum: num etiam patrijs Heraclium bonis extur-
bare oportuit? qui simul ac profugit: quā impudenter,
quā palām, quā acerbe, dii immortales, illa bona di-
repta sunt: quā illa res calamitosa Heraclio, quæstiosa
Verri, turpis Syracusanis, miserāda omnibus uidebatur:
nā illud quidem statim curatur, ut, quidquid celati ar-
genti fuit in illis bonis, ad istū deferatur; quidquid Co-
rinthiorum uasorum, stragulæ uestis. hæc, nemo dubi-
tabat, quin non modo ex illa domo capta & oppressa,
uerum ex tota prouincia ad istum cōportari necesse es-
set. mancipia, quæ uoluit, abduxit: alia diuisit: auctio
facta est: in qua cohors istius inuicta dominata est. ue-
rū illud est præclarū. Syracusani, qui præfuerāt his He-
raclij bonis uerbo redigendis, re dissipandiis, reddebant
eorum negotiorum rationem in senatu: dicebant, scypho-
rum paria cōplura, hydrias argenteas, pretiosam uestē
stragulam, multa mancipia pretiosa Verri data esse: di-
cebant, quantum cuique eius iussu nummorum esset da-
tum. gemebant Syracusani, sed tamen patiebantur. re-
pente recitatur, uno nomine HS C C L millia iussu Præ-
toris data. fit maximus clamor omnium, nō modo opti-
mi cuiusque, neque eorum, quibus indignum semper
uisum erat, bona priuati, populi nomine, per sum-
mam iniuriam erepta: uerum etiam ipsi illi auctores
iniuriæ, & ex aliqua particula socij prædæ, ac rapinarum
clamare cœperunt, sibi ut haberet hereditatem.
tanti in curia clamor factus est, ut populus cōcurreret.

res ab omni conuentu cognita celeriter domum nunciatur. homo inimicus ijs, qui recitassent; hostis omnibus, qui acclamassent; exarsit iracundia, ac stomacho; uerū tamen fuit tum sui dissimilis. nostis os hominis: nostis audaciā: tamen tum rumore populi, & clamore, & furto manifestus grandis pecuniæ perturbatus est. ubi se collegit, uocat ad se Syracusanos: quia nō posset negare, ab illis pecuniā datam; nō quæsiuit procul alicunde (neque enim probaret) sed proximum pendē alterum filium, quem illam pecuniā diceret abstulisse, ostendit se reddere coacturum. qui posteaquam id audiuit: habuit dignitatis, et ætatis, et nobilitatis suæ rationem: uerba apud senatum fecit: docuit, ad se nihil pertinere: de isto id, quod omnes uidebāt, neque ille quidem obscure locutus est: itaque illi Syracusani statuā postea statuerunt: et is ubi primū posuit, istū reliquit, de prouinciaq; decessit. et tamen aiunt eum queri solere nonnunquā, se miserum, quod nō suis, sed suorum comitum peccatis, & criminibus prematur. triennium prouinciam obtinuisti: gener electus adolescens unum annum tecum fuit: sodales uiri fortes Legati tui primo anno te reliquerunt: unus Legatus P. Tadius, qui erat reliquus, non ita multum tecum fuit: qui si semper unā fuisset, tamen summa cura tui tuæ, tum multo etiā magis suæ famæ pepercisset. quid est, quod tu alios accusas? quid est, quamobrem putes te tuā culpam non modo deriuare in aliquem, sed cōmunicare cū aliquo posse? numerantur illa HS ducenta quinquaginta Syracusanis. ea quemadmodum ad istum postea per pseudoryron reuertatur, tabulis uobis & testibus iudices planum faciam. ex hac iniquitate istius, & improbitate iudices,

quoddam praeda ex illis bonis ad multos Syracusanos inuito populo senatūq; Syracusano uenerat, et illa scelera quoque per Theonastū, & Aeschionem, & Dionysodorū, & Cleomenem inuitissima ciuitate facta sunt: primū ut urbs tota spoliaretur: qua de re alius mihi locus ad dicendū est cōstitutus: ut omnia signa iste per eos homines, quos nominauī, omne ebur ex aedibus sacris, omnes undique tabulas pīctas, deorū denique simulacra, quae uellet, auferret: deinde ut in curia Syracusis, quem locū illi Buleuteriū uocat honestissimo loco, & apud illos clarissimo, sub illius ipsius M. Marcelli, qui cum Syracusanis locum eum eripere belli ac uictoriae lege posset, conseruauit & reddidit, statua ex aere facta, ibi inauratā isti, et alteram filio statuam posuerint: ut, dum istius hominis memoria maneret, senatus Syracusanus sine lacrymis et gemitu in curia esse nō posset. per eosdē istius iniuriarum, furtorum, uxorūq; socios istius imperio Syracusis Marcellae tolluntur maximo gemitu, luctūq; ciuitatis: quem illi diem festum cū recentibus beneficijs M. Marcelli debitū reddebant, tum generi, nomini, familiae Marcellorum maxima uoluntate tribuebant. Mithridates in Asia, cum eam prouinciam totam occupasset, Mutia nō sustulit. hostis, et hostis in ceteris rebus nimis ferus & immanis: tamen honorem hominis deorū religione consecratū uiolare noluit. tu Syracusanis unū diem festum Marcellis impertiri uetuisti, per quos illi adepti sunt, ut ceteros dies festos agere possent. at uero praclarum diem reposuisti, Verrea ut agerent, et ut ad eum diem, quae sacris epulisq; opus essent, in complures annos locaretur. Iam in tanta istius impudentia remis-

tendū aliquid uidetur, ne omnia cōtendamus, ne omnia cū dolore agere uideamur: nā me dies, uox, latera deficiant, si hoc nūc uociferare uelim, quā miserū indignūq; sit istius nomine apud eos diem festum esse, qui sese istius opera funditus extinctos esse arbitrentur. d Verrea praelara, quoquam si accessisti, quid non attuleris tecū istum diem: etenim quam tu domum, quam urbem adisti, quod fanū denique, quod nō euersum, atq; extersum reliqueris? quare appellētur sanē ista Verrea, quæ non ex nomine, sed ex manibus, naturalq; tua constituta esse uideantur. q̄ facile serpat iniuria, & peccādi cōsuetudo, quā nō facile reprimatur, uidete iudices. Bidis oppidum est tenue sanē, non lōge à Syracusis. huius longe primus ciuitatis est Epícrates quidam. huic hæreditas HS quingentorum millium uenerat à muliere quadam propinqua, atque ita propinqua, ut, ea etiam si intestata esset mortua, Epicratem Bidinorū legibus hæredem esse oporteret. recēs Syracusana erat illa res, quā ante demonstrauī, de Heraclio Syracusano, qui bona nō perdidisset, nisi ei uenisset hæreditas. huic quoq; Epicrati uenerat, ut dixi, hæreditas. cogitare cœperūt eius inimici, nihilo minus eodem Prætore hunc euertere bonis posse, quo Heraclius esset euersus. ré occulte instituūt, ad Verrem per eius interpretes deferūt: ita causa componitur, ut item palæstritæ Bidentes peterent ab Epicrate hæreditatem, quemadmodum palæstritæ Syracusani ab Heraclio petissent. nūquam uos Prætorem tam palæstricum uidistis. uerum ita palæstritas defendebat, ut ab illis ipse unctior discederet. quī statim cū præsensisset, iubet cuidam suorum amicorum numerari HS L X X X. res

occultari satis non posse. per quendam eorum, qui inter fuerat, sit Epicrates certior. primo negligere, et cōtemne re cœpit, q̄ causa prorsus, quod dubitari posset, nihil habebat. deinde cū de Heraclio cogitaret, et istius libidinem nosset: cōmodissimū putauit esse, de prouincia clam abire: itaq; fecit: profectus est Rhegium. quod ubi auditū est: aestuare illi, qui dederant pecuniam: putare nihil agi posse absente Epicrate: nam Heraclius tamū affuerat, cū primū dati sunt iudices. de hoc, qui, antequā in ius aditū esset, antequā denique mentio cōtrouersia facta esset, discessisset, putabant nihil agi posse. homines Rhegiū profisciscuntur: Epicratem cōueniunt: dēmonstrant id, quod ille sciebat, se HS L X X X dedisse: rogāt eū, ut, id, quod ab ipsis abisset pecuniæ, curet: ab sese caueat, quemadmodum uelit: de illa hæreditate cū Epicrate neminem esse acturum. Epicrates homines multis uerbis male à se acceptos dimisit. redeunt illi Rhegio Syracusas: queri cum multis, ita ut sit, incipiunt, sese HS L X X X nummum frustra dedisse. res percrebuit: in ore, atque sermone omnium cœpit esse. Verres refert illam suam Syracusanā: ait sese uelle de illis HS L X X X cognoscere: aduocat multos: dicūt Bidini Volcatio se dedisse: illud nō addunt, iussu istius. Volcatium uocat: pecuniam referri imperat. Volcatius animo æquissimo nūmos affert, qui nihil amitteret. reddit inspectantibus multis: Bidini nummos auferunt. dicet aliquis: quid ergo in hoc Verrem reprehendis? qui non modo ipse fur non est, sed ne alium quidem passus est esse. attendite: iam intelligetis hanc pecuniam, qua uia modo uisa est exire ab isto, eadem semita reuertisse. quid enim debuit Prætor? cū

consilio re cognita, cum comperisset suum comitem, iuris, decreti, iudicii corrumpendi causa, qua in re ipsius Praetoris caput, existimatioq; ageretur, pecuniam accepisse, Bidinos autem contra Praetoris famam, ac fortunas dedisse; nō & in eum, qui accepisset, animaduertisse, et in eos, qui dedissent? tu, qui institueras in eos animaduerte re, qui perperā iudicassent: quod saepe per imprudentiam fit: hos pateris impune discedere, qui ob tuum decretū, ob tuum iudiciū pecuniā aut dandam, aut accipiendā putarāt? Volcatius idē apud te postea fuit, eques R. tāta accepta ignominia. nā quid est turpius ingenuo, quid minus libero dignum, q̄ in cōuentu maximo cogi à magistratu furtum reddere? qui si eo animo esset, quo non modo eques R. sed quiuīs liber debet esse; aspicere te postea non potuisset: inimicus, hostis esset tanta cōtumelia accepta, nisi tecū colluisset, & tuā potius existimationi seruisset, quā suā. qui quā tibi amicus nō modotum fuerit, quandū tecū in prouincia fuit; uerū etiam nūc sit, cū iam à ceteris amicis sis relictus: & tu intelligis, & nos existimare possumus. an hoc solum argumētū est, nihil isto imprudente factū, quodd Volcatius ei nō succensuit? quodd iste nec in Volcatiū, nec in Bidinos animaduertit? est magnum argumentum, uerum illud maximum, quodd illis ipsis Bidinis, quibus iratus esse debuit, ut à quibus comperit, quodd iure agere cum Epicrate nīhil possent, etiam si adesset, iccirco suum decretum pecunia esse tentatum: his inquam ipsis non modo illam hāreditatem, quā Epicrati uenerat, sed, ut in Heraclio Syracusano, item in hoc, paulo etiam atrocius, quodd Epicrates appellatus omnino non erat, bona patria, fortunasq;

eius Bidinis tradidit : ostendit enim nouo modo, si quis quid ab absente peteret, se auditurū. adeūt Bidini: petūt hæreditatem: procuratores postulant, ut se ad leges suas reiiciat, aut ex lege Rupilia dicā scribi iubeat. aduersarij non audebant contradicere: exitus nullus reperiēbatur. insimulant hominem fraudādi causa discessisse: postulant, ut bona possidere liceat. debebat Epicrates ullū nūmum nemini. amici, si quis quid peteret, iudicio secū agi passuros, iudicatum solui satisfaturos esse dicebant. cum omnia consilia frigerent, admonitu istius insimulare coeperunt, Epicratē literas publicas corrupisse: à qua suspitione ille aberat plurimū. actionem eius rei postulant. amici recusare, ne quod nouū iudiciū, ne qua ipsius cognitio illo absente de existimatione eius cōstitueretur: & simul idem illud postulare nō desistebāt, ut se ad leges suas reiiceret. iste amplam occasionem calumniae natū, ubi uidet esse aliquid, quoddā amici absentem Epicratem nollent defendere; asseuerat se eius rei in primis actionem esse daturū. cū omnes perspicerent ad istū non modo illos nummos, qui per simulationem ab isto exierant, reuertisse, sed multo etiam plures eum postea nummos abstulisse: amici Epicratem defendere destiterunt. iste Epicratis bona Bidinos omnia possidere, & sibi habere iussit. ad illa HS D millia hæreditaria accessit ipsius antiqua HS quindecies pecunia. utrum res ab initio ita ducta est, an ad extremum ita perducta est? an ita parua est pecunia? an is homo Verres, ut hæc, quæ dixi, gratis facta esse uideantur? hīc nūc de miseria Siculorū iudices audite. & Heraclius ille Syracusanus, & hic Bidinus Epicrates expulsi bonis omnibus Romā uenerūt: for

didati maxima barba, & capillo Romæ biennium propè fuerāt. cū L. Metellus in prouinciā profectus est, tū isti bene cōmēdati cū Metello una proficiscuntur. Metellus simul ac uenit Syracusas, utrūq; rescindit, et de Epicrate, et de Heraclio. in utriusq; bonis nihil erat, quod restitui posset, nisi quod moueri loco nō poterat. fecerat hæc egregie primo aduētū Metellus, ut omnes istius iniurias, quas modo posset, rescinderet, et irritas faceret. Heracliū restitui iusserat: non restituebatur: quisquis erat ductus senator Syracusanus ab Heraclio, duci iubebat: itaq; per multi ducti sunt. Epicrates quidē cōtinuo restitutus est. alia iudicia Lilybæi, alia Agrigēti, alia Panormi restituta sunt. cēsus, qui isto Prætorē sunt habiti, nō seruaturū se Metellus ostenderat: decumas, quas iste cōtra legē Hieronicā uendiderat, sese uenditurū Hieronica lege dixerat. omnia erant Metelli eiusmodi, ut nō tam suā Prætoram gerere, q̄ istius Præturam retexere uideretur. simul atq; ego in Siciliā ueni, mutatus est. uenerat ad eū illo biduo Letilius quidā, homo nō alienus à literis: itaq; eo iste tabellario semper usus est, is epistolas cōplures attulerat, in his unā domo, quæ totū immutarat hominem. repente cœpit dicere, se omnia Verris causa uelle, sibi cum eo amicitiam, cognationemq; esse. mirabātur omnes, hoc ei tum deniq; in mentē uenisse, posteaquā tam multis eū factis, decretisq; iugulasset. erāt, qui putarent Letiliū legatū à Verre uenisse, qui gratiam, amicitiam, cognationemq; cōmemoraret. ex illo tēpore à ciuitatibus laudationē petere, testes nō solum detertere uerbis, sed etiā uī retinere cœpit. quidd ego nisi meo aduētū illius conatus aliquantulū repressissem, & apud Siculos non Metelli,

sed Glabrionis literis, ac lege pugnassem: tã multos huc
euocare non potuissem. uerũ, quod institui dicere, misce-
rias cognoscite Siculorũ. Heraclius ille, et Epicrates lóge
mihi obuiã cũ suis omnibus processerũt: ueniẽti Syracu-
sas egerunt gratias flentes: Romã decedere mecum cu-
pierũt. quodd erant mihi oppida cõplura etiam reliqua,
quæ adire uellem: cõstitui cum hominibus, quo die mihi
Messana præsto essent. ed mihi nuncium miserunt, se à
Pratore retineri. quibus ego testimonium denunciaui,
quorum nomina edidi Metello, cupidissimi ueniendi, ma-
ximis iniurijs affecti, adhuc nõ uenerunt. hoc iure sunt
socij, ut ipsi ne deplorare quidẽ de suis incõmodis liceat.
iam Heracliũ Centuripinũ, optimi, nobilissimĩq; adoloscẽ-
tis, testimonium audistis: à quo HS C millia per ca-
lumniam malitiãq; petita sunt. iste pœnis, compromis-
sisq; interpositis, HS C C extorquẽda curauit: quodq;
iudicium secundum Heraclium de cõpromissis factum
erat, quodd ciuis Ceturipinus inter duos ciues iudicasset,
id irritũ iussit esse, eumq; iudicem falsum iudicasse in-
dicauit: in senatu ne esset: locis, cõmodisq; publicis uti ue-
tuit: si quis eum pulsasset, edixit sese iudicium iniurias-
rum non daturum: quidquid ab eo peteretur, iudicem
de sua cohorte daturum, ipsi autẽ nullius actionem rei
sese daturum. quæ istius auctoritas tantũ ualuit, ut ne-
que illum pulsaret quisquam, cum Prator in prouincia
sua uerbo permetteret, re hortaretur: neq; quisquã ab eo
quidquã peteret, cũ iste calũniæ licentiã sua auctoritate
præbuisset. ignominia autem illa grauis tãdiu in illo ho-
mine fuit, quãdiu iste in prouincia mansit. hoc iniecto
metu iudicibus, nouo more, nullo exemplo, ecquam rem

putatis esse in Sicilia nisi ad nutū istius indicatū? utrū id solum uidetur esse actum, quod est tamen actum, ut Heraclio pecunia eriperetur: an etiā illud, in quo praeda erat maxima, ut nomine iudiciorum, omniū bona, atq; fortunæ in istius unius essent potestate? iam uero in rerū capitaliū questionibus quid ego unamquamque rem colligā, & causam? ex multis similibus ea sumam, quæ maxime improbitate excellere uidebuntur. Sopater quidam fuit Haliciens, homo domi suæ cum primis locuples, atq; honestus. is ab inimicis suis apud C. Sacerdotem Prætorem rei capitalis cum accusatus esset, facile eo iudicio est liberatus. huic eidem Sopatro idem inimici ad C. Verrem, cū is Sacerdoti successisset, eiusdē rei nomen detulerunt. res Sopatro facilis uidebatur, & quod erat innocēs, & quod Sacerdotis iudiciū improbare istū ausurū nō arbitrabatur. citatur reus: causa agitur Syracusis: crimina tractantur ab accusatore, ea, quæ erāt antea nō solū defensione, uerū etiam iudicio dissoluta. causā Sopatri defendebat Q. Minutius eques R. in primis splendidus, atq; honestus, uobisq; iudices nō ignotus. nihil erat in causa, quod metuendum, aut omnino quod dubitandū uideretur. interea istius libertus, & accēsus idem Timarchides, qui est, id quod ex plurimis testibus priore actione didicistis, rerum huiusmodi omnium transactionator, & administer, ad Sopatrum uenit: monet hominem, ne nimis iudicio Sacerdotis, & causæ confidat: accusatores, inimicosq; eius habere in animo pecuniā Prætori dare: Prætorem tamen ob salutem malle accipere: & simul malle, si fieri posset, rē iudicatā nō rescindere. Sopater, cū hoc illi improuisum atq; inopinatū accidisset

set, commotus est sanè; neque in præsentia, Timarchidē quid responderet, habuit, nisi, se cōsideraturū, quid sibi de ea re esset faciendū: et simul ostendit, se in summa difficultate esse nūmaria. post ad amicos retulit. qui cum ei fuissent auctores redimendæ salutis, ad Timarchidē uenit: expositis suis difficultatibus, hominē ad HS LXXX perducit, eamq; ei pecuniā numerat. posteaquā ad causam dicendam uentū est: tum uero sine metu, sine cura omnes erant, qui Sopatrum defendebāt: crimen nullum erat, res iudicata: Verres nūmos acceperat. quis posset dubitare, quidnam esset futurū? res illo die non peroratur: dimittitur iudiciū. iterum ad Sopatrum Timarchides uenit: ait accusatores eius multo maiorem pecuniam Prætori polliceri, quā quantā hic dedisset: proinde, si scaperet, uideret quid sibi esset faciendum. homo, quanquā erat & Siculus, & reus, hoc est & iure iniquo, et tempore aduerso; ferre tamē, atque audire diutius Timarchidem nō potuit. facite, inquit, quod uobis liber: daturus nō sum amplius. idemq; hoc amicis eius, & defensoribus uidebatur, atque eo etiā magis, quod iste quoquo modo se in ea quæstione præbebat, tamē in cōsilio habebat homines honestos è conuentu Syracusano, qui Sacerdotis quoque in cōsilio fuerāt, tū cū esset idē hic Sopater absolutus. hoc rationis habebāt, facere eos nullo modo posse, ut eodē crimine, iisdem testibus Sopatrū condemnarent ijdē homines, qui antea absoluisent. itaque hac una spe ad iudiciū uenitur. quod posteaquā uentū est; cū in consilium frequentes conuenissent ijdē, qui solebant; et hac una spe tota defensio Sopatri niteretur, consilij frequentia, et dignitate; et quod erāt, ut dixi, ijdē, qui antea So-

patrum eodem illo crimine liberarant: cognoscite hominis apertam, ac non modo non ratione, sed ne dissimulatione quidem testam improbitatem, et audaciã. M. Petiliũ equitem R. quem habet in consilio, iubet operã dare, quodd rei priuatæ iudex esset. Petilius recusabat, quodd suos amicos, quos sibi in cõsilio esse uellet, ipse Verres retineret. iste, homo liberalis, negat se quenquam retinere eorũ, qui Petilio uellent adesse: itaque discedunt omnes: nã ceteri quoque impetrant, ne retineantur: qui se uelle dicebant alterutri eorum, qui tum illud iudicium habebat, adesse. itaque iste solus cũ sua cohorte nequissima relinquitur. nõ dubitabat Minutius, qui Sopatrũ defendebat, quin iste, quoniam cõsiliũ dimisisset, illo die rem illam quæsiturus non esset, cum repente iubetur dicere. respondet, ad quos? ad me, inquit, si tibi idoneus uideor, qui de homine Siculo, ac Græculo iudicẽ. idoneus es, inquit: sed peruellem adessent ij, qui affuerat antea, causamq; cognorant. dic, inquit: illi adesse nõ possunt. nam hercule, inquit Q. Minutius, me quoque Petilius, ut sibi in consilio adessẽ, rogauit: & simul à subsellijs abire coepit. iste iratus hominem uerbis uehementioribus prosequitur, atque ei grauius etiã minari coepit, quodd in se tantũ crimen inuidiamq; conflagrit. Minutius, qui Syracusis sic negotiaretur, ut sui iuris dignitatisq; meminisset; & qui sciret, se ita in prouincia rem augere oportere, ut ne quid de libertate deperderet: homini, quæ uisa sunt, et quæ tempus illud tulit, & causa, respondit: causam sese dimisso, atque ablegato cõsilio defensurũ negauit: itaque à subsellijs discessit: idemq; hoc præter Siculos ceteri Sopatri amici, aduocatiq; fecerunt. iste quanquã

est incredibili importunitate, et audacia, tamē subito solus destitutus pertimuit, et conturbatus est. quid ageret, quō se uerteret, nesciebat. si dimisisset eo tēpore quāstionem: post illis adhibitis, quos ablegarat, absolutū iri Sopatrū uidebat. sin autē hominem miserū, atque innocentem cōdemnasset, cū ipse Prator sine consilio, reus autem sine patrono, atque aduocatis fuisset; iudiciūq; C. Sacerdotis rescidisset: inuidiam se sustinere non posse tantam arbitrabatur: itaque aestuabat dubitatione: uersabat se in utranque partem nō solum mente, uerū etiā corpore: ut omnes, qui aderant, intelligere possent, in animo eius metum, cupiditatemq; pugnare. erat hominum conuentus maximus. summū silentiū, summa expectatio, quoniam esset eius cupiditas eruptura. crebro dimittebat se accensus ad aurē Timarchides. tum iste aliquando, agedic, inquit. Sopatrus implorare hominū, atque deū fidē, ut cum consilio cognosceret. tum repente iste testes citari iubet. dicit unus, & alter breuiter: nihil interrogatur. præco, dixisse, pronūciat. iste, quasi metueret, ne Perilius priuato illo iudicio transacto, aut dilato, cum ceteris in consilium reuenteretur, ita properans de sella exiuit, hominem innocentem, à Sacerdote absolutū, indiēla causa, de sentētia scribæ, medici, aruspiciūq; cōdemnauit. retinete, retinete hominem in ciuitate iudices: parcite, & conseruate, ut sit qui uobiscū res iudicet, qui in senatu sine ulla cupiditate de bello, & pace sententiā ferat. tametsi minus id quidem nobis, minus populo R. laborandū est, qualis istius in senatu sententiā futura sit: quæ. n. eius auctoritas erit? quādo iste sententiā dicere audebit, aut poterit? quādo autē homo tanta luxuria, atque desidia,

nisi Februario mense, aspirabit in curiam? uerū ueniat
 sanè, decernat bellū Cretenſibus: liberet Byzantios: Re-
 gem appellet Ptolemæū: quæ uult Hortenſius, omnia di-
 cat, et ſentiat: minus hæc ad nos, minus ad uitæ noſtræ
 diſcrimen, minus ad fortunarū noſtrarū periculū perti-
 nent. illud, illud eſt capitale, illud eſt formidoloſum, illud
 optimo cuique metuendū, quodd iſte, ex hoc iudicio ſi ali-
 qua ui ſe eripuerit, in iudiciſus ſit neceſſe eſt, ſententiã de
 capite ciuis R. ferat, ſit in eius exercitu ſignifer, qui im-
 periū iudiciorū tenere uult. hoc populus R. recuſat, hoc
 ferre nō poteſt, clamat, permittitq; uobis, ut, ſi iſtis homi-
 nibus deleſtemini, ſi ex hoc genere ſplendorē ordini, atq;
 ornamentū curiæ cōſtituere uelit, habeatis ſanè uobiſcū
 iſtum ſenatorem, iſtum de uobis iudicem, ſi uultis, habea-
 tis. de ſe homines, ſi quī extra iſtū ordinem ſunt, quibus
 ne reiſciundi quidem ampliꝰ quã trium iudicum præ-
 clare leges Corneliæ faciunt poteſtatem, hunc hominem
 tam crudelem, tam ſceleratum, tam nefariū nolunt iudi-
 care. etenim ſi illud eſt tã flagitioſum (quod mihi omniū
 rerum turpiſſimū, maximeq; nefarium uidetur) ob rem
 iudicandam pecuniã accipere, pretio habere addictam fi-
 dem, & religionem: quanto illud flagitioſius, improbiꝰ,
 indigniꝰ, cum, à quo pecuniã ob abſoluendum accepe-
 ris, cōdemnare, ut ne prædonum quidem Prætor in fide
 retinenda conſuetudinem conſeruaret? ſceluſ eſt, accipe-
 re ab reo: quanto magis, ab accuſatore? quanto etiam
 ſceleratiꝰ, ab utroque? fidem cum propoſuiſſes uenalem
 in provincia, ualuit apud te pluſ iſ, qui pecuniam ma-
 iorem dedit. concedo, forſitan aliquiſ aliquando eiꝰ-
 modi quippiam fecerit. cum uero fidem, ac religionem

tuam

tuam alteri addictā pecunia accepta habueris, post eandem aduersarijs tradideris maiore pecunia: utrūque falses? & trades, cui uoles? & ei, quem fefelleris, ne pecuniā quidem reddes? quem mihi tu Bulbum? quem Stalenum? quod unquam huiusmodi monstrum, aut prodigium audiuius, aut uidimus, qui cum reo transigat, post cū accusatore decidat; honestos homines, qui causam norint, ableget, consilioq; dimittat, ipse solus reum absolutum, à quo pecuniam acceperit, condēnet, pecuniamq; non reddat? hūc hominem iudicū numero habebimus? hic alterā decuriā senatoriam iudex obtinebit? hic de capite libero iudicabit? huic iudicialis tabella cōmittetur? quam iste nō modo cera, uerum etiam sanguine, si uisum erit, notabit. quid enim horum se negat fecisse? illud uidelicet unum, quod necesse est, pecuniā accepisse. quid nī iste neget? at eques R. qui Sopatrum defendit, qui omnibus eius consilijs, rebusq; interfuit, Q. Minutius iuratus dicit pecuniam datam, iuratus dicit Timarchidem dixisse, maiorem ab accusatoribus pecuniam dari. dicent hoc Siculi omnes, dicent omnes Halicienses, dicet etiam pratextatus Sopatri filius: qui ab isto homine crudelissimo, patre innocentissimo, pecuniaq; patria priuatus est. uerū si de pecunia testibus planum facere non possem, illud negare posses, aut nunc negabis, te consilio tuo dimisso, uiris primarijs, qui in consilio C. Sacerdotis fuerant, tibiq; esse solebant, remotis, de re iudicata iudicasse? teq; eum, quem C. Sacerdos adhibito consilio, causa cognita absoluisset, eundem remoto consilio, causa incognita condemnasse? cum hac cōfessus eris, quæ in foro palā Syracusis, in ore, atq; oculis prouinciæ gesta sunt: negato sanè, si uoles, pe-

Cic. Orat.

R

cuniã accepisse: reperiēs, credo, aliquem, qui, cum hæc, quæ palàm gesta sunt, uideat, quærat quid tu occulte egeris, aut qui dubitet, utrum malit meis testibus, an tuis defensoribus credere. dixi iam antea, me non omnia istius, quæ in hoc genere essent, enumeraturum, sed electurum ea, quæ maxime excellerent. accipite nũc aliud eius facinus nobile, & multis locis sæpe cõmemoratum, & eiusmodi, ut in uno omnia maleficia inesse uideãtur: attendite. n. diligenter: inuenietis id facinus natum à cupiditate, autum per stupram, crudelitate perfectum, atque conclusum. Sthenius est, is qui nobis assidet, Thermitanus, antea multis propter summam uirtutem, summamq; nobilitatem, nunc propter summam calamitatem, atque istius insignem iniuriam omnibus notus. huius hospitio Verres cum esset usus, & cum apud eum nõ modo Thermis sæpenumero fuisset, sed etiã habitasset: domo eius omnia abstulit, quæ paulo magis animum cuiuspiã, aut oculos posset comouere: etenim Sthenius ab adolescẽtia paulo studiosius hæc cõparabat, suppellectilem ex ære elegantiorẽ & Deliacã, & Corinthiã, tabulas pictas, etiã argenti bene facti, prout Thermitani hominis facultates ferebant, satis. quæ, cum esset in Asia adolescẽs, studiose, ut dixi, cõparabat, non tam suæ delectationis causa, quàm ad inuitationes aduentusq; nostrorum hominum, suorum amicorum, atque hospitũ. quæ posteaquã iste omnia abstulit, alia rogando, alia poscendo, alia sumendo, ferebat Sthenius ut poterat, tangebatur tamen animi dolore necessario, quòd domũ eius exornatã, atque instructam ferè iam iste reddiderat nudam, atque inanẽ: ueruntamen dolorẽ suum nemini impartiebat: Prætoris iniurias tacite, hospiti-

eis placide ferendas arbitrabatur . interea cupiditate iste illa sua nota, atq; apud omnes peruulgata, cū signa quædam pulcherrima, atq; antiquissima Thermis in publico posita uidisset, adamanit : à Sthenio petere cœpit, ut ad ea tollenda operam suam profiteretur , seq; adiuuaret . Sthenius uero non solum negauit , sed etiam ostendit id fieri nullo modo posse, ut signa antiquissima, monimenta P. Africani, ex oppido Thermitanorum incolumi illa ciuitate, imperioq; populi R. tollerentur . etenim, ut simul P. Africani quoque humanitatem cognoscatis, oppidū Himeram Carthaginenses quondam ceperant, quod fuerat in primis Siciliae clarum & ornatum . Scipio, qui hoc dignum populo R. arbitraretur , bello confecto socios sua per nostrā uictoriam recuperare ; Siculis omnibus, Carthagine capta , quæ potuit, restituenda curauit . Himera deleta , quos ciues belli calamitas reliquos fecerat , ij sese Thermis collocarant in eiusdem agri finibus, neque longe ab oppido antiquo . hi se patrum fortunā ac dignitatem recuperare arbitrabantur, cum illa maiorum ornamenta in eorum oppido collocabantur . erant signa ex ære complura , in his mira pulchritudine ipsa Himera in muliebrem figuram, habitumq; formata, ex oppidi nomine, & fluminis . erat etiam Stesichori poetæ statua, senilis, incurua, cum libro, summo , ut putant, artificio facta ab eo, qui fuit Himerae, sed est, & fuit tota in Græcia summo propter ingenium honore & nomine . hæc iste ad insaniam cōcupierat . etiā, quod penè præterij, capella quadā, ea quidē mire, ut etiā nos, qui rudes harū rerū sumus, intelligere possumus , scite facta, & uenuste . hæc & alia Scipio . non negligenter abiecerat , ut homo intelligens

Verres auferre posset: sed Thermitanis restituerat: non quo ipse hortos, aut suburbanum, aut locum omnino, ubi ea poneret, nullum haberet: sed si domum abstulisset, nō diu Scipionis appellarentur, sed eorum, ad quoscūque ipsius morte uenissent: nūc ipsi locis posita sunt, ut mihi semper Scipionis fore uideantur, itaq; dicātur. hæc cum iste posceret, agereturq; ea res in senatu, Sthenius uehementissime restitit, multaq; , ut in primis Siculorum in dicendo copiosus est, cōmemorauit: urbem relinquere Thermitanos esse honestius, q̄ pati tolli ex urbe monimenta maiorum, spolia hostium, beneficia clarissimi uiri, indicia societatis populi R. atque amicitiae. cōmoti animi sunt omniū. repertus est nemo, quin mori diceret satius esse. itaque hoc adhuc oppidum Verres inuenit propè solum in orbe terrarum, unde nihil eiusmodi rerum de publico per uim, nihil occulte, nihil imperio, nihil gratia, nihil pretio posset auferre. ueruntamen hæc eius cupiditates exponam alio loco: nunc ad Stheniū reuertar. itaque iste uehementer Sthenio infensus, hospitium ei renunciat, domo eius emigrat, atq; adeo exit: nam iam ante migrarat. eū autem inimicissimi Sthenij domū suam statim inuitant, ut animum eius in Sthenium inflammarent, ementiēdo aliquid, & criminando. hi autem erant inimici, Agathinus homo nobilis, & Dorotheus, qui habebat in matrimonio Callidamam Agathini eius filiam, de qua iste audierat: itaque ad generū Agathini migrare maluit. una nox intercesserat, cū iste Dorotheū sic diligebat, ut diceret omnia inter eos esse communia: Agathinum ita obseruabat, ut aliquem affinem ac propinquum. contemnere etiam signum illud Himeræ iam uidebatur, quodd cum

multo magis figura & liniamenta hospite delectabant. itaque hortari homines coepit, ut aliquid Sthenio periculi crearent, criminisq; cōfingent. dicebāt se illi nihil habere, quod dicerent. tum iste his aperte ostendit, & confirmauit, eos, in Sthenium quidquid uellent dicerent, simul atque ad se detulissent, probaturos, ita illi non procrastināt: Sthenium statim educūt: aiunt ab eo literas publicas esse corruptas. Sthenius postulat, ut secum sui ciues agāt de literis publicis corruptis, eiusq; rei/legibus Thermanitorū actio sit; cū senatus populusq; R. Thermanis, quod semper in amicitia, fideq; mansissent, urbes, agros, legesq; suas reddidisset; Publiusq; Rupilius postea leges ita Siculis ex S. C. de decem Legatorū sententia dedisset, ut ciues inter se legibus suis agerent, idemq; hoc habuerit Verres ipse in edicto, ut de his omnibus causis se ad leges reuiceret. iste, homo omnium æquissimus, atque a cupiditate omnium remotissimus, se cogniturū esse cōfirmat: paratū ad causam dicendā uenire hora oclaua iubet. nō erat obscurū, quid homo improbus, ac nefarius cogitaret: neque. n. ipse satis occultarat, nec mulier tacere poterat. intellectum est id ipsum agere, ut, cū Sthenium sine ullo argumento, ac sine teste damnasset, tū homo nefarius de homine nobili, atque id ætatis, suoq; hospite uirgis supplicium crudelissime sumeret. quod cum esset perspicuum: de amicorū hospitumq; suorū sententia Thermanis Sthenius Romā profugit: hiemi fluitibusq; sese cōmittere maluit, quā non istam cōmunem Siculorum tempestatem, calamitatemq; uitare. iste, homo certus, & diligens, ad horam oclauam præsto est: Sthenium citari iubet: quē posteaquā uidet nō adesse, dolore ardere, atque

iracundia furere coepit, Venerios in domū Sthenij mitte
 re, equites circū agros eius, uillasq; dimittere. itaque cū ex
 pectat quidnā sibi certi afferatur, ante horā tertiam no-
 ctis de foro non discessit. postridie mane descendit: Aga-
 thinū ad sese uocat: iubet eū de literis publicis in absen-
 tē Stheniū dicere. erat eiusmodi causa, ut ille ne sine ad-
 uersario quidē apud inimicū iudicē reperire posset, quid
 diceret: itaque tantū uerbo posuit, Sacerdote Pratore Sthe-
 nium literas publicas corrupisse. uix ille hoc dixerat, cū
 iste pronūciat, Sthenium literas publicas corrupisse uide-
 ri: & hæc præterea addidit homo Venerius nouo modo,
 nullo exēplo, ob eā rem HS quingenties Veneri Erycinæ
 de Sthenij bonis exacturū: bonāq; eius statim coepit uen-
 dere: et uendidisset, si tantulū morā fuisset, quo minus ei
 pecunia illa numeraretur. ea posteaquā numerata est,
 cōtentus hac iniquitate nō fuit: palām de sella, ac tribu-
 nali pronūciat; si quis absentem Stheniū rei capitalis reū
 facere uellet, sese eius nomen recepturū: & simul, ut ad
 causam accederet, nomenq; deferret, Agathinum nouum
 affinē, atque hospitē coepit hortari. tū ille clare, omnibus
 audientibus, sese id nō esse facturū, neq; se usque eō Sthe-
 nio esse inimicū, ut eum rei capitalis affinem esse diceret.
 hic tū repente Pacilius quidā, homo egens, & leuis, acce-
 dit: ait, si liceret, nomē absentis deferre se uelle. iste uero,
 & licere, & fieri solere, et se recepturū. itaque defertur.
 edicit statim, ut Cal. Dec. adsit Sthenius Syracusis. hic,
 qui Romā uenisset, satisq; feliciter anni iā aduerso tēpore
 nauigasset, omniaq; habuisset equiora, & placabiliora,
 quā animū Prætoris, atque hospitis; rem ad amicos
 suos detulit. quæ ut erant acerba, atque indigna, sic uia

debantur omnibus. itaque in senatu continuo Cn. Lentulus, & L. Gellius Coss. faciunt mentionem, placere statui, si patribus conscriptis uideretur, ne absentes homines in prouincijs rei fierent rerum capitalium: causam Sthenij totam, & istius crudelitatem, & iniquitatem senatum docent. aderat in senatu Verres pater istius, et flens unusquenque senatorem rogabat, ut filio suo parceret: neque tamen multū proficiebat: erat enim summa uoluntas senatus: itaque sententiæ dicebātur: cū Sthenius absens reus factus esset, de absente iudicium nullum fieri placere; & si quod esset factum, id ratum esse nō placere. eo die trāsigni nihil potuit, quod & id temporis erat, & ille pater istius inuenerat homines, qui dicēdo tempus cōsumerent. postea senex Verres defensores, atq; hospites omnes Sthenij conuenit: rogat eos, atque orat, ne oppugnent filium suum, de Sthenio ne laborent: confirmat his, curaturum se esse, ne quid ei per filium suum noceretur, se homines certos eius rei causa in Siciliam & terra, & mari missurum. & erat spatium dierum ferē trīginta ante Cal. Dec. quo iste, ut Syracusis Sthenius adesset, edixerat. commouentur amici Sthenij: sperāt fore, ut patris literis, nuncijsq; filius ab incæpto furore reuocetur. in senatu postea causa nō agitur. ueniunt ad istum domestici nuncij, literasq; à patre afferunt ante Cal. Dec. cum isti etiam tum de Sthenio integra tota res esset: eodemq; ei tempore de eadem re literæ complures à multis eius amicis, ac necessarijs afferuntur. hic iste, qui præ cupiditate neque officij sui, neque periculi, neque pietatis, neque humanitatis rationem habuisset unquam, neque in eo, quod monebatur,

auctoritatem patris, nec in eo, quod rogabatur, uolun-
 tatem anteponendam putauit libidini suæ. mane Cal.
 Dec. ut edixerat, Sthenium citari iubet. si abs te istam
 rem parens tuus alicuius amici rogatu, benignitate, aut
 ambitione inductus petisset, grauissima tamen apud te
 uoluntas patris esse debuisset. cum uero abs te tui capi-
 tis causa peteret, hominesq; certos domo misisset, hiq; eo
 tempore ad te uenissent, cum tibi in integro tota res es-
 set: ne tū quidem te potuit si non pietatis, at salutis tuæ
 ratio ad officium, sanitatemq; reducere? citat reū: non
 respōdet. citat accusatorem (attendite quæso: uidete, quā-
 topere istius amentiae fortuna ipsa aduersata sit: et simul
 uidete, quis Sthenij causam casus adiuuerit) citatus accu-
 sator M. Pacilius nescio quo casu non respondit, non af-
 fuit. si præsens Sthenius reus esset factus, si manifesto in
 maleficio teneretur: tamen, cum accusator non adesset,
 Sthenium cōdemnari nō oporteret: etenim, si posset reus
 absente accusatore damnari, non ego à Vibone Veliam
 paruulo nauigio inter fugitiuorum, ac prædonū, ac tua
 tela uenissem: quo tēpore omnis illa mea festinatio fuit,
 cum periculo capitis, ob eā causam, ne tu ex reis exime-
 rere, si ego non affuissem ad diem. quod igitur erat in
 tuo iudicio optatissimum, me, cum citatus essem, non ad-
 esse: cur Sthenio non putasti prodesse oportere, cum eius
 accusator nō affuisset? itaque fecit ut exitus principio si
 millimus reperiretur. quem absentem reum fecerat, eum
 absente accusatore cōdemnat. nūciabatur illi primis illis
 tēporibus id, quod pater quoq; ad eū pluribus uerbis scri-
 pserat, agitatā rē esse in senatu, etiā in cōcione Tribunū
 pl. de causa Sthenij M. Palicanū esse questū, postremo me

ipsum apud collegium hoc Tribunorum pl. cum eorum omnium edicto non liceret quenquam Romæ esse, qui rei capitalis cōdemnatus esset, egisse causam Sthenij, cū rem ita exposuissem, quemadmodum nunc apud uos, docuissē semq; hāc damnationem duci nō oportere; Tribunos pl. hoc statuisse, idq; omnium sententia pronūciatū esse, non uideri Sthenium impediri edicto, quo minus ei liceret Romæ esse. cum hæc ad istum afferrentur, timuit aliquando, & cōmōtus est: uertit stilum in tabulis suis: quo facto causam omnem euertit suam: nihil enim sibi reliqui fecit, quod defendi aliqua ratione posset. nam si ita defenderet, recipi nomen absentis licet, hoc fieri in prouincia nulla lex uetat: mala, & improba defensione, uerū aliqua tamen uti uideretur. postremo illo desperatissimo perfugio uti posset, se imprudentem fecisse, existimasse id licere. quāquam hæc perditissima defensio est, tamen aliquid dici uideretur. tollit ex tabulis id quod erat, & facit corā delatū esse. hic uidete, in quot laqueos se induerit, quorū ex nullo se unquā expediret. primū ipse in Sicilia sæpe, & palām de loco superiore dixerat, & in sermone multis demonstrarat, licere nomen recipere absentis, se exemplo fecisse id, quod fecisset. hæc eum dictitasse priore aēlione, & Sex. Pompeius Chlorus dixit, de cuius uirtute antea cōmemorauī; & Cn. Pōpeius Theodorus, homo Cn. Pompeij clarissimi uiri iudicio plurimis maximisq; in rebus probatissimus, & omniū existimatione ornatus; & Posides Matro Solentinus, homo summa nobilitate, existimatione, uirtute; & hac aēlione q̄ uoletis multi dicent; et qui ex isto ipso audierint, uiri primarij nostri ordinis; & alij, qui interfuerint, cum absentis

nomen reciperetur . deinde Romæ cum res esset acta in senatu, omnes istius amici, in his etiam pater eius, hoc defendebat licere fieri : sæpe esse factum : istum , quod fecisset, aliorum exemplo, institutoq; fecisse . dicit præterea testimonium tota Sicilia : quæ in communibus postulatis civitatū omnium Cōsulibus edidit, rogare, atque orare patres conscriptos, ut statuerent, ne absentium nomina reciperentur. quæ de re Cn. Lentulum patronum Siciliae, clarissimum adolescentem , dicere audistis : Siculos, cum se causam, quæ pro his sibi in senatu agenda esset, docerent, de Sthenij calamitate quæstos esse, propterq; hæc iniuriã, quæ Sthenio facta esset, eos statuisset, ut, quod dico, postularetur. quæ cum ita essent; tanta ne amentia præditus, atque audacia fuisti, ut in re tam clara, tam testata, tam abs te ipso peruulgata tabulas publicas corrumpere auderes ? at quemadmodū corrupisti ? non ne ita, ut omnibus nobis tacentibus ipsæ te tuæ tabulæ condemnare possent ? quæso, codicem circumfer, ostende. uidetis ne totum hoc nomen, coram ubi facit delatum, esse in litura ? quid fuit istic antea scriptū ? quod mendum ista litura correxit ? quid à nobis iudices expectatis argumenta huius criminis ? nihil dicimus: tabulæ sunt in medio: quæ se corruptas, atque interlitas esse clamāt . ex istis etiã tu rebus effugere te posse cōfidis ? cum te nos nō opinione dubia , sed tuis uestigijs persequamur , quæ tu in tabulis publicis expressa, ac recentia reliquisti. is mihi etiã Sthenium literas publicas corrupisse causa incognita iudicavit, qui defendere nō potuerit se non ex ipsius Sthenij nomine literas publicas corrupisse. uidete porro aliã dementiã: uide te, ut, dum expedire sese uult, induat. cognitorem ascribit

Sthenio : quem ? cognatum aliquem, aut propinquum ?
 nō : Thermitanū aliquem honestū hominē, ac nobilem ?
 ne id quidem : at Siculum, in quo aliquis splendor digni-
 tasq; esset ? minime : quid igitur ? ciuem Romanū. cui
 hoc probari potest ? cum esset Sthenius ciuitatis suae no-
 bilissimus, amplissima cognatione, plurimis amicitijs, cum
 praeterea tota Sicilia multum auctoritate, & gratia pos-
 set ; inuenire neminem Siculū potuit, qui pro se cognitor
 fieret ? hoc probabis ? an ipse ciuem Romanū maluit ?
 cedo, cui Siculo, cū is reus fieret, ciuis Romanus cognitor
 factus unquā sit. omnium Praetorū literas, qui ante fue-
 runt, profer, explica : si unū inueneris, ego hoc tibi, quem
 admodum in tabulis scriptū habes, ita gestum esse conce-
 dam. at credo Sthenius hoc sibi amplum esse putauit, eli-
 gere ē ciuū R. numero, ex amicorū, atque hospitū suo-
 rum copia, quem cognitorem daret. quē delegit ? quis in
 tabulis scriptus est ? C. Claudius C. filius Palatina. non
 quero, quis hic sit Claudius, quā splēdidus, quā hone-
 stus, quā idoneus, propter cuius auctoritatē & dignitatē
 Sthenius ab omniū Siculorū cōsuetudine discederet, et ci-
 uem Romanū cognitorem daret : nihil horū quero : for-
 tasse. n. Sthenius nō splēdorem hominis, sed familiarita-
 tē secutus est. quid, si omniū mortaliū Sthenio nemo ini-
 micior, quā hic C. Claudius tum semper, tum in his ip-
 sis rebus, & temporibus fuit ? si de literis corruptis con-
 trauenit ? si contra omni ratione pugnauit ? utrū potius,
 pro Sthenio inimicū cognitorem esse factū, an te in Sthe-
 nij periculū inimici eius nomine abusum esse credemus ?
 ac ne quis forte dubitet, cuiusmodi totū sit negotium : tūc
 etsi iā dudum omnibus istius improbitatem perspicuā esse

confido, tamen paululum etiam attendite. uidetis illum
 subcripto capillo, nigrum? qui eo uultu nos intuetur, ut
 sibi ipse peracutus esse uideatur? qui tabulas tenet? qui
 scribit? qui monet? qui proximus est? is est C. Clodius,
 qui in Sicilia sequester istius, interpretes, confector nego-
 tiorum, prope collega Timarchidi numerabatur, nunc
 obtinebet eum locum, ut uix Apronio illi de familiaritate
 concedere uideatur; & qui se non Timarchidis, sed ipsius
 Verris collegam, & socium esse dicebat. dubitare etiam
 potestis, quin eum iste potissimum ex omni numero dele-
 gerit, cui improbam personam imposeret, quem et huic ini-
 micissimum, & sibi amicum esse arbitraretur? hic uos du-
 bitatis iudices tantam istius audaciam, tantam crudelita-
 tem, tantam iniuriam uindicare? dubitatis exemplum iu-
 dicum illorum sequi, qui damnato Cn. Dolabella damnatio-
 nem Philodami Opuntij resciderunt, quod is non absens reus
 factus esset, quae res iniquissima & acerbissima est, sed
 cum ei legatio Romae a suis ciuibus esset data? quod illi
 iudices multo in leuiore causa statuerunt, aequitatem secu-
 ti; uos id statuere in grauissima causa, praesertim alio-
 rum auctoritate iam confirmatum, dubitabitis? at quem
 hominem C. Verres tanta, tam insigni iniuria affecisti?
 cuius absentis nomen recepisti? quem absentem non mo-
 do sine crimine, & sine teste, uerum etiam sine accusato-
 re damnasti? quem hominem dii immortales: non dicam
 amicum tuum, quod apud homines charissimum est: non
 hospitem, quod sanctissimum est: nihil enim minus liben-
 ter de Sthenio comemoro: nihil aliud in eo, quod repre-
 hendi possit, inuenio, nisi quod homo frugalissimus, atque
 integerrimus te hominem plenum stupri, flagitij, scele-

ris domum suam inuitauit ; nisi quodd quī C. Marij, & Cn. Pōpeiū, C. Marcelli, L. Sifennæ, tui defensoris, ceterorumq; fortissimorum hospes fuisset, atque esset, ad eum numerum clarissimorum hominum tuum quoque nomen ascripserit: quare de hospitio uiolato, & de isto tuo nefario scelere nihil queror: hoc dico, non ijs, qui Sthenium norunt, hoc est nemini eorum, qui in Sicilia fuerunt: nemo enim ignorat, quo hic in ciuitate sua splendore, qua apud omnes Siculos dignitate, atque existimatione sit: sed ut illi quoque, qui in ea prouincia nō fuerūt, intelligere possint, in quo homine tu statueris exemplum eiusmodi, quod tum propter iniquitatem rei, tum etiam propter hominis dignitatem acerbum omnibus, atque intolerādum uideretur: est ne Sthenius is, qui omnes honores domi suæ facillime cum adeptus esset, amplissime ac magnificentissime gessit? qui oppidum non maximum maximis ex pecunia sua locis comunibus, monumentisq; decorauit? cuius de meritis in Remp. Thermitanorum, Siculosq; uniuersos fuit aenea tabula fixa Thermis in curia? in qua publice erat de huius beneficijs scriptum, & incisum: (quæ tabula tū imperio tuo reuulsa, nūc à me tamen reportata est) ut omnes huius honores inter suos, & amplitudinē possent cognoscere. est ne hic, qui, apud Cn. Pompeiū clarissimū uirum cum accusatus esset, quodd propter C. Marij familiaritatem, & hospitium contra Remp. sensisse eum inimici & accusatores eius dicerent, cum magis inuidioso crimine, quā uero accerseretur; ita à Cn. Pompeio absolutus est, ut in eo ipso iudicio Pōpeius hūc hospitio suo dignissimū statuerit? ita porrò laudatus defensusq; ab omnibus Siculis, ut idem Pompeius

non ab homine solum, sed etiam à provincia tota se huius absolutione inire gratiam arbitraretur? postremo est ne hic, qui & animū in Remp. habuit eiusmodi, & tantum auctoritate apud suos ciues potuit, ut perficeret in Sicilia solus te Prætor, quod nō modo Siculus nemo, sed ne Sicilia quidē tota potuisset, ut ex oppido Thermis nullum signū, nullum ornamentū, nihil ex sacro, nihil de publico attingeres? cū præsertim essent multa præclara, & tu omnia cōcupisses. denique nūc uide, quid inter te, cuius nomine apud Siculos dies festi agitur, & præclara illa Verrea celebratur, cui statua Romæ stant inaurata, & cōmunī Sicilia, quemadmodum inscriptū uidemus, data; uide inquam, quid inter te, & hunc Siculum, qui abs te est patrono Sicilia cōdemnatus, intersit. hunc ciuitates ex Sicilia permultæ testimonio suo, legationibusq; ad eam rem missis publice laudant: te omnium Siculorum patronum una Mamertina ciuitas socia furtorum, ac flagitiorum tuorum publice laudat, ita tamen nouo more, ut Legati laudent, Legatio laudet: cæteræ quidem ciuitates publice literis, legationibus, testimonijs accusant, queruntur, arguunt: si tu absolutus sis, funditus euersas se esse arbitrantur. hoc de homine, ac de huius bonis etiam in Eryce monte monimentum tuorum flagitiorum, crudelitatisq; posuisti: in quo Sehenij Thermitani nomen ascriptum est. uidi argenteum Cupidinē cum lāpade. quid eādem habuit argumenti, aut rationis res, quamobrem in eo potissimum Sehenianū præmiū poneretur? utrum hoc signū cupiditatis tuæ, an tropheum necessitudinis, atque hospitij, an amoris indicium esse uoluisti? faciunt hoc homines, quos in summa nequitia nō solum libido, & uoluptas, uerum etiam ipsius ne-

quitiæ fama delectat, ut multis in locis notas, ac uestigia
scelerum suorum relinquî uelint. ardebat amore illius ho-
spitæ, propter quâ hospitij iura uiolarat. hoc nō solū sciri-
tum, uerū etiam cōmemorari semper uolebat. itaque ex
illa ipsa re, quâ accusante Agathino gesserat, Veneri po-
tissimum deberi præmiū statuit, quæ illam totam accusa-
tionem, iudiciūq; conflat. putarem te gratū in deos,
si hoc donum Veneri nō de Sthenij bonis dedisses, sed de
tuis: quod facere debuisti, præsertim cum tibi illo ipso
anno à Chelidone uenisset hæreditas. hic ego si hanc cau-
sam nō omnium Siculorū rogatu recepissem, si hoc à me
muneris nō uniuersa prouincia poposcisset, si me animus,
atque amor in Rēp. existimatioq; , offensa nostri ordinis,
ac iudiciorū nō hoc facere coegisset, atque hæc una causa
fuisset, qudd amicū, atque hospitē meū Stheniū, quē ego
in Quæstura mea singulariter dilexissem, de quo optime
existimassem, quē in prouincia existimationis meæ studio-
sissimū, cupidissimumq; cognossem, tam crudeliter, scele-
rate, nefarieq; tractasses: tamē digna causa esset, cur ini-
micitias hominis improbissimi susceperem, ut hospitis salu-
tem, fortunasq; defenderem. fecerūt hoc multi apud ma-
iores nostros, fecit etiā nuper homo clarissimus Cn. Do-
mitius, qui M. Silanū consularem uirum accusauit pro-
pter Egritomari transalpini hospitis iniurias. putarē me
idoneū, qui exemplū sequerer humanitatis, atque officij,
proponeremq; spem meis hospitibus, ac necessarijs, quo-
tutorem uitam sese meo præsidio uicturos esse arbitra-
rentur. cum uero in cōmunibus iniurijs totius prouinciæ
Sthenij quoque causa cōtineatur, multiq; uno tempore à
me hospites, atque amici publice, priuatimq; defendantur:

profecto uereri non debeo, ne quis hoc, quod facio, non
 existimet summi officij ratione impulsus, coactusq; sus-
 cepisse. Atque ut aliquādo de rebus ab isto cognitis, iu-
 dicatisq;, & de iudicijs datis dicere desistamus, & quo-
 niam facta istius in his generibus infinita sunt, nos mo-
 dum aliquem, et finē orationi nostrae, criminibusq; facia-
 mus: pauca ex alijs generibus sumemus. Audistis, ob
 ius dicendū, Q. Variū dicere, procuratores suos isti cen-
 tum & triginta millia nummū dedisse: meministis, Q.
 Varij testimoniū, remq; hāc totam C. Sacerdotis hominis
 ornatissimi testimonio cōprobari: scitis, Cn. Sertiū, M. Mo-
 dium equites R. sexcētos praterea ciues R. multosq; Sicu-
 los dixisse, isti pecuniā ob ius dicendū dedisse. de quo cri-
 mine quid ego disputem, cum totū positū sit in testibus?
 quid porro argumēter, quā de re dubitare nemo possit?
 an hoc dubitabit quisquā omniū, quin is uenalem in Sici-
 lia iurisdictionem habuerit, qui Romae totum edictum,
 atque omnia decreta uendiderit? et quin ab Siculis ob de-
 creta interponenda pecuniā acceperit, qui M. Octauium
 Ligurem ob ius dicendum poposcerit? quod enim est prae-
 terea genus pecuniae cogendae, quod praterijt? quod non,
 ab omnibus alijs prateritū, excogitauit? ecquae res apud
 ciuitates Siculas expetitur, in qua aut honos aliquis sit,
 aut potestas, aut procuratio, quin eam rē tu ad tuū qua-
 stum, nūdinationemq; hominum traduxeris? dicta sunt
 priore actione & priuatim, & publice testimonia: Lega-
 ti Centuripini, Halesini, Catinenses, Panormitaniq; dixe-
 runt, multarū praterea ciuitatū, iam uero priuatim plu-
 rimi: quorū ex testimonijs cognoscere potuistis, tota Sici-
 lia per triennium neminem ulla in ciuitate senatorem
 factum

factum esse gratis; neminem, ut leges eorū sunt, suffragiis; neminem nisi istius imperio, aut liceris: atque in his omnibus senatoribus cooptandis nō modo suffragia nulla fuisse, sed ne genera quidē spectata esse, ex quibus in eū ordinē cooptari liceret; neque cēsus, neque aetatis, neque cetera Siculoꝝ iura ualuisse: quicūque senator uoluerit fieri, quāuis puer, quāuis indignus, quāuis ex eo loco, ex quo nō liceret; si is pretio apud istum fieret idoneus ut uinceret, factum esse semper: non modo Siculorum nihil in hac re ualuisse leges, sed ne ab senatu quidē populoq; R. datas: quas. n. leges socijs amicisq; dat is, qui habet imperium à populo R. auctoritatem legum dandarum à senatu, hæ debent & populi R. et senatus existimari. Halesini pro multis et magnis suis maiorūq; suorū in Remp. nostram meritis, atque beneficijs suo iure nuper L. Licinio Q. Mutio Coss. cum haberent inter se cōtrouersias de senatu cooptando, leges ab senatu nostro petiuerūt. decreuit senatus honorifico S. C. ut his C. Claudius Appij filius Pulcher Prætor de senatu cooptando leges cōscriberet C. Claudius adhibitis omnibus Marcellis, qui tunc erant, de eorum sententia leges Halesinis dedit: in quibus multa sanxit; de ætate hominū, ne quis minor triginta annis natus; de quæstu, quem qui fecisset, ne legeretur; de censu, de ceteris rebus. quæ omnia ante istum Prætorem & nostrorum magistratuum auctoritate, & Halesinorum summa uoluntate ualuerunt. ab isto et præco, qui uoluit, istum ordinem pretio mercatus est: et pueri annorū senum, septenumq; denū senatoriū nomen nundinati sunt: et quod Halesini, antiquissimi, et fidelissimi socij, atque amici, Romæ impetrarūt, ut apud

se ne suffragiis quidem fieri liceret, id pretio ut fieri posset, effecit. Agrigentini de senatu cooptando Scipionis leges antiquas habent: in quibus et eadem illa sancta sunt, et hoc amplius. cum Agrigentinorum duo genera sint, unum ueterum, alterum colonorum, quos T. Manlius Praetor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quam ex uetere Agrigentinorum. iste, qui omnia iura pretio exaquaasset, omniumque rerum delectum, atque discrimen pecunia sustulisset, non modo illa, quae erant aetatis, ordinis, quaestusque, permiscuit, sed etiam in his duobus generibus, ciuium nouorum, ueterumque delectum, ordinemque turbauit. nam cum esset ex ueterum numero quidam senator demortuus, et cum ex utroque genere par numerus reliquus esset: ueterem cooptari necesse erat legibus, ut his amplius numerus esset. quae cum ita se res haberet, tamen ad istum uenerunt emptum locum illum senatorium non solum ueteres, sed etiam noui. fit, ut pretio nouus uincat, literasque a Praetore auferat. Agrigentini ad istum Legatos mittunt, qui cum leges doceant, consuetudinemque omnium annorum demonstrent, ut iste intelligeret, ei se illum locum uendidisse, cui ne commercium quidem esse oporteret. quorum oratione iste, cum pretium iam accepisset, ne tantulum quidem commotus est. idem fecit Heraclea: nam ed quoque colonos P. Rupilius deduxit, legesque similes de cooptando senatu, ac de numero ueterum, ac nouorum dedit. ibi non solum iste, ut apud ceteros, pecuniam accepit, sed etiam genera ueterum, ac nouorum, numerumque permiscuit. nolite expectare, dum omnes obtemperant oratione mea ciuitas

tes: hoc uno cōplector crimine omnia, neminē isto Præ-
tore senatorem fieri potuisse, nisi qui isti pecuniā dedis-
set. hoc idem transfero in magistratus, curationes, sacer-
dotia: quibus in rebus nō solum hominū iura, sed etiam
deorum religiones immortalium omnes repudiavit.
Syracusis lex est de religione, quæ in annos singulos Iou-
is sacerdotē sortito capi iubeat: quod apud illos amplis-
simum sacerdotium putatur. cum suffragiis tres ex tri-
bus generibus creati sunt, res reuocatur ad sortem. per-
fecerat iste imperio, ut pro suffragio Theomnastus fami-
liaris suus in tribus illis renunciaretur. in sorte, cui impe-
rare nō poterat, expectabāt homines, quidnam ælurus
esset. homo, id quod erat facillimum, primo uetat sortiri:
iubet extra sortem Theomnastum renunciari. negant id
Syracusani per religionē sacrorū ullo modo fieri posse,
fas denique negāt esse. iubet ille sibi legē legi. recitatur:
in qua scriptum erat, ut, quot essent renūciati, tot in hy-
driam sortes cōiicerentur; cuius nomen exisset, ut is ha-
beret sacerdotium. homo ingeniosus, et peracutus, opti-
me, inquit. nempe scriptum ita est, quot renūciati erūt:
quot ergo sunt renūciati? responsum, tres. nunquid igitur
oportet nisi tres sortes cōijci, unā educi? nihil. cōij-
ci iubet tres, in quibus omnibus scriptum esset nomen
Theomnasti. fit clamor maximus, cum id uniuersis in-
dignum, atque nefarium uideretur. ita Iouis illud sacer-
dotiū amplissimum per hanc rationem Theomnasto da-
tur. Cephæledi mensis est certus, quo mense sacerdotē
maximum creari oporteat. erat eius honoris cupidus
Athenio quidam, Climachias cognomine; homo sanē
locuples, et domi nobilis; sed is fieri nullo modo poterat,

si Herodotus quidam adesset. ei locus ille, atque honos in
 illum annū ita deberi putabatur, ut ne Climachias qui
 dem contradiceret. res ad istum deferretur, & istius mo-
 re deciditur. toreumata sanè nota ac pretiosa auferun-
 tur. Herodotus Romæ erat: satis putabat se ad comitia
 tēpore uenturū, si pridie uenisset. iste, ne aut alio mense,
 ac fas erat, comitia haberentur, aut Herodoto præsentī
 honos adimeretur, id quod iste nō laborabat, Climachias
 minime uolebat, excogitat (dixi iā dudum: non est homo
 acutior quisquam, nec fuit) excogitat inquam, quemad-
 modum mense illo legitimo comitia haberentur, nec ta-
 men Herodotus adesse posset. est consuetudo Siculorum,
 ceterorumq; Græcorū, quod suos dies mensesq; congrue-
 re uolunt cum solis lunæq; ratione, ut nonnunquam, si
 quid discrepet, eximāt unū aliquem diem, aut, summū,
 biduum ex mense: quos illi ἐξαγορεύουσι dies nominant.
 item nonnunquam uno die longiorem mensem faciunt,
 aut biduo. quæ iste cum cognouisset, nouus astrologus,
 qui non tam cœli rationem, quàm cœlati argenti duce-
 ret, eximi iubet non diem ex mense, sed ex anno unū di-
 midiatumq; mensem, hoc modo, ut, quo die, uerbi causa,
 esse oporteret Idus Ianuarias, eo die Calendas Martias
 proscriberet: itaq; fit omnibus recusantibus, et imploran-
 tibus. dies is erat legitimus comitijs habendis. eo modo sa-
 cerdos Climachias renūciatus est. Herodotus cum Roma
 reuertitur, dies, ut ipse putabat, quindecim ante comitia,
 offendit eum mensem comitiale, comitijs iam ab hinc
 triginta diebus habitis. tunc Cephaleditani decreuerunt
 intercalarium XLV dies longum, ut reliqui menses in
 suā rationem reuenteretur. hoc si Romæ fieri posset, cere-

re aliqua ratione expugnasset iste, ut dies XLV inter binos ludos tollerentur, per quos solos iudicium fieri posset. Iam uero Censores quæadmodum in Sicilia isto Prætoris creati sunt, operæpretiū est cognoscere: ille enim est magistratus apud Siculos, qui diligentissime mandatur à populo propter hanc causam, quod omnes Siculi ex cæsu quotannis tributa conferunt, in censu habendo potestas omnis æstimationis habende, summaq; faciūda Censori permittitur. itaque eū populus, cui maximam fidem suarū rerum habeat, maxima cura deligit, & propter magnitudinem potestatis hic magistratus à populo summa ambitione contenditur. in ea re nihil obscure facere uoluit, nō in sortitione fallere, neque dies de fastis eximere: nihil sanè uafre, nec malitiose facere conatus est: sed, ut studia cupiditatesq; honorū, atq; ambitiones ex omnibus ciuitatibus tolleret, quæ res euertere Reip. causa solent esse, ostēdit sese in omnibus ciuitatibus Censores esse facturū. tanto mercatu Prætoris indicto, cōcurritur undique ad istū Syracusas: flagrabat domus tota prætoris studio hominū, & cupiditate: nec mirū, omnibus comitijs tot ciuitatū unam in domū reuocatis, tantaq; ambitione provincie totius in uno cubiculo inclusa. exquisitis palam pretijs, et licitationibus factis, describebat Censor binos in singulas ciuitates Timarchides. is suo labore, suisq; accessionibus, huius negotij, atque operis molestia consequebatur, ut ad istū sine ulla sollicitudine summa pecunia referretur. iā hic Timarchides quātā pecuniā fecerit, planè adhuc cognoscere nō potuistis: uerū tamē priore actione, quā uarie, quā improbe prædatus esset, multorū ex testimonijs cognouistis. sed, ne miremini

qua ratione hic tantum apud istum libertus potuerit :
 exponā uobis breuiter, quid hominis sit: ut & istius ne-
 quitia, qui illum secum habuerit, eo præsertim numero,
 ac loco, & calamitatem provincie cognoscatis. in mulie-
 rā corruptelis, & in omni eiusmodi luxuria, atq; nequi-
 tia mirandū in modū reperiēbā hunc Timarchidem ad
 istius flagitiosas libidines, singularemq; nequitiam natū,
 atque aptū fuisse: inuestigare, adire, appellare, corrūpe-
 re, quiduis facere in eiusmodi rebus, quāuis callide, quā-
 uis audaciter, quāuis impudenter: eundem mira quadā
 excogitare genera furadi: nā ipsum Verrem tantū sem-
 per auaritia hiantē, atq; imminenti fuisse, ingenio, et co-
 gitatione nulla, ut, quidquid sua sponte faciebat, item ut
 uos Romæ cognouistis, eripere potius, quā fallere uide-
 retur: huius uero erat ars, & malitia miranda, quod
 acutissime tota provincia, quid cuiq; esset necesse, inda-
 gare, & odorari solebat, omniū inimicos diligenter co-
 gnoscere, colloqui, attentare, ex utraque parte causas, uo-
 luntates perspicere, facultates, et copias; quibus opus esset,
 metū afferre; quibus expediret, spē ostendere: accusato-
 rum; & quadruplatorum quidquid erat, habebat in po-
 testate: quod cuique negotij cōflari uolebat, nullo labore
 faciebat: istius omnia decreta, imperia, literas peritissime
 & callidissime uenditabat: ac non solū erat administer
 istius cupiditatū, uerum etiam ipse sui meminerat aque:
 non solū nūmos, si qui isti exciderant, tollere solebat, ex
 quibus pecuniā maximā fecit, sed etiam uoluptatū, fla-
 gitiorūq; istius ipse reliquias colligebat: itaque in Sicilia
 nō Athenionem, qui nullum oppidum cepit, sed Timar-
 chidem fugitiuū omnibus oppidis per triennium scitote

regnasse, in Timarchidis potestate sociorū populi R. antiquissimorū, atque amicissimorum liberos, matres familias, bona, fortunāq; omnes fuisse. is igitur, ut dico, Timarchides in omnes ciuitates accepto pretio Censores dimisit. comitia isto Pratore Censorū ne simulandi quidē causa fuerunt. iam hoc impudentissime. palām (licebat enim uidelicet legibus) singulis Censoribus denarij trecenti ad statuā Pratoris imperati sunt. Cēsores CXXX facti sunt. pecuniā illam ob Censurā contra leges clam dederunt, ac denariū XXXIXM palām saluis legibus contulerunt in statuā. primū, quid tantam pecuniam? deinde, quamobrem Censores ad statuā tibi conferebant? ordo aliquis Censorū est collegiū? genus aliquod hominum? nā aut publice ciuitates istos honores habent, aut generatim homines, ut aratores, ut mercatores, ut nauicularij. Censores quidem qui magis, quā Aediles? ob beneficiū? ergo hoc fatebere, abs te hac petita: nam erepta nō audebis dicere. te eos magistratus hominibus beneficij, nō Reip. causa permisisse? hoc autem cū tute fatebere, quisquam dubitabit, quin tu istam apud populos prouinciae istius inuidiam, atque offensionem non ambitionis, neque beneficiorū collocandorum, sed pecuniae cōciliandae causa suscepisti? itaque Censores fecerūt idem, quod in nostra Rep. solent ij, qui per largitionē magistratus adepti sunt: dederunt operam, ut ita potestatem gererent, ut illam lacunam rei familiaris explerent. sic census habitus est te Pratore, ut eo censu nullius ciuitatis Resp. posset administrari: nā locupletissimi cuiusque census extenuarant, tenuissimi auxerant: itaque in tributis imperandis tantum oneris plebi imponebatur, ut, etiam

si homines tacerent, res ipsa illum censum repudiaret. id quod intelligi facillime re ipsa potest: nā L. Metellus, qui, posteaquā ego inquirēdi causa in Siciliā ueni, repēte L. C. Iulij aduentu istius nō modo amicus, uerū etiā cognatus factus est, is, quod uidebat istius censum stare nullo modo posse, eū censum obseruari iussit, qui uiro fortissimo, atq; innocētissimo Sex. Peduceo Pratore habitus esset. erant enim tū Censores legibus facti, delecti à suis ciuitatibus: quibus, si quid cōmisissent, poenae legibus erant cōstitutae. te autem Pratore qui Cēsor aut legem metuerit, qua non tenebatur, quoniā creatus lege nō erat: aut animaduersionem tuā, cum id, quod abs te emerat, uen didisset? teneat iā sanē meos testes Metellus: cogat alios laudare, sicut in multis conatus est: modo hac faciat, quae fecit: quis enim unquā tanta à quoquā cōtumelia, quis tanta ignominia affectus est? quinto quoque anno Sicilia tota cēsetur. erat cēsa Pratore Peduceo. quintus annus cū te Pratore incidisset, censa denuo est. postero anno L. Metellus mentionē tui census fieri uetat. Censores dicit de integro sibi creari placere: interea Peducea= nū cēsum obseruari iubet. hoc si tuus inimicus tibi fecisset, tamē, si animo aequo provincia tulisset, inimici iudiciū graue uideretur. fecit amicus recens, et cognatus uoluntarius: aliter enim, si provinciā retinere, si saluus ipse in provincia uellet esse, facere nō potuit. expectas etiā, quid hi iudicent? si tibi magistratū abrogasset, minore ignominia te affectisset, q̄ cū ea, quae in magistratū gessisti, sustulit, atq; irrita iussit esse. neq; in hac re sola fuit eius modi, sed, antequā ego in Siciliā ueni, in maximis rebus, ac plurimis: nā et Heraclio Syracusano tuos illos palae=

stritas bona restituere iussit, et Epicratis Bidinos, & pu-
 pillo Drepanitano A. Claudium; & nisi mature Leti-
 lius in Siciliam uenisset cum literis, minus X X X die-
 bus Metellus totam triennij Praturam rescidisset. Et
 quoniā de ea pecunia, quam tibi ad statuam Censores
 contulerunt, dixi: non mihi pratermittendum uidetur ne
 illud quidem genus pecuniae conciliatae, quā tu à ciuita-
 tibus statuarum nomine coegisti: uideo enim eius pecu-
 niae summā esse pergrādem, ad HS C X X millia. tan-
 tum conficitur ex testimonijs, ac literis ciuitatum: et iste
 hoc cōcedit, nec potest aliter dicere. quare cuiusmodi pu-
 tamus esse illa, quae negat, cū haec tā improba sunt; quae
 fatetur? quid enim uis cōstitutū? consumptā esse omnem
 istam pecuniam in statuis? fac ita esse: tamen hoc ferē-
 dum nullo modo est, tantā ab socijs pecuniam auferri,
 ut omnibus in angiportis praedonis improbissimi statu-
 ponantur, quā uix tuto transire posse uideamur. uerum
 ubi tandem, aut in quibus statuis ista tanta pecunia cō-
 sumpta est? consumetur, inquires. scilicet expectemus le-
 gitimum illud quinquennium: si hoc intervallo non con-
 sumpserit, tum denique nomen eius de repetundis pecu-
 nijs statuarum nomine deferemus. reus est maximis plu-
 rimisq; criminibus in iudicium uocatus: HS C X X mil-
 lia ex hoc uno genere capta uidemus. si cōdēnatus eris,
 non opinor id ages, ut ista pecunia in quinquennio cōsu-
 matur in statuis. sin absolutus eris, quis erit tam amēs,
 qui te ex tot tantisq; criminibus elapsum, post quinquē-
 nium statuarum nomine accersat? ita si neq; adhuc cō-
 sumpta ista pecunia est, & est perspicuum nō consum-
 ptum iri: licet iam intelligamus inuentam esse rationē,

quare & iste HS C X X millia uno genere conciliarit,
 & ceperit, & ceteri, si à uobis hoc erit cōprobatū, quā
 uolent magnas hoc nomine pecunias capere possint, ut
 iam uideamur non à pecunijs capiendis homines abster
 rere, sed, cum genera quaedam pecuniarum capiendarū
 cōprobaremus, honesta nomina turpissimis rebus impa
 nere. etenim si C. Verres HS C X X millia populū, uer
 bi gratia, Centuripinū poposcisset, eamq; ab his pecuniā
 abstulisset: nō, opinor, esset dubium, quin eum, si tum id
 planū fieret, cōdemnari necesse esset. quid, si eūdem po
 pulum HS C C C millia poposcit, eāq; coegit, atq; abstu
 lit; num ideo absoluetur, quod ascriptum est, eā pecu
 niam datam statuarū nomine? non, opinor: nisi forte
 id agimus, non ut magistratibus nostris morā accipien
 di, sed ut socijs causam dandi auferre uideamur. quod
 si quem statuæ magnopere delectant, & si quis earū ho
 nore & gloria ducitur: is hæc tamen constituat, necesse
 est: primum, auerti pecuniam domū non placere: dein
 de, ipsarum statuarum modum quendam esse oportere:
 deinde illud certe, ab inuitis exigi nō oportere. ac de as
 uertēda pecunia, quero abs te, utrū ipse ciuitates solita
 sint statuas tibi faciundas locare ei, cui possent optima
 conditione locare; an aliquem curatorem præficere, qui
 statuis faciundis præset; an tibi, an cui tu imperasset;
 adnumerare pecuniā? nam si per eos statuæ fiebant,
 à quibus tibi iste honos habebatur: audio. sin Timarchi
 di pecunia numerabatur: desine, queso, simulare, te, cū
 in manifesto furto teneare, gloria studiosum, ac moni
 mentorum fuisse. quid uero modum statuarum haberi
 nullum placet? atqui habeatur necesse est: etenim sic

considerate. Syracusana ciuitas (ut eam potissimum nominem) dedit ipsi statuam: est honor. & patri: bel-
la hæc pietatis, & quasiuosa simulatio. & filio: ferri
hoc potest: hunc enim puerum non oderant. uerum quo-
ties, & quot nominibus à Syracusanis statuas auferes?
ut in foro statuerent, abstulisti: ut in curia, coegisti: ut
pecuniâ cõferrent in eas statuas, quæ Romæ poneretur,
imperaſti: ut iſdem darèt homines aratorũ nomine, de-
derunt: ut iſdem pro parte in cõmune Siciliæ cõferret,
etiam id contulerunt. una ciuitas cū tot nominibus pe-
cuniâ cõtulerit, idemq; hoc ciuitates ceteræ fecerint; nõ
res ipsa uos admonet, ut putetis modũ aliquem huic cu-
piditati cõstitui oportere? quòd si hoc uoluntate sua nulla
ciuitas fecit; si omnes imperio, metu, uì, malo adducta tibi
pecuniam statuarũ nomine contulerunt: per deos im-
mortales, num cui dubiũ esse poterit, quin, etiã si quis sta-
tuerit accipere ad statuas licere, idẽ tamen statuat erĩ
pere certe nõ licere? primũ igitur in hanc rem testem to-
tam Siciliam citabo: quæ mihi una uoce statuarũ nomi-
ne magnã pecuniam coactam esse demonstrat: nã Lega-
tiones omniũ ciuitatum in postulatis cõmunibus, quæ fe-
rè omnia ex tuis iniurijs nata sunt, etiam hoc ediderunt,
ut statuas ne cui, nisi cum is de prouincia decessisset,
pollicerentur. tot Prætores in Sicilia fuerũt: toties apud
maiores nostros Siculi senatum adierunt, toties hac me-
moriam: tamen huiusce noui postulati genus, atque prin-
cipium tua Prætura attulit: quid enim tam nouum nõ
solum re, sed genere ipso postulandi? nam cetera, quæ
sunt in iſdem postulatis, de iniurijs tuis, sunt noua, sed
tamen nõ nouo modoulantur. rogāt et orant Siculi

patres conscriptos, ut nostri magistratus posthac decumas lege Hieronica uendant. tu primus contra uendideras: audio. ne, in cellam quod imperatur, aestiment: hoc quoque propter tuos ternos denarios nunc primum postulatur: sed genus istud postulandi non est nouum. ne absentis nomen recipiatur: ex Sthenij calamitate, & tua natum est iniuria. cetera non colligam. sunt omnia Siculo rum postulata eiusmodi, ut crimina collecta in unum te reum esse uideatur. quae tamen omnia nouas iniurias habent, sed postulationum formulas usitatas. hoc postulatum de statuis ridiculum esse uideatur ei, qui rem, sententiamque non perspiciat: postulant. n. non, ut ne cogantur statuere: quid igitur? ut ipsis ne liceat. quid est hoc? petis a me, quod in tua potestate est, ut id tibi facere ne liceat? pete potius, ne quis te inuitum polliceri, aut facere cogat. nihil ergo, inquit: negabunt enim omnes se coegisse. si me saluum esse uis, mihi impone istam uim, ut omnino mihi ne liceat polliceri. ex tua Pratura primum nata est haec postulatio. qua cum utuntur, hoc significant, atque a deo aperte ostendunt, sese pecuniam metu, ac malo coactos, inuitissimos contulisse. quid, si hoc non dicant? tibi non necesse sit ipsi id confiteri? uide, & perspice, qua defensione sis usurus: iam intelliges, hoc tibi de statuis confitendum esse: mihi enim renunciat, ita constitui a tuis patronis hominibus ingeniosis causam tuam, et ita eos abs te insitui, & doceri, ut quisque ex provincia Sicilia grauior homo, atque honestior testimonium uehementius dixerit, sicuti Siculi multi primarii uiri multa dixerunt, te statim hoc istis tuis defensoribus dicere: inimicus est propterea, quod arator est. itaque uno genere opinor circumscribere habetis in animo genus

hoc aratorū, quōd eos infenso animo, atque inimico uenisse dicatis, quia fuerit in decumis iste uehementior. ergo aratores inimici, omnes aduersarij: nemo eorū est, quin perisse te cupiat. omnino praeclare te habes, cum is ordo, atque id genus hominū, quod optimū, atque honestissimū est, a quo uno et summa Reip. et illa prouincia maxime cōtinetur, tibi est inimicissimū. uerū esto, alio loco de aratorū animo, et iniurijs uidero: nunc, quod mihi abs te datur, id accipio, eos tibi esse inimicissimos. nempe ita dicis: propter decumas. concedo: non quaro, iure, an iniuria sint inimici. quid ergo illa sibi statuæ equestres inaurate uolunt, qua populi R. oculos, animosq; maxime cōfendūt, propter adē Vulcani? nam scriptū esse uideo, quandā ex his statuā aratores dedisse. si honoris causa statuam dederunt, inimici non sunt. credamus testibus: tum enim honori tuo, nunc iam religioni suæ consulūt. sin autem metu coacti dederunt, confitear necesse est, te in prouincia pecuniā statuarū nomine per uim, ac metum coegisse. utrum tibi cōmodum est, elige. equidem libenter hoc iam crimen de statuis relinquam, ut mihi tu illud concedas, quod tibi honestissimum est, aratores tibi ad statuā honoris tui causa uoluntate sua contulisse. da mihi hoc: iam tibi maximam partem defensionis præcideris: nō enim poteris aratores tibi iratos esse, atque inimicos dicere. d causam singularem: d defensionē miserā, ac perditā: nolle hoc accipere reū ab accusatore, et eum reum, qui Prætor in Sicilia fuerit; aratores ei statuam suā uoluntate statuisse, aratores de eo bene existimare, amicos esse, saluū esse cupere. metuit, ne hoc uos existimetis: obruitur enim aratorū testimonijs. utar eo, quod da=

tur. certe ita uobis hoc iudicandum est; eos, qui isti inimicissimi sunt, ut ipse existimari uult, ad istius honores, atque monimenta pecuniā nō uolūtate sua cōtulisse. atque ut hoc tamen facillime intelligi possit; quē uoles eorū testiu, quos produxero, qui in Sicilia testes sint, siue ciuem R. uelis, siue Siculū, rogato, et eū, qui tibi inimicissimus esse uidebitur, qui se stoliatū à te dicet, ecquid suo nomine in tuā statuā contulerit? neminē reperiēs, qui neget: etenim omnes dederunt. quenquā igitur putas dubitarum, quin is, quē inimicissimū tibi esse oporteat, qui abs te grauissimas iniurias acceperit, pecuniā statuē nomine dederit ui, atque imperio adductus, nō officio, ac uolūtate? et huius ego pecuniā iudices, quæ permagna est, impudentissimeq; coacta ab inuitis, nō habui rationē, neq; habere potui, quantū ab aratoribus, quantū ab negotiatoribus, qui Syracusis, qui Agrigenti, qui Panormi, qui Lilybæi negotiatur, esset coactū, quoniā intelligitis ipsius quoque cōfessione ab inuitissimis coactā esse. Venio nūc ad ciuitates Siciliæ: de quibus facillime iudiciū fieri uolūtatis potest. an etiā Siculi inuiti cōtulerunt? nō est probabile: etenim sic C. Verrem Praturā in Sicilia gessisse cōstat, ut, cū utrisque satisfacere nō posset, et Siculis, et togatis, officiū potius in socios, q̄ ambitionis in ciues rationem duxerit. itaque eū nō solū patronū istius insulæ, sed etiā sothera inscriptū uidi Syracusis. hoc quantū est? ita magnū, ut latino uno uerbo exprimi non possit. is est nī mirū sother, qui salutē dedit. huius nomine etiā dies festi agitantur, pulchra illa Verrea, non quasi Marcelleā, sed pro Marcelleis, quæ illi istius iussu sustulerūt. huius fornix in foro Syracusis est, in quo nudus filius stat: ipse autē ex

i quo nudatam ab se prouinciam profficit. huius statuæ
 omnibus locis erectæ sunt, quæ hoc demonstrare uiden=
 tur, propemodum non minus multas statuas istum po=
 fuisse Syracusis, quàm abstulisse. huic etiam Romæ uide=
 mus in basi statuarum maximis literis incisum, à commu=
 ni Sicilia datas. quamobrem qui hoc probari potest cui=
 quam, tantos honores habitos esse ab inuitis? hic tibi etiã
 multo magis, quã ante in aratris, uidendum, & con=
 siderandum est, quid uelis. magna res est. utrũ tibi Si=
 culos publice priuatimq; amicos, an inimicos existimari
 uis? si inimicos, quid te futurum est? quò confugies?
 ubi nitere? modo aratorum, honestissimorum homi=
 num, et locupletissimorum, maximum numerum abs te
 abalienasti. nunc de Siculis ciuitatibus quid ages? di=
 ces, tibi Siculos esse amicos? qui poteris? qui, quod nullo
 in homine antea fecerunt, ut in eũ publice testimonium
 dicerent, cũ præsertim ex ea prouincia condemnati sint
 complures, qui ibi Prætores fuerunt, duo soli absoluti;
 huc conueniunt cum literis, ueniunt cum mandatis, ue=
 niunt cum testimonijs publicis. qui si te publice lauda=
 rent, tamen id more potius suo, quàm merito tuo face=
 re uiderentur: hi cum de tuis factis publice conquerun=
 tur, non ne hoc indicant, tantas esse iniurias, ut multo
 maluerint de suo more decedere, quàm de tuis moribus
 non dicere? confitendum est igitur tibi necessario, Sicu=
 los inimicos esse, qui quidem & in te grauissima postu=
 lata Consulibus ediderunt, & me, ut hanc causam, sa=
 lutisq; suæ defensionem susciperem, obsecrarunt. qui
 cum à Præторе prohiberentur, à quatuor Quæstoribus
 impedirentur: omniũ minas, atque omnia pericula præ

salute sua leuia duxerūt: qui priore aēlione ita testimo-
 nia grauius, uehementerq; dixerūt, ut Artemonē Cen-
 turipinum Legatum, & publice testem Q. Hortensius
 accusatorem, nō testem esse diceret: etenim cum propter
 uirtutem, et fidem cum Androne homine honestissimo,
 & certissimo, tum etiam propter eloquentiam Legatus
 à suis ciuibus electus est, ut posset multas istius, & ua-
 rias iniurias quamapertissime uobis, planissimeq; expli-
 care. dixerūt Halesini, Catinenses, Tyndaritani, Ennen-
 ses, Herbitenses, Agyrinēses, Netinenses, Segestani. nume-
 rare omnes non est necesse. scitis, quā multi, & quā
 multa priore aēlione dixerunt. nunc & illi, & reliquī
 dicent. omnes denique hoc in hac causa intelligent, hoc
 animo esse Siculos, ut, si in istum animaduersum nō sit,
 sibi relinquendas domos, ac sedes suas, et ex Sicilia dece-
 dendū, atque adeo fugiendū esse arbitrentur. hos homi-
 nes, tu persuadebis, ad honores, atque amplitudinē tuam
 pecunias maximas uoluntate sua cōtulisse? credo, qui te
 in tua ciuitate incolumē esse nollent, ij monumenta tua
 formæ, ac nominis in suis ciuitatibus esse cupiebant. res
 declarauit, ut cupierint. iandudum enim mihi nimiū te-
 nuiter Siculorum erga te uoluntatis argumenta collige-
 re uideor, utrū statuas uoluerint tibi statuere, an coacti
 sint. de quo homine auditum est unquam, quod tibi ac-
 cidit, ut eius in prouincia statua in locis publicis posi-
 ta, partim etiam in ædibus sacris, per uim, per uniuersam
 multitudinē deijcerentur? tot homines in Asia no-
 centes, tot in Africa, tot in Hispania, Gallia, Sardinia,
 tot in ipsa Sicilia fuerūt: ecquo de homine hoc unquam
 audiuius? nouum est iudices: in Siculis quidem, & in
 omnibus

omnibus Græcis môstri simile. nō credere hoc de statuis, nisi iacentes, reuulsasq; uidissem: propterea quod apud omnes Græcos hic mos est, ut honorem hominibus habitū in monumentis huiusmodi, nonnulla religione deorū, consecrari arbitrentur. itaque cū Rhodij bellum illud propè soli superius cum Mithridate rege gesserint, omnesq; eius copias, acerrimumq; eius impetum à mœnibus, litonibus, classibusq; suis exceperint, cum & regis inimici præter ceteros essent: statuam eius, quæ erat apud ipsos in celeberrimo urbis loco, ne tū quidem in ipsis urbis periculis attigerunt. forsitan uix cōuenire uideretur; quæ ipsum hominem cuperent euertere, eius effigiem, simulacrumq; seruare. sed tamen uidebam, apud eos cū essem, et religionem esse quandā in his rebus à maioribus traditam, et hoc disputare; cum statua se eius habuisse temporis rationem, quo posita esset; cū homine uero, quo gereret bellū, atque hostis esset. uidetis igitur consuetudinē, religionemq; Græcorū, quæ monumenta hostium in bello ipso soleat defendere, eā summa in pace Prætoris populi R. statuis præsidio nō fuisse. Taurominitani, quorū est ciuitas fœderata, homines quietissimi, qui maxime ab iniurijs nostrorū magistratuum remotissimi consueuerant esse præsidio fœderis, hi tamen istius euertere statuam non dubitarunt. quæ ablata, basin tamen in foro manere uoluerūt, quod grauius in istum fore putabant, si scirent homines statuam eius à Taurominitanis esse deiectam, quàm si nullam unquam positam arbitrarentur. Tyndaritani deiecerunt in foro, et eadem de causa equum inanem reliquerūt. Leontini, misera in ciuitate, atque inani, tamē istius in gymnasio statua deiecta est.

Cic. Orat.

T

nam quid ego de Syracusanis loquar, quod non est proprium Syracusanorum, sed et illorum commune, et conuentus illius, ac propè totius provinciae? quanta illuc multitudo, quanta uis hominū conuenisse dicebatur, tum, cū statuae sunt illius deiectae, atque euersae: at quo loco? celeberrimo, ac religiosissimo, ante ipsum Iouem, in primo aditu, uestibuloq; templi. quidd nisi Metellus hoc tā grauius egisset, atque illā imperio, edictoq; prohibuisset: uestigium statuarū istius in tota Sicilia nullum esset reliquum. atque ego hoc non uereor, ne quid horū non modo impulsu, uerū omnino aduentu meo factū esse uideatur. omnia ista ante facta sunt, non modo quā ego Siciliam, uerū etiā quā iste Italiam attingit. dum ego in Sicilia sum, nulla statua deiecta est. posteaquam illinc discessi, quae sunt gesta, cognoscite. Centuripinorum senatus decreuit, populusq; iussit, ut quae statuae C. Verris ipsius & patris, & filij essent, eas Quaestores demoliendas locarent; dumq; ea demolitio fieret, senatores triginta nō minus adessent. uidete grauitatē ciuitatis, et dignitatem. neque eas in urbe sua statuas esse uoluerūt, quas in uiti per uim, atque imperiū dedissent: neque eius hominis, in quem ipsi cū grauissimo testimonio, quod nunquā antea, Romam mandata legatosq; misissent: & id grauius esse putauerūt, si publico cōsilio, quā si per uim multitudinis factū uideretur. cū hoc consilio statuas Centuripini publice sustulissent, audit Metellus, grauius fert, euocat ad se Centuripinum magistratum, et Decem priores: nisi restituisent statuas, uehementer ijs minatur. illi ad senatū renunciāt: statuae, quae istius causae nihil prodesse, reponuntur, hic ego aliud aliq concedo: Metello

homini sapiēti prorsus nō possum ignoscere, si quid stulte facit. quid? ille hoc putabat Verri criminofum fore, si eius statuae essent deiecta? quod saepe uento, aut aliquo casu fieri solet. nō erat in hoc neque crimen ullum, neque reprehensio. ex quo igitur crimen, atque accusatio nascitur? ex hominum iudicio, et uoluntate. ego, si Metellus statuas reponere Centuripinos nō coegisset, hac dicerem. uidete iudices, quantum, & quā acerbum dolorem sociorum, atque amicorum animis inusserint istius iniuria, cum Centuripinorum amicissima, & fidelissima ciuitas, quā tantis officijs cum populo R. coniuncta est, ut non solum Remp. nostram, sed etiam in quouis homine priuato nomen ipsum Romanorum semper dilexerit, ea publico consilio, atque auctoritate indicaret, C. Verris statuas esse in urbe sua non oportere. recitarem decreta Centuripinorum: laudarem illam ciuitatem: id quod uerissime possem: commemorarem decem millia ciuium Centuripinorum, fortissimorum, fidelissimorumq; sociorum, eos omnes statuisse monumentū istius in sua ciuitate nullum esse oportere. hac tum dicerem, si statuas Metellus non reposuisset. uelim querere nunc ex ipso Metello, quid nā sua uis, et auctoritate mihi ex hac oratione praeceperit. eadem opinor omnia conuenire: neque enim, si maxime statuae deiecta essent, eas ego uobis possem iacentes ostendere: hoc uno uterer, ciuitatem tam grauem statuas iudicasse C. Verris demolendas. hoc mihi Metellus non eripuit: hoc etiam addidit, ut quererer, si mihi uideretur, tam iniquo iure socijs, atque amicis imperari, ut ijs ne in suis quidem beneficijs libero iudicio uti liceret: ut uos rogarem, ut coniecturam

faceretis, qualem in ijs rebus in me L. Metellū fuisse pu-
 taretis, in quibus rebus obesse mihi posset, cum in hac re
 itā aperta cupiditate fuerit, in qua nihil obfuit. sed ego
 Metello non irascor: neque ei suā purgationē eripio, qua
 ille apud omnes utitur, ut nihil malitiose, neque cōsulto
 fecisse uideatur. iam igitur est ita perspicuū, ut negare
 non possis, nullā tibi statuam uoluntate cuiusquam da-
 tam, nullam pecuniam statuarū nomine nisi ui expres-
 sam, et coactam. quo quidem in crimine nō illud solum
 intelligi uolo, te ad statuas HS C XX millia coegisse;
 sed multo etiā illud magis, quod simul demonstrandū
 est, quantum odium in te aratorum, quantum omnium
 Siculorū sit, et fuerit. in quo quæ uestra defensio futu-
 ra sit, coniectura assequi non queo. Oderunt Siculi:
 rogatorū enim causa multa feci. at hi quidem acerrimi,
 inimicissimiq; sunt. inimicos habeo ciues R. quōd sociorū
 commoda, ac iura defendi. at socij in hostiū numero se
 abs te habitos queruntur. aratores inimici sunt propter
 decumas. quid? qui agros immunes liberosq; arant, cur
 oderūt? cur Halesini? cur Centuripini? cur Segestani?
 cur Halicyenses? quod genus hominū, quē numerū, quē
 ordinē proferre possis, qui te nō oderit, siue ciuiū R. si-
 ue Siculorū? ut etiā si causam, cur te oderint, non pos-
 sim dicere, tamen illud dicendū putem, quē omnes mor-
 tales oderint, eū quoque uobis odio esse oportere. an hoc
 dicere audebis: utrū de te aratores, utrū denique Siculi
 uniuersi bene existiment, ad rem id nō pertinere? neque
 tu hoc dicere audebis, neque, si cupies, licebit. eripiūt tibi
 istam orationem contemnendorū Siculorū, atque arato-
 rum statuæ illæ equestres, quas tu paulo ante, quā ad

Urbem uenires, poni inscribiq; iussisti, ut omnium inimi-
 corum animos, accusatorumq; tardares: quis enim tibi
 molestus esset, aut quis appellare auderet, cū uideret sta-
 tuas ab negotiatoribus, ab aratoribus, à communi Sici-
 lia? quod est aliud in illa prouincia genus humanū: nul-
 lum. ergo ab uniuerſa prouincia, generatimq; à singulis
 eius partibus non solum diligitur, sed etiam ornatur.
 quis hunc attingere audeat? potes igitur dicere, nihil tibi
 obesse oportere aratorum, negotiatorum, Siculorumq;
 omnium testimonia, cum eorum nominibus in statuas-
 rum inscriptione positis omnem te speraris inuidiā, at-
 que infamiam tuam extinguere posse? an quorum au-
 ctoritatem tu statuas cohonestare tuas conatus es, eorum
 ego dignitate accusationem meam comprobare non po-
 tero? nisi forte, quodd apud publicanos gratiosus fuisti, in
 ea re spes te aliqua consolatur. quæ gratia ne quid tibi
 prodesse posset, ego mea diligentia perfecī: ut etiam ob-
 esse deberet, tu tua sapientia curasti: etenim rem totam
 iudices breuiter cognoscite. In scriptura Siciliæ pro ma-
 gistro est quidam L. Carpinatius: quī et sui quæstus cau-
 sa, & fortasse quodd sociorū interesse arbitrabatur, bene
 penitus in istius familiaritatem sese dedit. is cum Præto-
 rem circum omnia fora sectaretur, neque ab eo unquā
 discederet; in eam iam uenerat familiaritatem, consue-
 tudinemq; in uendendis istius decretis, & iudijs, trāsi-
 gēdisq; negotijs, ut propē alter Timarchides numerare-
 tur. hoc erat etiā capitalior, quodd idem pecuniā ijs, qui
 ab isto aliquid mercabantur, fœnori dabat. ea autē fœ-
 neratio erat huiusmodi iudices, ut etiā hic quæstus huic
 cederet: nam quas pecunias ijs ferebat expensas, quibus-

cū cōtrahebat, aut scribæ istius, aut Timarchidi, aut etiā isti ipsi referebat acceptas. idem præterea pecunias istius extraordinarias grandes suo nomīne fœnerabatur. hic primo Carpinatius, ante quā in istius tantam familiaritatē peruenisset, aliquoties ad socios literas de istius iniurijs miserat. Canuleius uero, qui in portu Syracusis operas dabat, furta quoque istius permulta nominatim ad socios perscripserat ea, quæ sine portorio Syracusis erant exportata: portū autem, & scripturas eadem societas habebat. ita factū est, ut essent permulta, quæ ex societatis literis dicere in istū, ac proferre possemus. uerū accedit, ut Carpinatius, qui iā cū isto summa cōsuetudine, præterea ratione cōiūctus esset, crebras postea literas ad socios de istius summis officijs in rem cōmunem, beneficijsq; mitteret: etenim tum iste omnia, quacūque Carpinatius postulabat, facere, ac decernere solebat: tū ille etiā plura scribebat ad socios, ut, si posset, quæ antea scripserat, ea planè exstingeret. ad extremū uero, cū iste iam decedebat, eiusmodi literas ad eos misit, ut huic frequentes obuiam prodirent, gratiasq; agerent; facturos esse, si quid imperasset, studiose polliceretur: itaq; socij fecerūt: uetere instituto publicanorū, nō quo istū ullo honore dignū arbitrarentur, sed quod sua interesse putabant, se memores, gratosq; existimari, gratias isti egerunt: Carpinatiū sæpe ad se de eius officijs literas misisse dixerūt. iste cum respondisset, ea se libenter fecisse, operasq; Carpinatiū magnopere laudasset: dat amico suo cuidam negotium, qui tum magister erat eius societatis, ut diligenter caueret, atque prospiceret, ne quid esset in literis sociorū, quod cōtra suum caput, atque existimationē ua-

lere posset. itaque ille, multitudine sociorū remota, Decu-
manos cōuocat: rem defert. statuūt illi, atque decernūt,
ut ea litera, quibus existimatio C. Verris laderetur, re-
mouerentur, operaq; daretur, ne ea res C. Verris fraudi
esse posset. si ostēdo, hoc decreuisse Decumanos; si planū
facio, hoc decreto remotas esse literas: quid expectatis am-
plius? possum ne rem magis iudicatā asserere? magis reū
condemnatum in iudiciū adducere? at quorum iudicio
condemnātū? nempe eorū, quos iī, qui seueriora iudicia
desiderant, arbitretur res iudicare oportere: publicano-
rum iudicio: quos uidelicet nunc populus iudices poscit:
de quibus, ut eos iudices habeamus, legem ab homine nō
nostri generis, non ex equestri loco profecto, sed nobilissi-
mo promulgatā uidemus. Decumani, hoc est principes,
& quasi senatores publicanorum, remouendas de me-
dio literas censuerunt. habeo ex iīs, qui affuerunt, quos
producam, homines honestissimos, ac locupletissimos, istos
principes equestri ordinis, quorum splendorem uel maxi-
me istius, qui legem promulgauit, oratio, & causa nita-
tur. uenient in medium: dicent, quid statuerint: profe-
cto si recte homines noui, non mentientur: literas enim
communes de medio remouere potuerunt, fidem suā et
religionem remouere non possunt. ergo equites R. te suo
iudicio condemnari noluerunt. uos nūc, utrum illorum
iudiciū, an uoluntatem sequi malitis, cōsiderate. at ui-
de, quid te amicorum tuorum studium, quid tuum con-
siliū, quid sociorū uolūtas adiuet. dicā paulo amplius:
neque. n. iā uereor, ne quis hoc me magis accusatorie, q̄
libere dixisse arbitretur. si istas literas nō decreto Decu-
manorū magistri remouissent, tantū possem in te dicere,

quantum in literis inuenissem. nunc decreto isto factō,
 literisq; remotis, tantum mihi licet dicere, quantum pos=
 sum; tantum iudici suspicari, quantum uelit. dico te ma=
 ximum pondus auri, argenti, eboris, purpuræ, plurimam
 uestem Melitensem, plurimā stragulam, multam Delia=
 cam suppellectilem, plurima uasa Corinthia, magnū nu=
 merū frumenti, uim mellis maximā Syracusis exportas=
 se: his pro rebus, quōd portoriū non esset datum, literas
 ad socios misisse L. Canuleiū, qui in portu operas daret.
 satis ne magnum hoc crimen uidetur? nullum, opinor,
 maius. quid defendet Hortensius? postulabit, ut literas
 Canuleij proferam? crimen huiusmodi, nisi literis confir=
 metur, inane esse dicet? clamabo, literas remotas esse de
 medio, decreto sociorū erepta mihi esse istius indicia, ac
 monumenta furtorum. aut hoc contendat nūquam esse
 factū: aut omnia tela excipiat, necesse est. negas esse fa=
 ctum? placet mihi ista defensio: descendo: æqua enim cō=
 ditio, æquumq; certamen proponitur. producā testes, &
 producam plures eodem tempore. quoniam tum, cū a=
 ctum est, unā fuerūt, nunc quoque unā sunt. cū inter=
 rogabuntur, obligentur nō solū iurisiurandi, atque exi=
 stimationis periculo, sed etiam cōmuni inter se conscien=
 tia. si planū sit, hoc ita, quemadmodū dico, esse factū:
 non poteris dicere Hortēsi, nihil in istis fuisse literis, quod
 Verrem læderet. nō modo id non dices, sed ne illud qui=
 dem tibi dicere licebit, tantum, quantum ego dicam, nō
 fuisse. ergo hoc uestro consilio, & gratia perfecistis, ut,
 quemadmodū paulo ante dixi, et mihi summa facultas
 ad accusandū daretur, et iudicibus libera potestas ad cre=
 dēdū. quod cū ita sit, nihil fingā tamē, meminero me nō

sumpsisse, quem accusarem; sed recepisse, quos defendere-
rem; uos ex me causam non à me prolatam, sed ad me
delatam audire oportere; me Siculis satis esse facturū,
si, quæ cognoui in Sicilia, quæ accepi ab ipsis, diligenter
exposuero; populo R. si nullius uim, nullius potentiā per-
tinuero; uobis, si facultatem uere atque honeste iudicā-
di fide & diligentia mea fecero; mihi in eo, si ne minis-
mū quidem de eo curriculo uitæ, quod mihi semper pro-
positū fuit, decessero. quapropter nihil est, quod metuas,
ne quid mecum fingam: etiam, quod latere, habes: multa
enim, quæ scio abs te esse cōmissa, quodd aut nimium tur-
pia, aut parum credibilia sunt, prætermittam: tantum
agā de hoc toto nomine societatis, ut uerū scire possitis.
quæram, decretum ne sit. cum id inuenero, quæram re-
motæ ne sint literæ. cū id quoque cōstabit, uos iam me ra-
cito intelligetis. si illi, qui hoc istius causa decreuerūt, equi-
tes R. nunc idem in eū iudices essent, istum sine dubio
cōdemnarent, de quo literas eas, quæ istius furta indica-
rent, & ad se missas, & suo decreto remotas scirēt esse.
quem igitur ab ijs equitibus R. qui istius causa cupiunt
omnia, qui ab eo benignissime tractati sunt, cōdemnari
necesse esset: is à uobis iudices nulla uī, aut ratione absol-
ui potest. ac ne forte ea, quæ remota de medio, atq; ere-
pta uobis sunt, omnia ita cōdita fuisse, atq; ita abdite la-
tuisse uideantur, ut hac diligentia, quam ego à me expe-
ctari maxime puto, nihil horū inuestigari, nihil assequi
potuerit: quæ cōsilio aliquo, aut ratione inueniri potue-
runt, inuenta sunt iudices: manifestis in rebus hominem
iam teneri uidebitis. nā quodd in publicanorū causis uel
plurimum atatis meæ uersor, uehementerq; illum ordinem

obseruo: satis cōmode mihi uideor eorum cōsuetudinem
 usu, tractandoq; cognouisse. itaque, ut hoc cōperi, remo=
 tas esse literas societatis; habui rationē annorū, per quos
 iste in Sicilia fuisset: deinde quasiui, quod erat inuentu
 facillimum, qui per eosdem annos magistri istius societa=
 tis fuissent: sciebam enim hanc magistrorum, qui tabu=
 las haberent, cōsuetudinem esse, ut, cū tabulas nouo ma=
 gistro traderent, exempla literarum ipsi habere non nol=
 lent. itaque ad L. Vibium equitem R. uirum primariū,
 quem reperiēbam magistrum fuisse eo ipso anno, qui mī
 hi maxime quarendus erat, primum ueni. sanē homini
 prater opinionem improviso incidi. scrutatus sum quæ
 potui, & quasiui omnia: inueni duos solos libellos ab L.
 Canuleio missos socijs ex portu Syracusis, in quibus erat
 ratio scripta mensiū cōplurium, rerū exportatarū istius
 nomine sine portorio: itaque obsignaui statim. erant
 hæc ex eo genere, quod ego maxime genus ex sociorum
 literis reperire cupiebā. uerū tantū inueni iudices, quod
 apud uos quasi exēpli causa proferre possem: sed tamen
 quidquid erit in his libellis, quātulūcunque uidebitur es=
 se, hoc quidem certe manifestū erit. de cæteris ex hoc cō=
 iecturam facere debebitis. recita mihi quæso hūc primū
 libellum, deinde illum alterū libellum Canuleij. iam nō
 quero, unde CCC amphoras mellis habueris, unde tā=
 tam Melitensem uestem, unde quinquaginta tricliniorū
 lectos, unde tot candelabra: non inquam iam quero, un=
 de hæc habueris, sed, quod tibi tantū opus fuerit, id quæ=
 ro. mitto de melle: sed tantum ne Melitensium, quasi
 etiam amicorū uxores; tantum lectorum, quasi etiam
 omnium istorum uillas ornaturus esses: cum hæc pauco=

rum mensuram ratio in his libellis sit, facite ut vobis trientem totius veniat in mentem. sic contendo, ex his parvis libellis apud unum magistrum societatis repertis vos iam coniectura assequi posse, cuiusmodi praeda iste in illa provincia fuerit, quam multas cupiditates, quam varias, quam infinitas habuerit, quantam pecuniam non solum numeratam, verum etiam huiusmodi in rebus positam confecerit. quae vobis alio loco planius explicabuntur. nunc hoc attendite. his exportationibus, quae recitatae sunt, scribit HS LX socios perdidisse ex vicesima portorii Syracusis. pauculis igitur mensibus, ut hi pusilli et contempti libelli indicant, furta Praetoris, quae essent HS duodecies, ex uno oppido solo exportata sunt. cogitate nunc, cum ista sit haec insula, quae undique exitus maritimos habeat, quid ex ceteris locis exportatum putetis, quid Agrigento, quid Lilybaeo, quid Panormo, quid Thermis, quid Halesa, quid Catina, quid ex ceteris oppidis, quid vero Messana, quem iste sibi locum maxime tutum arbitrabatur, ubi animo semper soluto, liberoque erat, quod sibi iste Mamertinos delegerat, ad quos omnia, quae aut diligentius servanda, aut occultius exportanda erant, deportaret. his inuentis libellis, ceteri remoti, et diligentius sunt recordati. nos tamen, ut omnes intelligant hoc nos sine cupiditate agere, his ipsis libellis contenti sumus. nunc ad sociorum tabulas accepti et expensi, quas removere honeste nullo modo potuerunt, et ad amicum tuum Carpinatium reuertemur. Inspiciebamus Syracusis a Carpinatio confectas tabulas societatis, quae significabant, multis nominibus eos homines uersuram a Carpinatio fecisse, qui pecuniam Verri dedissent. erit vobis luce clarius

iudices, cum eos ipsos produxero, qui dederunt : intelligetis enim, illa tempora, per quæ, cum essent in periculo, pretio sese redemerunt, cum societatis tabulis non solum Consulibus, uerum etiam mensibus conuenire. cum hæc maxime cognoscere mus, & iam in manibus tabulas haberemus: repente aspicimus lituras eiusmodi, quasi quædam uulnera tabularum recentia. statim suspitione offensi, ad ea ipsa nomina oculos, animūq; transtulimus. erant accepta pecunia à C. Verrutio, sic tamē, ut usque alterum, r, literæ constarent integræ, reliquæ omnes essent in litura. alterum, tertium, quartum, permulta erant eiusmodi nomina. cum manifesta res, tum flagitiosa tabularum, atque insignis turpitudine teneretur, quærere incœpimus de Carpinatio, quisnam esset is Verrutius, qui cum tantæ pecuniæ rationē haberet. hæere homo, auersari, rubere. quod lege excipiuntur tabule publicanorum, quo minus Romam deportentur, ut res quam maxime clara, ac testata esse posset; in ius ad Metellum Carpinatium uoco, tabulasq; societatis in forum deferro. sit maximus concursus hominum, & quod erat Carpinatii nota cum isto Prætoris societas, ac fœneratio, summe expectabant omnes, quid in tabulis contineretur. rem ad Metellum deferro: me tabulas perspexisse sociorum: in his tabulis magnam rationem C. Verrutij permultis nominibus esse: meq; hoc perspicere ex Consulū mensiumq; ratione, hunc Verrutium neque ante aduentum C. Verris, neque post decessionem quidquā eū Carpinatio rationis habuisse. postulo, mihi respōdeat, qui sit iste Verrutius, mercator, an arator, an pecuarius? in Sicilia sit, an decesserit? clare mare omnes ex conuentu, neminem unquam ex Sicilia

fuisse Verrutium. ego instare, ut mihi responderet, ubi esset? quis esset? unde esset? cur servus societatis, qui tabulas confecerit, semper in Verrutij nomine certo ex loco mendosus esset? atque hæc postulabam; non quo illū cogi putarem oportere, ut ea mihi responderet inuitus; sed ut omnibus istius furta, illius flagitiū, utriusque audacia perspicua esse posset. itaque illū iniuriæ metu, conscientiaq; peccati mutū, atque exanimatū, ac vix vitū relinquo: tabulas in foro summa hominum frequentia exscribo: adhibentur in exscribendo de conventu viri primarij: literæ, lituræq; omnes assimilata, expressæ, de tabulis in libros transferuntur. hæc omnia summa cura, et diligentia recognita, & collata, & ab hominibus honestissimis obsignata sunt. si Carpinatius tum mihi respondere noluit: responde mihi nūc tu Verres, quē esse hunc tuū penē gentilem Verrutiū putes. fieri nō potest, ut, quem video te Prætor in Sicilia fuisse, & quem ex ipsa ratione intelligo locupletem fuisse, eū tu in tua provincia nō cognoris. atque adeo, hoc ne longius, aut obscurius esse possit, procedite in medium, explicate descriptionem, imaginemq; tabularum, ut omnes mortales istius avaritiæ non iam uestigia, sed ipsa cubilia videre possint. Videtis Verrutium? videtis primas literas integras? videtis extremam partem nominis, caudam illam Verris, tanquam in luto, demersam esse in litura? sic habent se tabula iudices, ut videtis. quid expectatis? quid queritis amplius? tu ipse Verres quid sedes? quid moraris? nam aut exhibeas nobis Verrutiū necesse est, aut te esse Verrutiū fateare. laudatur oratores veteres Crassus illi, et Antonij, quodd crimina diluere dilucide, quodd

LIBER IIII.

copiose reorum causas defendere solebant. nimirum illi non ingenio solum his patronis, sed fortuna etiam præstiterunt: nemo enim tunc ita peccabat, ut defensionis loco non relinqueret: nemo ita uiuebat, ut nulla eius uitæ pars summæ turpitudinis esset expers: nemo ita in manifesto peccato tenebatur, ut, cū impudens fuisset in factis, tum impudentior uideretur, si negaret. nunc uero quid faciat Hortensius? auaritiæ ne crimina frugalitatis laudibus deprecetur? at hominem flagitiosissimum, libidinosissimum, nequissimumq; defendit. an ab hac eius infamia nequitia uestros animos in aliam partem fortitudinis commemoratione traducat? at homo inertior, ignauior, magis uir inter mulieres nequam, impura inter uiros muliercula, proferri non potest. at mores commodi. quis contumacior? quis inhumanior? quis superbior? at hæc sine cuiusquam malo. quis acerbior? quis insidiosior? quis crudelior unquam fuit? in hoc homine; atque in eiusmodi causa quid facerent omnes Crassi, et Antoni? tantum, opinor, Hortensi ad hanc causam non accederent, ne in alterius impudentia sui pudoris existimationem amitterent: liberi enim ad causas, solutiq; ueniebant; neque committebant, ut, si impudentes in defendendo esse noluisent, ingrati in deserendo existimarentur.

ACCUSATIONIS IN C. VER=

REM LIBER V.

ORATIO VIII.

M N E S, qui alterū iudices, nullis im=
 pulsī inimicijs, nulla priuatim lāsi in=
 iuria, nullo prāmio adducti, in iudiciū
 Reip. causa uocant, providere debent,
 non solum quid oneris in præsencia tol=
 lant, sed etiam quantum in omnem uitam negotij susci=
 pere conentur: legem enim sibi ipsi indicunt innocentia,
 cōtinentia, uirtutumq; omnium, qui ab altero rationem
 uitae reposcunt, atque eo magis, si id, ut ante dixi, faciūt
 nulla re cōmoti alia, nisi utilitate cōmuni. nam qui sibi
 hoc sumpsit, ut corrigat mores aliorum, ac peccata re=
 prehēdat: quis huic ignoſcat, si qua in re ipse ab religio=
 ne officij declinarit? quapropter hoc etiam magis ab o=
 mnibus eiusmodi ciuis laudandus, ac diligendus est, qui
 non solum Reip. ciuem improbum remouet, uerū etiam
 se ipsum eiusmodi fore profitetur, ac præstat, ut sibi non
 modo cōmuni uolūtate uirtutis, atque officij, sed etiā ut
 quaedam magis necessaria ratione recte sit, honesteq; ui=
 uendū. ita hoc iudices ex homine clarissimo, atque elo=
 quentissimo L. Crasso saepe auditū est, cum se nullius rei
 tam pœnitere diceret, quā quōd C. Carbonem unquā
 in iudicium uocauisset: minus enim liberas omnium uo=
 luntates rerum habebat, et uitam suā pluribus, quā uel=
 let, obseruari oculis arbitrabatur. atque ille ijs præsidijs
 ingenij, fortunæq; munitus, tamē hac cura cōtinebatur,
 quam sibi nō dum confirmato consilio, sed inēunte ætate

susceperat. quo minus etiā perspicitur eorū uirtus et integritas, qui ad hanc rem adolescentuli, quā qui iam firmata etate descendunt. illi enim, antequam potuerunt existimare, quanto liberior uita sit eorum, qui neminem accusarint, gloriæ causa, atque ostentationis accusant: nos, qui iam, & quid facere, & quantulum iudicare possemus, ostendimus; nisi facile cupiditates nostras teneamus, nunquā ipsimet nobis præcideremus istam licentiā, libertatemq; uiuendi. atque hoc ego plus oneris habeo, quā qui ceteros accusarunt (si onus est id appellandum, quod cū latitia feras, ac uoluptate) uerūtamen hoc ego amplius suscepi, quā ceteri, quod ita postulatur ab omnibus, ut ab ijs se abstineant maxime uitijs, in quibus alterum reprehenderunt. furem aliquem, aut rapacem accusaris: uitanda tibi semper erit omnis auaritiæ suspicio. maleficum quempiam adduxeris, aut crudelem: cauendum erit semper, ne qua in re asperior, aut inhumanius fuisse uideare. corruptorem, adulterū: prouidendū diligenter, ne quod in uita uestigiū libidinis appareat. omnia postremo, quæ uindicaris in altero, tibi ipsi uehemēter fugienda sunt: etenim nō modo accusater, sed ne obiurgator quidem ferendus est is, qui, quod in altero uitium reprehendit, in eo ipse deprehēditur. ego in uno homine omnia uitia, quæ possunt in homine perditio, nefarioq; esse, reprehendo: nullū esse uitium libidinis, sceleris, audaciæ, quod nō in unius istius uita perspicere possitis. ego in isto reo legem hanc iudices mihi statuo, uiuendū ita esse, ut isti nō modo factis, dictisq; omnibus, sed etiā oris, oculorumq; illa contumacia, ac superbia, quā uidetis, dissimillimus esse, ac semper fuisse uidear. patior non
molestē

moleste iudices, eam uitā, quæ mihi sua sponte antea incunda fuerit, nunc iam mea lege, et conditione necessariam quoque futurā. & in hoc homine sæpe à me quaris Hortēsi, quibus inimicitijs, aut qua iniuria adductus, ad accusandū descenderim? mitto iam rationem officij mei, necessitudinisq; Siculorū: de ipsis tibi inimicitijs respondendo. an tu maiores ullas inimicitias putas esse, quā contrarias hominū sentētiās, ac dissimilitudines studiorū, et uoluntatum? fidem sanctissimam in uita qui putat, potest ei non inimicus esse; qui Quæstor Consulē suū, consilijs cōmissis, pecunia tradita, rebus omnibus creditis, spoliare, relinquere, prodere, oppugnare ausus sit? pudorem et pudicitiam qui colit, potest animo æquo istius quotidiana adulteria, meretriciam disciplinam, domesticum lenociniū uidere? qui religiones deorū immortalium retinere uult, ei, qui fana spoliari omnia, qui ex tensorū orbitis prædari sit ausus, inimicus nō esse qui potest? qui iure æquo omnes putat esse oportere, is tibi non infestissimus sit, cum cogitet uarietatem, libidinemq; decretorum tuorū? qui sociorum iniurijs, prouinciārumq; incommodis doleat, is in te nō expilatione Asiæ, uexatione Pamphyliae, squalore et lacrymis Siciliae concitetur? qui ciuiū R. iura, ac libertatem sanctam apud omnes haberi uult, is non tibi plus etiam, quā inimicus, esse debeat, cū tua uerbera, cum secures, cum cruces ad ciuium R. supplicia fixas recordetur? an, si qua in re contra rem meā decreffet aliquid iniuria, iure me ei inimicum esse arbitrarer: cum omnia contra omnium bonorum rem, causam, rationem, utilitatē, uoluntatemq; fecerit, quaris cur ei sim inimicus, cui populus R. infestus sit? qui præsertim

plus etiā, quā pars uirilis postulat, pro uoluntate populī
 R. oneris, ac muneris suscipere debeam. quid illa, quæ le-
 uiora uidentur esse, non cuiusuis animū possunt moue-
 re? quodd ad tuā ipsius amicitia, cæterorumq; omniū ma-
 iorū, atque nobilium faciliorem aditum istius habet ne-
 quitia, et audacia, quā cuiusquam nostrum uirtus, & in-
 tegeritas. odistis hominum nouorum industrias: despicitis
 eorū frugalitatem: pudorem contemnitis: ingenium ue-
 ro, & uirtutem depressam, extinctamq; cupitis: Verrem
 amatis. ita credo, si nō uirtute, non industria, non inno-
 centia, non pudore, nō pudicitia, at sermone, at literis, at
 humanitate eius delectamini. nihil horū est: cōtraq; sunt
 omnia, cum summo dedecore, ac turpitudine, tum singu-
 lari stultitia, atque inhumanitate oblita. huic homini si
 cuius domus patet, utrum ea patere, an hiare, ac poscere
 aliquid uidetur? hunc uestri ianitores, hunc cubicularij
 diligūt: hunc liberti uestri, hūc serui, ancillæq; amāt: hic
 cum uenit, extra ordinē uocatur, hic solus introducitur,
 ceteri saepe frugalissimi homines excludūtur. ex quo in-
 telligi potest, eos uobis esse carissimos, qui ita uixerūt, ut
 sine uestro præsidio salui esse non possint. quid? hoc cui-
 quam ferendum putas esse, nos ita uiuere in pecunia te-
 nuī, ut prorsus nihil acquirere uelimus, ut dignitatē no-
 stram, populiq; R. beneficia non copijs, sed uirtute tuea-
 mur; istū rebus omnibus undique creptis impune eluden-
 tem circūfluere, atque abūdare? huius argento domos ue-
 stras, huius signis, et tabulis forum, comitiumq; ornari?
 præsertim cū uos uestro Marte his rebus omnibus abun-
 detis. Verrem esse, qui uestras uillas suis manubijs ornēt?
 Verrem esse, qui cum L. Mummiō certet? ut plures hic

sociorū urbes, quā ille hostium spoliasse uideatur; plures hic solus uillas ornamentis fanorum, quā ille fana stolijs hostium ornaſſe. Et is erit ob eā rem uobis charior, ut ceteri libentius suo periculo uestris cupiditatibus seruiant? uerū hac dicentur alio loco, et dicta sunt. nunc proficiscemur ad reliqua, si pauca ante erimus à uobis iudices deprecati. superiore omni oratione perattētos uestros animos habuimus. id fuit nobis gratū admodum, sed multo erit gratius, si reliqua uoletis attendere: propterea quod in his omnibus, quae antea dicta sunt, erat quaedam ex ipsa uarietate, ac nouitate rerum, ac criminum delectatio: nunc tractare causam instituiſmus frumentariam, quae magnitudine iniuriæ ferē criminibus ceteris antecellit, iucūditatis in agendo, et uarietatis minus habebit. uestra autem auctoritate, et prudentia dignissimum est iudices, in audiendo diligentiam non minus religioni tribuere, quā uoluptati. In hac causa frumentaria cognoscenda, hac uobis proponite iudices, uos de rebus fortunisq; Sicularum omnium, de ciuium R. qui arant in Sicilia, bonis, de ueſtigalibus à maioribus traditis, de uita uictuq; populi R. cognituros. quae si magna, atque adeo maxima uobis uidentur, quā uaria, et quā copiose dicantur, expectare nolite. neminem uestrum praterit iudices, omnem utilitatem, opportunitatemq; prouinciæ Siciliae, quae ad commoda populi R. adiuncta sit, consistere in re frumentaria maxime: in ceteris rebus adiuuamur ex illa prouincia, hac uero alimur, ac sustinemur. ea causa tripartita iudices erit in accusatione: primum enim de decumano, deinde de empto dicemus frumento, postremo de aestimato. inter

Siciliam, ceterasq; provincias iudices in agrorum uecti-
galiū rationibus hoc interest, quod ceteris aut impositum
uectigal est certum, quod stipendiarium dicitur, ut Hi-
spanis, et plerisque Pœnorum, quasi uictoriæ præmiū, ac
pœna belli; aut censoria locatio constituta est, ut Asiæ
lege Sempronia. Siciliæ ciuitates sic in amicitia, fidemq;
recepimus, ut eodem iure essent, quo fuissent: eadem con-
ditione populo R. parerēt, qua suis antea paruissent. per
paucā. Siciliæ ciuitates sunt bello à maioribus nostris
subactæ: quarū ager cū esset publicus populi R. factus,
tamen illis est redditus. is ager à Censoribus locari solet.
fœderatæ ciuitates duæ sunt, quarum decumæ uenire
nō soleāt; Mamertina, et Taurominitana. quinque præ-
terea sine fœdere immunes ciuitates, ac liberæ; Centuri-
pina, Halesina, Segestana, Halyciensis, Panormitana.
præterea; omnis ager Siciliæ ciuitatum decumanus est,
itemq; ante imperiū populi R. ipsorū Siculorū uolunta-
te, & institutis fuit. uidete nūc maiorū sapientiam: qui,
cum Siciliā tam opportunū subsidium belli, atque pacis
ad Remp. adiunxissent, tanta cura Siculos tueri, et re-
tinere uoluerunt, ut nō modo eorum agris uectigal no-
uum nullum imposerent, sed ne legem quidem uenditio-
nis decumarum, neue uendundis aut tempus aut locum
cōmutaret, ut certo tempore anni, ut ibidem in Sicilia,
denique ut lege Hieronica uenderēt. uoluerūt eos in suis
rebus ipsos interesse, eorū animos non modo lege noua,
sed ne nomine quidem legis nouo cōmoueri: ita decumas
lege Hieronica semper uendendas censuerūt, ut ijs iucun-
dior esset muneris illius functio, si eius regis, qui Siculus
carissimus fuit, non solum instituta cōmutato imperio,

uerū etiam nomen maneret. hoc iure ante Verrem Præ-
torem Siculi semper usi sunt. hic primus instituta omni-
um, consuetudinem à maioribus traditam, conditionem
amicitiæ, ius societatis cōuellere, & cōmutare ausus est.
qua in re primum illud reprehendo, et accuso, cur in re
tam ueteri, tam usitata quidquam noui feceris: ingenio
aliquid affecutus es? tot homines sapientissimos, qui illā
prouinciam ante te tenuerunt, prudentia, consilioq; uici-
sti: est tuum, est ingenij prudentiæq; tuæ. do hoc tibi, &
concedo: scio te Romæ, cū Prætor esses, edicto tuo posses-
siones hereditatum ad alienos, à primis heredibus ad se-
cundos, à legibus ad libidinem tuam transulisse: scio te
edicta superiorum omnium correxisse, et possessiones hæ-
reditatum nō secundum eos, qui proferrent, sed secun-
dum eos, qui dicerent testamentū factum, dedisse: easq;
res nouas abs te prolatas, & inuentas magno tibi qua-
stui fuisse scio: eundemq; te memini censorias quoque le-
ges in sartis teclis exigendis tollere, & commutare, ne is
redimeret, cula res esset; ne pupillo tutores, propinqui-
q; consulerent, quo minus fortunis omnibus euerteretur;
exiguam diē præfiniri operi, qua ceteros ab negotio ex-
cluderes, ipse in tuo redemptore nullam certam diem ob-
seruares. quamobrem nouā legem te in decumis statuis-
se non miror, hominem in edictis prætorij, in censorijs
legibus tam prudentem, tam exercitatū. non inquā mi-
ror, te aliquid excogitasse: sed quid tua sūt, iniussu po-
puli, sine senatus auctoritate iura prouinciæ Siciliæ mu-
taris, id reprehendo, id accuso. L. Octauio et C. Coe-
te Coss. senatus permisit, ut uini, et olei decumas, et fru-
gum minutarum, quas ante Quæstores in Sicilia uen-

dere consueſſent, Romæ uenderet, legemq; his rebus, quã
 ipsis uideretur, edicerent. cū locatio fieret, publicani po-
 ſtularūt, quasdam res ut ad legem adderent, neque ta-
 men à cenſorijs cæteris legibus recederent. contradixit
 is, qui casu tū Romæ fuit, tuus hospes Verres, hospes in-
 quã, & familiaris tuus Sthenius hic Thermitanus. Cō-
 ſules cauſam cognouerunt: cum uiros primarios, atque
 ampliffimos ciuitatis multos in conſilium aduocaſſent,
 de conſilij ſententia pronūciarūt, ſe lege Hieronica uen-
 dituros. ita ne uero? prudentiſſimi uiri, ſumma auctori-
 tate præditi, quibus ſenatus legum dicendarum in locan-
 dis ueſtigalibus omnem poteſtatē permiſerat, populusq;
 R. idem iuſſerat; Siculo uno recuſante, cū amplificatio-
 ne ueſtigaliū nomen Hieronica legis mutare noluerūt.
 tu homo minimi conſilij nullius auctoritatis, iniuſſu po-
 puli, ac ſenatus, tota Sicilia recuſante, cū maximo detri-
 mēto, atque adeo exitio ueſtigalium totam Hieronicā le-
 gē ſuſtulſti. at quã legem corrigit iudices, atque adeo
 totam tollit? acutiſſime, ac diligentiffime ſcriptam: quæ
 omnibus cuſtodijs ſubiectum aratorem decumano tra-
 dit, ut neque in ſegetibus, neque in areis, neque in horre-
 is, neque in amouendo, neque in aſportando frumento
 grano uno poſſet arator ſine maxima pœna fraudare
 decumanū. ſcripta lex ita diligenter eſt, ut eū ſcripſiſſe
 appareat, qui alia ueſtigalia nō haberet: ita acute, ut Si-
 culum: ita ſeuere, ut tyrannum. qua lege Siculis tamen
 arare expediret: nam ita diligenter conſtituta ſunt iura
 decumani, ut tamen ab inuito aratore plus decuma nō
 poſſit auferri. cū hæc eſſent ita conſtituta, Verres tot
 annis, atque adeo ſeculis inuentus eſt, qui hæc non com-

mutarit, sed euerterit, eaq; , quæ iam diu ad salutem sociorum, utilitatemq; Reip. composita, comparataq; essent, ad suos improbissimos quæstus conuerteret: qui primum certos instituerit, nomine decumanos, re uera ministros, ac satellites cupiditatum suarum: per quos ostendam sic prouinciam per triennium uexatâ, atque uastatam iudices, ut eam multis annis multorum innocentia, sapientiaq; recreare nequeamus. eorû omnium, qui decumani uocabantur, princeps erat Q. ille Apronius, quem uidetis: de cuius improbitate singulari grauis simarum Legationum querimonias audistis. aspiciate iudices uultum hominis, et affectum, & ex ea contumacia, quam hic in perditis rebus retinet, illos eius spiritus Sicilienses quos fuisse putetis, cogitate, ac recordamini. hic est Apronius, quæ in prouincia tota Verres, cû undique nequissimos homines cõquisisset, & cum ipse secum sui similes duxisset nõ parum multos, nequitia, luxuria, audacia sui simillimû indicauit. itaque istos inter se per breuî tempore non res, non ratio, non commendatio aliqua, sed studiorû turpitudine, similitudoq; cõiunxit. Veris mores improbos, impurosq; nostis: fingite uobis, si potestis, aliquem, qui in omnibus isti rebus par ad omniû flagitiorû nefarias libidines esse possit: is erat Apronius ille: qui, ut ipse non solum uita, sed etiam corpore, atque ore significat, immensa aliqua uorago est, aut gurgis uitiorû, turpitudinumq; omniû. hunc in omnibus stupris, hûc in fanorû expilationibus, hunc in impuris cõuiuijs principẽ adhibebat: tãtq; habebat morû similitudo cõiunctione, atq; cõcordiâ, ut Apronius, qui alijs inhumanus, ac barbarus, isti uni cõmodus, ac disertus uideretur; ut

quē omnes odissent, neque uidere uellent, sine eo iste esse nō posset; ut, cū aliī ne cōuiuijs quidē iisdē, quibus Apronijs, hic iisdē etiā poculis uteretur; postremo ut odor Apronijs terribilior oris, & corporis, quem, ut aiunt, ne bestia quidem ferre possent, unī isti suauis, & iucundus uideretur. ille erat in tribunali proximus, in cubiculo solus, in cōuiuiō dominus, ac tum maxime, cum, accubante pretextato Pratoris filio, in conuiuiō saltare nudus coeperat. hunc, uti dicere institui, principem Verres ad evertendas fortunas aratorum, uexandas, diripiendasq; esse uoluit: huius audaciæ, nequitia, crudelitati fidelissimos socios, optimosq; ciues scitote hoc Pratore traditos iudices, atque addictos fuisse, nouis institutis, et edictis, tota Hieronica lege, quemadmodū antea dixi, reiecta et repudiata. primū edictum iudices audite præclarum: quantū decumanus edidisset aratorem sibi decumæ dare oportere, ut tantū arator decumano dare cogeretur. quo modo? quantū poposcerit Apronius, dato. quid est hoc? utrum, Pratoris institutum in socios, an in hostes uictos insani edictū, atque imperium tyranni? ego tantūdem, quātum ille poposcerit? poscet omne, quantum exarauero. quid omne? immo plus etiā, inquit, si uolet. quid tū? quid censes? aut dabis, aut cōtra edictū fecisse dānabere. per deos immortales, quid est hoc? uerisimile. n. nō est. sic mihi persuadeo iudices; tamen si omnia in istū hominē cōuenire putetis, tamē hoc uobis falsum uideri: ego enim, cū hoc tota Sicilia diceret, tamē affirmare nō auderē, si hæc edicta nō ex ipsius tabulis totidem uerbis recitare possē, sicuti faciā. da, quæso, scribe. recitet ex codice. Recita edictū de professione. Negat me recitare totū:

nam id nutu significare uidetur. quid pratero? an il-
lud, ubi caues tamen Siculis, et miseros respicis aratores?
edicis enim, te in decumanum, si plura sustulerit quam
debitum sit, in octuplum iudicium daturum esse. nihil
mihi placet pratermitti. recita hoc quoque, quod postu-
lat, totum. Recita edictum de iudicio in octuplum. Iu-
dicio ut arator decumanum persequatur? miserum, at-
que iniquum, ex agro homines traduci in forum, ab ara-
tro ad subsellia, ab usu rerum rusticarum ad insolitam
litem, atque iudicium. cum omnibus in alijs uectigalibus,
Asiae, Macedoniae, Hispaniae, Galliae, Africae, Sardiniae,
ipsius Italiae, quae uectigalia sunt; cum in his inquam re-
bus omnibus publicanus petitor, ac pignerator, non ere-
ptor, neque possessor soleat esse: tu de optimo, de iustissi-
mo, de honestissimo genere hominum, hoc est de aratori-
bus, ea iura constituebas, quae omnibus alijs essent contra-
ria. utrum est aequius, decumanum petere, an aratorem re-
petere? iudicium integra re, an perdita fieri? eum, qui
manu quaesierit, an eum, qui digito licitus sit, possidere?
quid, qui in singulis iugis arat, qui ab opere ipsi non rece-
dunt, quo in numero magnus ante te Praetorem nume-
rus, magna multitudo Siculorum fuit: quid facient? cum
dederint Apronio, quod poposcerit, relinquet arationes?
relinquent larem familiarem suum? uenient Syracusas?
ut te Praetore uidelicet a quo iure Apronium, delicias, ac
uitam tuam, iudicio recuperatorio persequantur. uerum
esto: reperietur aliquis fortis, experiens arator: qui cum
tantum dederit Decumano, quantum ille deberi dixerit,
iudicio repetat, et poenam octupli persequatur. expecto
uim edicti, seueritatem Praetoris: faueo aratori, cupio

octupli damnari Apronium. quid tandem postulat arator? nihil, nisi ex edicto iudicium in octuplum. quid Apronius? non recusat. quid Prator? iubet Recuperatorum reijcere decurias. scribamus, quas decurias. de cohorte mea reijcies, inquit. quid? ista cohors quorum hominum est? Volusij aruspici, et Cornelij medici, et horum canum, quos tribunal meum uides lambere. nam de conventu nullum unquam iudicem, nec Recuperatorem dedit: iniquos decumanis. omnes dicebat esse, qui unam agri glebam possiderent. ueniendum erat ad eos contra Apronium, qui nondum etiam Aproniani conuiui crapulam exhalassent. de praeclarum, et commemorandum iudicium: de seuerum edictum: de tutum perfugium aratorum. atque ut intelligatis, cuiusmodi ista iudicia in octuplum, cuiusmodi istius de cohorte Recuperatores existimati sint; sic attendite. eum quem putatis decumanum hac licentia permissa, ut tantum ab aratore, quantum poposcisset, auferret, plus, quam deberetur, poposcisse? considerate cum uestris animis uosmet ipsi, eum quem putetis: praesertim cum id non solum sine auaritia, sed etiam impudentia accipere potuerit. multos, necesse est. at ego omnes dico, plus, quam decumas, abstulisse. cedo mihi unum ex triennio Praeturae tuae, qui octupli damnatus sit. damnatus? immo uero in quem iudicium ex edicto tuo postulatum sit. nemo erat uidelicet aratorum, qui iniuriam sibi factam queri posset: nemo decumanorum, qui grano amplius, sibi quam deberetur, deberi professus esset. immo uero contra, rapiebat, et asporabat quantum a quoque uolebat, Apronius: omnibus autem locis aratores spoliati, ac uexati querebantur: neque tamen ullum iudicium reperietur. quid est hoc? uiri for=

tes, honesti, gratiosi, tot Siculi, tot equites R. ab homine nequissimo, ac turpissimo laesi, pœnâ octupli sine ulla dubitatione commissam non persequerentur? quæ causa? quæ ratio est? una illa iudices, quam uideris; quod ultro etiâ illusos se et irritos ab iudicio discessuros uidebāt: etenim quod esset iudiciū, cum è Verris turpissimo, flagitiosissimoq; comitatu tres Recuperatorum nomine assedissent, affecta istius, nō à patre ei traditi, sed à meretricula cōmendati? ageret uidelicet causam arator: nihil sibi frumenti ab Apronio relictū, bona sua etiâ direpta, se pulsatum, uerberatumq; diceret. cōferrēt uiri boni capita: de comessatione loquerētur inter se, ac de mulierculis, si quas à Pratore abeuntes possent deprehendere: res agi uideretur. surrexisset Apronius, noua dignitas publica: ni, nō, ut decumanus, squaloris plenus, ac pulueris, sed unguētis oblitus, uino uigilijsq; languidus: omnia primo motu, ac spiritu suo, uini, unguētī, corporis odore cōpleset: dixisset hæc, quæ uulgo dicere solebat, nō se decumas emisse, sed bona fortunāsque aratorū; non se decumanū esse Aproniū, sed Verrem alterum, dominū illorū, ac tyrannū. quæ cū dixisset, illi uiri optimi de cohorte istius Recuperatores nō de absoluendo Apronio deliberarent, sed quærent, quo modo petitorum ipsū Apronio permisissent, ut, quantū uellet, posceret; quantum poposcisset, auferret. hoc tibi defensionis ad iudiciū tuum cōparabas? habuisse te edictum, Recuperatores daturum in octuplum? si mehercule ex omni copia conuentus Syracusani splendidissimorum hominum, honestissimorumq; faceres potestatem aratori, non modo reiciendi, sed etiam sumendi Recuperatores: tamen hoc nouum

genus iniuriæ ferre nemo posset: te, cum tuos omnes fructus publicano tradidisses, et rem de manibus amisisses, tum bona tua repetere, ac persequi lite, atque iudicio? cū uero uerbo iudiciū sit in edicto, re quidem uera tuorum comitum, hominum nequissimorū, collusio cum decumanis socijs tuis, atque adeo procuratoribus: tamen audes illius iudicij mentionem facere? præsertim cum id nō modo oratione mea, sed etiā re ipsa refellatur: cum in tantis incōmodis aratorum, iniurijsq; decumanorum nullū ex isto præclaro edicto nō modo factū, sed ne postulatū quidem iudiciū inueniatur. erit tamen in aratores lenior, quā uidetur. nā qui in decumanos octupli iudiciū se daturū edixit, idem habuit in edicto, se in aratorem in quadruplum daturū. quis hunc audet dicere aratoribus infestum, aut inimicū fuisse? quāto lenior est, quā in publicanū. edixit, ut, quod decumanus edidisset sibi dari oportere, id ab aratore magistratus Siculo exigeret. quid dereliquit iudicij, quod in aratorē dari posset? nō malum est, inquit, esse istam formidinem, ne cū exactum sit ab aratore, tamen, ne se cōmoueat, reliquus metus iudicij sit. si iudicio à me uis exigere, remoue Siculum magistratū. si hanc uim adhibes, quid opus est iudicio? quis porro erit, qui nō malit decumanis tuis dare quod poscent, quā ab affectis tuis quadrupli cōdemnari? illa uero præclara est clausula edicti, quod omnium cōtrouersiarū, quæ essent inter aratorem, et decumanū, si uter uelit, edicit se Recuperatores daturū. primū, quæ potest esse cōtrouersia, cū is, qui petere debet, auferat? & cum is, nō quantum debetur, sed quantum cōmodum est, auferat? ille autem, unde ablatum est, indi-

cio suū recuperare nullo modo potest? deinde in hoc ho-
mo lynceus, etiā callidus, ac ueterator esse uult, qudd ita
scribit: si uter uolet, Recuperatores dabo. quā lepide se fu-
rari putat. utrique facit potestātē. sed utrū ita scripse-
rit: si uter uolet, an, si Decumanus uolet: nihil interest:
arator. n. tuos istos Recuperatores nunquid uolet? quid?
illa cuiusmodi sunt, quæ ex tempore ab Apronio admo-
nitus edixit? Q. Septitio honestissimo homine, equitēq;
R. resistente Apronio, et affirmante se plus decuma nō
daturū, exoritur peculiare edictum repentinū, ne quis
frumentū de area tolleret, antequā cum decumano pa-
ctus esset. ferebat hāc quoque iniquitatē Septitius, et im-
bri frumentum corrumpi in area patiebatur: cum illud
edictum repente uberrimū, & quasuosissimū nascitur:
ut ante Cal. Sext. omnes decumas ad aquā deportatas
haberent. hoc edicto nō Siculi (nam eos quidem iam su-
perioribus edictis satis perdiderat, atque afflixerat) sed
illi ipsi equites R. qui suū ius retinere se cōtra Aproniū
posse erāt arbitrati, splendidi hōmines, et alijs Pratoribus
gratiosi, uincti Apronio traditi sunt: attendite enim, cu-
iusmodi edicta sunt. ne tollat, inquit, ex area, nisi erit pa-
ctus. satis hęc magna uis est ad inique paciscendū: malo
enim plus dare, quā nō mature ex area tollere. at ista uē
Septitiū, et nonnullos Septitij similes non coercet: qui ita
dicūt: ne tollam potius, quā paciscar. his hoc apponitur.
deportatū habeas ante Cal. Sext. deportabo igitur. nisi
pactus eris, nō cōmouebis. sic deportandi dies praefinita
tollere cogebat ex area: cohibitio tollendi, nisi pactus es-
set, uim adhibebat pactiōni, nō uoluntatem. iam uero il-
lud nō solum contra legem Hieronicam, nec solum con=

tra consuetudinem superiorum, sed etiam contra omnia iura Sicularū, quæ habēt à senatu, populōq; R. ne extra suum forum uadimonium promittere cogantur. statuit iste, ut arator decumano, quod uellet decumanus, uadimonium promitteret: ut hic quoque Apronio, cū ex Leontino usque Lilybæū aliquem uadaretur, ex miseris aratoribus calumniandi quæstus accederet. quāquam illa fuit ad calumniā singulari cōsilio reperta ratio, quodd edixerat, ut aratores iugera sationum suarum profiterentur. quæ res cū ad pactiones iniquissimas magnam uim habuit, sicut ostendemus, nec ad ullā utilitatem Reip. pertinuit: tum uero ad calumnias, in quas omnes inciderēt, quos uellet Apronius: ut enim quisque contra uoluntatē eius dixerat, ita in eum iudiciū de professione iugerum postulabatur. cuius iudiciū metu magnus à multis frumenti numerus ablati, magnæq; pecuniæ coactæ sunt: non quo iugerū numerū uere profiteri esset difficile, aut amplius etiā profiteri, (quid enim in eo periculi esse posset?) sed causa erat iudiciū postulandi, quodd ex edicto professus nō esset. iudiciū autē quod fuerit isto Pratore, si, quæ cohors, & qui comitatus fuerit, meministis, scire debetis. quid igitur est, quod ex hac iniquitate nouorum edictorū intelligi uelim iudices? iniuriam ne factam sociis? at uidetis. auctoritatem superiorū repudiata? non audebit negare. tantū Apronium isto Pratore potuisse? cōfiteatur, necesse est. sed uos fortasse, quod uos lex cōmonet, id in hoc loco quæretis, nū quas ex hisce rebus pecunias ceperit. docebo, cepisse maximas, omnesq; eas iniquitates, de quibus antea dixi, sui quæstus causa irrupisse conuincam, si prius illud propugnaculum, quo contra

omnes meos impetus usurum se putat, ex defensione eius deiecero. magno, inquit, decumas uēdidi. quid ais? an tu decumas homo audacissime, atque amētissime uēdidisti? tu partes eas, quas te senatus populusq; R. uoluit, an fructus integros, atq; adeo bona, fortunāq; aratorū omnes uēdidisti? si palā præco iussu tuo prædicasset, nō decumas frumenti, sed dimidias uenire partes; et ita emptores accessissent, ut ad dimidias partes emendas; si pluris uēdidisses tu dimidias, quā ceteri decumas: cuius mirū uideretur? quid uero? si præco decumas pronūciavit, re uera, hoc est lege, edicto, cōditione plus etiā quā dimidiæ uenerūt: tamē hoc tibi præclarū putabis, te pluris, quod nō licebat, quā ceteros, quod oportebat, uēdidisse? pluris uēdidi decumas, quā ceteri. quibus rebus id affectus es? innocentia? aspice ædem Castoris: deinde, si audes, fac mentionē innocentiae. diligentia? codicis lituras tui contemplare in Sthenij Thermitani nomine: deinde aude te dicere diligentem. ingenio? qui testes interrogari priore aētionē nolueris, et ijs tacitū os tuū præbere malueris; quamuis et te, et patronos tuos ingeniosos esse dicito. qua re igitur id, quod ais, affectus es? magna est enim laus, si superiores consilio uicisti, posterioribus exemplū atque auctoritatē reliquisti. tibi fortasse idoneus fuit nemo, quē imitare. at te uidelicet inuētorē rerū optimarū, ac principē imitabūtur omnes. quis aratorū te Præto re decumā dedit? quis duas? quis nō maximo se affectū beneficio putauit, cū tribus decumis pro una defungere-tur? præter paucos, qui propter societatem furtorū tuorū nihil omnino dederūt. uide, inter importunitatē tuā, senatusq; bonitatem quid intersit. senatus, cum tempore

bus Reip. cogitur, ut decernat, ut alteræ decumæ exigantur; ita decernit, ut pecunia pro his decumis solvatur aratoribus, ut, quod plus sumitur quàm debetur, id emi, nō auferri putetur. tu, cū tot decumas nō S. C. sed novis edictis tuis, nefariisq; institutis exigeres, & eriperes, magnū te fecisse arbitraberis, si pluris uendideris, quàm L. Hortensius pater istius Q. Hortensii, quàm Cn. Pompeius, quàm M. Marcellus: quī ab æquitate, ab lege, ab institutis noni recesserūt. an tibi unius anni, aut biennij ratio habenda fuit, salus provincie, commoda rei frumentarie, ratio Reip. in posterū fuit negligenda? cū ita rem constitutā accepisses, ut et populo R. satis frumenti ex Sicilia suppeditaretur, et aratoribus tamē arare, atque agros colere expediret. quid effecisti? quid affecutus es? ut Pratore te nescio quid ad decumas accederet, deferendas arationes, relinquēdasq; curassēs. successit tibi L. Metellus. tu innocentior, quàm Metellus? tu laudis, et honoris cupidior? tibi. n. Cōsulatus quarebatur, Metello paternus honor, et auitus negligebatur. multo minoris uēdidit, nō modo quàm tu, sed etiā quàm qui ante te uēdiderūt. quero, si ipse excogitare nō poterat, quemadmodū quā plurimo uenderet: ne tua quidē recētia proximi Pratoris uestigia persequi poterat, ut tuis præclaris, abs te principe inuentis, & excogitatis, edictis, atque institutis uteretur? ille uero tū se Metellū minime fore putasset, si te ulla in re imitatus esset. quī ab urbe Roma, quod nemo unquā post hominū memoriā fecit, cū sibi in provinciā proficiscendū putaret, literas ad Siciliæ ciuitates misit, per quas hortatur, & rogat, ut arēt, ut serāt in beneficio populi R. hoc petit aliquāto ante aduentū suū: et simul ostēdit se lege Hieronica uēditurum,

turum, hoc est in omni ratione decumarum nihil isti si-
 mile facturū. atque hæc nō cupiditate aliqua scribit ad-
 ductus, ut in alienā prouinciā mittat literas ante tem-
 pus, sed cōsilio, ne, si tempus sationis praterisset, granū
 in prouincia Sicilia nullū haberemus. cognoscite Metel-
 li literas. Recita epistolā L. Metelli. hæc literæ iudices
 L. Metelli, quas audistis, hoc, quantum est, ex Sicilia fru-
 menti hornotini exarauerunt. glebam cōmisset in agro
 decumano Siciliae nemo, si Metellus hanc epistolam nō
 misisset. quid, Metello diuinitus hoc uenit in mentem, an
 ab Siculis, qui Romam frequentissimi cōuenerant, nego-
 riatoribusq; Sicilia doctus est? quorū quanti conuentus
 ad Marcellos antiquissimos Sicilia patronos, quanti ad
 Cn. Pompeium Cos. designatum, ceterosq; illius prouin-
 ciæ necessarios fieri soliti sint, quis ignorat? quod quidem
 iudiciū nullo unquam de homine factum est, ut absens
 accusaretur ab ijs palam, quorū in bona, liberosq; sum-
 mum imperiū, potestatemq; haberet. tāta uis erat in-
 iuriarū, ut homines quiduis perpeti, quā nō de istius pra-
 uitate, & iniurijs deplorare, & conqueri mallerent. quas
 literas cum ad omnes ciuitates propè suppliciter misisset
 Metellus, tamen antiquū modum sationis nulla ex par-
 te exequi potuit: diffugerant. n. permulti, id quod osten-
 dam: nō solum arationes, sed etiā sedes suas patrias isti-
 us iniurijs exagitati reliquerant. nō mehercule criminis
 augendi causa dicā iudices: sed quem accepi ipse oculis,
 animoq; sensum, hunc uere apud uos, & ut potero pla-
 nissime exponā. nam cum quadriennio post in Siciliam
 uenissem, sic mihi affecta uisa est, ut ea terra solent, in
 quibus bellum acerbum, diuturnumq; uersatū est. quos

ego campos antea, colleſq; nitidiſſimos, uiridiſſimoſq; uidiſſem, hoſ ita uaſtatoſ nunc, ac deſertoſ uidebã, ut ager ipſe cultorem deſiderare, ac lugere dominum uideretur. Herbitenſis ager, Ennenſis, Murgentinuſ, Aſſorinuſ, Macharenſis, Agyrinenſis ita relictuſ erat ex maxima parte, ut non ſolum iugerũ, ſed etiam dominorũ multitudinem quæreremus. Aetnenſis uero ager, qui ſolebat eſſe cultiſſimuſ, et, quod caput eſt rei frumentariæ, campuſ Leontinuſ, cuiuſ antea ſpecies hæc erat, ut, cum obſitum uidiſſeſ, annonæ caritatem nõ uererere; ſic erat deſormiſ, atque horriduſ, ut in uberrima Sicilia parte Siciliam quæreremus: labefactarat enim uehementer aratores iam ſuperior annuſ, proximuſ uero fundituſ euerterat. tu mihi etiam audes menciónem facere decumarum? tu in tanta acerbitate, in tot, et tantis iniurijs, cũ in arationibus, et in earum rerum iure prouincia Sicilia conſiſtat; euertiſ fundituſ aratoribuſ, relictiſ agris, cum in prouincia tam locuplete, ac reſerta non modo rem, ſed ne ſpem quidem ullam reliquam cuiquã feceriſ, aliquid te populare putabiſ habere, cũ diceſ te pluſ, quã ceteroſ, decumaſ uendiſſe? quaſi uero aut populuſ R. hoc uoluerit, aut ſenatuſ hoc tibi mandauerit, ut, cũ omneſ aratorum fortuneſ decumarum nomine criperet, in poſterum fructu illo, commodoq; rei frumentariæ populuſ R. priuaret; deinde, ſi quam partem tuæ prædæ ad ſummam decumarum addidiſſeſ, bene de populo R. merituſ uiderere. atque hæc perinde loquor, quaſi in eo ſit iniquitateſ eiꝰ reprehendenda, quòd propter gloriæ cupiditateſ, ut aliquoſ ſumma decumarum uinceret, acerbioſe legem, duriora edicta interpoſuerit, omnium ſuperiorum

aufloritam repudiarit. magno tu decumas uendidisti. quid, si doceo te nō minus domū tuā auertisse, quā Romam misisse decumarum nomine? quid habet populare ratio tua, cum ex prouincia populi R. equā partem tu tibi sumpseris, atque populo R. miseris? quid, si, duabus partibus, doceo, te amplius frumenti abstulisse, quā populo R. misisse? tamen ne putamus patronū tuum in hoc crimine ceruiculam iactaturum, & populo se ad coronam daturum? hæc uos antea iudices audistis, uerū fortasse ita audistis, ut auctore rumorem haberetis, sermo nemq; omnium. cognoscite nunc innumerabilem pecuniam frumentario nomine ereptā, ut simul illam quodque eius uocem improbam agnoscatis; qui se uno quaestu decumarum omnia sua pericula redempturum esse dicebat. Audiuius hoc iandiu iudices: nego quenquam esse uestrū; quin sæpe audierit, socios istius fuisse decumanos. nihil aliud arbitror in istum falsū esse dictū ab iis, qui male de isto existimarint, nisi hoc. nā socij putandi sunt, quos inter res communicata est. ego rem totam, fortunasq; aratorū omnes istius fuisse dico: Apronium, Veneriosq; seruos, quod isto Prætoris fuit nouum genus publicanorum, ceterosq; decumanos, procuratores istius quaestus, & ministros rapinarum dico fuisse. quo modo hoc doces? quo modo ex locatione illa columnarū docui istum esse prædatū? opinor ex eo maxime, quod iniquā legem, nouamq; dixisset: quis enim unquam conatus est iura omnia, & consuetudinem omnium commutare cū uituperatione, sine quaestu? pergam, atque insequar longius. iniqua lege uendebas, quo pluris uenderes. cur, iam addictis, & uenditis decumis, cum iam ad

*summam decumarum nihil, ad tuum quæstum multum
 posset accedere, subito atque ex tempore noua nasceban-
 tur edicta? nam ut uadimonium decumatio, quocunque
 is uellet, promitteretur; ut ex area, nisi pactus esset, ara-
 tor ne tolleretur; Cal. Sext. decumas deportatas haberet:
 hæc omnia, uēditis decumis, anno tertio te edixisse dico.
 quæ si Reip. causa faceres, in uendendo essent pronun-
 ciata: quia tua causa faciebas, quod erat imprudentia
 prætermisum, id quæstu, ac tempore admonitus repre-
 hendisti. illud uero cui probari potest, te sine tuo quæstu,
 ac máximo quæstu, tantam tuam infamiam, tantum capitis
 tui, fortunarumque periculum neglexisse? ut, cum totius
 Siciliae quotidie gemitus, querimoniasque audires; cum, ut
 ipse dixisti, reum te fore putares; cum huiusce iudicii
 discrimen ab opinione tua non abhorreret, paterere tamē
 aratores indignissimis iniuriis uexari, ac diripi. profecto,
 quanquam es singulari crudelitate, & audacia, tamen
 abs te tota alienari prouincia, tot honestissimos tibi inimi-
 cissimos fieri nollēs, nisi hanc rationem, et cogitationem
 salutis tuæ, pecunia cupiditas, ac præsens illa præda su-
 peraret. etenim; quoniā summā, et numerū iniuriarum
 iudices uobis non possum exponere, sigillatim autem de
 uniuscuiusque incommodo dicere infinitū est; genera ipsa
 iniuriarū, quæso, cognoscite. Nympho est Cēturipinus,
 homo nauus, & industrius, experientissimus, ac diligen-
 tissimus arator. is cum arationes magnas conductas ha-
 beret, quod homines etiā locupletes, sicut ille est, in Sici-
 lia facere consueuerūt; easque magna impensa, magno in-
 strumento tueretur; tāta ab isto iniquitate oppressus est,
 ut non modo arationes relinqueret, sed etiam ex Sicilia*

profugeret, Romamq; cum multis undè ab isto eieclis ueniret. fecit, ut decumanus Nymphonem uocaret ex edicto illo præclaro: quod nullam ad aliam rem, nisi ad huiusmodi quæstus, pertinebat: numerum iugerum professum non esse. Nympho cum se uellet æquo iudicio defendere, iste uiros optimos Recuperatores dat, eundem illū medicum Cornelium (is est Artemidorus Pergamenus, qui in sua patria dux isli quondam, & magister ad despoliandum Dianæ templum fuit) & aruspiciem Volusianum, & Valerium præconem. Nympho, antequā placitū constitit, cōdemnatur. quanti, fortasse quæritis. nulla erat edicti pœna certa. frumētī eius omnis, quod in arceis esset. sic Apronius decumanus non decumam debitam, nō frumentum remotū, atque celatum, sed tritici septem millia medimnū ex Nymphonis arationibus edicta pœna, nō redemptionis aliquo iure tollit. Xenonē Menenī, nobilissimī hominīs, uxoris fundus erat colono locatus: colonus, quod decumanorū iniurias ferre nō poterat, ex agro profugerat. Verres in Xenonē iudiciū dabat illud suum damnatorium de iugerum professione. Xenon ad se pertinere negabat, fundū eū locatū esse dicebat. dabat iste iudiciū; si pateret iugera eiusmodi fundi esse plura, quā colonus esset professus, tū Xenonē damnaretur. dicebat ille, non modo non arasse se id, quod in satis erat, sed nec dominū eius esse fundi, nec locatorem; uxorem esse, eam ipsam suum negotiū gere-re, ipsam locauisse. defendebat Xenonem homo summo splendore, et summa auctoritate præditus M. Cossētius. iste nihilo minus iudiciū HS LXXX dabat. ille tamē si Recuperatores de cohorte latronū sibi parari uide-

bat: tamen iudiciū accepturum se esse dicebat. tum iste magna uoce Venerijs imperat, ut Xenonem adirent; dū res iudicaretur, hominem ut asseruarent; cum indicatū sit, ad se adducant. & illud simul dixit, se nō putare illū, si propter diuitias poenas damnationis cōtemneret; etiam uirgas contemnere. hac ille ui, et hoc metu adductus tantum decumanis, quantū iste imperauit, exoluit.

Polemarchus est Murgentinus, uir bonus, atque honestus. is, cum pro iugeribus quinquaginta, medimna D C C decumæ imperarentur, quodd recusabat, domum ad istum in ius deductus est; & cū iste etiam cubaret, in cubiculum introductus est; quod, nisi mulieri, & decumano, patebat alij nemini. ibi cum pugnis et calcibus concisus esset, qui D C C medimnis decidere nolisset; mille promisit. Ebulides est Grossphus Centuripinus, homo cum uirtute, et nobilitate domi suæ, tum etiam pecunia princeps. huic homini iudices honestissimæ ciuitatis honestissimo, non modo frumenti scitote, sed uitæ, & sanguinis tantum relictum esse, quantum Apronij libido tulit: nam ui, malo, plagis adductus est, ut frumenti daret, non quantū haberet, sed quātum cogeretur. Sostratus, & Numenius, & Nymphodorus eiusdem ciuitatis, cū ex agris tres fratres cōsortes profugissent, quodd ijs plus frumenti imperabatur, quā quantum exararāt; hominibus coactis, in eorum arationes Apronius uenit, omne instrumentum diripuit, familiam abduxit, pecus abegit. postea, cum ad eum Nymphodorus uenisset Aetnam, & oraret, ut sibi sua restituerentur; hominem corripit, ac suspēdi iussit in oleastro quadam, quæ est arbor iudices in foro. tandiu pepēdit in arbore socius, amicusq;

populi R. in sociorum urbe, ac foro colonus, aratorq; uerster, quandiu uoluntas Apronij tulit. Genera iandudum innumerabilium iniuriarum iudices singulis nominibus profero: infinitam multitudinem iniuriarum praetermitto. uos ante oculos, animosq; uestros tota Sicilia decumanorum hos impetus, aratorum direptiones, huius importunitatem, Apronij regnū proponite. contempsit Siculos: nō duxit homines: nec ipsos ad persequendū uehementes fore, et uos eorum iniurias leuiter laturos existimauit. esto: falsam de illis habuit opinionem, malā de uobis. ueruntamen, cū de Siculis male mereretur, ciues R. coluit, his indulxit, eorū uoluntati & gratia deditus fuit. iste ciues R. at nullis inimicior, aut infestior fuit. mitto uincla, mitto carcerem, mitto uerbera, mitto securas, crucem denique illam praetermitto, quam iste ciuibus R. testem humanitatis in eos, ac beneuolentiae suae uoluit esse: mitto inquam haec omnia, atque in aliud dicendi tempus reijcio: de decumis, de ciuium R. conditione in arationibus disputo. qui quemadmodum essent accepti iudices, audistis ex ipsis: bona sibi erepta esse dixere. uerū haec, quoniā huiusmodi casus affuit, ferenda sunt, nihil ualuisse aequitatē, nihil cōsuetudinem: dāna denique iudices nulla tanta sunt, quae non uiri fortes magno, & libero animo affecti ferenda arbitrentur. quid, si equitibus R. non obscuris, neque ignotis, sed honestis, & illustribus manus ab Apronio, isto Praetore, sine ulla dubitatione afferebantur? quid expectatis? quid a me amplius dicendum putatis? an id agendum, ut ea celerius de isto transigamus, quo maturius ad Aproniū possimus, id quod ego illi iam in Sicilia pollicitus sum,

uenire? qui C. Matriniū iudices, summa uirtute hominem, summa industria, summa gratia, Leontinis in publico biduū tenuit. atque ab Apronio iudices, homine in dedecore nato, ad turpitudinem educato, ad Verris flagitia, libidinesq; accommodato, equitem R. scitote biduū cibo, tectoq; prohibitu, biduum Leontinis in foro custodijs Apronij retentu, atque seruatu, neque ante dimissu, quam ad conditiones eius depactus est: Nam quid ego de Q. Lollio iudices dicā, equite R. spectato, atque honesto? clara res est, quam dicturus sum, tota Sicilia celebrima, atque notissima: qui cū arāret in Aetnensi, cum is ager Apronio cum ceteris agris esset traditus, equestri uetere illa & auctoritate, et gratia fretus affirmavit, se decumanis plus, quam deberet, nō daturū. referatur eius sermo Apronio. enimuero iste ridere, ac mirari Lolliū nihil de Matrino, nihil de ceteris rebus audisse. mittit ad hominē Venerios: (hoc quoque attēdite, apparitores à Pratore assignatos habuisse decumanū: si me diocre argumentū uideri potest, istū decumanorū nomine ad suos quāstus esse abusum) adducitur à Venerijs, atque adeo attrahitur Lollius, cōmode, cū Apronius è palæstra redisset, et in triclinio, quod in foro Aetnae strauerat, decubisset. statuitur Lollius in illo tempestiuo gladiatorū cōuiuiο. nō mehercule, quā loquor, credere iudices, tametsi uulgo audieram, nisi mecū ipse senex, cum mihi, atque huic uolūtati accusationis meae lacrymās gratias ageret, summa cū auctoritate esset locutus. statuitur, ut dico, eques R. propē annos LXXXX natus in Apronij cōuiuiο, cū interea Apronius caput, atq; os suū unguēto perfricaret. quid est Lolli, inquit? tu, nisi malo

coactus, recte facere nescis? homo, quid ageret; taceret, responderet; quid faceret denique, illa auctoritate, et aetate praeclitus nesciebat. Apronius interea cenam, ac pocula poscebat. serui autem eius, qui et moribus iisdem essent, quibus dominus, et eodem genere, ac loco nati, praeter oculos Lollii haec omnia ferebant. ridere conuiuia, cachinnari ipse Apronius. nisi forte existimatis, eum in uino, ac luxu non risisse, qui nunc in periculo, ac exitio suo risum tenere non possit. ne multa iudices: his contumeliis scitote Q. Lollium coactum ad Apronii leges, conditionesque uenisse. Lollius aetate, et morbo impeditus, ad testimonium dicendum uenire non potuit. quid opus est Lollio? nemo hoc nescit: nemo tuorum amicorum, nemo abs te interrogatus, nunc se primum hoc dicer audire. M. Lollius filius eius, adolescens lectissimus, praesto est: huius uerba auditis. nam Q. Lollius eius filius, qui Calpurnium accusauit, adolescens et bonus, et fortis, et in primis disertus, cum his iniuriis contumeliisque commotus in Siciliam esset profectus, in itinere occisus est. cuius mortis causam fugitini sustinent: re quidem uera nemo in Sicilia dubitat, quin eo sit occisus, quod habere clausa non potuerit sua consilia de Verre. iste porro non dubitabat, quin is, qui antea alium studio adductus accusasset, sibi aduenienti praesto esset futurus, cum esset parentis iniuriis, et domestico dolore commotus. iam ne intelligitis iudices, quae pestis, quae immanitas in uestra antiquissima, fidelissima, proximaque provincia uersata sit? iam uidetis, quam ob causam Sicilia tot hominum antea furta, rapinas iniuritates, ignominiasque perpeffa, non potuerit nouum, ac singulare, atque incredibile genus iniuriarum, contumelia-

rum; ferre? iam omnes intelligunt, cur uniuersa provincia defensorem suæ salutis cum quæsuiuit, cuius iste fidei, diligentie, perseverantiæ nulla ratione eripi possit. tot iudicijs interfuistis: tot homines nocetes et improbos accusatos & uestra & superiorum memoria scitis esse: ecquæ uidistis, ecquæ audistis in tantis furtis, in tam aperiis, in tanta audacia, tanta impudentia esse uersatum? Apronius stipatorios Venerios secum habebat: ducebat eos circum ciuitates: publice sibi conuiuia parari, sternitriclinia etiam in foro iubebat, ed uocari homines honestissimos, non solû Siculos, sed etiam equites R. ut, quocum inire cõuiuiû nemo unquam, nisi turpis, impurusq; , uoluiisset, ad eius cõuiuiû spectatissimi, atque honestissimi uiri tenerentur. hæc tu omnium mortalium profligatissime, ac perditissime cum scires, cum audires quotidie, cum uideres; si sine tuo maximo quæstu fierent, cum tanto periculo tuo fieri paterere, atque cõcederes? et tantum apud te quæstus Apronii, tantum eius sermo inquinatissimus, & blanditiæ flagitiosæ ualuerunt, ut nunquam animum tuum cura tuarum fortunarum, cogitatioq; tangeret & cernitis iudices, quod, & quantum incendium decumanorum impetu nõ solum per agros, sed etiam per reliquas fortunas aratorum, non solum per bona, sed etiam per iura libertatis, & ciuitatis isto Prætoris peruasere. uidetis pendere alios ex arbore, pulsari autem alios, & uerberari, porro alios in publico custodiri, destitui alios in conuiuio, cõdemnari alios a medico, & præcone Prætoris, bona tamen interea nihilo minus eorum omnium ex agris auferri, ac diripi. quid? est hoc populi R. imperium? populi R. leges? iudicia? socij fideles? provin-

cia suburbana? nō ne omnia potius eiusmodi sunt, quæ,
si Athenio uicisset, in Sicilia non fecisset? non inquā in
dices esset ullam partem istius nequitie fugitiuorum in
solentia consecuta. priuatim hoc modo. quid publice? ci-
uitates quemadmodum tractatæ sunt? audistis per mul-
ta indicia, & testimonia ciuitatum, & reliquarum au-
dietis. ac primū de Agyrinensi populo fideli, & illustri
breuiter cognoscite. Agyrinensis est in primis honesta
ciuitas Siciliæ, hominū ante hūc Prætozem locupletium,
summorumq; aratorum. eius agrī decumas cū emisset
idem Apronius, Agyriū uenit. qui cum eo cum apparito
ribus, idest cum minis, ac uī uenisset, poscere pecuniam
grādem cœpit, ut accepto lucro discederet. nolle se nego-
tij quidquam habere dicebat, sed accepta pecunia quā
primū aliam ciuitatem occurrere. sunt homines Siculi
nō cōtemnendi, si per nostros magistratus liceat, sed ho-
mines & satis fortes, & satis planē frugi, ac sobrii, &
in primis hæc ciuitas, de qua loquor iudices. itaque homi-
nī in primis improbissimo respondēt Agyrinenses, sese de
cumas ei, quemadmodū deberent, daturōs, lucrū, cū ille
magno præsertim emisset, non addituros. Apronius cer-
torem facit istū, cuius res erat, quid rei esset. statim, tan-
quā cōiuratio aliqua Agyrii contra Remp. facta, aut
Legatus Prætoris pulsatus esset, ita Agyrio magistratus,
& Quinqueprimi accitū istius euocātur. ueniūt Syracu-
sas: præsto est Apronius: ait eos ipsos, qui uenissent, cōtra
ediētū Prætoris fecisse. quærebant, quid? respondebat, se
ad Recuperatores esse diētū. iste, æquissimus homo,
formidinem illam suam miseris Agyrinensibus inīcie-
bat, Recuperatores se de cohorte sua daturū minabatur.

Agyrinēſes uiri fortiffimi iudicium ſe paſſuros eſſe dice-
 bant. ingerebat iſte Artemidorū medicum Cornelium,
 pictorem Tlepolemū, & eiufmodi Recuperatores: quorū
 ciuis R. nemo erat, ſed Græci ſacrilegī, iam pridem
 improbi, repēre Cornelij. uidebāt Agyrinenſes, quidquid
 ad eos Recuperatores Apronius attuliſſet, illum per facile
 probaturum: condemnari cum iſtius inuidia, infamīaq;
 malebant, quā ad eius conditiones, pactionesq; accede-
 re. quærebat, quæ in uerba Recuperatores daret: reſpon-
 debat, ſi pateret aduerſus ediētum feciſſe, quæ in iudicio
 dicturum eſſe dicebat. iniquiſſimis uerbis, improbiſſimis
 Recuperatoribus, conſictari malebant, quā quidquā
 cum iſto ſua uolūtate decidere. ſummittebat iſte Timar-
 chidem, qui moneret eos, ſi ſaperent, ut tranſigerēt. per-
 negabant. quid ergo? in ſingulos HS quinquagenis mil-
 libus damnari mauultis? malle dicebant. tum iſte clare
 omnibus audiētibus, qui damnatus erit, inquit, uirgīs ad
 necem cadetur. hic illi ſtentes rogare, atque orare coepe-
 rūt, ut ſibi ſuas ſegetes, fructusq; omnes, arationesq; ua-
 cuas Apronio tradere liceret, ut ipſi ſine ignominia, mo-
 leſtiaq; diſcederēt. hac lege iudices decumas uēdidit Ver-
 res. dicat licet Hortenſius, ſi audet, magno Verrem uen-
 didiſſe. hæc conditio fuit iſto Pratore aratorū, ut ſecum
 præclare agi arbitrantur, ſi uacuos agros Apronio tra-
 dere liceret: multas enim cruces propoſitas effugere cu-
 piebant. quantum Apronius edidiſſet deberi, tantum ex
 ediētō dādum erat. etiā ne ſi plus edidiſſet, quā quā-
 tum natum eſſet? etiam. quo modo? magiſtratus ex ip-
 ſius ediētō exigere debebant. at arator repetere poterat.
 uerum Artemidoro, Recuperatore. quid, ſi minus arator

dedisset, quàm poposcisset Apronius? iudicium in aratorum in quadruplum. ex quo iudicium numero? ex cohorte Prætoris, præclara, honestissimorum. quid amplius? minus te iugerum professum esse dico: Recuperatores reiice, quodd aduersum edictum feceris. ex quo numero? ex eadem cohorte. quid erit extremum? si damnatus eris, (nam dubitatio damnationis illis Recuperatoribus quæ poterat esse?) uirgis te ad necem cadi necesse erit. his legibus, his conditionibus, erit quisquam tam stultus, qui decumas uenisse arbitretur? qui aratori nouem partes reliquas fæctas esse existimet? qui non intelligat, istum sibi quæstui, prædæque habuisse bona, possessiones, fortunas aratorum? uirgarum metu Agrinenses, quod imperatum esset, fæcturos se esse dixerunt. accipite nunc, quid imperarit: et dissimulate, si potestis, uos intelligere, ipsum Prætorum, quod tota Sicilia perstexerit, redemptorem decumarum, atque adeo aratorum dominum, ac regem fuisse. imperat Agrinensibus, ut decumas ipsi publice accipiant, Apronio lucrum dent. si magno emerat: quoniam tu es, qui diligentissime pretium exquisisti, qui, ut ais, magno uendidisti, quare putabas emptori lucrum addi oportere? esto: putabas. quamobrem imperabas, ut adderent? quid est aliud capere, et conciliare pecunias, in quo te lex tenet, si hoc non est, ui, atque imperio cogere inuitos lucrum dare alteri, hoc est pecunia dare? age, quid tum? si Apronio, delicijs Prætoris, lucelli aliquid iussi sunt dare, putate Apronio datum, si Apronianum lucellum, ac non Prætoriam prædā uobis uidebitur. imperas, ut decumas accipiant, Apronio dent lucrum, tritici medimna XXXIIII. quid est hoc? una ciuitas ex uno agro ple-

bis Romanæ propè mēstrua cibaria Prætoris imperio do-
 nare Apronio cogitur. tu magno decumas uendidisti? cū
 tantum lucri decumano sit datum, profecto, si pretium
 exquisisses diligenter, tum, cū uendebas, X medimna po-
 tius addidissent, quā HS DC postea. magna præda ui-
 detur. audite reliqua, & diligēter attendite, quo minus
 miremini Siculos re necessaria coactos auxiliū à patro-
 nis, à Cōsulibus, ab senatu, ab legibus, à iudicijs petuisse.
 ut probaret Apronius hoc triticū, imperat Agyrinensi-
 bus Verres, uti in medimna singula dētur Apronio HS
 III. quid est hoc? tātō numero frumenti in lucri nomē
 imperato, expresso, nummi præterea exigētur, ut probe-
 tur frumentū? an poterat nō modo Apronius, sed quī-
 uis, exercitui si metiundū esset, improbare Siculum fru-
 mentū, quod illi ex area, si uellet, admetiri licebat? fru-
 menti tantus numerus imperio tuo datur, et cogitur. nō
 est satis. nūmi præterea imperātur. dantur. parū est. pro
 decumis hordei, alia pecunia cogitur. iubes HS XXX
 lucri dari. ita ab una ciuitate uī, minis, imperio, iniu-
 riaq; Prætoris eripiūtur tritici medimna XXX III, et
 præterea HS LX. an hæc obscura sunt? aut, si omnes ho-
 mines uelint, obscura esse possunt? quæ tu palàm egisti:
 in cōuentu imperasti: omnibus inspeclantibus coegisti:
 qua de re Agyrinenses magistratus, & Quinqueprimi,
 quos tui quæstus causa euocasti, acta, et imperia tua do-
 mum ad senatum suū renunciauerunt: quorū renuncia-
 tio legibus illorū, literis publicis mandata est: quorū Le-
 gati, homines nobilissimi, Romæ sunt, qui hoc idē pro testi-
 monio dixerūt. cognoscite Agyrinensiū publicas literas,
 deinde testimoniū publicum ciuitatis. Recita literas pu-

blicas. TESTIMONIVM PVBLICVM. an-
maduertistis in hoc testimonio iudices, Apollodorum, cui
Pyragri cognomen est, principem suæ ciuitatis, lacryman-
tem testari, ac dicere, nunquā, post populi R. nomen ab
Siculis auditū, et cognitū, Agrinenses contra quenquā
infimum ciuem R. dixisse, aut fecisse quippiā; qui nunc
cōtra Prætozem populi R. magnis iniurijs, et magno do-
lore publice testimoniū dicere cogerentur. unī mehercu-
le huic ciuitati Verres obsistere tua defensione nō potes:
tanta auctoritas est in eorum hominū fidelitate, tantus
dolor iniuriæ, tanta religio in testimonio. uerū non una
te, sed uniuersæ similibus afflicta incōmodis, legationi-
bus, ac testimonijs publicis persequuntur. etenim deinceps
uideamus, Herbitensis ciuitas honesta, & antea copiosa,
quemadmodū spoliata ab isto, ac uexata sit. at quorum
hominū? summorū aratorū, remotissimorū a foro, iudi-
cijs, & controuersijs: quibus parcere, & consulere homo
impurissime, et quod genus hominū studiosissime conser-
uare debuisti. primo anno uenierūt eius agri decumæ tri-
tici medimna XVIII. accēsus istius, itē minister in de-
cumis, cum emisset, et præfecti nomine cū uenisset Her-
bitam cum Venerijs, locusq; ei publice, quod diuerteretur,
datus esset: coguntur Herbitenses ei lucri dare tritici mo-
diū XXXVII millia, cū decumæ uenissent tritici mo-
diū XVIII. atque hoc triticū lucri coguntur dare pu-
blice, cū iā priuatim aratores ex agris spoliati, atque exa-
gitati decumanorū iniurijs profugissent. anno secūdo cū
emisset Apronius decumas tritici modīū XXV millibus,
& ipse Herbitam cum illa prædonis copia, manuq; ue-
nisset: populus publice coactus est ei conferre lucri tritici

modium XXV I, et accessionem HS M M. de accessio-
 ne dubito an Apronio ipsi data sit merces operæ, pre-
 tiumq; impudentiæ. de tritici quidem numero tãto, quis
 potest dubitare, quin ad istum prædonem frumentariũ,
 sicut Agyrinẽse frumentũ, peruenerit? Anno uero ter-
 tio in hoc agro cõsuetudine usus est regia. solere aiũt bar-
 baros Reges Persarũ, ac Syrorũ plures uxores habere, his
 autẽ uxoribus ciuitates attribuere, hoc modo: hæc ciui-
 tas mulieri redimiculum præbeat, hæc in collum, hæc in
 crines. ita populos habent uniuersos nõ solũ conscios libi-
 dinis suæ, uerũ etiã administratos. eandẽ istius, qui se Regẽ
 Siculorũ esse dicebat, licentiã, libidinemq; fuisse cognosci-
 te. Aeschionis Syracusani uxor est Pippa, cuius nomen
 istius nequitia tota Sicilia peruulgatũ est. de qua mulie-
 re uersus plurimi supra tribunal, & supra Prætoris ca-
 put scribebãtur. hic Aeschrio Pippæ uir adumbratus, in
 Herbitẽsibus decumis nouus instituitur publicanus. Her-
 bitenses cũ uiderent, si ad Aeschrionem pretiũ redisset,
 se ad arbitriũ libidinosissimæ mulieris spoliatum iri; li-
 citi sunt usque eò, quoad se efficere posse arbitrabantur.
 supra adiecit Aeschrio: neque. n. metuebat, ne Prætor
 Verre decumana mulier dãno affici posset. addicitur me-
 dimnis M M, dimidio ferẽ pluris, quàm superiore anno.
 aratores funditus euertebãtur, et eo magis, quòd iã supe-
 rioribus annis exhausti erant, ac penè perditì. intellexit
 iste ita magno uenisse, ut amplius ab Herbitẽsibus expri-
 mi nõ posset. demit de capite medimna DC: iubet in ta-
 bulas pro medimnis M M M V I I I, referri D M M D
 & I I I I. hordei decumas eiusdem agri Docimus eme-
 rat. hic est Docimus, qui ad istum deduxerat Tertiam
 Isidori

Isidori mimi filiam, ui abductam ab Rhodio tibicine. huius Tertiae plus etiam, quā Pippae, plus quā ceterarum, ac propē dicam tantum apud istum in Siciliensi Pratura auctoritas ualuit, quātum in urbana Chelidonis. ueniūt Herbitam duo Pratoris amuli non molesti, muliercularum deterrimarum improbissimi cognitores: incipiunt postulare, poscere, minari: non poterant tamen, cum cuperent, Apronium imitari: Siculi Siculos nō tam per timecebant. cum omni ratione tamen illi calumniarentur, promittunt Herbitenses uadimonium Syracusas. ed posteaquam uentū est, cogūtur Aeschroni, id est Pippae, dare tantum, quantum erat de capite demptum, tritici modios M M M D C. mulierculae publicanae noluit ex decumis nimium lucri dare, ne forte ab nocturno suo questu animum ad uectigalia redimenda transferret. transactū putabant Herbitenses, cū iste, quid de hordeo, inquit, & Docimo amiculo meo? quid cogitatis? at hoc agebat in cubiculo iudices, atque in lectulo suo. negabāt illi sibi quidquā esse mandatū: nō audio: numerate HS X V. quid facerent miseri? aut quid recusarent? praesertim cū in lectulo decumanae mulieris uestigia uiderent recentia, quibus illū inflammari ad perseverandū intelligebant. ita ciuitas una sociorū, atque amicorū, duabus deterrimis mulierculis Verre Pratore uectigalis fuit. atque ego nunc, eū frumenti numerū, et eas publice pecunias decumanis ab Herbitensibus datas esse dico. quo illi frumento, & quibus pecunijs tamen à decumanorū iniurijs ciues suos nō redemerūt: perditis enim, et direptis aratorū bonis, haec decumanis merces dabatur, ut aliquādo ex eorū agris, atque ex urbibus abirent. itaque cum

Philinus Herbitensis, homo disertus, & prudens, & domi nobilis, de calamitate aratorum, et de fuga, et de reliquorum paucitate publice diceret; animaduertistis iudices gemitum populi R. cuius frequentia huic causa nunquam defuit. qua de paucitate aratorum alio loco dicam: nunc illud, quod penè præterij, non omnino relinquendum uidetur. nam per deos immortales, quod de capite ipso dempsit, quo tandem modo ferendum, uerum etiam animaduertendum uidetur? unus adhuc fuit post Romam conditam (dij immortales faxint, ne sit alter) cui Respublica totam se tradidit, temporibus coacta, & malis domesticis, L. Sylla. hic tantum potuit, ut nemo illo inuito nec bona, nec patriam, nec uitam retinere posset: tantum animi habuit ad audaciam, ut dicere in concione non dubitaret, bona ciuium R. cum uenderet, se prædam suam uendere. eius omnes res gestas non solum obtinemus, uerum etiam propter malorum, incommodorum, & calamitatum metum publica auctoritate defendimus: unum hoc illius S. C. reprehensum: decretumque est, ut, quibus ille de capite dempsisset, id pecunias in ærarium referrent. statuit senatus, hoc ne illi quidem esse licitum, cui concesserat omnia, à populo factarum, quasitarumque rerum summas imminuere. illum uiris fortissimis iudicarunt patres conscripti dimittere de summa non potuisse: te mulieri deterri-mæ recte remisisse senatores indicabunt? ille, de quo lege populus R. iusserat, ut ipsius uoluntas populo R. esset pro lege, tamen in hoc uno genere ueterum religione legum reprehenditur: tu, qui omnibus legibus implicatus tenebare, libidinem tibi tuam pro lege esse uoluisti? in illo reprehenditur, quod ex ea pecunia remiserit, quam ipse quasie-

rat: tibi concedetur, qui de capite ueſtigalium populi R. remisſiſti? atque in hoc genere audaciæ multo etiã impudentius in decumis Segeſtenſium uerſatus eſt. quas cum addiſſet eidẽ illi Docimo, hoc eſt tritici modiũ quinque millia, & acceſſionem aſcripſiſſet HS MD; coegit Segeſtenſes à Docimo tantidem publice accipere. id quod ex Segeſtenſium publico teſtimonio cognoscite. Recita teſtimonium publicum. Audistiſ, quanti decumas acceperit à Docimo ciuitas, tritici modium quinque millia, et acceſſionem. cognoscite nunc, quanti ſe uendiſſe retulerit. LEX DECVMIS VENDVNDIS C. VERRE PR. hoc nomine uidiſtiſ tritici modiũ MMM de capite eſſe dempta. quæ cũ de populi R. uenſtu, de ueſtigalium neruis, de ſanguine detraxiſſet ærarij; Tertiæ mimæ condonauit. utrum, impudentius à ſocijs abſtulit, an turpius meretrici dedit? an improbius populo R. ademit? an audacius tabulas publicas commutauit? ex horum ſeueritate te ulla uis, aut ulla largitio eripiet? ſed ſi eripuerit, non intelligit hæc, quæ iandudum loquor, ad aliã quaſtionem, atque ad peculatus iudicium pertinere. itaque hoc mihi reſeruabo genus integrum totũ: ad illã, quã inſtitui, cauſam frumenti, ac decumarum reuertar. Qui cũ agros maximos, ac feraciſſimos per ſe ipſum, hoc eſt per Aproniũ Verrem alterũ, de popularetur; ad minores ciuitates, habebat alios, quos, tanquã canes, immitteret, nequam homines, et improbos, quibus aut frumẽtũ, aut pecuniã publice cogeſſet dari.

A. Valentinus eſt in Sicilia interpres, quo iſte interprete nõ ad linguã græcã, ſed ad furta, et ſlagitia uti ſolebat. ſic interpres hic, homo leuis, atque egens, repente dic-

cumanus: emit agri Liparenſis miſeri, atque ieiuni decumas tritici medimnis D C. Liparenſes uocantur: ipſi accipere decumas, et numerare Valentio coguntur lucri HS XXX millia. per deos immortales, utrū tibi ſumes ad deſenſionē? tanto ne minoris tibi decumas uendidiffe, ut ad medimna DC, HS XXX millia lucri ſtatim ſua uoluntate ciuitas adderet, hoc eſt tritici medimna I I millia: an, cū magno decumas uendidiffe, te expreſſiſſe ab inuitis Liparenſibus hanc pecuniam? ſed quid ego ex te quaero, quid deſenſurus ſis, potius, quā cognoscā ex ipſa ciuitate quid geſtum ſit? Recita teſtimoniū publicū Liparenſium: deinde, quēadmodū Valētio nūmi ſint dati.

TESTIMONIUM PVBLICVM, QVOMODO SOLVTVM SIT LITERIS PVBLICIS. etiā ne hæc tam parua ciuitas, tam procul à manibus tuis, atque à cōſpectu remota, ſeiuncta à Sicilia, in inſula inculta tenuiq; poſita, cumlata alijs tuis maioribus iniurijs, in hoc quoque frumentario genere prædæ tibi, et quæſtui fuit? quā tu totā inſulam cuidam tuorum ſodalium, ſicut aliquod munuſculum, condonaras, ab hac etiam hæc frumentaria lucra tanquā à mediterraneis exigebātur? itaque qui tot annis agellos ſuos ante te Prætorē redimere à piratis ſolebant, ijdem ſe ipſos à te pretio impoſito redemerunt. quid ergo? à Tiſſenſibus, perparua et tenui ciuitate, & aratoribus laborioſiſſimis, frugaliffimisq; hominibus, non ne plus lucri nomine eripitur, quā quantum frumenti omnino exarant? ad quos tu decumanum Diognetū Veneriū miſiſti, nouum genus publicani. cur hoc auctore non Romæ ſerui publici ad ueſtigalia accedant? anno ſecundo Tiſſenſibus

senses HS XXI lucri dare coguntur inuiti: tertio anno HS MM modium tritici lucri Diogneto Venerio dare coacti sunt. hic Diognetus, qui ex publicis uectigalibus tanta lucra facit, uicarium nullum habet, nihil omnino peculij. uos etiam nunc dubitate, si potestis, utrum tantum numerum tritici Venerius apparitor istius sibi acceperit, an huic exegerit. atque hac ex publico Tisensium testimonio cognoscite. TESTIMONIUM PUBLICUM TISENSIVM. obscure indices Prator ipse decumanus est? cum eius apparitores frumentum a ciuitatibus exigant, pecunias imperent, aliquanto plus ipsi auferant, quam quantum populo R. decumarum nomine daturi sunt. hac equitas in tuo imperio fuit, hac Pratoris dignitas, ut seruos Venerios Sicularum dominos esse uelles. hic delectus, hoc discrimen te Pratore fuit, ut aratores in seruorum numero essent, serui in publicanorum.

Quid Amestratini miseris? impositis ita magnis decumis, ut ipsis reliqui nihil fieret, non ne tamen numerare pecunias coacti sunt? addicuntur decumae M. Casio, cum adessent legati Amestratini. statim cogitur Heraclius Legatus numerare HS XXI. quid hoc est? quae est ista praeda? quae uis? quae direptio sociorum? si erat Heraclio ab senatu mandatum, ut emeret: emisset. si non erat: qui poterat sua sponte pecuniam numerare? Casio renunciat se dedisse. cognoscite renunciationem ex literis. Recita ex literis publicis. quo. S. C. erat hoc Legato permissum? nullo. cur fecit? coactus est. quis hoc dicit? tota ciuitas. Recita testimonium publicum. ab hac eadem ciuitate anno secundo similiratione extortam esse pecuniam, et Sex. Vennonio datam, ex eodem testimonio co-

gnouistis. at Ameſtratinos, homines tenues, cū eorū decumas med. D C C C uendidiffes, Banobali Venerio (cognoſcite nomina publicanorum) cogis eos plus lucri addere, quā quanti uenierant, cū magno ueniſſent. dant Banobali med. D C C C, HS M D. profeſſo nunquā iſte tā amens fuiſſet, ut ex agro populi R. plus frumenti ſeruo Venerio, quā populo R. tribui pateretur, niſi omnis ea praeda ſerui nomine ad iſtū ipſum perueniret. Petri ni, cū eorū decumae magno addictae eſſent, tamen inuitiſſimi P. Neuio Turpioni, improbiſſimo homini, qui iniuriarum Sacerdote Praetore damnatus eſt, HS V I I dare coacti ſunt. ita ne diſſolute decumas uendidiffi, ut, cum medimnum X V millibus ueniſſent, hoc eſt HS X X X X V, lucri decumano HS M M M darentur? at permagno decumas eius agri uēdidi. uidelicet gloria tur nō Turpioni lucrū datum, ſed Petrinis pecuniae erepta. Quid Halycienſes, quorū incolae decumas dāt, ipſi agros immunes habent? non ne huic eidem Turpioni, cū decumae C med. ueniſſent, HS X V dare coacti ſunt? ſi id, quod maxime uiſ, poſſes probare, hac ad decumanos lucra ueniſſe, nihil te attigiffet: tamē hae pecuniae per uim atque iniuriā tuam captae, & conciliatae, tibi fraudi, et damnationi eſſe deberent. cum uero hoc nemini perſuadere poſſis, te tam amentem fuiſſe, ut Aproniū, ac Turpionem, ſeruos homines, tuo, liberorumq; tuorum periculo diuites fieri uelles: dubitaturū quēquā exiſtimas, quin illis emiſſarijs hac tibi omnis pecunia quaſita ſit? Segeſta item ad immunē ciuitatē Venerius Symmachus decumanus immittitur. is ab iſto literas aſſert, ut ſibi, cōtra iura omnia, contraq; legem Rupiliam, extra forum ua-

dimonium promittant aratores. audite literas, quas a d
 Segestanos miserit. LIT'ERAE C. VERRIS. hic
 Venerius quemadmodum aratores eluserit, ex una pa-
 Ellone hominis honesti, gratiosiq; cognoscite : in eodem
 enim genere sunt cetera. Diocles est Panormitanus,
 Phimes cognomine, homo illustris, ac nobilis arator. is
 agrum in Segestano (nam commercium in eo agro Pa-
 normitanis est) conductum habebat HS sex millibus.
 pro decuma cum pulsatus a Venerio esset, dedit HS sex
 decim millia, & DCLIII. id ex tabulis ipsius co-
 gnoscite. NOMEN DIOCLIS PANOR-
 MITANI. huic eidem Symmacho Anneius Bro-
 chus senator, homo eo splendore, ea uirtute, qua omnes
 existimatis, nummos prater frumentum coactus est da-
 re. Venerio ne seruo te Pratore talis uir, senator po-
 puli R. quaestui fuit? hunc ordinem si dignitate ante-
 cellere non existimabas, ne hoc quidem sciebas, iudicare?
 antea, cum equester ordo iudicaret, improbi & rapa-
 ces magistratus in prouincijs inserviebant publicanis, or-
 nabant eos, quicunque in operis erant: quemcunque e-
 quitem R. in prouincia uiderant, beneficijs, ac libera-
 litate prosequabantur: neque tantum illa res nocenti-
 bus proderat, quantum obfuit multis, cum aliquid
 contra utilitatem eius ordinis, uoluntatemq; fecissent.
 retinebatur hoc tum. nescio quo modo quasi communi
 consilio ab illis diligenter, ut, qui unum equitem R.
 contumelia dignum putasset, ab uniuerso ordine ma-
 lo dignus iudicaretur. tu sic ordinem senatorium de-
 spexisti, sic ad iniurias libidinesq; tuas omnia coaqua-
 sti, sic habuisti statutum cum animo, ac deliberatum,

omnes, qui habitarent in Sicilia, aut qui Siciliā te Præ-
tore attigissent, iudices reuocare? ut illud non cogitares, ta-
men ad eiusdē ordinis homines te iudices esse uenturū?
in quibus, si ex ipsorū domestico incommodo nullus do-
lor insideret, tamē esset illa cogitatio, in alterius iniuria
se se despectos, dignitatemq; ordinis contemptam, et abie-
ctam. quod mehercule iudices mihi non mediocriter fe-
rendum uidetur: habet enim quendam aculeum contu-
melia, quem pati prudentes, ac uiri boni difficillime pos-
sunt. spoliasti Siculos: solent. n. inulti, esse in iniurijs suis
provinciales. uexasti negotiatores: inuiti enim Romā ra-
roq; decedunt. equitem R. ad Apronij iniurias dedisti:
quid enim iam nocere possunt, quibus nō licet iudicare?
quid, cū senatores summis iniurijs afficis? quid aliud di-
cis, nisi hoc? cedo mihi etiam istum senatorē: ut hoc am-
plissimum nomen senatorum nō modo ad inuidiam im-
peritorū, sed etiam ad cōtumeliam improborum natum
esse uideatur. neque hoc in uno fecit Anneio, sed in o-
mnibus senatoribus; ut ordinis nomē nō tantū ad hono-
rem, quantū ad ignominiam ualeret. in C. Cassio, uiro
clarissimo, & fortissimo, cum is eo ipso tempore, primo
istius anno Cōsul esset, tanta improbitate usus est, ut, cū
eius uxor fœmina primaria paternas haberet arationes
in Leontino, frumētum omne in decumas auferre iusse-
rit. hūc tu in hac causa testem Verres habebis; quoniā,
iudicem ne haberes, prouidisti. uos autē iudices putare
debetis, esse quiddam nobis inter nos cōmune, atque con-
iūctum. multa sunt imposita hūic ordini munera, mul-
ti labores, multa pericula, non solum legum, ac iudicio-
rum, sed etiam rumorū, ac temporum. sic est hic ordo

quasi propositus, atque editus in altum, ut ab omnibus
uentis inuidia circumflari posse uideatur. in hac misera,
et indigna conditione uitæ ne hoc quidem retinebimus
iudices, ut magistratibus nostris, in obtinendo iure nostro,
ne contemptissimi, ac despectissimi esse uideamur? Ther-
mitani miserunt, qui decumas emerent agri sui. magni
sua putabant interesse, publice potius quamuis magno
emi, quàm in aliquem istius emissarium indicare. apposi-
tus erat Venuleius quidam, qui emeret. is liceri nō desi-
tit. illi, quoad uidebatur ferri aliquo modo posse, conten-
derunt, postremo liceri destiterunt. addicitur Venuleio
tritici mod. V I I C. Legatus Possidorus renunciat. cum
omnibus hoc intolerandum uideretur, tamen Venuleio
datur, ne accedat, tritici mod. V I. præterea HS M M
millia. ex quo facile apparet, quæ merces decumani, quæ
Prætoris præda esse uideatur. cedo Thermitanorū mi-
hi literas, et testimoniū. TABVLAE THERMI-
TANORVM, ET TESTIMONIUM.
Imacharēses, iā omni frumento ablato, iam omnibus in-
iurijs tuis exinanitos, tributum ferre miseros, ac perdis-
tos coegisti, ut Apronio daret HS XX millia. recita de-
cretum de tributis, & publicum testimonium. S. C. DE
TRIBVTO CONFERENDO. TESTI-
MONIUM IMACHARENSIVM. En-
nenses, cum decumæ uenissent agri Ennensis medimnū
M M M C C, Apronio coacti sunt dare tritici mod.
L X X M M M, & HS I I I millia. quæso attendite
quantus numerus frumenti cogatur ex omni agro de-
cumano. nam per omnes ciuitates, quæ decumas debent,
percurrit oratio mea: & in hoc genere nūc indices uer

for, in quo non sigillatim aratores euersi bonis omnibus sunt, sed publice decumanis ^l lucra data sunt, ut alii quando ex eorum agris, atque urbibus expleti, atque saturati cū hoc cumulo quæstus decederent. Calatinis quamobrem imperastis anno tertio, ut decumas agri sui, quas Calatæ dare consueuerant, Amestrati M. Casio decumano darēt? quod neque ante te Pratorē illi fecerūt, neque tu ipse hoc ita statueras antea per biēniū. Theomnastus Syracusanus in agrum Muticensem cur abs te immissus est? qui aratores ita uexauit, ut illi in alteras decumas, id quod in alijs quoque ciuitatibus ostendā, triticum emere necessario propter inopiam cogerentur. Iam uero ex Hyblensiū pactionibus intelligetis, quæ pactione sint cum decumano Cn. Sergio, sexies tantū, quam quantum satum sit, ablatum esse ab aratoribus. Recita sationes & pactiones ex literis publicis. recita ex literis publicis. Cognoscite pactiones Menenorū cum Venerio seruo. Recita ex literis publicis. cognoscite itē professiones sationum, & pactiones Menenorū. Recita ex literis publicis. Patiemiui iudices, à socijs, ab aratoribus populi R. ab ijs, qui uobis laborāt, uobis seruiūt, quā ita plebem Romanā ab sese ali uolunt, ut sibi, ac liberts suis tantum supersit, quo ipsi ali possint; ab his per summam iniuriam, per summas cōtumelias plus aliquanto ablatum esse, quā natum sit? sentio iudices moderandum mihi esse iam orationi meæ, fugiendamq; uestrā satietatem: non uersabor in uno genere diutius, & ita cetera de oratione mea tollam, ut in causa relinquam. audietis Agrigentinarum, fortissimorum uirorum, diligētissimorumq; , querimonias: cognoscetis iudices En-

tellinorum, summi laboris, summaq; industria, dolorem
et iniurias: Heraclensium, Iciliensium, Aetnensium, So
lentinorum incommoda proferentur: Catinensium, locu
pletissimorum hominū, amicissimorumq; , agros uexa
tos ab Apronio cognoscetis. Tyndaritanā nobilissimam
ciuitatem, Cephaleditanam, Halentinam, Apolloniens
sem, Eggynam, Capitinā, perditas esse hac iniquitate de
cumanorum intelligetis: Murgentinis, Assorinis, Elori
nis, Ennensibus, Letinis nihil omnino relictum: Cīratari
nos, Acherinos, paruorum ciuitatum homines, omnino
abiectos esse, ac perditos: omnes denique agros decuma
nos per triennium populo R. ex parte decuma, C. Verri
ex omni reliquo uectigales fuisse: & plerisque aratori
bus nihil omnino superfuisse: quibus quod tum aut re
missum, aut relictum sit, id fuisse tantum, quantum ex eo,
quo istius auaritia cōtenta fuit, redundarit. duarum mi
hi ciuitatum reliquos feci agros iudices ferē optimos, ac
nobilissimos, Aetnensium, et Leontinorū. horum agrorū
ego missos faciam quāstus triennij: unum annum eli
gam, quo facilius id, quod inslitui, explicare possim. su
mam annum tertium, quod & recentissimus est, et ab isto
ita administratus, ut, cum se certe decessurū uideret, nō
laboraret, si aratorem nullū in Sicilia omnino esset reli
cturus. agri Aetnensis, & Leōtini decumas agemus. at
tendite iudices diligenter. agri sunt feraces, annus tertius,
decumanus Apronius. de Aetnēsis per pauca dicā:
dixerunt enim ipsi priore aelione publice: memoria
tenetis, Artemidorum Aetnensem, legationis eius prin
cipem, publice dicere, Apronium uenisse Aetnam cum
Venerijs, uocasse ad se magistratum, imperasse, ut

in foro sibi medio lecti sternerentur: quotidie solitū esse
 nō modo in publico, sed etiam de publico conuiuari: cū
 in eis cōuiujs symphonia caneret, maximisq; poculis mi-
 nistraretur, retinere solitū esse aratores, atque ab ijs non
 modo per iniuriam, sed etiam per contumeliam tantū
 exprimi frumenti, quantum Apronius imperasset. audī-
 stis hęc iudices: quæ nunc ego omnia prætereo, ac relin-
 quo. nihil de luxuria Apronij loquor, nihil de insolētia,
 nihil de singulari nequitia, ac turpitudine: tantum de
 quæstu, ac lucro dicam unius agri, et unius anni, quo fa-
 cilius uos coniecturam de trennio, & de tota Sicilia fa-
 cere possitis. sed mihi Aetnensium breuis est oratio: ipsi
 enim uenerunt: ipsi publicas literas deportarūt: docue-
 runt uos, quid lucelli fecerit homo nō malus, familiaris
 Prætoris, Apronius. id quæso ex ipsorū testimonio cogno-
 scite. Recita testimoniū Aetnensiu. quid ais? dic, dic
 quæso clarius, ut populus R. de suis uel ligalibus, de suis
 aratoribus, de suis socijs, atque amicis audiat. L. M E D I
 M N A. per deos immortales unus ager uno anno CCC
 millia mod. tritici, & præterea L. millia lucri dat Apro-
 nio? tanto ne minoris decumæ uenierunt, quàm fuerūt:
 an, cū satis magno uenissent, hic tantus tamen frumēti,
 pecuniæq; numerus ab aratoribus per uim ablati est?
 utrum enim horum dixeris, in eo culpa, et crimen here-
 bit. nam illud quidem nō dices: quod utinam dicas: ad
 Aproniū nō peruenisse tantum. ita te nō modo publicis
 tenebo, sed etiā priuatis aratorū pactionibus, ac literis:
 ut intelligas, nō te diligentiores in faciēdis furtis fuisse,
 quàm me in deprehendēdis. hoc tu feres? hoc quisquā
 defendet? hoc hi, si aliter de te statuere uoluerint, susti-

nebunt? uno aduentu, ex uno agro Q. Aproniū, præter eam, quā dixi, pecuniam numeratam, CCC millia mod. tritici lucri nomine susulisse? quid? hoc Aetnēses soli dicunt? immo etiam Centuripini, qui agri Aetnensis multo maximā partem possident. quorū Legatis, hominibus nobilissimis, Androni, et Arthemoni senatus ea mā data dedit, quæ publice ad ciuitatem ipsorū pertinebāt. de ijs iniurijs, quas ciues Centuripini non in suis, sed in aliorū finibus acceperūt, senatus & populus Centuripinus Legatos noluit mittere: ipsi aratores Cēturipini, qui numerus est in Sicilia maximus, honestissimorum, et locupletissimorū, tres Legatos ciues suos delegerunt, ut eorum testimonio non unius agri, sed propè totius Siciliae calamitates cognosceretis; ar. at. n. tota Sicilia fere Cēturipini: et hoc in te grauiores, certioresq; testes sunt, quod ceteræ ciuitates suis solū incōmodis commouentur, Centuripini, quod in omnibus ferè finibus habent possessiones, etiā ceterarū ciuitatum damna, ac detrimenta senserunt. uerū, ut dixi, ratio certa est Aetnensium, et publicis, et priuatis literis consignata mea diligentia. pensum magis in Leontino agro est exigendū, propter hanc causam, quod ipsi Leontini publice nō sanè me multū adiuuerūt: neque enim eos isto Pratore hæ decumanorū iniuriæ læserunt, potius etiam adiuuerunt. mirum fortasse hoc uobis, aut incredibile uideatur, in tantis aratorū incōmodis Leontinos, qui principes rei frumentariæ fuerunt, expertes incōmodorū, atque iniuriarum fuisse. hoc causæ est iudices, quod in agro Leontino, præter unam Mnasistrati familiam, glebam Leontinorū possident nemo. itaque Mnasistrati, hominis honestissimi, atque opti

mi uiri testimonium iudices audietis. ceteros Leontinos, quibus nō modo Apronius in agris, sed ne tēpestas quīdem ulla nocere potuit, expectare nolite: etenim nō modo incōmodi nihil ceperunt, sed etiā in Apronianis illis rapinis, in quāstu sunt cōpendioq; uersati. quapropter, quoniā me Leōtina ciuitas, atq; legatio propter eā, quā dixi, causam defecit: mihi met incunda ratio, & uia reperienda est, qua ad Aproniū quāstū, siue adeo qua ad islius ingentē immanemq; prādā possim peruenire. agri Leontini decumæ anno tertio uenierūt tritici medimnis XXXVI, hoc est tritici mod. CCXVI, magno iudices, magno: neque. n. hoc possum negare: itaque necesse est, aut damnum, aut certe non magnum lucrū fecisse decumanū: hoc enim solet usu uenire ijs, qui magno redemerūt. quid, si ostēdo in hac una emptione lucri fieri tritici modios C? quid, si CC? quid, si CCCC? dubitabitis etiam, cui ista tāta prāda quāsitā sit? iniquū me esse quispiā dicet, qui ex lucri magnitudine cōiecturā faciā furti, atque prādæ. quid, si doceo iudices, eos, qui CCCC millia mod. lucri faciūt, damnum facturos fuisse, si, ut tua iniquitas fuit, ex cohorte Recuperatores non intercederent? num quis poterit in tanto lucro, tantāq; iniquitate dubitare, quin propter iniquitatē tam magnos quāstus feceris, propter magnitudinē quāstus improbus esse uolueris? quo modo igitur hoc assequar iudices, ut scia, lucri quantum factum sit? nō ex Aproniū tabulis: quas ego cū cōquirerem, nō inueni: et cū in ius ipsum eduxi, expressi, ut, conficere tabulas se, negaret. si mentiebatur: quamobrem remouebat, si hæ tabulæ nihil tibi erāt ob futura? si omnino nullas confecerat literas: ne id qui-

dem satis significabat, illū non suum negotium gessisse? ea est enim ratio decumarū, ut sine plurimis literis confici non possit: singula enim nomina aratorum, & cum singulis pactiones decumarū, literis persequi, et conficere necesse est. iugera professi sunt aratores omnes imperio, atque instituto tuo. nō opinor quenkā minus esse professum, quā quantū arasset, cū tot cruces, tot iudicia, tot ex cohorte Recuperatores proponerētur. in iugere Leontini agri medimnum ferē tritici seritur, perpetua, atque æquabili satione: ager efficit, cum oētauo bene ut agatur; uerū, ut omnes dī adiuuent, cū decimo. quod si quādo accidit, tum fit, ut tantum decumæ sit, quantū seueris, hoc est, ut, quot iugera sunt sata, totidem medimna decumæ debeantur. hoc cum ita esset, primū illud dico, pluribus millibus medimnū uenisse decumas agri Leontino, quā quot millia iugerum sata erant in agro Leontino. quid si fieri non poterat, ut plus quā decem medimna ex iugere ararent; medimnū autē ex iugere decumano dari poterat, cum ager, id quod perraro cuenit, cum decumo extulisset: quæ erat ratio decumani, si quīdem decumæ, ac non bona ueniebant aratorū, ut pluribus aliquanto medimnis decumas emeret, quā iugera erant sata? in Leontino iugerum subscriptio, ac professio non est plus XXX, decumæ XXXVI medimnū uenerunt. errauit, an potius insaniuit Apronius? immo tum insaniisset, si aratoribus, quod deberent, licitū esset, et non, quod Apronius imperasset, necesse fuisset dare. si ostendo, minus tribus medimnis in iugerū neminē dedisse decumæ: concedes opinor, ut cum decumo fructus arationis perceptus sit, neminem minus tribus decumis

dedisse. atque hoc in beneficij loco petitum est ab Apronio, ut iugera singula ternis medimnis decideret. nã cum à multis quaterna, etiã quina exigerentur; multis autem non solum granũ ullum, sed ne palea quidem ex omni fructu, atque ex annuo labore relinquerentur: tum aratores Centuripini, qui numerus in agro Leontino maximus est, unum in locum conuenerũt, hominem suae ciuitatis in primis honestum, ac nobilem Andronem Centuripinum legarũt ad Aproniũ, eundem, quem hoc tempore ad hoc iudicium Legatũ et testem Centuripina ciuitas misit; ut is apud eum causam aratorum ageret; ab eoq; peteret, ut ab aratoribus Ceturipinis ne amplius in iugera singula, quã terna medimna exigeret. hoc uix ab Apronio in summo beneficio, pro ijs, qui etiam tum incolumes erant, impetratum est. id cum impetrabatur, hoc uidelicet impetrabatur, ut pro singulis decumis ternas decumas dare liceret. quod si tua res nõ ageretur, à te potius postulerent, ne amplius quàm singulas, quã ab Apronio, ut ne plus, quàm ternas decumas darent. nũc, ut hoc tempore ea, quae regie, seu potius tyrãnice statuit in aratores Apronius, prætermittã, neque eos appellem, à quibus omne frumentum eripuit, et quibus nihil nõ modo de fructu, sed ne de bonis quidẽ suis reliqui fecit: ex his ternis medimnis, quod beneficij, gratiaq; causa concessit, quid lucri fiat, cognoscite. professio est agri Leontini ad iugera XXX mil. hæc sunt ad tritici medimna XC idest tritici mod. D XL millia. deductis tritici mod. CCXVI, quanti decumae uenierunt, reliqua tritici CCCXXIII, adde totius summae D XL millia mod. tres quinquagesimas, idest tritici mod. XXXII

CCCC.

CCCC. ab omnibus enim ternæ, præterea quinquagesimæ exigebantur. sunt hæc iam ad HS CCCXL mod. tritici. at ego CCCC lucri facta esse dixerā: non enim duco in hac ratione eos, quibus ternis medimnis non est licitum decidere. uerum ut hac ipsa ratione summā mei promissi cōpleam, ad singula medimna multi HS duo, multi HS quinque accessionis cogebātur dare: qui minimū, singulos nummos. hoc minimū ut sequamur, quoniā XC medimnas duximus; accedant eō nouo, pessimoq; exemplo ad HS XC mil. hic mihi etiam dicere audebit, magno se decumas uendidisse, cū ex eodē agro dimidio ipse plus abstulerit, quā populo R. miserit. CCXVI decumas agri Leontini uendidisti: si ex lege, magno: si, ut lex esset libido tua, paruo: si, ut, quæ dimidiæ essent, decumæ uocaretur, paruo uendidisti: multo enim pluris fructus annui Siciliae uenire potuerūt, si id te senatus, aut populus R. facere uoluisset: etenim sæpe decumæ tanti uenie runt, cum lege Hieronica uenirent, quanti nunc lege Verrea uenierūt. cedo mihi C. Norbani decumas uenditas. C. NORBANI DECUMAE VENDITAE AGRI LEONTINI. atque tū neque iudiciū de modo iugerū dabatur: neque. n. erat Artemidorus Cornelius Recuperator: neque ab aratore magistratus Siculus tantū exigebat, quantū decumanus ediderat: nec beneficium petebatur à decumano, ut in iugera singula ternis medimnis decidere liceret: nec nummorum accessionem cogebatur arator dare, nec ternas quinquagesimas frumenti addere: & tamen populo R. magnus frumenti numerus mittebatur. quid uero istæ sibi quinquagesimæ? quid porro nummorum accessio=

nes uolūt? quo id iure, atq; adeo quo id potius ore fecisti?
 nūmos dabat arator. quo modo? aut unde? qui, si lar=
 gissimus esse uellet, cumulatione mensura uteretur, ut an=
 tea solebant facere in decumis, cum aqua lege, et condi=
 tione ueniebant. is nummū dabat. unde? de frumento?
 quasi habuisset te Pratore, quod uēderet. de uiuo igitur
 erat aliquid refecandum, ut esset, unde Apronio ad illos
 fructus arationum hoc corollarium nummorum adde=
 retur. iam id porro utrum libentes, an inuiti dabant? li=
 bentes? amabant credo Aproniū. inuiti? qua re, nisi ui,
 et malo cogebātur? iam iste homo amentissimus in uen=
 dundis decumis nummorum faciebat accessiones ad sin=
 gulas decumas: neque multū, bina aut terna millia adde=
 bat. fiunt per trienniū HS fortasse D millia: hoc neque
 exemplo cuiusquā, neque ullo iure fecit: neque eā pecu=
 niam retulit: neque, hoc parū crimen quemadmodum
 defensurus sit, homo quisquam unquā excogitauit. quod
 cum ita sit, audes dicere te magno decumas uendidisse?
 cum sit perspicuum, te bona, fortunāq; aratorum, non
 populi R. sed tui quæstus causa uendidisse. ut, si quis uil=
 licus ex fundo, cui HS dena merces esset, excisis arbori=
 bus, ac uenditis, demptis tegulis, instrumento, pecore ab=
 alienato, domino XX millia nummum pro X miserit,
 sibi alia præterea centū confecerit; primo dominus igna=
 rus incōmodi sui gaudeat, uillicoq; delectetur, quod tan=
 to sibi plus mercedis ex fundo refectum sit; deinde cum
 audierit, eas res, quibus fundi fructus, & cultura conti=
 nentur, amotas, & uenditas, summo supplicio uillicum
 afficiat, et secū male actum putet: item populus R. cum
 audit pluris decumas uendidisse C. Verrem, quā inno=

centissimū hominem, cui iste successit, C. Sacerdotem, putat se bonum in arationibus, fructibusq; suis habuisse custodem, ac villicum; cum senserit istum omne instrumentum aratorum, omnia subsidia uectigalium uendidisse; omnem spem posteritatis auaritia sua sustulisse, arationes, et agros uectigales uastasse, atque exinanisse, ipsum maximos quastus, praedaq; fecisse, intelliget secū actum esse pessime, istum autem summo supplicio dignum existimabit. unde ergo hoc intelligi potest? ex hoc maxime, quod ager decumanus provinciae Siciliae propter istius auaritiā desertus est. neque id solū actū est, uti ū minus multis iugis arent, si qui in agris remanserūt; sed etiā, ut permulti locupletes homines, magni, et navi aratores, agros latos, ac fertiles desererent, totasq; arationes derelinquerent. Id adeo sciri facillime potest ex literis publicis ciuitatū: propterea quod lege Hieronica numerus aratorū quotannis apud magistratus publice subscribitur.

Recita tandem, quot acceperit aratores agri Leontini Verres. OCTVAGINTA TRES. quot anno tertio profiteātur. TRIGINTA DVO. unū et quinquaginta aratores ita uideo deiectos, ut his ne uicarij quidem successerint. quot aratores adueniente te fuerūt agri Muticensis, uideamus ex literis publicis. CENTVM OCTVAGINTA OCTO. quid? anno tertio? CENTVM ET VNVS. octuaginta septē aratores unus ager istius iniuria desiderat, atq; adeo nostra Resp. quoniā illa populi R. uectigalia sunt, hūc tot patrū familias numerū desiderat, et reposcit. ager Herbitensis primo anno habuit aratores ducētos quinquaginta septem, tertio centū uiginti. hinc centū triginta septē pa-

tres familias extorres profugerunt. Agyrinensis ager, quorum hominum? quam honestorum? quam locupletum? ducetos quin quaginta aratores habuit primo anno Praturae tuae. quot tertio anno? octuaginta, quemadmodum Legatos Agyrinenses recitare ex publicis literis audistis. pro dii immortales, si ex provincia tota centum septuaginta eiecisses, posses ne seueris iudicibus saluus esse? unus ager Agyrinensis centum septuaginta aratoribus inanior cum sit, uos coniecturam totius provinciae non facietis? atque hoc peraeque in omni agro decumano reperietis: quibus aliquid tamen reliqui fuerit ex magno patrimonio, eos in agris, minore instrumeto, minus multis iugis, remansisse, quod metuebant, si recessissent, ne reliquas fortunas omnes amitterent: quibus autem iste nihil reliqui, quod perderent, fecerat, eos plane non solum ex agris, uerum ex ciuitatibus suis profugisse. illi ipsi, qui remanserant, uix decuma pars aratorum, relicturi agros omnes erant, nisi ad eos Metellus Roma literas misisset, decumas lege Hieronica uenditurum; et nisi ab ijs hoc petiuisset, ut sererent quamplurimum: quod illi semper sua causa fecerant, cum eos nemo rogaret, quandiu intelligebant se sibi, et populo Romano non Verri, et Apronio serere, impendere, laborare. iam uero iudices, si Siculorum fortunas negligitis; si, quemadmodum socij populi Romani a magistratibus nostris tractentur, non laboratis: at uos communem populi Romani causam suscipite, atque defendite. eiectos aratores effedico: agros uectigales uexatos, atque exinanitos a Verre: populatam, uexatamque provinciam: haec omnia doceo ciuitatum, et priuatis primariorum uirorum testimonijs. quid uultis amplius? num expectatis, dum L. Metellus, is,

qui multos in istū testes imperio, & potestate deterruit, idē absens de istius scelere, improbitate, audacia testimonium dicat? nō, opinor. at is optime, qui successit isti, potuit cognoscere. ita est, uerum amicitia impeditur. at debet nos certiores facere, quo pacto se habeat prouincia. debet, uerūtamen non cogitur. num quis in Verrem L. Metelli testimoniū requirit? nemo. num quis postulat? non, opinor. quid, si testimonio L. Metelli, ac literis hæc omnia uera esse docebo? quid dicetis? utrū, Metellum falsum scribere, an amicum ledendi esse cupidum? an Praetorem, quemadmodum prouincia affecta sit, nescire? Recita literas L. Metelli, quas ad Cn. Pōpeiū, et M. Crasum Coss. quas ad M. Mūmiū Prat. quas ad Quæstores Urbis misit. EPISTOLA L. METELLI. DE CVMAS FRUMENTI LEGE HIERONICA VENDIDI. cū scribit se lege Hieronica uendidisse, quid scribit? ita se uēdidisse, ut omnes præter Verrē. cū scribit se lege Hieronica uēdidisse, quid scribit? se, per istū erepta, Siculis maiorū nostrorū beneficia, ius ipsorū, cōditionē societatis, amicitia, federū reddidisse. dicit, quāti cuiusq; agri decumas uēdiderit. deinde quid scribit? Recita de epistola reliqua. SVMMA DATA EST OPERA A ME, VT QVAM PLVRIMO DECUMAS VENDEREM. cur igitur Metelle nō ita magno uendidisti? quia desertas arationes, inanes agros, prouinciā miserā, perditāmq; offēdi. quid? id ipsū, quod satū est, qua ratione quisquā, qui sereret, inuētus est? Recita literas. ait se misisse, et cōfirmasse, suā interposuisse auctoritatē. tantū quod aratoribus Metellus obsides nō dedit, se in nulla re Verri simi

lem futurū. at quid est tādē, in quo se laborasse dicat?
 Recita. VT ARATORES, QVI RELIQVI
 ERANT, QVAMPLVRIMVM SERE=
 RENT. qui reliqui? quid hoc est? reliqui, quo ex bello?
 qua ex uastitate? quānā in Sicilia tāta clades, aut quod
 bellū tam diuturnum, tam calamitosum te Pratore uer
 satum est, ut is, qui tibi successerit, reliquos aratores colle
 gisse, & recreasse uideatur? cum bellis Carthaginensibus
 Sicilia uexata est, & post nostram, patrumq; memoriā
 cum bis in ea prouincia magnae fugitiuorum copiae uer
 satae sint; tamen aratorum internicio facta nulla est. tū
 semente prohibita, aut messe amissa, fructus annuus in
 teribat: tamen incolumis numerus manebat dominorū,
 atque aratorū. tum quī M. Leuino, aut P. Rupilio, aut
 M. Aquilio Pratoribus in eam prouinciam successerāt,
 aratores reliquos non colligebant. tanto ne plus Verres
 cum Apronio prouincia Siciliae calamitatis importauit,
 quān aut Hasdrubal cum Pœnorū exercitu, aut Athe
 nio cum fugitiuorum maximis copijs, ut temporibus il
 lis, simul atq; hostis superatus esset, ager araretur omnis,
 neque aratori Prator per literas supplicaret, neque eum
 præsens oraret, ut quamplurimū sereret; nunc autem ne
 post abitum quidem huius importunissimae pestis quis
 quam reperiretur, qui sua uolūtate araret: pauci essent
 reliqui, qui L. Metelli auctoritate in agros, atque ad suū
 larem familiarem redirent: his te literis homo audacissi
 me atque amentissime iugulatū sentis: nō uides, cum, is,
 qui tibi successit, aratores reliquos appellet, hoc eū disere
 te scribere, reliquos hos esse, nō ex bello, neque ex aliqua
 huiusmodi calamitate, sed ex tuo scelere, importunitate,

auaritia, crudelitate? Recita cetera. TAMEN PRO
EO, VT ET TEMPORIS DIFFICVL
TAS, ARATORVM'QVE PENVRIA
TVLIT. aratorū, inquit, penuria. si ego accusator to
ties de re eadē dicerem, uererer ne animos uestros offen
derē iudices. clamat Metellus: Nisi literas misissem: non
est satis: Nisi præsens cōfirmassem: ne id quidē satis est.
Reliquos, inquit, aratores. reliquos? propē lugubri uerbo
calamitatem prouinciæ Siciliæ significat. addit: Arato
rū penuria. expectate etiam iudices, si potestis, auctorida
tem accusationis meæ. dico aratores istius auaritia eie
ctos: scribit Metellus reliquos ab se esse confirmatos. dico
agros relictos, arationesq; desertas esse: scribit Metellus
aratorum esse penuriam. hoc cum scribit, illud ostendit,
deiectos, eiectos, fortunis omnibus expulsos esse populi
R. socios, atque amicos. quibus si qua calamitas propter
istum saluis uectigalibus nostris accidisset, animaduerte
re in eum uos oportebat, præsertim cum ea lege iudica
retis, quæ sociorum causa esset constituta. cum uero per
ditis, profligatisq; socijs uectigalia populi R. sint dimi
nuta, res frumentaria, commeatus, copię, salus ur
bis, atque exercituum nostrorum in posteritatem istius
auaritia interierit: saltem cōmoda uestra respicite, si so
cijs fidelissimis prospicere non laboratis. Atque ut in
telligatis, ab isto præ lucro, prædaq; præsentī nec uecti
galium, nec posteritatis habitam esse rationem: cognoscī
te, quid ad extremum scribat Metellus. in reliquum tem
pus ait se uectigalibus prospexisse. non scriberet se uecti
galibus prospexisse, nisi hoc uellet ostendere, te uecti
galia perdidisse: quid enim erat, quod uectigalibus

prospiceret Metellus in decumis, & in tota re frumentaria, si iste nō uectigalia populi R. suo quaestu peruertisset? atq; ipse Metellus, qui uectigalibus proficit, qui reliquos aratores colligit, quid assequitur, nisi hoc? ut arent, si qui possunt, quibus aratrū saltē aliquod satelles istius Apronius reliquū fecit; qui tamē in agris spe, atque expectatione Metelli remanserunt. quid ceteri Siculi? quid ille maximus numerus aratorum, qui nō modo ex agris eiekti sunt, sed etiā ex ciuitatibus suis, ex prouincia, denique bonis, fortunisq; omnibus ereptis profugerūt; quare ratione ij reuocabuntur? quot Pratorum innocentia, sapientiaq; opus est, ut illa aratorum multitudo aliquando in suis agris, ac sedibus collocetur? ac ne miremini tā tam multitudinem profugisse, quantam ex literis publicis, aratorumq; professionibus cognouistis; scitote, tātam acerbiter istius, tātum scelus in aratores fuisse, (incredibile dictū est iudices: sed & factū, & tota Sicilia per uulgatum) ut homines propter iniurias, licentiamq; decumanorum mortem sibi ipsi consciuerint. Centuripinū Dioclem, hominem locupletem, suspēdisse se constat, quo die sit ei nunciatū Apronium decumas redemisse. Dyrachinum, primum ciuitatis, eadem ratione mortem operipetisse, dixit apud uos homo nobilissimus Archonidas Elorinus, cū audisset tantum decumanū professum esse ex edicto istius sibi deberi, quantum ille bonis suis omnibus efficere non posset. hac tu, tametsi omnium hominū dissolutissimus, crudelissimusq; semper fuisti, tamen nunquam perpetere, quodd illi gemitus, luctusq; prouinciæ ad tuī capitis periculum pertinebant, non inquā perpetere, ut homines iniuriæ tuæ remedium morte, ac sus

spendio quaerent, nisi ea res ad quaestum, & ad praedam tuam pertineret. quid? illud perpeterere? attendite iudices: omnibus enim nervis mihi cōtendendū est, atque in hoc laborandum, ut omnes intelligant, quā improbam, quā manifestam, quā confessam rē pecunia redimere conentur. graue crimen est hoc, & uehemens, et post hominum memoriam iudiciāq; de pecunijs repetundis cōstituta grauissimū, Pratorem populi R. socios habuisse decumanos. nō hoc nunc primum audit priuatus de inimico, reus ab accusatore: iam antea in sella sedens Prator, cum prouinciā Siciliā obtineret, cum ab omnibus nō solum, id quod cōmune est, propter impertum, sed etiam, id quod isius praecipuū est, propter crudelitatem metueretur, millies audiuit, cum eius animū ad persequendū non negligentia tardaret, sed cōscientia sceleris, avaritiāq; suā frenaret: loquebātur enim decumani palam, & praeter ceteros is, qui apud istum plurimū poterat, maximosq; agros populabatur, Apronius, per paruū ex illis magnis lucris ad sese peruenire, Pratorem esse socium. hoc cū palam decumani tota prouincia loquerentur, tuumq; nomē in re tam turpi, nefariāq; interponerent; nihil ne tibi uenit in mentē existimationi tuae consulere? nihil denique capiti, ac fortunis tuis providere? cū tui nominis terror in auribus, animisq; aratorū uersaretur; cum decumani aratoribus ad pactiones faciendas non suam uim, sed tuū scelus, ac nomen opponerent: ecquod iudiciū Romae tam dissolutū, tam perditū, tam nummariū fore putasti, quo ex iudicio te ulla salus seruare posset? cum planū fieret, decumis contra instituta legis, consuetudinēq; omnium uenditis, in aratorū bonis

fortunisq; diripiendis decumanos diēlitasse tuas esse par-
 tes, tuam rem, tuā prādam, idq; te tacuisse, et, cum dissi-
 mulare non posses, potuisse tamen perpeti, & perferre,
 quidd magnitudo lucri obscuraret periculi magnitudi-
 nem, plusq; aliquanto apud te pecuniā cupiditas, quā
 iudiciū metus posset. esto: cetera negare non potes. ne
 illud quidem tibi reliquum fecisti, ut hoc posses dicere;
 nihil eorum te audisse, nihil ad tuas aures de infamia
 tua peruenisse. querebantur cum luctu, & gemitu ara-
 tores. tu id nesciebas? fremebat tota prouincia. nemo
 id tibi renunciabat? Romae querimoniae de tuis iniurijs,
 conuentusq; habebantur. ignorabas haec? ignorabas haec
 omnia? quid? cum palam Syracusis te audiente, maxi-
 mo conuentu, P. Rubrius Q. Apronium sponsione la-
 cessiuit, ni Apronius diēlitarēt, te sibi in decumis esse so-
 cium, hac te uox non perculit? non perturbauit? non,
 ut capiti, et fortunis tuis prospicerēs, excitauit? tacuisti,
 sedasti etiā lites illorū, et, sponsio illa ne fieret, laborasti.
 prō diū immortales, hoc aut innocēs homo perpeti potuis-
 set, aut, quāuis nocēs, qui modo iudicia Romae fore puta-
 ret, nō aliqua se simulatione existimationi hominū uina-
 dicasset? quid est hoc? sponsio fit de capite, ac fortunis
 tuis: tu sedes, & quiescis? nō persequeris? nō perseueras?
 nō perquiris, cui dixerit Apronius? quis audierit? unde
 hoc natū? quemadmodū prolatū sit? si quis tibi ad aurē
 accessisset, et dixisset Aproniū diēlitare, te sibi esse sociū:
 cōmoueri te oportuit, uocare Aproniū, nec illum ante ti-
 bi satisfacere, quā tu omnī existimationi satisfacisses.
 cū uero in foro celeberrimo, tāta frequētia, hoc uerbo, et
 simulatione Apronio, re uera tibi obiectum esset: tu un-

quam tantam plagam tacitus accipere potuisses, nisi hoc ita statuisses, in re tam manifesta quidquid dixisses, te deterius esse facturum? Quæstores, Legatos, Præfectos suos, Tribunos multi missos fecerunt, & de provincia decedere iusserunt, quod eorum culpa se minus comode audire arbitrareretur, aut quod peccare illos aliqua in re iudicaret. tu Apronium, hominem uix liberum, contaminatum, perditum, flagitiosum, qui non modo animum integrum, sed ne animam quidem puram conservare potuisset, cum in tanto tuo dedecore non profecto ne uerbo quidem grauiore appellasses, neque apud te tam sancta religio societatis fuisset, ut tui capitis periculum negligeres, nisi rem tam notam esse omnibus, & tam manifestam uideres. cum eodem Apronio postea P. Scandilius eques R. quem uos omnes nostis, eandem sponsonem de societate fecit, quam Rubrius facere uoluerat. insilit, oppressit, non remisit: facta est sponso HS V mil. cepit Scandilius Recuperatores, aut iudicem postulare. satis ne uobis Prætori improbo circumdati cæcellum uidetur in sua provincia, immo uero in sella, ac tribunali, ut aut de suo capite iudicium fieri patiatur præsens, ac sedent, aut confiteatur se omnibus iudicij convinci necesse esse? sponso est, nisi te Apronius in decumis socium esse dicat: provincia tua est: ades: abs te iudicium postulatur. quid facis? quid decernis? Recuperatores dicis te daturum. bene agis. tamen si qui erunt tantis ceruicibus Recuperatores, qui audeant in provincia, cum Prætor adsit, non solum contra uoluntatem eius, sed etiam contra fortunas iudicare? uerum esio, manifesta res est: cum nemo esset, quin hoc se audisse liquido diceret; locupletissimus quisque; certissimus testis esset: nemo erat Sicilia tota, qui

nesciret decumas esse Prætoris; nemo, qui nō audisset, ita Apronium dicitasse. præterea conuentus honestus Syracusis, multi equites R. uiri primarij, ex qua copia Recuperatores reijci oporteret, qui aliter iudicare nullo modo possent. instat Scandilius poscere Recuperatores. tū iste, homo innocens, qui illam suspensionē leuare, atque ab se remouere cuperet, Recuperatores dicit se de cohorte sua daturū. prò deū hominumq; fidem, quem ego accuso? in quo meam industriam, ac diligentiam spectari uolo? quid est, quod ego dicendo, aut cogitando efficere, aut assequi debeam? teneo in medijs uectigalibus populi R. in ipsis fructibus prouinciæ Siciliæ furem manifesto auertentem rem frumentariam omnem, pecuniam maximam: teneo inquam ita, ut negare nō possit: nam quid hic dicet? sponsio facta est cum cognitore tuo Apronio de fortunis tuis omnibus, ni sociū tibi in decumis esse dicitasseret. expectant omnes, quāta tibi ea res cure sit, quemadmodum hominū existimationi te, atque innocentiam tuā probari uelis. hic tu medicū, & aruspicem, et præconem tuum Recuperatores dabis? aut etiam illum ipsum, quē tu in cohorte tua Cassianū iudicem habebas, si qua res maior esset, Papiriū Potamonem, hominem seuerum, ex uetere illa equestri disciplina? Scandilius postulare de cōuētu Recuperatores. tum iste negat se de existimatione sua cuiquā, nisi suis, commissurum. negotiatores putāt esse turpe, id forum sibi iniquum eiurare, ubi negotientur. Prætor prouinciā suā totā sibi iniquā eiurat. ò impudentiā singularem. hic postulat se Romæ absolui, qui in sua prouincia iudicauit se absolui nullo modo posse, qui plus existimet apud lectissimos senatores pecuniā, q̄

apud tres negotiatores metū ualere. Scandilius uero negat sese apud Artemidorum Recuperatorem uerbū esse facturū, et tamen auget, atque onerat te bonis conditionibus, si tu uti uelis. si ex prouincia Sicilia tota statuas idoneū iudicem, aut Recuperatorem nullum posse reperiri, postulat à te, ut Romā reijcias. hic enim uero tu exclamas hominem improbū, qui postulet ibi de tua existimatione iudiciū fieri, ubi te inuidiosum esse intelligebat: negas te Romam reiecturum: negas de conuentu Recuperatores daturū, cohortem tuā proponis. Scandilius re se totam relicturū dicit, et suo tempore esse rediturum. quid tu ibi tū? quid facis? Scandiliū cogis: quid? spon-
sionem acceptam facere? impudenter tollis expectatum existimationis tuæ iudiciū. nō facis. quid ergo? Apronio permittis, ut, quos uelit, de cohorte sumat Recuperatores? indignū, unī potius ex iniquis sumendī, quā utrisque ex æquis reijciendī, fieri potestatem. neutrum facis eorum. quid ergo? est aliquid, quod improbius fieri potest: cogit enim Scandiliū quinque illa millia nummū dare, atque adnumerare Apronio. quid potuit elegātius facere Prætor cupidus existimationis bonæ, qui ab sese omnē suspiciō-
nē propulsaret, qui se eripere ex infamia cuperet? addu-
ctus erat in sermonē, in uidiā, uituperationem: disclitaret homo improbus, atque improbus Apronius, sociū esse Præ-
torem: uenerat res in iudiciū, atque discrimen: potestas erat isti, homini integro, atq; innocenti, data, ut, in Apro-
nium cū animaduertisset, sese grauissima leuaret infam-
ia. quid excogitat pœnæ? quid animaduersionis in Apronium? cogit Scandiliū Apronio ob singularem improbitatem, atque audaciā, prædicationemq; nefarie

societatis, HS V millia mercedis nomine, ac præmij dare. quid interfuit homo audacissime, utrum hoc decerneres, an id, quod Apronius dictitabat, tu de te proferres, ac di-
 litares? quæ hominem, si quis pudor in te, atque adeo si quis metus fuisset, sine supplicio dimittere nõ debuisti; hunc abs te sine præmio discedere noluisti. omnia simul intelligere potuisti iudices ex hoc uno crimine Scand-
 liano: primam, hoc non esse Romæ natum de societate decumarum, non ab accusatore fictum, non, ut solemus interdum in defensionibus dicere, crimen domesticum, ac uernaculum, non ex tempore periculi tui constitutum, sed uetus, excogitatum iam, et te Pratore iactatum, et non ab inimicis Romæ compositum, sed Romæ de provincia ex-
 portatum. simul intelligi potest illud istius in Apronium studium, Apronij de isto nõ modo confessio, uerum etiam comemoratio. eodẽ accedit, quodd hoc quoque intelligere potestis, istum statuisse in provincia sua, existimationis suæ iudicium extra cohortem suam committendum fuisse. nemini. ecquis est iudex, cui nõ ab initio decumani cri-
 minis persuasum sit, istum in aratorum bona, fortunamq; impetum fecisse? quis hoc nõ ex eo statim iudicauit, quod ostendi, istum decumas noua lege, atque adeo nulla lege, contra omnium consuetudinem, atque instituta uendidisse? uerum, ut istos ego iudices tam seueros, tam diligentes, tam religiosos non haberem, ecquis est, ex iniuriarum ma-
 gnitudine, improbitate decretorum, iudiciorum iniquitate qui hoc non iandudum statuerit, et iudicauit? etiam sanè, sit aliquis dissolutior in iudicando, legum, officij, Reip. so-
 ciorum, atque amicorum negligentior. quid is? possit ne de istius improbitate dubitare, cum tanta lucra facta, tam

iniquas pactiones ui, et metu expressas cognouerit: cū t. a
 ta pramia ciuitates ui, atque imperio, uirgarū, ac mortis
 metu non modo Apronio, atque eius similibus, uerū etiā
 Venerijs seruis dare coactas: quod si quis sociorū incōmō
 dis minus mouetur; si quem aratorū fugā, calamitates,
 exilia, suspendia denique nō permouēt: nō possum dubi-
 tare, quin is tamē, cum uastatā Siciliā, relictos agros ex
 ciuitatū literis, & epistola L. Metelli cognouerit, statuaz
 fieri nō posse, ut de isto nō seuerissime iudicetur. erit etiā
 aliquis, qui hēc omnia dissimulare, ac negligere possit.
 attuli ppositiones ipso præsente factas de decumarū societa-
 te, ab ipso prohibitas iudicari. quid est, quod posset quis-
 quā manifestius hoc desiderare? non dubito, quin uobis
 satisfecerim iud. uerūtamen progrediar longius; nō me-
 hercule quo magis hoc uobis persuadeatur, quā iam per-
 suasum esse cōfido; sed ut ille aliquādo impudentie suę
 finem faciat, aliquādo desinat ea se putare posse emere,
 quę ipse semper habuit uenalia, fidē, iusiurandū, uerita-
 tem, officiū, religionem; desinant amici eius ea diclitare,
 quę detrimento, maculę, inuidiæ, infamię nobis omnibus
 esse possint. at qui amici? d miserum, atque inuidiosum,
 offensumq; paucorum culpa, atque indignitate ordi-
 nem senatorium. Albam Aemilium sedentem in fau-
 cibus macelli loqui palām, uicisse Verrem, emptos habere
 iudices; alium HS C C C C millibus; alium HS D;
 quem minimo, C C C? atque ei cū responsū esset, fie-
 ri non posse, multos testes esse dicturos, me præterea cau-
 se non defuturum: licet hercules, inquit, omnes omnia
 dicant: in illo nisi ita res manifesta erit allata, ut re-
 sponderi nihil possit; uicimus. bene agis Alba: ad tuam

ueniam conditionem. nihil putas ualere in iudicijs coniecturam, nihil suspicionem, nihil antea facta uitae existimationem, nihil bonorum uirorum testimonia, nihil ciuitatum auctoritates, ac testimonia, literas manifestas quaeris. non quæro iudices Cassianos, ueterem iudiciorum seueritatem non requiro: uestram in hoc fidem, dignitatem, religionem in iudicando non imploro: Albam habeo iudicem, eum hominem, qui se ipse scurræ improbissimum existimari uult, qui à scurris potius semper gladiator, quàm scurræ appellatus sit. afferam rem eiusmodi in decumis, ut Alba fateatur, istum in re frumentaria, et in bonis aratorum aperte, palamque esse prædatum.

Decumas agri Leontini magno dicit se uendidisse. ostendi iam illud initio, nõ existimandum magno uendidisse eum, qui uerbo decumas uendiderit, re, et conditione, et lege, et edicto, et licentia decumanorum decumas aratoribus nullas reliquas fecerit. etiam illud ostendi, uendidisse alios magno decumas agri Leontini, cæterorumque agrorum, et lege Hieronica uendidisse, et pluris etiam, quàm te, uendidisse, nec aratorem quenquã esse questum: nec. n. fuit, quod quisquam queri posset, cum lege æquissime scripta uenirent. neque illud unquã aratoris interest, quanti decumæ uenirent: nõ enim ita est, ut, si magno uenierint, plus arator debeat; si paruo, minus. ut frumenta nata sunt, ita decumæ ueniant. aratoris autem interest, ita se frumenta habere, ut decumæ quamplurimo uenire possint. dũ arator ne plus decumæ det, expedit ei decumã esse quã maximã. uerũ hoc, ut opinor, esse uis caput defensionis tuæ, magno te decumas uendidisse, agri uero Leontini, qui plurimũ efficit, tritici mod. CCVI millibus

millibus. si doceo, pluris aliquāto potuisse te uendere, neque ijs uoluisse addicere, qui cōtra Aproniū licerentur, & Apronio multo minoris, quā alijs potueris, tradidisse: si hoc doceo, poterit ne te Alba, tuus antiquissimus non solum amicus, uerū etiam amator, absolvere? dico equitem R. hominem in primis honestum, Q. Minutiū cum sui similibus ad decumas agri Leontini tritici mod. non M, non MM, non MMM, sed ad unas unius agri decumas tritici mod. XXX uoluisse addere, & ei potestatem emendi nō esse factam, ne res abiret ab Apronio. negare hoc, nisi forte negare omnia constituisti, nullo modo potes. palā res gesta est, maximo conuentu, Syracusis: testis est tota prouincia; propterea quod undique ad emendas decumas solent ed conuenire. quod siue fateris, siue conuinceris: quot et quā maximis in rebus tenere, non uides? primū, tuā rem illam, et pradam fuisse: nam nisi ita esset, cur tu Apronium malebas, quem omnes tuum procurare in decumis negotium loquebantur, quā Minutium decumas agri Leontini sumere? deinde, immensum, atque infinitū lucrū esse factum: nam si DXXX mod. tritici tu commotus non esses, certe hoc idem lucrū Minutius Apronio libenter dedisset, si ille accipere uoluisset. quantam igitur illi spem prædæ propositam arbitramur fuisse, qui tantum præsens lucrum nulla opera insumpta cōtempserit, atque desfexerit? deinde ipse Minutius nunquam tanti habere uoluisset, si decumas tu lege Hieronica uenderes: sed quod tuis nouis edictis, & iniquissimis institutis plus aliquanto se, quā decumas, ablaturū uidebat, iccirco longius progressus est. at Apronio semper plus etiam multo abs te permissum est, quā quod

edixeras. quātum igitur quæstum putamus factum esse per eum, cui quiduis licitum sit, cum tantum lucri uoluerit addere is, cui, si decumas emisset, idem nō liceret? postremo, illa quidem certe tibi præcisa defensio est, in qua tu semper omnia tua furti, atq; flagitia latere posse arbitratus es; magno te decumas uendidisse, plebi R. cōsuluisse, annonæ prospexisse. non potest hoc dicere is, qui negare non potest, se unius agri decumas XXX mod. minoris, quā potuerit, uendidisse: ut etiā, si tibi hoc cōcedam, Minutio ideo te nō tradidisse, quod iā addixisses Apronio (aiunt. n. te ita diēlitare: quod ego expecto, cupioq; te illud defendere) uerum ut ita sit; tamen nō potes hoc quasi præclarū aliquid prædicare, magno te decumas uendidisse, cū fuisse fateare, qui multo pluris uoluerint emere. tenetur igitur iam iudices, & manifesto tenetur auaritia, cupiditas hominis, scelus, improbitas, audacia. quid, si hæc, quæ dico, ipsius amici, defensoresq; iudicarūt? quid uultis amplius? aduētu L. Metelli Prætoris, cum omnes eius comites iste sibi suo illo panchresto medicamēto amicos redemisset, aditū est ad Metellum: eduētus est Apronius: eduxit uir primarius C. Gallius senator: à L. Metello, ut ex ediēto suo iudiciū daret in Aproniū, quodd per uim, aut metum abstulisset, quā formulam Octauianam & Romæ Metellus habuerat, et habebat in prouincia, nō impetrat, cū hoc diceret Metellus, præiudiciū se de capite C. Verris per hoc iudiciū nolle fieri. tota Metelli cohors, hominum non ingratorū, aderat Apronio. C. Gallius, homo nostri ordinis, à suo familiarissimo L. Metello iudiciū ex ediēto nō potest impetrare. non reprehendo Metellū. pepercit homini ami-

co, & quemadmodum ipsum dicere audiui, necessario. non reprehendo inquam Metellum: sed hoc miror, quo modo, de quo homine præiudicium noluerit fieri per Recuperatores, de hoc ipso non modo præiudicari, uerum grauissime, ac uehementissime iudicari: primum enim, si Apronium absolutum iri putaret, nihil erat, quod ullum præiudicium uereretur: deinde, si, condemnato Apronio, cōiunctam cum eo Verris causam omnes erant existimaturi, Metellus quidem certe iam hoc iudicabat, eorum rem, causamq; esse coniunctam, qui statuerit, Apronio condemnato, de isto præiudicium futurum. et si mul una res utrique rei est argumento; & aratores ui; & metu coactos Apronio multo plus, quam debuerint, dedisse; et Apronium istius rem suo nomine egisse, cum L. Metellus statuerit, non posse Apronium condemnari, quin simul de istius scelere, atque improbitate iudicaretur. Venio nunc ad epistolam Timarchidis, liberti istius, & accensi. de qua cum dixero, totum hoc crimen decumanum perorabo. hæc epistola est iudices, quam nos Syracusis in ædibus Apronij, cum literas conquireremus, inuenimus. missa est, ut ipsa significat, ex itinere, cum Verres iam de prouincia decessisset, Timarchidis manu scripta. Recita epistolam Timarchidis. TIMARCHIDES VERRIS ACCENSUS APRONIO SALUTEM DICIT. iam hoc quidem non reprehendo, quod ascripsit, accensus: cur enim sibi hoc scribæ soli sumant? L. Papirius scriba. uolo ego hoc esse commune accensorum, lictorum, uiatorum. FAC DILIGENTIAM ADHIBEAS, QVOD AD EXISTIMATIONEM

L I B E R V.

PRAETORIS ATTINET. cōmēdat Apro-
nio Verrem, & hortatur ut inimicis eius resistat. bono
praesidio munitur existimatio tua, si quidem in Apronii
constituitur diligentia, atque auctoritate. HABES
VIRTVTEM, ATQVE ELOQVENTI
AM. quā copiose laudatur Apronius à Timarchide?
quā magnifice? cui ego nō putē illū placere oportere, quī
tantopere Timarchidi probatus sit? HABES, SVM
PTVM VNDE FACIAS. necesse est, quod re-
dundaret de uestro frumentario questu, ad illū potissi-
mū, per quē agebatis, defluxisse. SCRIBAS, AP-
PARITORES RECENTES ARRIPE:
CVM L. VVLTEIO, QVI PLVRIMVM
POTEST, CAEDE, CONCIDE. uidete,
quā ualde malitia sua confidat Timarchides, qui etiam
Apronio improbitatis praecepta det. Iā hoc, caede, cōcide, nō
uerba domo patroni depromere uidetur ad omne genus
nequitiae accommodata? VOLO MIHI FRA-
TER CVLO TVO CREDAS. cōsorti quidē
in lucris, atq; furtis, gemino, et simillimo nequitia, impro-
bitate, audacia. IN COHORTE CHARVS
HABERE. quid est hoc, in cohorte? quod pertinet?
Aproniū docēs? quid? in uestram cohortem te monito-
re, an sua sponte peruenerat? QVOD CUIQUE
OPVS SIT, OPpone. qua impudētia puta-
tis eū in dominatione fuisse, qui in fuga tam improbus
sit? ait, omnia pecunia effici posse: dare, profundere,
opponere, si uelis uincere. non hoc mihi tam molestum
est Apronio suadere Timarchidem, quā quodd hoc idem
patrono suo praecipit. TE POSTVLANTE

OMNES VINCERE SOLENT. Verre quidem Pratore, nō Sacerdote, non Peduceo, non ipso Metello. SCIS METELLVM SAPIENTEM ESSE. hoc uero ferri iam nō potest, irrideri uiri optimi L. Metelli ingenium, et contemni, ac despici à fugitino Timarchide. SI VVLTEIUM HABEBIS, OMNIA LUDIBVNDVS PERFICIES. hic uehemēter errat Timarchides, qui aut Vulteium pecunia corrūpi putet posse, aut Metellū unius arbitratu gerere Praturā. sed errauit cōiectura domestica. quia multos per se, et per alios multa ludibūdos libidinosē apud Verrē effecisse uidit; ad omnes, eosdem patere aditus arbitrabatur. facilius uos efficiebatis ludibūdi, quā uolebatis à Verre, quōd multa eius ludorū generānoratis. INCVLCA TVM EST METELLO ET VVLTEIO, TE ARATORES EVERTISSE. quis istuc Apronio attribuebat, cū aratorem aliquem euerterat? aut Timarchidi, cum ob iudicādum, aut decernendum, aut imperandum aliquid, aut remittendū pecuniam acceperat? aut Sestio liētori, cū aliquem innocentē securi percusserat? nemo. omne ēi Verri tunc attribuebant, quem nūc condemnari uolūt. OBTVDERVNT EIVS AVRES, TE SOCIVM PRAETORIS FVISSE. uides ne, hoc quā clarum sit, & fuerit? cum etiam Timarchides hoc metuat, concedes, non hoc crimen nos in te confingere, sed iampridem ad crimen aliquam defensionem libertum quārerē? libertus, et accensus tuus, & tibi, ac liberis tuis omnibus in rebus coniunctus, ac proximus, ad Apronium scribit; uulgo esse ab omnibus ita

demonstratū Metello, tibi Aproniū in decumis sociū fuisse. FAC SCIAT IMPROBITATEM ARATORVM. IPSI SVDABVNT, SI DII VOLENT. quod istuc per deos immortales, aut qua de causa excitatū esse dicamus in aratores tam infestū odiū, atque tantū? quantā iniuriā fecerunt Verri aratores, ut eos etiā libertus, & accensus eius tam irato animo, his literis insequatur? neque ego huius fugitivi indices epistolam uobis recitassem, nisi ut ex ea totius familiæ præcepta, & instituta, et disciplinā cognosceretis. uidetis, ut moneat Aproniū, quibus rebus, ac muneribus insinuet in familiaritatem Metelli, Vulteiū corrumpat? scribas, accensumq; pretio delinias? ea præcipit, quæ uidit: ea monet alienū hominē, quæ domi didicit ipse. uerū in hoc errat uno, quodd eadem existimat uias ad omnium familiaritates esse munitas. quam merito sum iratus Metello, tamen hæc, quæ uera sunt, dicam. Apronius ipsum Metellū nō pretio, ut Verrem, non conuiuio, non muliere, nō sermone incauto, atque improbo posset corrumpere. quibus rebus nō sensim, atque moderate ad istius amicitia arripserat, sed breui tempore totum hominem, totamq; eius Praturam possederat. cohortē autem Metelli quā uocat, quid erat quod corrumpere? ex quā Recuperatores nulli dabantur. nā quodd scribit Metelli filium puerum esse, uehementer errat: nō enim ad omnes Prætorū filios iudē aditus sunt. d Timarchide, Metelli est filius in prouincia, non puer, sed adolescens bonus, ac pudens, dignus illo loco, ac nomine. uester ille puer prætextatus in prouincia quemadmodum fuisset, non dicerem, si pueri esse illā culpā, ac non

patris existimarem. tu ne, cum te, ac tuam uitam nosset, in Siciliam tecum grandem prae-textatum filium ducebas? ut etiam si natura puerum à paternis uitijs, atque à generis similitudine abduceret, cōsuetudo tamē eū, & disciplina degenerare nō sineret. fac enim fuisse in isto C. Lælij, M. Catonis materiē, atque indolem: quid ex eo boni sperari, atque effici potest, qui in patris luxurie sic uixerit, ut nullum unquā pudicum, neque sobrium conuiuium uiderit? qui in epulis quotidianis adulta aetate per triennium inter impudicas mulieres, & intemperantes uiros uersatus sit? nihil unquam à patre audiuit, quo pudentior, aut melior esset? nihil unquā patrem agere uidit, quod cum imitatus esset, non, id quod turpissimū est, similis patri putaretur? quibus in rebus nō solum filio, uerum etiā Reip. fecisti iniuriam: suscepas enim liberos nō solum tibi, sed etiam patriæ, qui nō modo tibi uoluptati, sed etiā qui aliquādo usui Reip. esse possent. eos instituere, atque erudire ad maiōrū instituta, atque ciuitatis disciplinam, non ad tuas turpitudines debuisti. esset inertī, atque impuro, & improbo parēte nauus, et pudens, & probus filius: haberet aliquid abs te Resp. muneris. nūc pro te Verrem substituiſti alterū ciuitati: nisi hoc forte deterior est, si fieri potest, quod tu eiusmodi euasiſti nō in hominis luxuriosi, sed tātū in furis, ac diuisoris disciplina educatus. quid isto festiuus fore arbitramur, qui est tuus natura filius, consuetudine discipulus, uoluntate similis? quem ego iudices quamuis bonū, fortemq; facile paterer euadere: non enim me inimicitiae commouent, si quæ mihi cum isto futura sint: nā si in omnibus rebus innocēs fuero, meiq; similis, quid

mihi istius inimicitie nocebūt: sin aliqua in re Verri si-
 milis fuero, non magis mihi deest inimicus, quā Ver-
 ri defuit: etenim iudices eiusmodi Resp. debet esse, et e-
 rit, seueritate iudiciorū cōstitutā, ut inimicus neque dees-
 se nocētī possit, neque obesse innocētī. quapropter nulla
 res est, quamobrem ego istū nolim ex paternis probris; ac
 uitijis emergere: id quod tametsi isti difficile est, tamen
 haud scio an fieri possit, praesertim si, ut nunc fit, custo-
 des amicorum eum sectabuntur, quoniam pater tam ne-
 gligens, ac dissolutus est. uerum huc longius, quā uolū-
 tas fuit, ab epistola Timarchidis digressa est oratio mea:
 qua recitata; conclusurum me esse crimen decumarum
 dixerā: ex quo intellexistis, innumerabilem frumenti nu-
 merū per triennium auersum à Rep. esse; abreptumq;
 aratoribus. sequitur, ut de frumento empto uos iudices
 doceā, maximo, atque impudentissimo furto: de quo dū
 certa, & pauca, & magna dicam breuiter, attendite.
 Frumentū emere in Sicilia debuit Verres ex S. C. et ex
 lege Terentia; et Cassia frumentaria. emundi duo ge-
 nera fuerunt, unū certarum decumarum, alterū, quod
 praeterea ciuitatibus aequaliter esset distributum. illius
 decumani tantū, quātū ex primis decumis fuisset, huius
 imperati tritici mod. DCCC millia: pretiū autē cōstitu-
 tū decumano in modios singulos HS terni, imperato HS
 IIII. ita in frumentum imperatum HS duodetrices
 in annos singulos Verri decernebatur, quod aratoribus
 solueret; in alteras decumas ferme ad nonagies. sic per
 triennium ad hāc frumenti emptionem Siciliensem pro-
 pè centies & tricies erogatum est. hanc pecuniā tan-
 tam, datā tibi ex arario inopi, atque exhausto, datā ad

frumentum, hoc est ad necessitatem salutis, & uitae, data-
 tam ut Siculis aratoribus, quibus tanta onera Resp. im-
 poneret, solueretur, abs te sic laceratam esse dico, ut pos-
 sim illud probare, si uelim, omnem te hanc pecuniā do-
 mum tuam auertisse: etenim sic hanc rem totam admi-
 nistrasti, ut hoc, quod dico, probari æquissimo iudici pos-
 sit. sed ego habeo rationē auctoritatis meae: meminero,
 quo animo, quo consilio ad causam publicā accesserim:
 nō agam tecū accusatorie: nihil fingam: nihil probari
 uelim me dicente, quod nō ante mihimet ipsi probatum
 sit. in hac pecunia publica iudices haec insunt tria gene-
 ra furtorū. primū, eam, cū posita esset apud eas societa-
 tes, unde erat attributa, binis centesimis foeneratus est:
 deinde, permultis ciuitatibus pro frumento nihil soluit
 omnino: postremo si cui ciuitati soluit, tantum detraxit,
 quantū cōmodum fuit, nulli, quod debitū est, reddidit.
 ac primū, hoc ex te quero. tu, cui publicani ē Carpinatiū
 literis gratias egerūt, pecunia publica ex arario erogata,
 ex uectigalibus populi R. ad emendū frumentū attri-
 buta fuerit ne tibi quaestui? pensitarit ne tibi binas cen-
 tesimas? credo te negaturū: turpis enim est, & pericu-
 losa cōfessio. mihi autem hoc perarduū est demonstrare:
 quibus enim testibus? publicani tractati honorifice sunt:
 tacebunt. literae eorū decreto decumanorū remota sunt.
 quo me igitur uertā? rem tam improbā, crimen tantae
 audaciae, tantaq; impudentiae propter inopiam testiū, ac
 literarū praetermittam? non faciam iudices: utar teste:
 quo? P. Vectio Chilone, homine equestri ordinis honestis-
 simo, atque ornatissimo: quī isti ita amicus et necessari-
 us est, ut etiā si uir bonus nō esset, tamē, quod cōtra istū

diceret, graue uideretur; ita uir bonus est, ut, etiam si inimicissimus isti esset, tamen eius testimonio credi oporteret. admiratur & expectat, quidnam Veetius dicturus sit. nihil dicet ex tempore, nihil ex sua uoluntate, nihil, ut ei utrūuis licuisse uideatur. misit in Siciliā literas ad Carpinatiū, cum esset magister scripturæ, et sex publicanorum: quas ego Syracusis apud Carpinatiū in literarū allatarū libris, Romæ in literarū missarū apud magistrū Tullium familiarem tuū inueni: quibus ex literis impudentiam fœnerationis quaeso cognoscite. **LITERAE MISSAE L. VECTII, L. SERVILII, C. ANTISTITIS, MAGISTRORVM.** præsto se tibi ait futurū Veetius, & obseruaturū quæadmodū rationes ad ærariū referas: ut, si hanc ex fœnore populo pecuniā non retuleris, reddas societati. possumus hoc teste, possumus P. Seruili, et C. Antistitis, magistrorū, primorū hominū, atque honestissimorū, possumus auctoritate societatis, cuius literis utimur, quod dicimus obtinere, an aliqua firmiora, aut grauiora quarēda sunt? Veetius tuus familiarissimus, Veetius tuus affinis, cuius sororē habes in matrimonio, tuæ frater uxoris Veetius, frater tui Quæstoris, impudentissimum tuū furtum, certissimumq; peculatum: nā quo alio nomine pecuniæ publicæ fœneratio est appellanda? ★ Recita reliqua. Scribam tuū dicit Verres huius perscriptorē fœnerationis fuisse. ei quoque magistri minatur in literis. & casu scribæ tum duo magistri fuerūt cū Veetio. binas centesimas ab se ablatas ferundum non putat: & recte non putant: quis enim hoc fecit unquam, quis denique conatus est facere, aut posse fieri cogitauit, ut, cū

senatus publicanos usura sæpe inuisset, magistratus à publicanis pecuniam pro usuris auferret auferre? certe huic hominì spes nulla salutis esset, si publicani, hoc est si equites R. iudicarent. minor esse cura nunc iudices uobis disceptantibus debet, & tanto minor, quanto est honestius alienis iniurijs, quàm re sua commoueri. quid ad hæc respondere cogitas? utrùm, factum negabis, an tibi hoc licitum esse defendes? negare qui potes? an ut tanta auctoritate literarum, tot testibus publicanis conuincere licuisse uero quis si mehercule te tuam pecuniam, non populi R. in prouincia fœneratū docerem, tamen effugere non posses: sed publicā, sed ob frumentum decretā, sed à publicanis fœnore accepto, hoc licuisse cuiusquam probabis? quo non modo ceteri, sed ipse nihil audacius, improbiusq; fecisti. non mehercule hoc, quod omnibus singulare uidetur, de quo mihi deinceps dicendum est, possum iudices dicere audacius esse, aut impudentius, quod permultis ciuitatibus pro frumento nihil soluit omnino: maior hæc præda fortasse est; sed illa impudentia certe non minor. & quoniam de illa fœneratione satis dictū est, nunc de hac tota pecunia auersa quaeso cognoscite. Siciliæ ciuitates multæ sunt iudices ornate, atque honestæ. ex quibus in primis numeranda est ciuitas Halesina: nullā enim reperietis aut officijs fideliorē, aut copijs locupletiorē, aut auctoritate grauiorem. huic iste annos singulos cū sexaginta tritici millia modū imperauisset, pro tritico nummos abstulit, quantū erat in Sicilia triticum: quos de publico nummos acceperat, retinuit omnes. obstupui iudices, cum hoc mihi primum Halesæ demonstrauit in senatu Halesiorū homo

summo ingenio, summa prudentia, summa auctoritate
 præditus Halesinus Aenias: cui senatus dederat publice
 causam, ut mihi, fratriq; meo gratias ageret, & simul
 qui nos ea, quæ ad iudicium pertinerent, doceret. demõ
 strat hanc istius cõsuetudinem, ac rationem fuisse; cum
 omnis frumenti copia decumarum nomine penes istum
 esset redacta, solitum esse istum pecuniam cogere à ciui
 tatibus, frumentum improbare; quantum frumeti Ro
 mam esset mittendum, tantũ de suo quæstu, ac de sua co
 pia frumenti mittere. posco rationes: inspicio literas: uide
 o frumenti granum Halesinos, quibus LX millia mo
 diũ imperata erant, nullum dedisse; pecuniam Volca
 tio, Timarchidi, scribæ dedisse. reperio genus huiuscemo
 di iudices prædæ, ut Prætor, qui frumentum emere debe
 bat, nõ emat, sed uēdat; pecunias, quas ciuitatibus distri
 buere debebat, eas omnes auertat, atque auferat. nõ mi
 hi iam furtũ, sed monstrum, ac prodigium uidebatur, ci
 uitatum frumentum improbare, pretium ei frumento
 constituere; quod constituisset, id ciuitatibus auferre;
 quod à populo R. accepisset, tenere. quot uultis esse in
 uno furto peccatorum gradus? ut, si singulis insistere ue
 lim, progredi iste nõ posset. improbas frumentũ Siculũ.
 quid? ipse quod mittis? peculiarem habes aliquam Sici
 liam, quæ tibi ex alio genere frumentũ suppeditare pos
 sit? cum senatus decernit, ut ematur in Sicilia frumen
 tum, aut populus iubet; hoc, ut opinor, intelligit, ex Sici
 lia Siculũ frumentũ apportari oportere. tu, cum ciuita
 tũ Siciliae uulgo omne frumentũ improbas, nõ ex Aeg
 ypto, aut ex Syria frumentũ Romã mittis? improbas
 Halesinũ, Cephaleditanũ, Thermitanũ, Amestratinũ,

Tindaritanum, Herbitense, multarum præterea ciuitatum. quid accidit tandē, ut horū populorū agri frumentum eiusmodi te Pratore ferrent, quod nunquā antea? ut neque tibi, neque populo R. posset probari; præsertim cū ex iisdem agris, eiusdemq; anni frumentū ex decumis Romā mācipes aduexissent. quid acciderat, ut ex eodem horreo decumanū probaretur, emptum nō probaretur? dubiū ne est, quin ista omnis improbatio cogendæ pecuniæ causa nata sit? esto: improbas Halesinum: habes ab alio populo, quod probes: eme illud, quod placet: missos fac eos, quorum frumentum improbasti. sed ab ijs, quos repudias, exigis tantum pecunia, quantū ad eum numerum frumenti satis sit, quem ciuitati imperas. dubiū est, quid egeris? in medimna singula uideo ex literis publicis tibi Halesinos HS quinos denos dedisse. ostendā ex tabulis locupletissimorū aratorum, eodem tempore neminem in Sicilia pluris frumentum uendidisse. quæ ergo ista ratio, aut quæ potius amentia, frumentum improbare id, quod ex eo loco sit, ex quo senatus, et populus R. emi uoluerit? ex eo aceruo, ex quo partē tu idem decumarum nomine probaris? deinde à ciuitatibus pecunias ad emendum frumentum cogere, cum ex arario acceperis? utrū te lex Terentia Siculorū pecunia frumentum emere à Siculis, an populi R. pecunia frumentū ab Siculis emere iussit? iam uero ab isto omnem illā ex arario pecuniam, quā his oportuit ciuitatibus pro frumento dari, lucrifaculam uidetis. accipis enim HS XV pro medimno: tanti enim est illo tempore medimnum. retines HS XII: tanti enim est frumentū Siciliense ex lege æstimatū. quid interest, utrū hoc feceris, an frumen-

tum non improbaris, sed frumento probato, et accepto, pecuniā publicam tenueris omnem, neque quidquam ulli dissolueris ciuitati? cum æstimatio legis eiusmodi sit, ut cæteris temporibus tolerabilis Siculis, te Pratore etiā grata esse debuerit: est enim modius lege HS IIII æstimatus: fuit autem te Pratore, ut tu in multis epistolis ad amicos tuos gloriaris, HS IIII. sed fuerit HS IIII: quoniā tu tātum à ciuitatibus in modios singulos exegisti. cum, si solueres Siculis tantum, quantum te populus R. iusserrat, aratoribus fieri gratissimum posset, tu non modo eos accipere, quod oportebat, noluisti, sed etiā dare, quod nō debebant, coegisti. atque hæc ita gesta esse iudices cognoscite ex literis publicis ciuitatum, et ex testimonijs publicis: in quibus nihil fictum, nihil ad tempus accommodatū intelligatis. omnia, quæ dicimus, rationibus populorū nō interpositis, neque perturbatis, neque repentinis, sed certis, institutis, ordine relata, atque confecta sunt. Recita rationes Halesinorū. cui pecuniā datam dicit? dic, dic etiā clariū. VOLCATIO, TIMARCHIDE, MEVIO. quid est Verres? ne illā quidem tibi defensionem reliquā fecisti, mancipis in istis rebus esse uersatos, mancipis frumentū improbasse, mancipis pretio cū ciuitatibus decidisse, et eosdem abs te illarū ciuitatū nomine pecunias abstulisse, deinde ipsos sibi frumentū commisse, nihil hæc ad te pertinere. mala mehercule, ac misera defensio, Pratorē hoc dicere: ego frumentū neque attingi, neque assexi; mācipibus potestate probandi, improbandiq; permisi: mancipes à ciuitatibus pecunias extorsērunt; ego autem, quā pecuniā populis dare debui, mancipibus dedi: mala est hæc quidem, ut dixi, defensio crī-

minis; sed tamen hac ipsa tibi, si uti cupias, nō licet. uetat te Volcatius, tuæ, tuorumq; delicia, mentionē mancipis facere. Timarchides autem, columē familiæ uestræ, premit fauces defensionis tuæ: cui simul, et Volcatio pecunia à ciuitate numerata est. iā uero scriba tuus annulo aureo suo, quē ex his rebus inuenit, ista te ratione uti non sinet. quid igitur est reliquū? nisi uti fateare, te Romam frumentū emptum Siculorū pecunia misisse, publicam pecuniam domū tuam conuertisse. d cōsuetudo peccandi quantam habes iucunditatem in improbis, et audacibus, cū poena absuit, et licentia consecuta est. iste in hoc genere peculatus non nunc primum inuenitur, sed nūc demū tenetur. uidimus huic ab arario pecuniā numerari Quæstori ad sumptum exercitus consularis: uidimus paucis post mensibus et exercitū, et Consulē spoliatum. illa omnis pecunia latuit in illa caligine, ac tenebris, quæ totā Remp. tam occupauerat. iterū gessit hæreditariam Quæsturam cum Dolabella: magnā pecuniā auertit: sed eius rationem cū damnatione Dolabellæ permiscuit. cōmissa est pecunia tanta Prætori: nō reperiētis hominē timide, nec leuiter hac improbiſſima lura ligurientem: deuorare omnem pecuniam publicam nō dubitauit. ita serpit illud insitū in natura malū consuetudine peccādi libera, finem ut audaciæ statuere ipse sibi nō possit. tenetur igitur aliquando, & in rebus tum maximis, tum manifestis tenetur. atque in eā fraudem mihi uidetur diuinitus incidisse, nō solum ut eas poenas, quas proxime meruisset, solueret, sed ut illa etiā scelera eius in Carbonē, et in Dolabellā uindicarētur. etenim noua quoq; alia res extitit iudices in hoc crimine, quæ tollat

omnem dubitationem superioris illius decumani criminis. nam, ut illud missum faciam, permultos aratores in alteras decumas, et in hac D C C C millia modium, quod emptum populo R. darent, non habuisse, sed à tuo procuratore, hoc est ab Apronio, emisse; ex quo intelligi potest, nihil te aratoribus reliqui fecisse: ut hoc præterea, quod in multis est testimoniis expositum: potest illo quidquam esse certius, in tua potestate, atque in tuis horreis omne frumentum Siciliæ per triennium, atque omnes fructus agri decumani fuisse? cum enim à ciuitatibus pro frumento pecuniam exigebas, unde erat frumentum, quod Romam mitteres, si tu id non omne clausum, et compressum possidebas? itaque in eo frumento primus tibi ille quaestus fuit ipsius frumenti, quod erat ereptum ab aratoribus: alter, quod id frumentum improbiissime partum, non semel, sed bis, neque uno, sed duobus pretiis unum et idem frumentum uen didisti, semel ciuitatibus HS X V in medimnum, iterum populo R. à quo HS X I I in medimna pro eodem illo frumento abstulisti. at. n. frumentum Centuripinorum, Agrigentinorum, et nonnullorum fortasse præterea probasti, et his populis pecuniam dissoluisti. sint aliqua ciuitates in eo numero, quarum frumentum improbare nolueris. quid tandem? his ciuitatibus omnis ne pecunia, quæ pro frumento debita est, dissoluta est? unum mihi reperi non populum, sed aratorem: uide, quære, circumspecte, si quis forte est ex ea provincia, in qua tu triennium præfuisi, qui te noluit perisse: unum inquam da mihi ex illis aratoribus, qui uel ad statuam pecuniam contulerunt, qui sibi dicat pro frumento omne esse, quod oportuerit, solutum. confirmo iudices, neminem esse dicturum. ex omni pecunia, quam
aratoribus

aratoribus soluere debuisti, certis nominibus deductiones fieri solebant, primum pro speculatione, et collybo, deinde pro nescio quo catario. hac omnia iudices nō rerum certarū, sed furtorum, improbissimorum, sunt uocabula. nam collybus esse qui potest, cum utantur omnes uno genere nummorum? catariū uero quid uocas? quo modo hoc nomē ad rationes magistratus, quo modo ad pecuniam publicam allatum est? nam illud genus tertium deductionis erat eiusmodi, quasi non modo liceret, sed etiā oporteret, nec solum oporteret, sed planē necesse esset. scribæ nomine de tota pecunia binæ quinquagesimæ detrahebantur. quis tibi hoc concessit, quæ lex, quæ senatus auctoritas, quæ porro æquitas, ut tantā pecuniā scriba tuus auferret siue de aratorum bonis, siue de populi R. uel ligalibus? nam si potest ista pecunia sine aratorū iniuria detrahi: populus R. habeat, præsertim in tantis ararij angustiis. sin autem & populus id uoluit, & æquū ita est, solui aratoribus: tuus apparitor parua mercede populi conductus, de aratorum bonis prædabitur? et in hac causa scribarū ordinem in me cōcitabit Hortensius? et eorū commodā à me labefactari, atque oppugnari iniuria dicet? quasi uero hoc scribis ullo exēplo sit, aut ullo iure concessum. quid ego uetera repetā? aut quid eorū scribarū mentionem faciā, quos constat sanctissimos homines, atque innocentissimos fuisse? non me fugit iudices, uetera exēpla pro fide fabulis iam audiri, atque haberi. in his tēporibus uersabor miseris, ac perditis. nuper Hortensi Quæstor fuisti. quid tui scribæ fecerint, tu potes dicere. ego de meis hoc dico: cū in eadem ista Sicilia pro frumento ciuitatibus pecuniā solucrem,

mecum duos frugalissimos homines scribas haberem, L. Mamilium, et L. Sergium; nō modo istas duas quinquagesimas, sed omnino nummū nullū cuiquam esse deducendum. dicerem, hoc mihi totum esse attribuendum iudices, si illi unquam à me hoc postulassent, si unquam omnino cogitassent. quamobrem scriba deducat, ac nō potius mulio, qui adduxerit? tabellarius, cuius aduentu certiores facti petiuerūt? præco, qui adesse iussit? uia tor, ac Venerius, qui fiscum sustulit? quæ pars operæ, aut opportunitatis in scriba est, cur ei nō modo merces tanta detur, sed cur cū eo tantæ pecuniæ partitio fiat? ordo est honestus. quis negat? aut quid ea res ad hanc re pertinet? est uero honestus, quodd eorū hominum fidei tabulæ publicæ, periculaq; magistratuum committuntur. itaque ex ijs scribis, qui digni sunt illo ordine, patribus familias, uiris bonis, atque honestis, percontamini, quid sibi istæ quinquagesimæ uelint: iam omnes intelligetis nō uā rem totā, atque indignā uideri. ad eos me scribas reuoca, si placet: noli hos colligere, qui nūmulis corrogatis de nepotum donis, ac de scenicorum corollarijs, cum de curiam emerunt, ex primo ordine exploforum in secundum ordinem ciuitatis se uenisse dicunt. eos scribas tecū disceptatores huius criminis habeo, qui istos scribas esse moleste ferunt. tamen, cum in eo ordine uideamus esse multos non idoneos, qui ordo industriæ propositus est, et dignitati; mirabimur turpes, aliquot in eo esse, quod cuius licet pretio peruenire: tu ex pecunia publica HS terdecies scribam tuum permissu tuo cum abstulisse fateare, reliquā tibi ullam defensionem putas esse? hoc ferre quenquā posse, hoc quenquam denique nūc tuorum ad-

vocatorū animo a quo audire arbitrare? qua in ciuitate
 te C. Catoni, clarissimo uīro, consulari homini, HS XV =
 III millibus lis aestimata sit; in eadem ciuitate apparito
 ri tuo esse cōcessum, ut HS uno nomine terdecies aufer=
 ret? hinc ille est annulus aureus, quo tu istum in cōcio=
 ne donasti. quæ tua donatio singulari impudentia præ=
 dita, noua Siculis omnibus, mihi uero incredibilis uide=
 batur: saepe enim nostri imperatores superatis hostibus,
 optime Rep. gesta scribas suos annulis aureis in cōcione
 donarunt: tu uero quibus rebus gestis, quo hoste supera=
 to, concionem donandi causa aduccare ausus es? neque
 enim solum scribam tuum annulo, sed etiā uirum for=
 tissimum, ac tui dissimillimum, Q. Rubrium, excellenti
 uirtute, auctoritate, copijs, corona, et phaleris, & torque
 donasti; M. Cossutium, sanctissimum uirū, atque hone=
 stissimum; M. Castriciū, summo splendore, ingenio, glo=
 ria præditū. quid hæc sibi horum trium ciuium R. do=
 na uoluerunt? Siculos præterea potentissimos, nobilissi=
 mosq; donasti. qui non, quemadmodum sperasti, tardio=
 res fuerunt, sed ornatiores tuo iudicio ad te simonia di=
 cunda uenerūt. quibus ex hostium stolijs, de qua uictor=
 ria, qua ex præda, aut manubijs hæc abs te donatio
 constituta est? an quoddam te Prætor, paucorum aduen=
 tu myoparonum, classis pulcherrima, Siciliæ propugna=
 culum, præsidiumq; prouinciæ, piratarum manibus in=
 censa est? an quoddam ager Syracusanus prædonum incen=
 dijs te Prætor uastatus est? an quoddam forum Syracusa=
 num nauarchorum sanguine redundauit? an quoddam
 in portu Syracusano piraticus myoparo nauiga=
 uit? nihil possum reperire, quamobrem te in istam

amentiam incidisse arbitrer: nisi forte id egisti, ut hominibus ne obliuisci quidem rerum tuarum male gestarum liceret. annulo est aureo scriba donatus: et ad eam donationem concio est aduocata. quod erat os tuum, cum uidebas in concione eos homines, quorum ex bonis iste annulus aureus donabatur, qui ipsi annulos aureos posuerant, liberisque suis detraxerant, ut esset unde scriba tuus hoc tuum munus, ac beneficium tueretur? quae porro praefatio tuae donationis fuit? illa scilicet uetus, atque imperatoria? quando tu quidem in praelio, in bello, in re militari: cuius ne mentio quidem te Praetore ulla facta est. an illa? quando quidem tu nulla unquam mihi in cupiditate, ac turpitudine defuisti, omnibusque in iisdem flagitijs mecum et in legatione, et in Praetura, et hic in Sicilia uersatus es; ob hasce res, quoniam te locupletauimus, hoc annulo aureo dono. uera haec fuisset oratio: non enim iste annulus aureus abs te datus, istum uirum fortem, sed hominem locupletem esse declarat. ita eundem annulum ab alio datum testem uirtutis duceremus, abs te donatum comitem pecuniae iudicamus. Dictum iudices est de decumano frumento: dictum de empto: extremum et reliquum est de aestimato. quod tum magnitudine pecuniae, tum iniuriae genere quemuis debet commouere, et uero eo magis, quod ad hoc crimen non ingeniosa aliqua defensio, sed improbiissima confessio comparatur. nam cum ex S. C. et ex legibus frumentum ei in cellam sumere liceret, idque frumentum senatus ita aestimasset, quaternis HS tritici modium, binis ordeum: iste numero ad summam tritici adiecto, tritici modios singulos cum aratoribus denarijs ternis aestimauit. non est in hoc crimen Hortensi, ne for-

te ad hoc meditare, multos saepe viros bonos, et fortes, et innocentes cum aratoribus, & cum ciuitatibus frumentum, in cellam quod sumi oporteret, aestimasse, & pecuniā pro frumento abstulisse. scio, quid soleat fieri: scio, quid liceat. nihil, quod antea fuerat in consuetudine bonorum, nunc in istius facto reprehenditur: hoc reprehendo, quodd, cū in Sicilia HS I I modius esset, ut istius epistola ad te missa declarat, summum HS ternis, id quod & testimonijs omnibus, & tabulis aratorum planū factum antea est; tum iste pro tritici modijs singulis ternos ab aratoribus denarios exegit. hoc crimen est: ut intelligas nō ex aestimatione, neque ex ternis denarijs pendere crimē, sed ex coactione annonae, atque aestimationis. etenim hac aestimatio nata est iudices initio non ex Pratorū, aut Consulū, sed ex aratorū, atque ciuitatū commodo: nemo enim fuit initio tam impudens, qui, cū frumentum deberetur, pecuniam posceret. certe hoc ab aratore primum est profectum, aut ab ea ciuitate, cui imperabatur. cum aut frumentum uendidisset, aut seruare uellet, aut in eum locum, quod imperabatur, frumentum portare noller; petiuit in beneficij loco, & gratia, ut sibi pro frumento, quanti frumentum esset, dare licere. ex huiusmodi principio, atque ex liberalitate, atque accommodatione magistratuum, consuetudo aestimationis introducta est. secuti sunt auariores magistratus: qui tamen in auaritia sua non solum uiam quaestus inueniunt, uerū etiam exitum, ac rationem defensionis instituerunt. semper ad ultima, ac difficillima loca apporā dum frumentum imperare, ut uecturae difficultate ad quam uellent aestimationē peruenirēt. in hoc genere sa-

cilior est existimatio, quàm reprehensio: ideo quòd cum, qui hoc facit, auarū possumus existimare, crimen in eo cōstituere nō tam facile possumus: quòd uidetur cōcedē dū magistratibus nostris esse, ut ijs, quo loco uelint, frumētū accipere liceat. itaque hoc est, quod multi fortasse fecerūt, et ita multi, ut ijs, quos innocentissimos meminimus, aut audiuius, non fecerint. quæro nunc à te Hortensi, cum utris tandem istius factum collaturus es? cum ijs credo, qui benignitate adducti per beneficium, et gratiam ciuitatibus concesserunt, ut nummos pro frumento darent. ita credo, petiisse ab isto aratores, ut, cum Histernis tritici modium uendere non possent, pro singulis modijs ternos denarios dare liceret. an, quoniā hoc non audes dicere, illuc cōfugies? uecturæ difficultate adductos, ternos denarios dare maluisse. cuius uecturæ? quo ex loco? in quem locū ne portarent? Philomelo ne Ephesum? uideo, quid inter annonam interesse soleat: uideo, quot dierū uia sit: uideo Pilomelensibus expedire, quāti Ephesi sit frumentū, tātū dare potius in Phrygia, quàm Ephesum portare, aut ad emendum frumentum Ephesum pecuniam, & Legatos mittere. in Sicilia uero quid eiusmodi? Enna mediterranea est maxime. ego, ut ad aquā tibi, id quod summi iuris est, frumentum Ennenses metiantur, uel Plutiam, uel Halefam, uel Catinam, loca inter se maxime diuersa; eodem die, quo iusseris, deportabūt. tametsi ne uectura quidem opus est: nam totus quæsius hic iudices æstimationis ex annonæ natus est uarietate: hoc enim magistratus in prouincia assequi potest, ut ibi accipiat, ubi est carissimum. ideo ualet ista ratio æstimationis in Asia, ualet in Hispania, ualet in ijs

prouincijs, in quibus unum pretium frumento esse nō so-
 let. in Sicilia uero quid cuiusquā intererat, quo loco da-
 ret? neque enim portandū erat: & quō quisque uehere
 iussus esset, ibi tantidem frumentum emeret, quanti do-
 mi uendidisset. quamobrē si quid Hortensi docere uis,
 aliquid ab isto simile aestimatione, atque à ceteris, esse fa-
 ctilū; doceas oportet, aliquo in loco Sicilia Pratore Verre
 ternis denarijs tritici modiū fuisse. uide, quā tibi defen-
 sionē patefecerim, quā iniquā in socios, quā remotā
 ab utilitate Reip. quā sciuntā à uolūtate, atque sen-
 tentia legis. tu, cū tibi ego frumentū in meis agris, atque
 in mea ciuitate, denique cū in ijs locis, in quibus es, uer-
 saris, rē geris, prouinciā adminisiras, paratus sum dare;
 angulū mihi aliquem eligas prouincia reconditū, ac de-
 relictū? iubeas ibi me metiri, quō portare nō expediat?
 ubi emere non possum? improbum facinus iudices, non
 ferendum, nemini lege concessum, sed fortasse adhuc in
 nullo etiam uindicatū. tamen ego hoc, quod ferri nego
 posse, Verri iudices cōcedo, et largior. si ullo in loco eius
 prouinciæ frumentum tanti fuit, quanti iste aestimauit:
 hoc crimen in istum reum ualere oportere nō arbitror.
 uerum enim uero, cum esset HS binis, aut etiam ternis
 quibusuis in locis prouinciæ, duodenos sestertios exegisti.
 si mihi tecum neque de annona, neque de aestimatione
 tua pōtest esse controuersia, quid sedes? quid expectas?
 quid defendes? utrum tibi pecuniæ conciliata uidentur
 aduersum leges, aduersum Remp. cum maxima socio-
 rū iniuria, an uero id recte, ordine, è Rep. sine cuiusquā
 iniuria factū esse defendes? cū tibi senatus ex arario pe-
 cuniā prōpississet, et singulos tibi denarios adnumerasset,

quos tu pro singulis modijs aratoribus solueres: quid facere debuisti? si, quod L. Piso ille Frugi, qui legē de pecunijs repetundis primus tulit: cū emisset, quāti esset; quod superaret pecuniā, retulisset. si, ut ambitiosi homines, aut benigni: cū pluris senatus aestimasset, quā quantū esset annonae; ex senatus aestimatione, nō ex annonae ratione soluisset. sin, ut plerique faciūt, in quo etiā erat aliquis quaestus, sed is honestus, atque cōcessus: frumentū, quoniam uilius erat, ne emisset: sumpsisset id nūmorū, quod tibi senatus cellae nomine concesserat. hoc uero quid est? quā habet rationē, nō quero aequitatis, sed ipsius improbitatis, atque impudētiā? neque enim est ferē quidquā, quod homines palām facere audeāt in magistratu, quāuis improbi, quin eius facti si nō bonā, at aliquam rationem afferre soleant. hoc quid est? uenit Prator: frumentum, inquit, me abs te emere oportet. optume. modiū de nario. benigne, ac liberaliter: nā ego tribus HS non possum uendere. mihi frumētō nō opus est. nummos uolo. non speraueram, inquit arator, me ad denarios perueniturum: sed, si ita necesse est, quāti frumētū sit, considera. uideo esse binis HS. quid ergo à me tibi nummorū dari potest, cum senatus tibi quaternos nūmos dederit? quid poscit, attendite: et uos quaeso simul iudices aequitatem Pratoris attēdite. quaternos HS, quos mihi senatus decreuit, et ex aerario dedit, ego habebō, et in cistā trāfferā ex fisco. quid postea? quid? pro singulis modijs, quos tibi impero, tu mihi octonos HS dato: qua ratione? quid quæris rationem? nō tantam rationem res habet, quantam utilitatē, atque praeda. dic, inquit ille, planius. senatus te uoluit mihi nūmos dare, me tibi frumētū metiri:

tu eos nūmos, quos mihi senatus dare uoluit, ipse habebis? à me, cui singulos denarios dari oportuit, binos aufers? & huic prædæ, ac direptioni cellæ nomen imponis? hæc deerat iniuria, et hæc calamitas aratoribus te Prætor, qua reliquis fortunis omnibus euerterentur. nam quid esse reliqui poterat ei, qui per hanc iniuriam non modo frumentum omne amittere, sed etiam omne instrumentum uendere cogeretur? quod enim se uerteret non habebat. ex quo fructu nummos, quos tibi daret, inueniret? decumarum nomine tantum erat ablatum, quantum uoluntas tulerat Apronij: pro alteris decumis, emptorq; frumento aut nihil datum, aut tantum datum, quantum reliqui scriba fecerat, aut ultro etiam, id quod didicistis, ablatum. cogatur etiam nūmi ab aratore. quo modo? quo iure? quo exemplo? nam cum fructus diripiebantur aratorum, atque omni lacerabantur iniuria; uidebatur id perdere arator, quod aratro ipse quesisset, in quo elaborasset, quod agri, segetesq; extulissent. quibus iniurijs grauissimis tamen illud erat miserum solatiū, quod id perdere uidebatur, quod alio Prætor, eodem ex agro reparare posset. nūmos uero ut daret arator, quos non aratro, ac manu quærit; boues, & aratrum ipsum, & omne instrumentum uendat, necesse est. non enim debetis hoc cogitare: habet idem in nūmis: habet idem in urbanis prædijs. nam cum aratori onus aliquod imponitur; non hominis, si quæ sunt præterea, facultates, sed arationis ipsius uis, ac ratio consideranda est, quid ea sustinere, quid pati, quid efficere possit, ac debeat. quanquam illi quoque sunt homines ab isto omni ratione exinaniti, ac perditī: tamē hoc uobis est statuendū, quid aratorem ipsum arationis no-

mine muneris in Remp. fungi, ac suslinere uelitis. impo-
 nitis decumas, patiuntur: alteras, temporibus uestris ser-
 uiendum putat. dent emptum praterea: dabunt, si no-
 letis. hac quàm sint graua, & quid his rebus detractis
 possit ad dominos puri, ac reliqui peruenire, credo uos
 ex uestris rebus rusticis coniectura assequi posse. addite
 nunc eodē istius edicta, instituta, iniurias: add te Apronij,
 Veneriorumq; seniorū in agro decumano regna, ac ra-
 pinas: quāquā haec omitto: de cella loquor. placet ne uo-
 bis in cella magistratibus nostris frumentū. Siculos gra-
 tis dare? quid hoc indignius? quid iniquius? atqui hoc
 scitote aratoribus hoc Praetore optandum, ac petendum
 fuisse. Sositenus est Entellinus, homo cū primis ciuitatis
 prudens, & domi nobilis; cuius uerba audistis; qui ad
 hoc iudiciū Legatus publice cum Artemone, et Menisco,
 primarijs uiris, missus est. is cū in senatu Entellino mul-
 ta mecū de istius iniurijs ageret, hoc dixit, si hoc de cel-
 la, atque hac aestimatione cōcederetur, uelle Siculos sena-
 tui polliceri frumentum in cellam gratis, ne posthac tan-
 tas pecunias magistratibus nostris decerneremus. perspi-
 cere uos certo scio, Siculis quantopere hoc expediat, non
 ad aequitatis conditionem, sed ad minima malorum eli-
 genda. nam qui mille modiū Verri suae partis in cellam
 gratis dedisset, duo millia nummū, aut summū tria de-
 disset; idem nunc pro eodē numero frumenti HS V I I I
 millia dare coactus est. hoc arator assequi per triēnium
 certo fructu suo non potuit: uendiderit instrumentum,
 necesse est. quodd si hoc munus, & uectigal aratio tolera-
 re, hoc est Sicilia ferre, ac pati potest: populo R. ferat po-
 tius, quàm nostris magistratibus. magna est pecunia,

magnum præclarumq; uectigal. si modo id salua provincia, si sine iniuria sociorū percipere possitis, nihil de traho. magistratibus tantundem detur in cellam, quantum semper datum est. quod præterea Verres imperat, id, si facere nō possunt, recusent; si possunt, populi R. potius hoc sit uectigal, q̄ præda Prætoris. deinde cur in uno genere solo frumenti ista æstimatio constituitur? si est æqua, & ferēda; populo R. Sicilia decumas det, pro singulis tritici modijs ternos denarios, sibi habeat frumentum. data tibi pecunia est Verres; una, qua frumentum tibi emerēs in cellam; altera, qua frumentū emerēs à ciuitatibus, quod Romā mitteres. tibi datam pecuniā domi retines: & præterea pecuniā permagnam tuo nomine aufers. fac idem in eo frumēto, quod ad populū R. pertinet: exige eadē æstimatione pecuniā à ciuitatibus, & refer quā accepisti: tū refertius erit ararium populi R. quā unquā fuit. at enim istā rem in publico frumento Sicilia nō ferret, hanc rem in meo frumento tulit. proinde quasi aut æquior sit ista æstimatio in tuo, q̄ in populi R. cōmodo: aut ea res, quam ego dico, & ea, quā tu fecisti, inter se genere iniuria, non magnitudine pecunie differāt. uerū istā ipsam cellā ferre nullo modo possunt. ut omnia remittātur; ut omnibus iniurijs, et calamitatibus, quas te Prætor tulerunt, in posterum liberentur; istam se cellam, atque istam æstimationem negant ullo modo ferre posse. multa Sophocles Agrigentinus apud Cn. Pompeiū Cos. nuper homo disertissimus, et omni doctrina, & uirtute ornatissimus pro tota Sicilia de aratorum miserijs grauiter, ac copiose dixisse, ac deplorasse dicitur. ex quibus hoc ijs, qui aderant (nam

magno conuentu acta res est) indignissimum uideba-
 tur: qua in re senatus optime, ac benignissime cum ara-
 toribus egisset, large, liberaliterq; aestimasset, in ea re pra-
 dari Pratorem, bonis euertere aratores, & id nō modo fie-
 ri, sed ita fieri, quasi liceat, concessumq; sit. quid ad hanc
 Hortensius? falsum esse crimen? hoc nunquā dicet. nō ma-
 gnā hac ratione pecuniā captā? ne id quidem dicet. nō
 iniuriā factā Siculis, atq; aratoribus? qui poterit dicere?
 quid igitur dicet? fecisse alios? quid est hoc? utrum cri-
 mini defensio, an comitatus exilio quaeritur? tu in hac
 Rep. atque in hac hominū libidine, & ut adhuc habuit
 se status iudiciorum, etiam licentia, non ex iure, non ex
 aequitate, non ex lege, non ex eo, quod licuerit, sed ex eo,
 quod aliquis fecerit, id, quod reprehenditur, recte fa-
 ctum esse defendes? fecerunt aliqui alia quā multa:
 cur in hoc uno crimine isto genere defensionis uteris?
 sunt quaedam omnino in te singularia, quae in ullum
 alium hominem dici, neque cōuenire possint: quaedā ti-
 bi cum multis cōmunia. ergo ut omittā tuos peculatus,
 ut ob ius dicundum pecunias acceptas, ut eiusmodi cate-
 ra, quae forsitā: alij quoque etiā fecerint: illud, in quo
 te grauissime accusaui, quod ob iudicandā rem pecuniā
 accepisses, eadem ista ratione defendes, fecisse alios? ut
 ego assentiar orationi, defensionem tamen nō probabo:
 potius enim, te damnato, ceteris angustior locus impro-
 bitatis defendendae relinquetur, quā te absoluto, alij,
 quod audacissime fecerunt, recte fecisse existimentur. lu-
 gent omnes provinciae: queruntur omnes liberi populi:
 regna denique iā omnia de nostris cupiditatibus, & in
 iniurijs expostulant: locus intra Oceanum iam nullus est

neque tam longinquus, neque tam recóditus, quod nō per
hæc tempora nostrorum hominū libido, iniquitasq; per=
uaserit: sustinere iam populus R. omnium nationū non
uim, non arma, nō bellum, sed luctum, lacrymas, queri=
monias nō potest. in eiusmodi re, ac moribus, si is, qui erit
adductus in iudicium, cum manifestis in flagitijs tenebi=
tur, alios eadem fecisse dicet: illi exempla non deerunt,
Reip. salus deerit, si improborum exemplis improbi iu=
dicio, ac periculo liberabuntur. placent uobis hominum
mores? placet ita geri magistratus, ut geruntur? placet
socios sic tractari, quod restat, ut per hæc tempora tra=
ctatos uideris? cur hæc à me opera cōsumitur? quid se=
detis? cur nō in media oratione mea consurgitis, atque
disceditis? uultis autem istorū audaciās, ac libidines ali=
qua ex parte resecare? desinite dubitare, utrū sit utilius,
propter multos improbos uni parcere, an unius improbi
supplicio multorū improbitatem coercere. tamen si quæ
istia sunt exempla multorum? nam cum in causa tanta,
cum in crimine maximo dici à defensore captū est, fa=
ctitatū esse aliquid: expectant ij, qui audiūt, exempla ex
ueteri memoria, et monimentis, ac literis, plena dignita=
tis, plena antiquitatis: hæc plurimū solent et auctorita=
tis habere ad probandū, & iucunditatis ad audiendū.
Africanos, mihi, et Catones, et Lelios commemorabis? et
eos fecisse idem dices? quāuis res nō placeat, tamē cōtra
hominū auctoritatem pugnare nō potero. an cū eos non
poteris proferre, hos recentes, Q. Catulum patrem, C.
Marium, Q. Scauolam, M. Scaurum, Q. Metellum?
qui omnes prouincias habuerunt, & frumentum celle
nomine imperauerūt. magna est hominum auctoritas,

et tanta, ut etiā delicti suspicionem tegere possit. nō habes ne ex his quidem hominibus, qui nuper fuerūt, ullū auctorem istius aestimationis. quid me igitur, aut ad quæ exempla reuocas? ab illis hominibus, qui tū uersati sunt in Rep. cū et optimi mores erāt, & hominū existimatio grauis habebatur, et iudicia seuera fiebant, ad hanc hominū licentiā, et libidinem me abducis? & in quos aliquid exempli populus R. statui putat oportere, ab ijs tū defensionis exempla quæris? nō fugio ne hos quidē mores, dummodo ex his ea, quæ probat populus R. exēpla, nō ea quæ cōdemnat, sequamur. nō circūspiciā, nō quæram foris, cū habeas iudices principes ciuitatis, P. Seruiliū, Q. Catulū: qui tāta auctoritate sunt, tantis rebus gestis, ut in illo antiquorū, & clarissimorū hominū, de quibus antea dixi, numero reponātur. exēpla quærimus, et ea nō antiqua. modo uterque horū exercitiū habuit. quære Hortensi, quoniam te recentia exempla delatant, quid fecerint. ita ne uero? Q. Catulus frumēto est usus, pecuniā non coegit: P. Seruilius quinquennium exercitui cū præesset, et ista ratione innumerabilem pecuniā facere posset, nō statuit sibi quidquā licere, quod non patrem suū, non auū Q. Metellum facere uidisset: C. Verres reperietur, qui, quod expediat, id licere dicat? quod nemo nisi improbus fecerit, id aliorū exēplo se fecisse defendat? at in Sicilia factitatū est. quæ est ista cōditio Siciliae? cur, quæ optimo iure propter uetustatem, fidelitatem, propinquitatē esse debet, huic præcipua lex iniuriæ definitur? sed in ista ipsa Sicilia nō quæram exēplum foris, hoc ipso ex cōsilio utar exemplis. C. Marcelle te appello: Siciliae prouinciæ, cum esses pro Consule, præ-

fuiſti: num quæ in tuo imperio pecuniæ cellæ nomine co-
actæ ſunt? neque ego hoc in tua laude pono. alia ſunt
tua facta, atque cõſilia ſumma laude digna, quibus illâ
tu provinciâ afflictiâ, et perditâ erexiſti, atque recreaſti.
nam hoc de cella ante Lepidus quidẽ fecerat, cui tu ſuc-
ceſſiſti. quæ ſunt tibi igitur exẽpla in Sicilia cella, ſi hoc
crimen non modo Marcelli factõ, ſed ne Lepidi quidem
potes defendere? an me ad M. Antoniũ aſtimationẽ fru-
mẽti, exactionemq; pecuniæ reuocaturus es? ita, inquit,
ad M. Antoniũ: hoc enim mihi ſignificaffe, & annuiſſe
uiſus eſt. ex omnibus ne igitur populi R. Prætoribus, Con-
ſulibus, imperatoribus M. Antonium delegiſti, & eius
unum improbiffimum factum, quod imitarere? & hic
utrũ mihi difficile eſt dicere, an his exiſtimare, ita ſe in
illo infinito imperio M. Antonium geſſiſſe, ut multo iſti
perniciõſius ſit dicere, ſe in re improbiffima uoluiſſe An-
toniũ imitari, quã ſe poſſit defendere, nihil in uita ſe M.
Antonio ſimile feciſſe? homines in iudijs ad crimen de-
fendendum, non quid fecerit quiſpiam, proferre ſolent,
ſed quid probarint. Antoniũ, cum multa contra ſocio-
rum ſalutem, multa contra uoluntatem provinciarum
& faceret, & cogitaret, in medijs eius iniurijs, et cupia-
ditatibus mors oppreſſit. tu mihi, quaſi eius omnia facta,
atque conſilia ſenatus populusq; R. iudices cõprobarint,
ita Antoniũ exemplo iſtius audaciâ defendis. at idem fe-
cit Sacerdos. hominem innocentem, & ſumma pruden-
tia præditum nominas: ſed tum idem feciſſe erit exiſti-
mandus, ſi eodem cõſilio fecerit. nã genus aſtimationis
ipſum a me nunquam eſt reprehẽſum: ſed eius æquitas
aratorum cõmodo, & uoluntate perpenditur. nõ poteſt

reprehendi illa æstimatio, quæ aratori nō modo incōmo-
 da non est, sed etiā grata est. Sacerdos ut in prouinciā
 uenit, frumentū in cellā imperauit. cū esset ante nouū
 tritici mod. HS XV, petiuerūt ab eo ciuitates ut æsti-
 maret. remissior aliquanto eius fuit æstimatio, quā an-
 nona: nam æstimauit denarijs III. uides eandem æsti-
 mationem propter temporis dissimilitudinem in illo lau-
 dis causam habere, in te criminis? in illo beneficij, in te
 iniuriæ? eodem tēpore Antonius III denarijs æstimauit
 post messē, summa in uilitate, cū aratores frumentū
 dare gratis malebant, et aiebat, se tantidem æstimasse,
 quāti Sacerdotem: neque mentiebatur: sed eadē ista æsti-
 matione alter subleua at aratores, alter euerterat. quodd
 nisi omnis frumētī ratio ex temporibus esset, et annona,
 nō ex numero, neque ex summa considerata: nunquā
 tam grati hi sesquimodij Q. Hortensi fuissent: quos tu
 cū ad mensuræ tam exiguā rationē populi R. in capita
 descripsisses, gratissimū omnibus fecisti: caritas enim an-
 nonæ faciebat, ut istuc, quod re parū uidebatur, tem-
 pore magnū uideretur. idem istuc si in uilitate populo
 R. largiri uoluisses, derisum tuū beneficiū esset, atque cō-
 temptū. noli igitur dicere, istum idem fecisse, quod Sacerdotem:
 quoniā non eo tempore, neque simili fecit an-
 no. dicito potius, quoniā habes auctorem idoneum; quod
 Antonius uno aduentu, & uix mensuris cibarijs fece-
 rit, id istum per triennium fecisse: et istius innocentiam
 M. Antonij factō, atque auctoritate defendito. nam de
 Sex. quidē Peduceo, fortissimo, atq; innocētissimo uiro,
 quid dicitis? de quo quis unquam arator questus est?
 aut quis non ad hoc tempus innocentissimam omnium,
 diligentissimamq;

diligentissimamq; Præturam illius hominis existimauit? biennio prouinciam obtinuit, cum alter annus in uilitate, alter in summa caritate fuerit: num aut in uilitate nummū arator quisquā dedit, aut in caritate de æsimatione frumētī questus est? at uberiora cibaria facta sunt caritate. credo: neque id est nouū, neque reprehēdendū. modo C. Sentiū uidimus, hominem uetere illa, ac singulari innocentia præditum, propter caritatem frumentī, quæ fuerat in Macedonia, permagnam ex cibarijs pecuniam reportare. quamobrem nō ego inuideo tuis cōmodis, si qua ad te lege uenerūt: iniuriam queror: improbitatem arguo: auaritiā in crīmen, & in iudiciū uoco. quodd si suspiciones iniicere uoletis, ad plures homines, & ad plures prouincias crīmen hoc pertinere: nō ego istam defensionem uestrā pertimescā, sed me omnium prouinciarum defensorem esse profitebor: etenim hoc dico, & magna uoce dico: ubicunque hoc factū est, improbe factū est: quicunque hoc fecit, supplicio dignus est. nā per deos immortales uidete iudices, et prospicite animis, quid futurum sit. multi magnas pecunias ab inuitis ciuitatibus, atque ab inuitis aratoribus ista ratione cellæ nomine coegerūt: (omnino ego neminē uideo, præter istū: sed do hoc uobis, et cōcedo, esse multos) in hoc homine rem adductam in iudiciū uidetis: quid facere potestis? utrū, cum iudices sitis de pecunia capta, conciliata, tantā pecuniam captam negligere, an, cum lex sociorum causa rogata sit, sociorū querimonias nō audire? uerum hoc quoq; uobis remitto: negligite præterita, si uultis: sed, ne reliquas spes turbetis, atq; omnes prouincias euertatis, id prouidete; ne auaritiæ, quæ antehac occultis itineribus,

atque angustijs uti solebat, auctoritate uestra uia pate-
faciatis illustrem, atque latā. nam si hoc probatis, & si
hoc licere, pecunias isto nomine capi, iudicatis: certe hoc,
quod adhuc nemo nisi improbiſſimus fecit, posthac ne-
mo nisi stultissimus nō faciet. improbi sunt, qui pecunias
contra leges cogunt: stulti, qui, quod licere iudicatū est,
prætermittunt. deinde iudices uidete, quā infinitā sitis ho-
minibus licentiam pecuniarum eripiendarum daturi. si,
ternos denarios qui coegit, erit absolutus: quaternos, de-
nos denique, aut uicenos coget alius: quæ erit reprehē-
sio? in quo primū iniuriæ gradu resistere incipiet seueri-
tas iudicis? quotus erit iste denarius, qui nō sit ferendus?
et in quo primū æstimationis iniquitas, atque improbitas
reprehendatur? nō enim à uobis summa, sed genus æsti-
mationis est comprobatū: neque hoc potestis iudicare, ter-
nis denarijs æstimare licere: ubi enim semel ab annonæ
ratione, et ab aratorum uoluntate res ad Prætoris libi-
dinem translata est, nō est iā in lege, atque in officio, sed
in uoluntate hominū, atque auaritia positus modus æsti-
mandi. quapropter si uos semel in iudicādo finem æqui-
tatis, et legis transferitis, scitote uos nullū cateris in æsti-
mando finem improbitati, et auaritiæ reliquisse. uidete
igitur, quā multa simul à uobis postulentur. absoluite
eum, qui se fateatur maximas pecunias cum summa so-
ciorū iniuria cepisse. non satis. sunt alij quoque complu-
res, qui idem fecerint. absoluite etiā illos, si qui sunt: ut
uno iudicio quamplurimos improbos liberetis. ne id qui-
dem satis est. facite, ut cateris posthac idē liceat. licebit.
at hoc parū est. permittite, ut liceat: quāti quisque uelit,
tāti æstimet. æstimabit. uidetis iam profecto iudices, hac

æstimatione à uobis comprobata, neque modum posthac auaritiæ cuiusquæ, neque poenam improbitatis futurâ. quas ob res, quid agis Hortēsi? Consul es designatus: prouinciâ sortitus es: de æstimatione cum dices frumenti, sic te audiemus, quasi id, quod ab isto recte factum esse defendes, te facturum proficere, & quasi, quod isti licitū esse dices, uehemēter cupias tibi licere. atqui si id licebit, nihil est, quod putetis quenquæ posthac commissurum, ut de pecunijs repetundis condemnari possit: quantâ enim quisque concupierit pecuniam, tantâ licebit per cellæ nomen æstimationis magnitudine consequatur. at enim est quiddâ, quod etiâ si palâm in defendendo nō dicit Hortensius, tamen ita dicit, ut uos id suspicari, & cogitare possitis: pertinere hoc ad commodum senatorium, pertinere ad utilitatem eorum, qui iudicent, qui in prouincijs cum potestate, aut cum legatione se futuros aliquando arbitrentur. præclaros uiros existimas iudices nos habere, quos alienis peccatis concessuros putes, quo facilius ipsos peccare liceat. ergo id uolumus populum R. id prouincias, id socios, nationesq; exteras existimare, si senatores iudicent, hoc certe unū genus infinitæ pecuniæ per summā iniuriā cogenda nullo modo posse reprehendi? quod si ita est: quid possumus contra illum Prætorem dicere, qui quotidie templū tenet, qui Remp. sistere negat posse, ni ad equestre ordinē iudicia referatur? quidd si ille hoc unū agitare cœperit, esse aliquod genus cogendæ pecuniæ, senatorū cōmune, et iā propè cōcessum ordinī, quo genere ab socijs maxima pecunia per summā iniuriā auferatur, neque ullo modo senatorijs iudicijs reprehendi posse, idq; dū equester ordo iudicaret, nunquā esse cōmissum:

quīs obſtet, quīs erit tã cupidus ueſtri, tã fautor ordinis, qui de transferendis iudicijs poſſit recuſare? atque utinã poſſet aliqua ratione hoc crimen, quamuis falſa, modo humana, atque uſitata, defendere. minore periculo ueſtro, minore periculo prouinciarũ omnium iudicaretis. negaret hic æſtimatione ſe uſum. uos id credidiſſe homini, non factũ cõprobaffe uideremini. nullo modo negare poteſt: urgetur à tota Sicilia: nemo eſt ex tãto numero aratorum, à quo pecunia cellæ nomine nõ ſit exacta. uellem etiã hoc poſſet dicere, nihil ad ſe iſtam rationẽ pertinere, per Quæſtores rem frumentariã eſſe admi niſtratã. ne id quidẽ ei licebit dicere: propterea quod ipſius literæ recitãtur ad ciuitates de ternis denarijs miſſæ. quæ eſt igitur deſenſio? feci, quod arguis: coegi pecunias maximas cellæ nomine: ſed hoc mihi licuit: uobis, ſi proſpiciſtis, licebit. periculoſum prouincijs, genus iniuriæ cõfirmari iudicio. pernicioſum noſtro ordini, populũ R. exiſtimare, nõ poſſe eos homines, qui ipſi legibus teneantur, leges in iudicãdo religioſe defendere. Atque iſto Prætore iudices non ſolum æſtimandi frumenti modus non fuit, ſed ne imperandi quidem: neque. n. id, quod debebatur, ſed quantũ cõmodum fuit, imperauit. ſummam faciã uobis ex publicis literis, & teſtimonijs ciuitatum frumenti in cellam imperati. reperietis quinquies tanto iudices amplius iſtũ, quã quantũ ei in cellam ſumere licitum ſit, ciuitatibus imperaſſe. quid ad hanc impudentiam addi poteſt, ſi et æſtimauit tanti, ut homines ferre non poſſent, et tanto plus, quã erat ei conſeſſum legibus, imperauit? quapropter cognita tota re frumentaria iudices, iam facillime perſpicere poteſtis, amiſſam

esse populo R. Siciliam, fructuosissimā atque opportunissimā provinciam, nisi eam uos istius damnatione recuperatis: quid est enim Sicilia, si ei agri cultionem sustuleris, & si aratorū numerū, ac nomen extinxeris? quid enim potest esse in calamitate residuū, quod non ad miseros aratores isto Pratore per summā iniuriā, ignominiamq; peruenierit? quibus, cū decumas dare deberēt, uix ipsis decumae relictæ sunt: cū pecunia deberetur, soluta non est: cū optima æstimatione senatus frumentū eos in cellam dare uoluisset, etiam instrumenta agrorum uendere coacti sunt. dixi iā antea iudices, ut has omnes iniurias tollatis, tamen ipsam rationē arandi sse magis, et iucūditate quadā, quā fructu, atque emolumento teneri: etenim ad incertum casum, et euentū certus quotannis labor, & certus sumptus impeditur. annona porro pretium, nisi in calamitate fructuum, nō habet. si autem ubertas in percipiendis fructibus fuit, consequitur uilitas in uendēdis: ut aut male uendendum intelligas, si processit; aut male perceptos fructus, si recte licet uendere. totæ autem res rusticæ eiusmodi sunt, ut eas nō ratio, neque labor, sed, res incertissima, uenti, tempestatesq; moderentur. hinc cū unæ decumæ lege, et cōditione trahantur, alteræ nouis institutis propter annonæ rationem imperentur, ematur præterea frumentū quotannis publice, postremo etiam in cellam magistratibus, et Legatis imperetur: quid, aut quantum præterea est, quod aut liberum possit habere ille arator, ac dominus in potestate, suorum fructuum, aut in ipsis fructibus solutum? quod si hæc feruntur omnia; si uobis potius, ac populo R. quā sibi, & suis commodis, opera, sumptu, labore deseruiūt:

etiam ne hæc noua debent edicta, & imperia Prato-
rum, & Apronij dominationem, & Veneriorum ser-
uorum furta, rapinasq; perferre? etiam ne frumentum
pro empto gratis dare? etiam ne, in cellam cum cupiāt
gratis dare ultro; pecuniam grandem dare? etiam ne
hæc tot detrimenta, atque damna cum maximis iniu-
rijs, contumelijsq; perferre? itaque hæc iudices, quæ pati
nullo modo potuerunt, non pertulerunt. arationes tota
Sicilia desertas, atque à dominis relictas esse cognoscitis:
neque quidquam aliud agitur hoc iudicio, nisi ut anti-
quissimi socij, fidelissimiq; Siculi, coloni populi R. at-
que aratores, uestra seueritate, & diligentia, me du-
ce, atque auctore in agros, atque in sedes suas reuera-
tantur.

ACCUSATIONIS IN C. VER-
REM. LIBER VI.
ORATIO IX.

ENIO nunc ad istius, quemadmo-
dum ipse appellat, studium; ut amici
eius, morbum, & insaniam; ut Siculi;
latrocinium. ego, quo nomine appellem;
nescio. rem vobis proponam: vos eam
suo nominis pondere penditote. genus ipsum prius cogno-
scite iudices: deinde fortasse non magnopere quæretis, quo
nomine appellandum putetis. Nego in Sicilia tota, tam
locuplete, tam uetere prouincia, tot oppidis, tot familijs;
tam copiosis, ullum argenteum uas, ullum Corinthium;
aut Deliacum fuisse: nego ullam gemmam, aut marga-
ritam fuisse, aut quidquam ex auro, aut ebore factum,
signum ullum aeneum, marmoreum, eburneum: nego ul-
lam picturam neque in tabulis, neque textilem fuisse, quin
quæsierit, inspexerit; quod placitum sit, abstulerit. ma-
gnum uideor dicere. attendite, etiam quemadmodum
dicam: non enim uerbi, neque criminis causa augendi
complector omnia. cum dico nihil istum eiusmodi rerum
in tota prouincia reliquisse: latine me scitote, non accusa-
torie loqui. etiam planius: nihil in ædibus cuiusquam, ne
in oppidis quidem, nihil in locis communibus, ne in fanis
quidem, nihil apud Siculum, nihil apud ciuem R. de-
nique nihil istum, quod oculos, animumque accenderit, ne-
que priuati, neque publici, neque profani, neque sacri to-
ta in Sicilia reliquisse. unde igitur potius incipiam, quam
ab ea ciuitate, quæ tibi una in amore, atque in delicijs

fuit? aut ex quo potius numero, quàm ex ipsis laudatoribus tuis? facilius enim perficietur, qualis apud eos fueris, qui te oderunt, qui accusant, qui persequuntur; cū apud tuos Mamertinos inuenire improbiſſima ratione eſſe prædatus. C. Heius eſt Mamertinus (omnes hoc mihi facile cōcedent, qui Meſſanā acceſſerunt) omnibus rebus in illa ciuitate ornatiffimus. huius domus eſt uel optima Meſſanæ, notiſſima quidem certe, & noſtris hominibus apertiffima; maximeq; hospitalis. ea domus ante aduentū iſtius ſic ornata fuit, ut urbi quoque eſſet ornamento: nam ipſa Meſſana, quæ ſitu, mœnibus, portuq; ornata ſit, ab ijs rebus, quibus iſte delectatur, ſanè uacua, atque nuda eſt. erat apud Heium ſacrarium cū magna dignitate in ædibus, à maioribus traditum; per antiquū: in quo ſigna pulcherrima quatuor ſummo artificio, ſummā nobilitate, quæ non modo iſtum hominē ingenioſum, atque intelligentem, uerū etiam quemuis noſtrum, quos iſte idiotas appellat, delectare poſſent: unū Cupidinis marmoreum, Praxitelis. nimirū didici etiā, dum in iſtum inquirō, artificū nomina. idem opinor artifex eiufdem modi Cupidinem fecit illū, qui eſt Theſpijs: propter quem Theſpiæ uiſuntur: nam alia uiſendi cauſa nulla eſt. itaque ille L. Mummius, cū Theſpijs ea, quæ ad eadē Felicitatis ſunt, cæteraq; profana ex illo opido ſigna tolleret, hunc marmoreum Cupidinem, quodd erat conſecratus, nō attigit. uerum ut ad illud ſacrariū redeam: ſignum erat hoc, quod dico, Cupidinis è marmore. ex altera parte Hercules egregie factus ex ære, is dicebatur eſſe Myronis, ut opinor, & certe. item ante hoſce deos erant tabulæ, quæ cuius ſacrarij religionem

significare possent. erant aenea præterea duo signa non maxima, uerū eximia uenustate, uirginali habitu, atque uestitu, quæ manibus sublatis sacra quædam more Atheniensium uirginū reposita in capitibus sustinebant. Canephora ipsæ uocabantur. sed earū artificē quē? quēnā? recte admones. Polycletum esse dicebant. Messanam ut quisque nostrū uenerat, hæc uisere solebat: omnibus hæc ad uisendum patebant quotidie: domus erat nō domino magis ornamento, quā ciuitatī. C. Claudius, cuius Aedilitatem magnificentissimā scimus fuisse, usus est hoc Cupidine tandiu, dum forum dijs immortalibus, populoq; R. habuit ornatum: & cū esset hospes Heiorū, Mamerini autem populi patronus, ut illis benignis usus est ad cōmodandum, sic ipse diligens fuit ad reportandū. nuper homines nobiles eiusmodi, iudices: ecquid dico, nuper? immo uero modo, ac planē paulo ante uidimus, quī forū, ac basilicas nō spolijs prouinciārū, sed ornamentis amicorū, cōmodis hospitum, nō furtis nocentium ornarent: quī tamen signa, atq; ornamenta sua cuique reddebant, nō, ablata ex urbibus sociorū quatridui causa per simulationem Aedilitatis, domū deinde, atque ad suas uillas auferebāt. hæc omnia, quæ dixi, signa iudices ab Heio de sacrario Verres abstulit: nullū in quā horum reliquit, neque aliud ullum tamen, præter unum peruetus ligneū, Bonam Fortunam. ut opinor, eam iste domū suā habere noluit. prò deū hominumq; fidem, quid hoc est? quæ hæc causa? quæ hæc impudentia est? quæ, dico, signa, antequam abs te sublata sunt, nemo Messanā cum imperio uenit, quin uiderit. tot Prættores, tot Consules in Sicilia tum in pace, tum etiam in bello fuerunt: tot ho-

mines cuiusque modi: nō loquor de integris, innocētibus,
 religiosis: tot cupidi, tot improbi, tot audaces: quorum
 nemo sibi tam uehemens, tam potens, tā nobilis uisus est,
 qui ex illo sacrario quidquam poscere, aut tollere, aut at-
 tingere auderet. Verres, quod ubique erit pulcherrimū,
 auferet? nihil habere præterea cuiquam licebit? tot do-
 mus locupletissimas domus istius una capiet? iccirco ne-
 mo superiorum attigit, ut iste tolleret? ideo C. Cladius
 Pulcher retulit, ut C. Verres posset auferre? at nō requi-
 rebat ille Cupido lenonis domum, ac meretriciā discipli-
 nam: facile illo sacrario patrio continebatur: Heio se à
 maioribus relietum esse sciebat: ad hereditatem sacro-
 rū non quærebat meretricis heredem. sed quid ego tam
 uehemēter inuehor? uerbo iam uno repellar. emi, inquit,
 à dij immortales, præclaram defensionem. mercatorem
 cum imperio, ac securibus in prouinciam misimus, qui
 omnia signa, tabulas piētas, omne argentū, aurū, ebur,
 gēmas coemeret, nihil cuiquā relinqueret: hac enim mīa
 hi ad omnia defensio patefieri uidetur, emisse. primū, se
 id, quod uis, tibi ego concedā, ut emeris, quoniam in toto
 hoc genere hac una defensione usus es: quæro, cuius-
 modi tu iudicia Romæ putaris esse, si tibi hoc quenquā
 concessurū putasti, te in Prætura, ac imperio tot res, tam
 pretiosas, omnes denique res, quæ alicuius pretij fuerint,
 tota ex prouincia coemisse? uidete maiorum diligentia,
 qui nihil dum etiā istiusmodi suspicabātur, ueruntamen
 ea, quæ paruis in rebus accidere poterāt, providebāt. ne-
 minē, qui cum potestate, aut legatione in prouinciam es-
 set profectus, tam amentem fore putarūt, ut emeret ara-
 gentum; dabatur enim de publico: ut uestem; prabe-

hatur enim legibus: mancipium putauerunt: quo & omnes utimur, & non præbetur à populo. sanxerunt, ne quis emeret mancipiū, nisi in demortui locū. si quis Romæ esset demortuus: immo, si quis ibidem: nō enim te instruere domum tuam uoluerunt in provincia, sed illū usum provinciae supplere. quæ fuit causa, cur tam diligenter nos in provincijs ab emptionibus remouerēt? hæc iudices, quod putabant ereptionem esse, nō emptionem, cū uenditori suo arbitrari uendere nō liceret. in provincijs, intelligebant, si is, qui esset cū imperio, ac potestate, quod apud quenque esset, emere uellet, idq; ei liceret; fore, uti, quod quisque uellet, siue esset uenale, siue nō esset, quāti uellet, auferret. dicet aliquis: noli isto modo agere cū Verre: noli eius facta ad antiquæ religionis rationē exquirere: concede, ut impune emerit, modo ut bona ratione emerit, nihil ab inuito, nihil per iniuriā. sic agā. si quid uenale habuit Heius, si id, quāti aestimabat, tāti uendidit: desino quærere, cur emeret. quid igitur nobis faciendum est? num argumentis utendum in re eiusmodi? quærendum est credo, Heius iste num æs alienum habuerit, num auctionem fecerit: si fecit, num tanta difficultas eum rei nummarie tenuerit, tanta egestas, tanta uis oppresserit, ut sacrarium suum spoliaret, ut deos patrios uenderet. at hominem uideo auctionem fecisse nullam, uendidisse præter fructus suos nihil unquam: non modo in ære alieno nullo, sed in suis nūmis multis esse, ac semper fuisse: si hæc contra, ac dico, essent omnia; tamen illum hæc, quæ tot annos in familia, sacrarioq; maiorum fuissent, uenditurum non fuisse. quid, si magnitudine pecunie persuasum est ei? uerisimile non

teq; ista simulatione emprionis, ui, metu, imperio, fascibus ab homine eo, quem una cum ceteris socijs non solū potestati tuæ, sed etiā fidei populus R. commiserat, eripuisse atque abstulisse. quid mihi tā optandū iudices potest esse in hoc crimine, quā ut hæc eadem dicat ipse Heius? nihil profecto. sed ne difficilia optemus. Heius est Mamertinus. Mamertina ciuitas istū publice communi cōsilio sola laudat: omnibus iste ceteris Siculis odio est: ab his solis amatur. eius autem legationis, quæ ad istum laudandum missa est, princeps est Heius: etenim est primus ciuitatis: ne forte, dum publicis mandatis seruiat, de priuatis iniurijs reticeat. hæc cum scirem, & cogitarem, cōmisi tamen me iudices Heio: produxi eū prima a Elione: neque id tamen ullo periculo feci: quid enim poterat Heius respondere, si esset improbus? si sui dissimilis? signa illa domi suæ esse, non apud Verrem? qui poterat quidquam eiusmodi dicere? ut homo turpissimus esset, impudentissimæq; mentiretur, hoc diceret, illa se habuisse uenalia, eaq; sese, quanti uoluerit, uēdidisse. homo domi suæ nobilissimus, qui uos de religione sua, ac dignitate uere existimare maxime uellet, primo dixit, se istū publice laudare, quodd sibi ita mādātū esset; deinde, neque se habuisse illa uenalia, neque ulla cōditione, si, utrū uellet, liceret, adduci unquā potuisse, ut uēderet illa, quæ in sacratio fuissent à maioribus suis relicta, & tradita. quid sedes Verres? quid expectas? quid te à Centuripina ciuitate, à Catinesi, ab Halesina, Tyndaritana, Ennensi, Agyrinensi, ceterisq; Sicilia ciuitatibus circūueniri, atque opprimi dicis? tua te altera patria, quemadmodum dicere solebas, Messana circūuenit, tua inquā Messana

tuorum adiutrix scelerum, libidinum testis, prædarium, ac furtorum receptrix: adest enim uir amplissimus eius civitatis, Legatus huiusce iudicii causa domo missus, princeps laudationis tuæ, qui te publice laudat: ita. n. mandatum, atque imperatum est. tametsi rogatus de Cybea, tenetis memoria, quid responderit: ædificatâ publicis operis publice coactis, eiq; ædificandæ publice Mamertinum senatorem præfuisse. idem ad uos privatim iudices cõfugit. utitur hac lege, qua iudicium est cõmunis, et privatæ rei sociorû. tametsi lex est de pecunijs repetundis, ille se negat pecuniam repetere, quâ ereptam non tantopere desiderat: sacra se maiorum suorum repetere abs te dicit: deos penates à te patrios reposcit. ecqui pudor est? ecquæ religio Verres? ecqui metus? habitasti apud Heium Messanæ: res illû diuinas apud deos in suo sacrario prope quotidie facere uidisti. nõ mouetur pecunia: denique, quæ ornamenti causa fuerûnt, non requirit: tibi habe Canephoras: deorû simulacra restitue. quæ quia dixit, quia tempore dato modeste apud uos socius, amicusq; populi R. questus est; quia religioni suæ non modo in dijs patrijs repetundis, sed etiam in ipso iureiurando, ac testimonio proximus fuit: hominem missum ab isto scitote esse Messanâ de Legatis unû, illû ipsum, qui naui istius ædificandæ publice præfuit, qui à senatu peteret, ut Heius ignominia afficeretur. homo amētissime quid putasti? te impetraturû? quâti is à ciuibus suis fieret, quâti auctoritas eius haberetur, ignorabas? uerû fac te impetrauisse: fac aliquid grauius in Heium statuisse Mamertinos: quantum putas auctoritatem laudationis eorû futuram, si in eum, quem constat uerû pro testimonio dixisse, poenam

constitueret? tamen si quæ est ista laudatio, cū laudator interrogatus ledat necesse est? quid? isti laudatores tui non ne testes mei sunt? Heius est laudator: læsit grauissimè. producā ceteros: reticebunt, quæ poterunt, libenter: dicent, quæ necesse erit, ingratis. negent isti onerariam nauem maximā edificatā esse: Messanæ? negent, si possint. negent ei naui faciūdæ senatorē Mamertinū publicè præfuisse? utinā negent. sunt etiā cetera: quæ malo integra reseruare, ut quāminimū sit illis tēporis ad meditandū, cōfirmandumq; periuriū. hæc tibi laudatio procedat in numerū. hi te homines auctoritate sua subleuent: qui te neque debent adiuuare, si possint; neque possunt, si uelint: quibus tu priuatim iniurias plurimas, cōtumeliasq; imposuisti: quo in oppido multas familias totas in perpetuū infames tuis stupris, flagitijsq; fecisti. at publice cōmodasti. nō sine magno quidē Reip. prouinciaq; Sicilia detrimento. tritici modiū LX millia emptā populo R. dare debebāt, et solebant. abs te solo remissum est. Resp. detrimentū fecit, quodd per te imperij ius una in ciuitate imminutū est: Siculi, quodd ipsum hoc nō de summa frumētī detractū est, sed translātū in Cēturipinos, et Halefinos, immunes populos; et hoc plus impositū, quā ferre possent. naue imperare ex fœdere debuisti: remisisti in triēniū. militē nullū unquā poposcisti per tot annos: fecisti item uti prædones solent: qui cum cōmunes hostes sint omniū, tamen aliquos sibi instituunt amicos, quibus non modo parcant, uerum etiā præda quos augeant, et eos maxime, qui habent oppidum opportuno loco, quodd sæpe adeundum sit nauibus, nōnunquā etiā necessario. Phaselis illa, quam cepit P. Seruilius, non fuerat urbs

ante Cilicum, atque prædonū: Lycij illā Græci homines incolebant: sed quoddam erat eiusmodi loco, atque ita proie-
 Eta in altum, ut & exeuntes è Cilicia prædones sæpe ad
 eā necessario deuenirent, et, cū ex hisce se locis reciperēt,
 eodem deferrentur; ascuerunt illud sibi oppidum pira-
 tæ, primo cōmercio, deinde etiā societate. Mamertina ci-
 uitas improba antea nō erat, etiā erat inimica improbo-
 rum: quæ C. Catonis illius, qui Consul fuit, impedimēta
 retinuit: at cuius hominis? clarissimi, potentissimiq;: qui
 tamen, cū Consul fuisset, condemnatus est. ita ne uero?
 C. Cato, duorū hominū clarissimorū nepos, L. Pauli, &
 * M. Catonis, et P. Africani sororis filius: quo dānato, tū
 cū seuera iudicia fiebant, HS X V I I I millibus lis æsti-
 mata est: huic Mamertini irati nō fuerūt, qui maiorem
 sumptum, quā quanti Catonis lis æstimata est, in Ti-
 marchidis prandiū sæpe fecerunt? uerum hæc ciuitas isti
 prædoni, ac piratæ Siciliensi Phaselis fuit. huc omnia un-
 dique deportabātur, apud istos relinquebantur: quod ces-
 lari opus erat, habebant sepositum, ac reconditum: per
 istos, quæ uolebat, in nauem clam imponēda, occulte ex-
 portanda curabat: nauem denique maximā, quā onu-
 stam furtis in Italiā mitteret, apud istos faciendam, adi-
 ficandamq; curauit. pro hisce rebus uacatio data est ab
 isto sumptus, laboris, militiæ, rerū denique omnium. per
 triennium soli nō modo in Sicilia, uerum, ut opinio mea
 fert, his quidem temporibus in omni orbe terrarum
 uacui, expertes, soluti, ac liberi fuerunt ab omni sumptu,
 molestia, munerē. hinc illa Verrea nata sunt. hinc in con-
 uuiuium Sex. Cominiū protrahi iussit, in quem scyphum
 de manu iacere conatus est, quem obtorta gula de con-
 uuiuo

uincio in uincula, atque in tenebras abripi iussit. hinc illa
cruX, in quam ciuem R. iste multis inspeclantibus sustu-
lit: quã nō ausus est usquam defigere, nisi apud eos, qui-
buscum omnia scelera sua, ac latrocinia comunicasset.
laudatum etiã uos quenquam uenire audetis? qua au-
tōritate? utrum, quam apud senatorium ordinem, an
quã apud populum R. habere debetis? ecquæ ciuitas est,
non modo in provincijs nostris, uerũ in ultimis nationi-
bus, aut tam potens, aut tam libera, aut etiã tam imma-
nis, ac barbara; Rex denique ecquis est, qui senatorem
populi R. tecto, ac domo nō inuitet? qui honos nō homi-
ni solũ habetur, sed primũ populo R. cuius beneficio nos
in hũc ordinẽ uenimus; deinde ordinis auctoritati, quæ
nisi grauis erit apud socios atque exteras nationes, ubi
erit imperij nomen, & dignitas? Mamertini me publice
nō inuitauerũt. me cũ dico, leue est. senatorem populi R.
si nō inuitauerunt, honorem debitum detraxerunt non
homini, sed ordini. nam ipsi Tullio patebat domus locu-
pletissima, et amplissima C. Pompeij Basilici, quod, etiam
si esset inuitatus à uobis, tamen diuertisset: erat etiã Per-
cenniorum, qui nunc item Pompeij sunt, domus honestis-
sima: quod L. frater meus summa illorum uoluntate di-
uertit. senator populi R. quod in uobis fuit, in uestro op-
pido iacuit, & pernoctauit in publico. nulla hoc alia ci-
uitas unquam cõmisit. amicũ enim nostrũ in iudicium
uocabas. tu, quid ego priuatim negotij gerã, interpreta-
bere in minuendo honore senatorio? uerũ hæc tum que-
remur, si quid de uobis per eum ordinem agetur, qui or-
do à uobis adhuc solis cõtemptus est. in populi R. quidẽ
conspēctum quo ore uos commisisistis? nec prius illam cru-

cem, quæ etiam nunc ciuis R. sanguine redundat, quæ fixa est ad portum, urbemque; uestram, reuellistis, neque in profundum abiicistis, locumque; illum omnem expiastis, quæ Romam, atque in horum conuentum adiretis? in Mamertinorum solo federato, atque pacato monumentum istius crudelitatis constitutum est? uestra ne urbs electa est, ad quam cum adirent ex Italia, crucem ciuis R. prius, quam quam amicum uiderent populi R? quam uos Rheginis, quorum ciuitati inuidetis, item incolis uestris, ciuibus R. ostendere soletis, quo minus sibi arrogent, minusque; uos despiciant, cum uideant ius ciuitatis illo supplicio esse mutatum. Verum hæc emisit te dicis. quid illa Attalica, tota Sicilia nominata, ab eodem Heio peripetasmata emere oblitus es: licuit eodem modo, ut signa: quid. n. actum est? an literis pepercisti? uerum hominem amentem hoc fugit. minus clarum putauit fore, quod de armario, quam quod de sacrario esset ablatum, at quo modo abstulit? non possum dicere planius, quam ipse apud uos dixit Heius. cum quaesisset, nunquid aliud de bonis eius peruenisset ad Verrem: respondit, istum ad se misisse, ut sibi mitteret Agrigentum peripetasmata. quaesui, an misisset: respondit id, quod necesse erat, scilicet dicto audientem fuisse Prætori, misisse. rogaui, peruenissent ne Agrigentum: dixit, peruenisse. quaesui, an domum reuertissent? negauit adhuc reuertisse. risus populi, atque admurmuratio omnium facta est. hic tibi in mentem non uenit, iubere, ut hæc quoque referret HS D se tibi uendidisse: metuisti, ne æs alienum tibi cresceret, si HS VI millibus D tibi constarent ea, quæ tu facile posses uendere HS C C millibus. fuit tanti, mihi crede: haberes, quod defenderes: nemo quaereret,

quanti illa res esset: si modo te posses docere emisse, facile cui uelles tuam causam, & factum probares. nunc de peripetasmatis quemadmodum te expedias, non habes. quid? à Philarcho Centuripino, homine locuplete, ac nobili, phaleras pulcherrime factas, quæ Regis Hieronis fuisse dicuntur, utrū tandem abstulisti, an emisisti? in Sicilia quidē cū essem, sic à Centuripinis, sic à cæteris audiebā: nō enim parum res erat clara. tam te has phaleras à Philarcho Centuripino abstulisse dicebant, quàm alias item nobiles ab Aristo Panormitano, quàm tertias à Cratippo Tyndaritano. etenim si Philarchus uendidisset, nō ei, postea quàm reus factus es, redditurū te promississes. quod quia uidisti plures scire: cogitasti, si ei reddidisses, te minus habiturum, rem nihilo minus testatam futuram: nō reddidisti. dixit Philarchus pro testimonio, se, quōd nō esset tuum istum morbum, ut amici tui appellant, cupisse te celare de phaleris: cum abs te appellatus esset, negasse habere sese: apud alium quoque eas habuisse depositas, ne quā inuenirentur: tuam tantā fuisse sagacitatem, ut eas per illum ipsum inspiceres, ubi erant depositæ: tum se deprehensum negare non potuisse: ita ab se inuito ablatas phaleras gratis. iam, ut hæc omnia reperire, ac perscrutari solitus sit iudices, est operæ pretium cognoscere. Cybiratæ sunt fratres quidam, Tlepolemus, & Hiero: quorum alterum fingere opinor è cera solitum esse, alterū esse pictorem. hosce opinor Cybiræ, cum in suspicionē uenissent suis ciuibus, fanū expilasse Apollinis, ueritos pœnam iudicij, ac legis, domo profugisse. quōd Verrē artificij sui cupidū cognouerant, tum, cum iste, id quod ex testibus didicisti, Cybiram cū

inanibus syngraphis uenerat: domo profugientes ad eum se exules, cū iste esset in Asia, contulerunt. habuit secum eos ab illo tempore: et in Legationis prædis, atque furtis multū illorum opera, consilioq; usus est. hi sunt illi, quibus in tabulis retulit sese Q. Tadius dedisse iussu istius Græcis pictoribus: quos sibi iam bene cognitos, et re probatos secum in Siciliam duxit. quod posteaquā uenerūt, mirandū in modum canes uenaticos diceret: ita odorabantur omnia, et peruestigabant, ut, ubi quidquid esset, aliqua ratione inuenirent. aliud minitendo, aliud pollicendo, aliud per seruos, aliud per liberos, per amicum aliud, aliud per inimicū inueniebant. quidquid illis placuerat, perdendum erat. nihil aliud optabant, quorum poscebatur argentum, nisi ut Hieroni et Tlepolemo distliceret. uere mehercules hoc iudices dicam. memini Pamphilum Lilybatanum, hospitem meum, et amicum, nobilem hominem, mihi narrare: cū iste ab sese Hydriam Boeti manu factam, præclaro opere, et grandi pondere, per potestatem abstulisset, se sanè tristem, et conturbatum domū reuertisse, quod uas eiusmodi, quod sibi à patre, et à maioribus esset relictū, quo solitus esset uti ad festos dies, ad hospitū aduentum, à se esset ablatum. cum sederem, inquit, domi tristis, accurrit Venerius, iubet me scyphos sigillatos ad Prætorem statim afferre. permotus sum, inquit. binos habebam: iubeo promi utrosque, ne quid plus mali nasceretur, et mecum ad Prætoris domum ferri. ed cū uenio, Prætor quiescebat, fratres illi Cybiratæ inambulabant. qui simul ut me uiderunt, ubi sunt Pamphile, inquit, scyphi? ostendo tristis. laudat. incipio queri, me nihil habiturū, quod alicuius esset pretij, si etiam scyphi

essent ablati. tū illi, ubi me conturbatū uident, quid uis nobis dare, ut isti ne auferatur abs te? ne multa, HS CC me, inquit, poposcerunt: dixi me C daturū. uocat interea Prætor: scyphos poscit. tum illos cœpisse Prætori dicere, putasse se, id quod audissent, alicuius pretij scyphos esse Pamphili: luteum negotium esse, non dignū, quod in suo argento Verres haberet. ait ille, idem sibi uideri. ita Pāphilus scyphos optimos aufert. et mehercules ego antea, tamen si hoc nescio quid nugatoriū sciebam esse, ista intel ligere, tamen mirari solebam, istum in his ipsis rebus ali quem sensum habere, quem scire nulla in re quidquam simile hominis habere. tum primum intellexi, ad eam rē istos fratres Cybiratas fuisse, ut iste in furando manibus suis, oculis illorū uteretur. at ita studiosus est huius præ clare existimationis, ut putetur in hisce rebus intelligens esse, ut nuper (uidete hominis amentiam) posteaquā est cōperendinatus, cum iam pro damnato, mortuoq; esset, ludis Circensibus mane apud L. Sisenā, uirum primariū, cum essent triclinia strata, argentumq; expositum in ædibus, cum pro dignitate L. Sisenæ domus esset plena hominum honestorum, accesserit ad argentum, contemplari unūquodque otiose, et considerare cœperit. mirari stultitiā aliq, quodd in ipso iudicio eius ipsius cupiditatis, cuius insimularetur, suspicionē augeret: aliq amentiam, cui cōperendinato, cum tam multi testes dixissent, quidquam illorū ueniret in mentem. pueri autem Sisenæ, credo qui audiissent quæ in istum testimonia essent dicta, oculos de isto nusquam deijcere, neque ab argēto digitiū discedere. est boni iudicis, paruis ex rebus cōiecturā facere uniuscuiusque et cupiditatis, et incōtinentiæ.

quī reus lege, & reus comperendinatus, re, & opinione
 hominum penè damnatus, temperare non potuerit maxi-
 mo conuentu, quin L. Sifennæ argentū tractaret, et
 consideraret, hunc in prouincia Prætozem quīquam
 putabit à Siculorum argento cupiditatem, aut manus
 abstinere potuisse? Verum uti Lilybæum, unde digres-
 sa est, oratio reuertatur: Diocles est Pamphili gener illi-
 us, à quo Hydria ablata est, Popillius cognomine. ab hoc
 abaci uasa omnia, ut exposita fuerant, abstulit. dicat se
 licet emissee. etenim hic propter magnitudinē furti sunt,
 opinor, literæ factæ. iussit Timarchidem aestimare argē-
 tum, quo modo? quo, quī unquā tenuissime in donatione
 histrionum aestimauit. tametsi iandudum erro, qui tam
 multa de tuis emptionibus uerba faciam, & quæram,
 utrum emeris, & quo modo, & quāti emeris: quod uer-
 bo transigere possum. ede mihi scriptū: quid argenti in
 prouincia Sicilia pararis, unde quidque, aut quāti eme-
 ris. quid sit? quanquā non debebā ego abs te has literas
 poscere: me enim tabulas tuas habere, & proferre opor-
 tebat. uerum negas te horum annorum aliquot cōfecisse.
 cōpone hoc, quod postulo, de argēto: de reliquo uidea-
 ro. nec scriptum habeo: nec possum edere. quid futurum
 igitur est? quid existimas hosce iudices facere posse? do-
 mus plena signorū pulcherrimorū iam etiam ante Præ-
 turam, multa ad uillas tuas posita, apud amicos multa
 deposita, multa alijs data, atque donata: tabulæ nullū in-
 dicant emptum: omne argētum ablatum ex Sicilia est:
 nihil cuiquam, quod suum dici uellet, relictum. fingitur
 improba defensio, Prætozem omne id argentum coemis-
 se: tamē id ipsum tabulis demonstrari nō potest: si quas

tabulas profers, in his, quid habeas, quo modo habeas, scriptū non est. horū autē tēporū cū te plurimas res emis-
se dicas, tabulas omnino nullas proferas; nō ne te et pro-
latis, et nō prolatis tabulis cōdēnari nēcesse est? tu à M.
Celio, equite R. leētissimo adolescente, quæ uoluisti uasa
argentea Lilybæi abstulisti: tu P. Cacuriū, promptissimi
hominis, et experientis, et in primis gratiosi, supellectilē
omnē auferre nō dubitasti: tu maximā, et pulcherrimā
mensam citreā à Q. Lutatio Diodoro, qui Q. Catuli
beneficio à L. Sylla ciuis R. factus est, omnibus sciētibus
Lilybæi abstulisti. nō tibi obijcio, quōd hominē dignissi-
mū tuis moribus, Apolloniū Niconis filiū Drepanitanū,
qui nūc A. Clodius uocatur, omni argento optime factō
spoliaſti, ac depeculatus es. taceo: nō. n. putat ille sibi in-
iuriā factā, propterea quōd hominī iā perdito, et collū in
laqueū inferētī subuenisti, quū pupillis Drepanitanis bo-
na patria erepta cū illo partitus es. gaudeo etiā, si quid
ab illo abstulisti, et abs te nihil rectius factū esse dico. à
Lifone uero Lilybatano, primo homine, apud quē diuer-
satus es, Apollinis signū ablatū certe esse nō oportuit. at
dices te emisſe. scio: HS M: ita opinor: scio inquā: proferā
literas: et tamen id factū non oportuit. à pupillo Heio,
cui C. Marcellus tutor est, à quo pecuniā grandē eripue-
ras, scaphia cum emblematis Lilybæi utrum empta esse
dicis, an cōſiteris erepta? sed quid ego istius in eiusmodi
rebus mediocres iniurias colligo, quæ tantūmodo in fur-
tis istius, & damnis eorum, à quibus auferebat, uersata
esse uideātur? accipite, si uultis, iudices rem eiusmodi, ut
amentia singularē, ut furorē iam, non cupiditatem eius
perspicere possitis. Melitēsis Diodorus est: qui apud uos

antea testimoniū dixit. is Lilybæi multos iam annos habitat, homo & domo nobilis, et apud eos, quod se cōtulit, propter uirtutem splendidus, & graciosus. de hoc Verri dicitur, habere eū perbona toreumata, in his pocula duo quædā, quæ Heraclia nominantur, Mentoris manu summo artificio facta. quod ubi iste audiuit, sic cupiditate inflamatus est non solū inspiciundi, uerū etiam auferendi, ut Diodorū ad se uocaret, ac posceret. ille, qui illa nō inuitus haberet, respondit se Lilybæi non habere, Melitæ apud quendam propinquū suum reliquisse. tum iste cōtinuo mittit homines certos Melitam: scribit ad quosdā Melitenses, ut ea uasa perquirant: rogat Diodorū, ut ad illum suum propinquum det literas. nihil ei lōgius uidebatur, quā dū illud uideret argentū. Diodorus, homo frugi, ac diligens, qui sua seruare uellet, propinquasuo scribit, ut ipsi, qui à Verre uenissent, responderet, illud argentū se paucis illis diebus misisse Lilybæum. ipse interea recedit. abesse ab domo paulisper maluit, quā præsens illud optime factū argentū amittere. quod ubi audiuit iste, usque eō est cōmotus, ut sine ulla dubitatione insanire omnibus, ac furere uideretur: quia nō potuerat argentum eripere, ipse à Diodoro erepta sibi uasa optime facta dicebat, minitari absenti Diodoro, uociferare palam, lacrymas interdum uix tenere. Eriphylam accepimus in fabulis ea cupiditate, ut, cum uidisset monile, ut opinor, ex auro, & gemmis, pulchritudine eius incensa salutem uiri proderet. similis istius cupiditas, hoc etiam acriter, atque insanius, quod illa cupiebat id, quod uiderat, huius libidines non solum oculis, sed etiam auribus excitabantur. conquiri Diodorum tota prouincia

iubet. ille ex Sicilia castra iam mouerat, & uasa collegerat. homo, ut aliquo modo illum in provinciam reuocaret, hanc excogitauit rationem: si hæc ratio potius, quàm amentia nominanda est: apponit de suis canibus quendam, qui dicat se Diodorum Melitensem rei capitalis reum uelle facere. primo mirum omnibus uideri, Diodorum reum, hominem quietissimum, ab omni non modo facinore, uerum etiam minimi errati suspitione remotissimum: deinde esse perspicuum, fieri omnia illa propter argentum. iste non dubitat iubere, nomen deferri. & tum primum opinor istum absentis nomen recepisse. reclamat Sicilia tota, propter calati argenti cupiditatem reos fieri rerum capitalium, neque solum presentes reos fieri, sed etiam absentes. Diodorus Romæ sordidatus circum patronos, atque hospites cursare, rem omnibus narrare. literæ mittuntur isti à patre uehementes, ab amicis item; uideret, quid ageret de Diodoro, quod progredereetur; rem claram esse, et inuidiosam; insanire hominem; periturum hoc uno crimine, nisi cauisset. iste etiam tum patrem si non in parentis, at in hominum numero putabat: ad iudicium nondum se satis instruxerat: primus annus erat provinciae, non, ut in Sthenio, iam refertus pecunia: itaque furor eius paululum non pudore, sed metu, ac timore repressus est: condemnare Diodorum non audet, absentem de reis eximit. Diodorus interea Prætoris isto propè triennium provincia, domoquæ; caruit. ceteri non solum Siculi, sed etiam ciues Romæ hoc statuerant; quoniam iste tantum cupiditate progredereetur, nihil esse, quod quisquæ putaret se, quod isti paulo magis placeret, conseruare, aut domi suæ retinere posse. postea uero quàm intellexerunt, isti uirum fortem,

quem summe provincia expectabat, Q. Arrium nō succedere: statuerunt se nihil tam clausum, neque tam recōditum posse habere, quod non istius cupiditati apertissimum, promptissimumq; esset. tum iste ab equite R. splēdido, & gratioso, Cn. Calidio, cuius filium sciebat senatorem populi R. et iudicem esse, equuleos argenteos nobiles, qui Q. Maximi fuerant, aufert. imprudens huc incidi iudices: emit enim, nō abstulit. nollem dixisse. iactabit se, & in his equitabit equuleis. emi: pecuniam solui. credo, etiam tabulæ proferentur. est tanti. cedo tabulas. dilue sanē crimen hoc Calidianū, dum ego tabulas aspicere possim. uerūtamen quid erat, quod Calidius Romæ quereretur, se, cū tot annos in Sicilia negotiaretur, abs te solo ita esse contemptum, ita despectum, ut etiam cū ceteris Siculis dispoliaretur; si emerās? quid erat, quod confirmabat, se abs te argentum esse repetiturum, si tibi sua uoluntate uēdiderat? tu porrō posses facere, ut Cn. Calidio nō redderes? præsertim cum is L. Sisenna defensor tuo tam familiariter uteretur, cum et ceteris familiaribus Sisennæ reddidisses. denique nō opinor negaturum esse te, homini honesto, sed nō gratiosiori quā Cn. Calidius est, L. Cordio argentum per Potamonem amicū tuum reddidisse. qui quidē ceterorū causam apud te difficiliorem fecit. nam cū te cōpluribus confirmasses redditurū; posteaquam Cordius pro testimonio dixit te sibi reddidisse, finem reddēdi fecisti, quod intellexisti te, præda de manibus amissa, testimonium tamen effugere nō posse. Cn. Calidio equiti R. per omnes Prætores licuit argentum habere bene factum: licuit posse domesticis copiis, cum magistratum, aut aliquem superiorem inui-

rasset, ornare, & apparare conuiuium. multi domi Cn.
 Calidij cum imperio, ac potestate fuerunt: nemo inuen-
 tus est tam amens, qui illud argentum tam præclarum,
 ac tam nobile eriperet; nemo tam audax, qui posceret;
 nemo tam impudens, qui postularet, ut uenderet: super-
 bû est enim iudices, & non ferendum, dicere Prætorem
 in prouincia homini honesto, locupleti, splendido, uende-
 mihi uasa calata: hoc est enim dicere, non es dignus tu,
 qui habeas, quæ tam bene facta sint: mea dignitatis ista
 sunt. tu dignior Verres, quàm Calidius? qui, ut nō cōfe-
 rā uita, atque existimationē tuā cū illius, (neque enim
 est conferenda) hoc ipsum conferam, quo tu te superio-
 rem fingis; quod HS L X X X millia diuisoribus, ut
 Prætor renunciare, dedisti; trecenta accusatori, ne tibi
 odiosus esset. ea re cōtemnis equestrem ordinem, ac desti-
 cis? ea re indignū tibi uisum est, quidquā, quod tibi place-
 ret, Calidiū potius habere, quàm te? iacetat se iandudum
 de Calidio: narrat omnibus, se emissee. num etiam de L.
 Papirio, uiro primario, locuplete, honestoq; equite R. thu-
 ribulum emisisti? qui pro testimonio dixit, te, cum inspi-
 ciendum poposcisses, auulso emblemate remisisse: ut intel-
 ligatis, in homine intelligentiam esse, non auaritiam; ar-
 tificij cupidum, non argenti fuisse. nec solum in Papirio
 fuit hac abstinentia: tenuit hoc institutum in thuribu-
 lis omnibus, quacūque in Sicilia fuerunt. incredibile est
 autem, quàm multa, & quàm præclara fuerint. credo
 tum, cum Sicilia florebat opibus, & copijs, magna artifi-
 cia fuisse in ea insula: nā domus erat ante istum Præto-
 rem nulla paulo locupletior, qua in domo hac nō essent,
 etiā si præterea nihil esset argenti: patella grandis, cum

sigillis ac simulacris deorū, patera, qua mulieres ad res
 diuinas uterentur, thuribulum. hæc autem omnia anti
 quo opere, & summo artificio facta: ut hoc liceret su-
 spicari, fuisse aliquando apud Siculos peræqua propor-
 tione cætera; sed quibus multa fortuna ademisset, tamē
 apud eos remansisse ea, quæ religio retinisset. dixi iudi-
 ces, multa fuisse ferē apud Siculos omnes: ego idem con-
 firmo, nūc ne unum quidem esse. quid hoc est? quod mō-
 strum, quod prodigiū in prouinciam misimus? non ne
 uobis id egisse uidetur, ut nō unius libidinē, nō suos ocu-
 los, sed omnium auarissimorum insanias, cum Romā re-
 uertisset, expleret? qui simul atque in oppidum quoppiā
 uenerat, immittebātur illi cōtinuo Cybiratici canes, qui
 inuestigabāt, et perscrutabātur omnia. si quod erat grā-
 de uas, et maius opus inuentum, læti auferebāt. si minus
 eiusmodi quippiā uenari poterāt, illa quidē certe pro le-
 pusculis capiebantur, patellæ, pateræ, thuribula. hic quos
 putatis fletus mulierū, quas lamentationes fieri solitas esse
 in hisce rebus? quæ forsitan uobis paruæ esse uideātur,
 sed magnū & acerbum dolorem cōmouent, mulierculis
 præsertim, cum eripiūtur ē manibus ea, quibus ad res di-
 uinas uti cōsueuerunt, quæ a suis acceperūt, quæ in fami-
 lia semper fuerunt. hic nolite expectare, dum ego hoc
 crimen agam hostiatim: ab Aeschilo Tindaritano istū
 paterā abstulisse, a Thrasone itē Tindaritano patellam,
 a Nymphodoro Agrigentino thuribulū. cū testes ex Si-
 cilia dabo; quem uolet, eligat, quem ego interrogem de
 patellis, pateris, thuribulis: non modo oppidum nullum,
 sed ne domus quidem ulla paulo locupletior expers hu-
 ius iniuriæ reperietur. qui cum in cōuiuium uenisset, si

quidquā calati aspexerat, manum abstinere iudices non poterat. Cn. Pompeius est Philo: qui fuit Tindaritanus. is cœnā isti dabat apud uillā in Tindaritano. fecit, quod Siculi nō audebāt. ille, cuius R. quod erat, impunius id se facturū putauit. apposuit patellam, in qua sigilla erant egregia. iste cōtinuo ut uidit, nō dubitauit illud insigne penatiū, hospitaliumq; deorum ex hospitali mensa tollere: sed tamen, quod antea de istius abstinentia dixerā, sigillis auulsis reliquū argentum sine ulla auaritia reddidit. quid? Eupolemo Calactino, homini nobili, Lucullo rum hospiti, ac perfamiliari, qui nunc apud exercitum cum L. Lucullo est, nō idem fecit? cœnabat apud eum. argentum illi ceterum purum apposuerat, ne purus ipse relinqueretur, duo pocula nō magna, ueruntamen cum emblematis. hic quasi festiui acroama ne sine corollario de cōuiuio discederet, ibidem cōuinis inspectantibus emblemata auellenda curauit. neque ego nunc istius facta omnia enumerare conor: neque opus est: nec fieri ullo modo potest. tātūmodo uniuscuiusque de uaria improbitate generis indicia apud uos, et exēpla profero: neq; n. ita se gessit in his rebus, tanquā rationem aliquādo esset redditurus; sed prorsus ita, quasi aut reus nunquā esset futurus, aut, quo plura abstulisset, eo minore periculo in iudiciū esset uenturus, qui hæc, quæ dico, iam nō occulte, nō per amicos, atque interpretes, sed palā de loco superiore ageret pro imperio, & potestate. Catinam cum uenisset, oppidum locuples, honestum, copiosum; Dionysiarchum ad se Pardiōrum, hoc est summum magistratum, uocari iubet. ei palām imperat, ut omne argentum, quod apud quenque esse Catinæ, cōquirendum curaret,

Et ad se transferendum. Philarchum Centuripinū, pri-
 marium hominem genere, uirtute, pecunia, nō hoc idem
 iuratū dicere audistis? sibi istum negotiū dedisse, atque
 imperauisse, ut Centuripis, in ciuitate totius Siciliae mul-
 to maxima, et locupletissima, omne argentum conquire-
 ret, et ad se cōportari iuberet. Agyrio similiter istius im-
 perio uasa Corinthia per Apollodorum, quem testem au-
 distis, Syracusas deportata sunt. illa uero optima, quod,
 cū Haluntinū uenisset Prator laboriosus, et diligens, ipse
 in oppidū accedere noluit, quod erat difficili ascensu, at-
 que arduo: Archagathū Haluntinū, hominē nō solum
 domi suae, sed tota Sicilia in primis nobilem, uocari ius-
 sit: ei negotium dedit, ut quidquid Halunti esse argenti
 calati, aut si quid etiam Corinthiorum, ut omne statim
 ad mare ex oppido deportaretur. ascendit in oppidum
 Archagathus: homo nobilis, qui à suis et amari, et dili-
 gi uellet, ferebat grauius, illam sibi ab isto prouinciam
 datam: nec, quid faceret, habebat: pronunciat, quid sibi
 imperatum esset: iubet omnes proferre, quae haberent.
 metus erat summus: ipse enim tyrannus non discedebat
 longius: Archagathum, et argentū in leſica cubans ad
 mare infra oppidū exspectabat. quem cōcursum factum
 in oppido putatis? quē clamorem? quē porro fletū mu-
 lierum? qui uiderent; equū Troianū introductū, urbem
 captā esse dicerēt. efferri sine thecis uasa, extorqueri alia
 de manibus mulierū, effringi multorū fores, reuelli clau-
 stra: quid enim putatis? scuta si quādo conquiruntur à
 priuatis in bello, ac tumultu, tamē homines inuiti dant,
 etsi ad salutem cōmunem dari sentiūt, ne quem putetis
 sine maximo dolore argentum calatum domo, quod al-

ter eriperet, protulisse. omnia deferuntur. Cybirata fratres uocantur, pauca improbat. quæ probarent, ipsi crustæ, aut emblemata detrahuntur. sic Haluntini, excussis delictis, cum argenteo puro domum reuerterent. quod unquam iudices huiusmodi euerriculū ulla in provincia fuit? auertere aliquid de publico quam obscurissime per magistratum solebat. etiam aliquid de privato non unquam occulte auferbat. et illi tamē cōdemnabantur. et, si queritis (ut ego met mihi detraham) illos ego accusatores puto fuisse, qui huiusmodi hominum furta odore, aut aliquod leuiter presso uestigio persequerentur. nam nos quidē quid facimus in Verre, quem in luto uolutatū totius corporis uestigijs inuenimus? permagnū est in eum dicere aliquid, qui præteritis, lætica paulisper deposita, non per præstigia, sed paulatim per potestatem, uno imperio, hostiatim, totum oppidum cōpilarit? attamen, ut possit se dicere emisisse, Artagatho imperat, ut aliquid illis, quorum argentum fuerat, nummorum dicis causa daret. inuenit Artagathus paucos, qui uellent accipere: his dedit. eos nummos tamen iste Artagatho non reddidit. uoluit Romæ petere Artagathus: Cn. Lentulus Marcellinus dissuasit, sicut ipsum dicere audistis. atque hac tota de re audistis Artagathi, & Lentuli testimonium. & ne forte hominem existimetis hanc tantam uim emblematum sine causa coacernare uoluisse, uidete quanti uos, quanti existimationem populi R. quanti leges, et iudicia, quanti testes Siculos, negotiatoresque fecerit. posteaquam tantam multitudinem collegerat emblematum, ut ne unū quidem cuiquam reliquisset; instituit officinam Syracusis. in regiam maximam palam artifices omnes, calatores, ac uasculares

conuocari iubet: & ipse suos complures habebat. eò con-
 ducit magnam hominũ multitudinem. menses octo con-
 tinuos opus his nõ defuit, cum uas nullum fieret nisi au-
 reum. tum illa, ex patellis, et thuribulis quæ uellerat, ita
 scite in aureis poculis illigabat, ita apte in scyphis aureis
 includebat, ut ea ad illam rem nata esse diceret. ipse ta-
 men Prætor, qui sua uigilantia pacẽ in Sicilia dicit fuis-
 se, in hac officina maiorem partem diei cum tunica pul-
 la sedere solebat, et pallio. hæc ego iudices non auderem
 proferre, ni uererer, ne forte plura de isto ab alijs in ser-
 mone, quàm à me in iudicio audisse uos diceretis: quis
 enim est, qui de hac officina, qui de uasis aureis, qui de
 istius pallio, tunica pulla nõ audierit? quem uoles de cõ-
 uentu Syracusanorũ uirum bonũ nominato. producã.
 nemo erit, quin hoc se aut uidisse, aut audisse dicat. ò tẽ-
 pora: ò mores. nihil nimiũ uetus proferã. sunt uestrum
 iudices quã multi, qui L. Pisonẽ cognouerũt, huius L. Pi-
 sonis, qui Prætor fuit, patrẽ. is cũ esset in Hispania Præ-
 tor, qua in prouincia occisus est, nescio quo pacto, dum
 armis exercetur, annulus aureus, quem habebat, fractus
 est, et cõminutus. cum uellet sibi annulum facere, aurifi-
 cem iussit uocari in foro, ad sellam, Cordubæ: & ei pa-
 lam appendit aurũ. hominem in foro sellam iubet pone-
 re, & facere annulum omnibus præsentibus. nimiũ for-
 tasse dicet. aliquis hũc diligentẽ. hætenus reprehendat, si
 quis uolet: nihil amplius. uerũ fuit ei concedendũ: filius
 enim L. Pisonis erat eius, qui primus de pecunijs repetun-
 dis legem tulit. ridiculũ est nunc de Verre me dicere, cũ
 de Pisonẽ Frugi dixerim. uerũtamen, quantũ intersit, ui-
 dete. iste cum aliquot abacorum faceret uasa aurea, nõ
 laborauit,

laborauit, quin nō modo in Sicilia, uerum etiam Romæ in iudicio audiret. ille in auri semuncia totam Hispaniā scire uoluit, unde Prætori annulus fieret. nimirū ut hic nomen suum comprobauit, sic ille cognomē. nullo modo possum omnia istius facta aut memoria consequi, aut oratione complecti. genera ipsa cupio breuiter attingere. ut hic modo me commouit Pisonis annulus, quod totum effluxerat. Quam multis istum putatis hominibus honestis de digitis annulos aureos abstulisse? nunquā dubitauit, quotiescūque alicuius aut gemma, aut annulo delectatus est. incredibilem rem dicam, sed tam claram, ut ipsum negaturum nō arbitrer. cum Valentio eius interpreti epistola Agrigenti allata esset, casu signum iste animaduertit in cretula: placuit ei: exquisiuit, unde esset epistola: respondit, Agrigēto. iste literas, ad quos solebat, misit, ut is annulus ad se primo quoque tempore afferretur. ita literis istius patrifamilias L. Titio cuidam ciui R. annulus de digito detractus est. illa uero eius cupiditas incredibilis est: nam ut in singula conclauia, quæ iste nō modo Romæ, sed omnibus in uillis habet, tricenos lectos optime stratos cum cæteris ornamentis conuiuij quæreret, nimium multa comparare uideretur. nulla domus in Sicilia locuples fuit, ubi iste non textrinam instituerit. mulier est Segestana perdiues, & nobilis, Lamia nomine. per triēnium istius plena domo telarum stragulam uellem confecit, nihil non conchylio tinctum. Attalus, homo pecuniosus, nec uulgo Lilybæi, Chritolaus Ennæ, Syracusis Aeschrio, Cleomenes, Theomnastus, Pelori Archonides, Megistus. uox me citius defecerit, quam nomina. ipse dabat purpuram tantum: amici operas: credo: iam enim

non libet omnia criminari: quasi hoc mihi nō satis sit ad crimen, habuisse tam multū, quod daret: uoluisse deportare tam multa: hoc denique quod cōcedit, amicorū operis esse in huiusmodi rebus usum. iam uero lectos aratos, & candelabra aenea num cui prater istum Syracusis per triēnium facta esse existimatis? emebat, credo. sed tantum uos certiores iudices facio, quid iste in prouincia Prætor egerit, ne cui forte nimium negligens fuisse uideatur, neque se satis, cum potestatem habuerit, instruxisse & ornasse. Venio nunc ad furtum, non ad auaritiam, nō ad cupiditatem, sed ad eiusmodi facinus, in quo omnia nefaria contineri mihi, atque inesse uideantur: in quo dii immortales uiolati, existimatio, atque auctoritas nominis populi R. imminuta, hospitium spoliatum ac proditum, ab alienati scelere istius à nobis omnes Reges amicissimi, nationesq; , quæ in eorum regno, ac ditione sunt: nā Reges Syriæ, Regis Antiochi filios pueros, scitis Romæ nup fuisse, qui uenerāt nō propter Syriæ regnū: nam id sine controuersia obtinebant, ut à patre, & à maioribus acceperant: sed regnum Aegypti ad se, & ad Seline matrem suam pertinere arbitrabantur. hi postquam temporibus populi R. exclusi, per senatum agere, quæ uoluerant, non potuerunt: in Syriam in regnū patrum profecti sunt. eorū alter, qui Antiochus uocatur, iter per Siciliam facere uoluit: itaque isto Prætoris uenit Syracusas. hic Verres hereditatem sibi uenisse arbitratu est, quod in eius regnū, ac manus uenerat is, quæ iste & audierat multa secum præclara habere, & suspicabatur. mittit homini munera satis large; hæc ad usum domesticum, uini, olei, quod uisum erat; etiam tritici, quod

satis esset, de his decumis. deinde ipsum Regem ad cœnā uocauit. exornat ample, magnificeq; triclinium: exponit ea, quibus abundabat, plurima, ac pulcherrima uasa argentea: nāque hæc aurea nondū fecerat. omnibus curat rebus instructum & paratū ut sit cōuiuium. quid multa? Rex ita discessit, ut & istum copiose ornatum, & se honorifice acceptum arbitraretur: uocat ad cœnam deinde ipse Prætorem, exponit suas copias omnes, multum argentū, non pauca etiam pocula ex auro: quæ, ut mos est regius, & maxime in Syria, gemmis erant distincta clarissimis. erat etiam uas uinariū ex una gemma per grandi, trullā excauata, cum manubrio auro: de qua, credo, satis idoneum, satis grauem testem Q. Minutium dicere audistis. iste unūquodque uas in manus sumere, laudare, mirari. Rex gaudere Prætori populi R. satis iucundum, & gratum illud esse conuiuium. posteaquā inde discessum est, cogitare iste nihil aliud, q̄, id quod ipsa res declarauit, nisi quemadmodum Regem ex prouincia spoliatum, expilatumq; dimitteret. mittit rogatum uasa ea, quæ pulcherrima apud illum uiderat: ait se suis caloribus uelle ostendere. Rex, qui istum non nosset, sine ulla suspitione libentissime dedit. mittit etiā trullā gemmeā rogatū, uelle eā se diligētius cōsiderare. ea quoque ei mittitur. nūc reliquū iudices attendite, de quo & uos audistis, & populus R. nō nūc primū audiet, & in exteris nationibus usque ad ultimas terras peruagatū est. cādela brū ē gemmis clarissimis, opere mirabili perfectū, Reges hi, quos dico, Romā cū attulissent, ut in Capitolio ponerent, quod nōdū etiā perfectum templū offenderāt, neque ponere, neque uulgo ostendere, ac proferre uoluerunt;

ut & magnificentius uideretur, cum suo tempore in cel-
 la Iouis Optimi Maximi poneretur; & clarius, cum pul-
 chritudo eius recens ad oculos hominū, atque integra per-
 ueniret. statuerūt id secum in Syriam reportare, ut, cū
 audissent simulacrum Iouis Optimi Maximi dedicatum,
 Legatos mitterent, qui cum ceteris rebus illud quoque exi-
 mium, atque pulcherrimum donum in Capitolium affer-
 rent. peruenit res ad istius aures nescio quo modo: nam
 Rex id celatum uoluerat: non quo quidquam metueret,
 aut sufficaretur; sed ut ne multi illud ante perciperent
 oculis, quā populus R. iste petit à Rege, et eum pluribus
 uerbis rogat, uti ad se mittat: cupere se dicit inspicere,
 neque se alijs uidēdi potestatem esse facturū. Antiochus,
 qui animo et puerili esset, & regio, nihil de istius improbi-
 tate suspicatus est: imperat suis, ut id in Prætorium inuo-
 lutum quam occultissime deferrent. quod posteaquam at-
 tulerunt, inuolucrisq; reiectis constituerunt: iste clamare
 cœpit, dignam rem esse regno Syriæ, dignam regio mu-
 nere, dignam Capitolio: etenim erat eo splendore, qui ex
 clarissimis, & plurimis gēmis esse debebat; ea uarietate
 operum, ut ars certare uideretur cū copia; ea magni-
 tudine, ut intelligi posset, non ad hominum apparatus,
 sed ad amplissimi templi ornamentum esse factum. quod
 cum satis iam perspexisse uideretur, tollere incipiunt, ut
 referrent. iste ait, se uelle illud etiam atque etiam cōside-
 rare, nequaquam se esse satiatum. iubet illos discedere, et
 candelabrū relinquere. sic illi tum inanes ad Antiochū
 reuertuntur. Rex primo nihil metuere, nihil suspicari.
 dies unus, alter, plures: nō referri. tū mittit Rex ad istū:
 si sibi uideatur, ut reddat. iubet iste posterius ad se reuer-

ei . mirum illi uideri . mittit iterū . nō redditur . ipse ho-
minē appellat : rogat, ut reddat . os hominis, insignemq;
impudentiā cognoscite . quod sciret, quodq; ex ipso Rege
audisset in Capitolio esse ponendum , quod Ioui Optimo
Maximo, quod populo R. seruari uideret, id sibi ut dona-
ret, rogare, & uehementer petere cœpit . cū ille se & rea-
ligione Iouis Capitolini, & hominū exstimatione impe-
diri diceret, quod multæ nationes testes essent illius operis,
ac muneris: iste homini minari acerrime cœpit . ubi ui-
det eū nihilo magis minis, quā precibus permoueri : re-
pente hominem de prouincia iubet ante noctem discede-
re : ait se cōperisse, ex eius regno piratas in Siciliam esse
uenturos . Rex maximo cōuentu Syracusis, in foro, ne
quis forte me in crimine obscuro uersari, atque affingere
aliquid suspitione hominū arbitretur, in foro inquā Syra-
cusis flens, deos, hominesq; cōtestans clamare cœpit, cāde-
labrū factū ē gemmis, quod in Capitolium missurus esset,
quod in templo clarissimo, populo R. monumentū suæ so-
cietatis, amicitiaq; esse uoluisset, id sibi C. Verrem abstu-
lisse . de cæteris operibus ex auro, & gemmis, quæ sua pe-
nes illum essent, se nō laborare : hoc sibi eripi , miserum
esse, & indignū: id etsi antea iam mente, & cogitatione
sua, fratrisq; sui cōsecratū esset ; tamen tū se in illo con-
uentu ciuiū R. dare, donare, dicare, consecrare Ioui Opti-
mo Maximo, testemq; ipsum Iouem suæ uolūtatis, ac reli-
gionis adhibere . quæ uox ? quæ latera ? quæ uires huius
unius criminis querimoniā possint sustinere ? Rex Antio-
chus, qui Romæ ante oculos omnium nostrū biennium ferè
comitatu regio, atque ornatu fuisset, is cū amicus, et socius
populi R. esset, amicissimo patre, auo, maioribus, antiquis-

sumis, & clarissimis Regibus, opulentissimo, & maximo regno, præcepta è provincia. populi R. exturbatus est. quemadmodum hoc accepturas nationes externas, quemadmodum huius tui facti famam in regna aliorum, atque in ultimas terras peruenturam putasti, cum audierint à Prætoris populi R. in provincia uiolatum Regem, spoliatum hospitem, eiectum socium populi R. atque amicum? nomen uestri populiq; R. odio, atque acerbitati scitote nationibus exteris iudices futurum, si istius hæc tanta iniuria impunita discesserit. sic omnes arbitrabuntur, præsertim cum hæc omnino fama de nostrorum hominum auaritia, & cupiditate percrebuerit; non istius solius hoc esse facinus, sed eorum etiam, qui approbarint. multi Reges, multæ liberae ciuitates, multi priuati opulenti, ac potentes habent profecto in animo Capitolium sic ornare, ut templi dignitas, imperijq; nostri nomen desiderat: qui si intellexerint, interuerso regali hoc dono, grauius uos tulisse: grata fore uobis, populoq; R. sua studia, ac dona arbitrabuntur. sin hoc uos in Rege tam nobili, in re tam eximia, in iniuria tam acerba neglexisse audierint: non erunt tam amentes, ut operâ, curam, pecuniam impendant in eas res, quas uobis gratas fore non arbitrentur. hoc loco Quæ Catule te appello: loquor enim de tuo clarissimo, pulcherrimoq; monumento. non iudicis solû seueritatem in hoc crimine, sed propè inimici, atque accusatoris uim suscipere debes: tuus est. n. honos in illo templo senatus populiq; R. beneficio: tui nominis æterna memoria simul cû templo illo cõsecratur. tibi hæc cura suscipienda, tibi hæc opera sumenda est, ut Capitoliũ, quo modo magnificentius est restitutum, sic copiosius orna-

zū sit, quā fuit ; ut illa flāma diuinitus extitisse uideatur, non quæ deleret Iouis Optimi Maximi templum, sed quæ præclarius magnificentiusq; deposceret. audisti Q. Minutium Rufum dicere, domi suæ diuersatum esse Antiochum Regem Syracusis, se illud scire ad istum esse delatum, se scire non redditum. audisti, & audies omni è conuentu Syracusano qui ita dicant, sese audientibus illud Ioui Optimo Maximo dicatum esse ab Rege Antiocho, & consecratū. si iudex non esses, & hæc ad te delata res esset ; te potissimū hoc persequi, te petere, & agere oporteret. quare non dubito, quo animo iudex huius criminis esse debeas, qui apud aliū iudicem multo acrior, quā ego sum, actor, accusatorq; esse deberes. uobis autē iudices quid hoc indignius, aut quid minus ferendum uideri potest ? Verres ne habebit domi suæ cædelabrum Iouis Optimi Maximi è gemmis auroq; perfectum ? cuius fulgore collucere, atque illustrari Iouis Optimi Maximi templum oportebat, id apud istum in eiusmodi conuiujs cōstituatur, quæ domesticis stupris, flagitijsq; flagrabunt ? in istius lenonis turpissimi domo simul cum cæteris Chelidonis hereditarijs ornamentis Capitolijs ornamenta ponentur ? quid huic sacri unquam fore, aut quid fuisse religiosi putatis, qui nunc tanto scelere se obstrictum esse nō sentiat ? qui in iudiciū ueniat, ubi ne precari quidem Iouem Optimū Maximum, atque ab eo auxilium petere more omnium possit ? à quo etiam dij immortales sua repetunt in eo iudicio, quod hominibus ad suas res repetendas est constitutum. miramur Athenis Mineruam, Deli Apollinem, Iunonem Sami, Pergæ Dianam, multos præterea ab isto deos tota Asia, Græciq; uiolatos, qui à

Capitolio manus abstinere nō potuerit? quod priuati homines de suis pecunijs ornant, ornaturiq; sunt id C. Verres ab Regibus ornari nō est passus. itaque hoc nefario scelere cōcepto, nihil postea tota in Sicilia neque sacri, neque religiosi esse duxit. ita sese in ea prouincia per triennium gessit, ut ab isto nō solum hominibus, uerū etiā dijs immortalibus bellum indictum putaretur. Segesta est oppidum peruetus in Sicilia iudices, quos ab Aenea fugiente à Troia, atque in hac loca ueniente cōditum esse demonstrant. itaque Segestani nō solum perpetua societate, atque amicitia, uerū etiam cognatione se cum populo R. coniunctos esse arbitrantur. hoc quondam oppidum, cum illa ciuitas cum Poenis suo nomine, ac sua spē belaret, à Carthagenensibus uī captum, atque deletum est, omniaq; quæ ornamento urbi esse possent, Carthaginem sunt ex illo loco deportata: fuit apud Segestanos ex ære simulacrum Dianæ, tū summa, atque antiquissima præditum religione, tū singulari opere, artificioq; perfectum. hoc translatum Carthaginē locū tantum, hominesq; mutarat, religionem quidem pristinam cōseruabat: nā propter eximiam pulchritudinem etiam hostibus digna, quā sanctissime colerent, uidebatur. aliquot seculis post P. Scipio bello Punico tertio Carthaginem cepit. qua in uictoria (uidete hominis uirtutem, & diligentiam, ut & domesticis præclarissimæ uirtutis exemplis gaudeatis, & eo maiore odio dignam istius incredibilem audaciam iudicetis) cōuocatis Siculis omnibus, quod diutissime, sæpissimēq; Siciliam uexatā à Carthagenensibus esse cognorat, iubet omnia conqueri, sibi pollicetur magnæ curæ fore, ut omnia ciuitatibus, q̄ cuiusque fuissent, restituerentur.

tum illa, quæ quondam fuerant Himera sublata, de quibus antea dixi, Thermitanis sunt reddita. tum alia Gelensibus, alia Agrigentinis, in quibus etiâ ille nobilis Taurus, quem crudelissimus omnium tyrannorum Phalaris habuisse dicitur, quod uiuos supplicij causa demittere homines, & subijcere flammam solebat. quem Taurum Scipio cum redderet Agrigentinis, dixisse dicitur, equum esse illos cogitare, utrum esset Siculis utilius, suis ne seruire, an populo R. obtemperare, cum idem monumentum & domesticæ crudelitatis, & nostræ mansuetudinis haberent. illo tempore Segestanis maxima cum cura hæc ipsa Diana, de qua diximus, redditur: reportatur Segesta: in suis antiquis sedibus summa cum gratulatione ciuium, et lætitia reponitur. hæc erat posita Segesta, sanè excelsa in basi, in qua grandibus literis P. Africani nomen erat incisum, cumq; Carthagine capta restituisse perscriptum. colebatur à ciuib;: ab omnibus aduenis uisebatur. cū Quæstor essem, nihil mihi ab illis est demonstratum prius. erat admodum amplum, & excelsum signum cum stola: ueruntamen inerat in illa magnitudine ætas, atque habitus uirginalis: sagittæ pendeat ab humero: sinistra manu retinebat arcum: dextra ardentem facem præferebat. hanc cum iste sacrorum omnium hostis, religionumq; prædo uidisset; quasi ipsa illa face percussus esset, ita flagrare cupiditate, atque amentia cœpit: imperat magistratibus iste, ut eam demoliantur, & sibi dent: nihil sibi gratius ostendit futurum. illi uero dicere, id sibi nefas esse, seq; cum summa religione, tum summo metu legum, & iudiciorum teneri. iste tum petere ab illis, tum minari, tum spem, tum metum ostendere. opponebat illi.

interdum nomen Africani : donum populi R. illud esse dicebant : nihil se in eo potestatis habere, quod imperator clarissimus, urbe hostium capta, monumentum uictoriae populi R. esse uoluisset. cū iste nihilo remissius, atque etiā multo uehementius instaret quotidie: res agitur in senatu : uehementer ab omnibus reclamatur: itaque illo tempore, ac primo istius aduentu pernegatur. postea quidquid erat oneris in nautis remigibusq; exigendis, in frumento imperādo, Segestanis præter ceteros imponebat ali- quāto amplius, quā ferre possent. præterea magistratus eorū euocabat : optimū, & nobilissimū quenque ad se accersebat: circum omnia prouinciæ fora rapiebat: sigillatim unicuique calamitati fore se denūciabat: uniuersam se funditus illā euersurū esse ciuitatem minabatur. itaque aliquādo multis malis, magnoq; metu uicti Segestani, Prætoris imperio parendū esse decreuerūt. magno cū luctu, & gemitu totius ciuitatis, multis cū lacrymis, & lamentatione uirorum, mulierumq; omnium, simulacrū Dianæ tollendum locatur. uidete, quāta religione fuerit. apud Segestanos reperiū esse iudices scitote neminem neque liberum, neque seruū, neque ciuem, neque peregrinum, qui illud signū auderet attingere. barbaros quosdā Lilybæo scitote aduocatos esse operarios. hi denique illud, ignari totius negotij, ac religionis, mercede accepta sustulerunt. quod cum ex oppido exportaretur, quem cōuentum mulierum factum esse arbitramini? quem fletum maiorum natu? quorum nōnulli etiam illum diem memoria tenebant, cum illa eadem Diana Segestā Carthagine reuecta, uictoriam populi R. reditu suo nuntiaffet. quā dissimilis hic dies illi tempori uidebatur. tum im-

perator populi R. uir clarissimus deos patrios reportabat
Segestanis, ex urbe hostium recuperatos: nunc ex urbe so-
ciorum Prator eiusdem populi turpissimus, atque impurissi-
mus eosdem illos deos nefario scelere auferebat. quid hoc
tota Sicilia est clarius, quam omnes Segestanas matro-
nas, et uirgines conuenisse, cum Diana exportaretur ex
oppido? unxisse unguentis? coplesse coronis, et floribus?
thure odoribusque; incensis usque ad agri fines prosecutas
esse? hanc tu tantam religionem si tum in imperio pro-
pter cupiditatem, atque audaciam non pertimescebas; ne
nunc quidem in tanto tuo, liberorumque; tuorum periculo
perhorrescis? quem tibi aut hominem, inuitis diis immor-
talibus, aut uero deum, tantis eorum religionibus uiola-
tis, auxilio futurum putas? tibi illa Diana in pace, atque
in otio religionem nullam attulit? quae cum duas urbes,
in quibus locata fuerat, captas incensasque; uidisset, bis ex
duorum bellorum flamma, ferroque; seruata est: quae Car-
thaginensium uictoria loco mutato, religionem tamen
non amisit: P. Africani uirtute, religionem simul cum
loco recuperauit. quo quidem scelere suscepto, cum ina-
nis esset basis, et in ea P. Africani nomen incisum, res in-
digna, atque intoleranda uidebatur omnibus, non solum
religiones esse uiolatas, uerum etiam P. Africani, uiri for-
tissimi, rerum gestarum gloriam, memoriam uirtutis,
monimenta uictoriae C. Verrem sustulisse. quod cum isti
renunciaretur de basi, ac literis, existimauit homines in
obliuionem totius negotij esse uenturos, si etiam basim
tanquam indicem sui sceleris sustulisset: itaque tollenda
istius imperio locauerunt. quae uobis locatio ex publicis
Segestanorum literis pfiori actione recitata est, te nunc

P. Scipio, te inquam lectissimum, ornatissimumq; adolescentem appello: abs te officium tuum, debitum generi, et nomini, requiro, et flagito. cur pro isto, qui laudem, honoremq; familiæ uestræ depeculatus est, pugnas? cur eum defensum esse vis? cur ego tuas partes suscipio? cur tuū onus sustineo? cur M. Tullius P. Africani monumenta requirit? P. Scipio eum, qui illa sustulit, defendit? cū mos à maioribus traditus sit, ut monumenta maiorum ita suorum quisque defendat, ut ea ne ornari quidem nomine alieno sinat: tu isti aderis, qui non obtrusit aliqua ex parte monumenta P. Scipionis, sed funditus sustulit, ac deleuit? quisnam igitur per deos immortales tuebitur P. Scipionis memoriā mortui? quis monumenta, atque indicia uirtutis, si tu ea relinquis, ac deseris? neque solum spoliata illa pati, sed etiam eorum spoliatorem, uexatoremq; defendes? adsunt Segestani cliētes tui, socij populi R. atque amici: certiores te faciunt, P. Africanum Carthagine deleta simulacrum Dianæ maioribus suis restituisse, idq; apud Segestanos eius imperatoris nomine positū, ac dedicatum fuisse, hoc Verrem demoliendum, & asportandum, nomenq; omnino P. Scipionis delendū, tollendumq; curasse. orāt te, atque obsecrāt, ut sibi religionem, generi tuo laudem, gloriamq; restituas: ut, quod ex urbe hostiū per P. Africanum recuperarint, id per te ex prædonis domino conseruare possint. quid aut his respondere honeste potes, aut illi facere, nisi ut te, ac fidem tuam implorent? adsunt, & implorāt. potes domesticæ laudis amplitudinem Scipio tueri: potes: omnia in te sunt, quæ aut fortuna hominibus, aut natura largitur. non præcerpo fructum officij tui: non alienam mihi laudem appeto: nō

est pudoris mei, P. Scipione florentissimo adolescente ui-
uo, & incolumi, me propugnatorem monumentorum P.
Scipionis, defensoremq; profiteri. quamobrem si suscipis
domesticæ laudis patrociniū, me non solum silere de ues-
tris monumentis oportebit, sed etiam latari, P. Africani
eiusmodi esse fortunas mortui, ut eius honos ab ijs, qui ex
eadem familia sint, defendatur, neque ullum aduētitiū
requiratur auxiliū. si istius amicitia te impedit; si hoc,
quod abs te postulo, minus ad officium tuum pertinere
arbitrabere: succedam ego uicarius tuo munere: susci-
piam partes, quas alienas esse arbitrabar, ne ista præcla-
ra nobilitas desinat queri populum R. hominibus nouis,
atque industrijs libenter honores mādare, semperq; man-
dasse. non est querendum, in ea ciuitate, quæ propter uir-
tutem omnibus nationibus imperat, uirtutem plurimum
posse. sit apud alios imago P. Africani: ornētur alij mor-
tui uirtute, ac nomine. talis ille uir fuit, ita de populo R.
meritus est, ut non uni familiæ, sed uniūersæ ciuitati cō-
mendatus esse debeat. est aliqua mea pars uirilī, quidd
eius ciuitatis sum, quā ille amplam, illustrē, claramq; red-
didit: præcipue quodd in his artibus pro mea parte uersor,
quarum ille princeps fuit, æquitate, industria, temperan-
tia, defensione miserorum, odio improborū: quæ cognā-
tio studiorum, & artium propemodum non minus est
coniuncta, quā ista, qua uos delectamini, generis, & no-
minis. repeto abs te Verres monimētū P. Africani: cau-
sam Siculorum, quam suscepi, relinquo: iudicium de pe-
cunijs repetundis ne sit hoc tempore: Segestanorum iniu-
riæ negligantur: basis P. Africani restituatur: nomen
nūctissimi imperatoris incidatur: signum pulcherri-

mum Carthagine captum reponatur. hæc abs te non Si-
 culorum defensor, non tuus accusator, non Segestani po-
 stulant, sed is, qui laudem, gloriamq; P. Africani tuen-
 dam, conseruandamq; suscepit. nõ uereor, ne hoc officiũ
 meum P. Seruilio iudici non probem: qui cum res ma-
 ximas gesserit, monimenta q; suarum rerum maxime cõ-
 stituat, atque in his elaboret; profecto uolet hæc non so-
 lum suis posteris, uerum etiam omnibus uiris fortibus, &
 bonis ciuibus defendenda, non spolianda improbis tra-
 dere. non uereor, ne tibi Q. Catule displiceat, cuius am-
 plissimum in orbe terrarum, clarissimumq; monimen-
 tum est, quamplurimos esse custodes monumentorum, &
 putare omnes bonos alienæ gloriæ defensionem ad offi-
 cium suum pertinere. & quidem ceteris istius furtis, at-
 que flagitijs ita moueor, ut ea reprehendenda tantum pu-
 tem. hic uero tantum dolore afficior, ut nihil mihi indi-
 gnius ferendum uideatur. Verres Africani monumentis
 domum suam plenam stupri, plenam flagitiũ, plenam de-
 decoris ornabit? Verres temperatissimi, sanctissimiq; ui-
 ri monumentum, Diana simulacrum uirginis in ea do-
 mo collocabit, in qua semper meretricum lenonumq; fla-
 gitia uersantur? At hoc solum Africani monumentum
 uiolasti? quid? à Tindaritanis non eiusdem Scipionis be-
 neficio positum simulacrum Mercurij pulcherrime fa-
 ctum sustulisti. ac quemadmodum, dij immortales,
 quàm audacter, quàm libidinoſe, quàm impudenter. au-
 distis nuper dicere Legatos Tindaritanos, homines hone-
 stissimos, ac principes ciuitatis; Mercurium, qui sacris
 anniuersarijs apud eos, ac summa religione coleretur,
 quem P. Africanus Carthagine capta Tindaritanis non

solum suæ uictoriæ, sed etiam illorum fidei, societatisq; monumentum, atque indicium dedisset, huius uir, scelere, imperioq; esse sublatum. qui, ut primum in illud oppidum uenit, statim, tanquam ita fieri non solum oporteret, sed etiam necesse esset, tanquam hoc senatus mandasset, populusq; R. iussisset, ita, continuo signum ut demolirentur, et Messanam deportarent, imperauit. quod cum illis, qui aderant, indignum; qui audiebant, incredibile uideretur: non est ab isto primo illo aduentu perseueratum. discedens mandat Proagoro Sopatro, cuius uerba audistis, ut demoliat. cum recusaret, uehementer minatur. ita tum ex illo oppido profisciscitur. Proagorus refert rem ad senatum: uehementer undique reclamatur. ne multa: iterum iste aliquanto post ad illos uenit, querit continuo de signo. respondetur ei, senatum non permittere; poenam capitis constitutam, si iniussu senatus quisquam attigisset: simul religio commemoratur. tum iste, quam mihi religionem narras? quam poenam? quem senatum? uiuum te non relinquam: moriere uirgis, nisi signum traditur. Sopater iterum flens ad senatum deferre istius cupiditatem, minasq; demonstrat. senatus Sopatro responsum nullum dat, sed commotus, perturbatusq; discedit. ille Prætoris accersitus nuntio, rem demonstrat, negat ullo modo fieri posse. atque hæc (nihil enim prætermittendum de istius impudētia uidetur) agebantur in conuentu palati, de sella, ac de loco superiore. erat hiems summa, tempestas, ut ipsum Sopatrum dicere audistis, perfrigidam, imber maximus, cum iste imperat licetoribus, ut Sopatrum de porticu, in qua ipse sedebat, præcipitem in forum deiciant, nudumq; constituent. uix erat hoc plane etiā

imperatum, cum illum spoliatum, stipatumq; liſtoribus
 uideres. omnes ideo putabāt, ut miſer, atque innocēs uir-
 gis caderetur. ſefellit hæc homines opinio. uirgis iſte cæ-
 deret ſine cauſa ſociū populi R. atque amicū? non uſque
 ed improbus: non omnia ſunt in eo uno uitia: nūquam
 fuit crudelis. leniter hominem clementerq; accepit. eque-
 ſtres ſunt medio in foro Marcellorum ſtatue, ſicuti ferè
 cæteris in oppidis Siciliæ. ex quibus iſte C. Marcelli ſtatua
 delegit: cuius officia in illa ciuitate, totaq; prouincia re-
 centiſſima erant, & maxima. in ea Sopatrum, hominē
 tum domi nobilem, tum ſummo magiſtratu præditum,
 diuaticari, ac deligari iubet. quo cruciatu ſit affectus, ue-
 nire in mentem neceſſe eſt omnibus, cū eſſet uinctus nu-
 dus in ære, in imbro, in frigore. neque tamē finis huic in-
 iuriæ, crudelitatiq; fiebat, donec populus, atque uniuerſa
 multitudo atrocitate res, miſericordiaq; cōmota, ſenatum
 clamore coegit, ut ei ſimulacrum illud Mercurij pollicere-
 tur. clamabant fore, ut ipſi ſeſe diſi immortales ulciſce-
 rentur, hominem interea perire innocētem non oportere.
 tum frequens ſenatus ad iſtum uenit, pollicetur ſignum.
 ita Sopater de ſtatua C. Marcelli, cū iam penè obriguif-
 ſet, uix uiuus auferitur: nō poſſum diſpoſite iſtum accuſa-
 re, ſi cupiam. opus eſt non ſolū ingenio, uerum etiā ara-
 tificio quodam ſingulari. unū hoc crimen uidetur eſſe, et
 à me pro uno ponitur: de Mercurio Tindaritano plura
 ſunt: ſed ea quo pacto diſtinguere, ac ſeparare poſſim,
 neſcio. eſt pecuniarū captarum, quodd ſignum à ſocijs. pe-
 cuniæ magnæ ſuſtulit. eſt peculatus, quodd publice populi
 R. ſignū, de præda hoſtium captum, poſitum imperatoris
 noſtri nōmine, nō dubitauit auferre: eſt maięſtatis, quodd
 imperij

imperij nostri gloriæ, rerumq; gestarū monumenta euerte
re, atque asportare ausus est. est sceleris, quodd religiones
maximas violauit. est crudelitatis, quodd in hominē inno-
centem, in sociū nostrū, atque amicū, nouū, ac singulare
supplicij genus excogitauit. illud uero quid sit, iam non
queo dicere: quo nomine appellem, nescio: quodd in C.
Marcelli statua. quid est hoc? patronus ne quodd erat?
quid tū? quodd id spectat? utrum ea res ad opē, an ad cala-
mitatem clientium, atque hospitū ualere debebat? an ut
hoc ostenderes, contra uim tuam in patronis præsidij ni-
hil esse? quis hoc non intelligeret, in improbi præsentis im-
perio maiorem esse uim, quā in bonorū absentiiū patro-
cinio? an uero ex hoc illa tua singularis significatur inso-
lencia, superbia, contumacia? detrahare uidelicet aliquid
te de magnitudine Marcellorū putasti? itaque nūc Sici-
lorum Marcelli non sunt patroni, Verres in eorum locū
substitutus est. quā in te tantam uirtutem esse, aut di-
gnitatem arbitratus es, ut conarere clientelam tam illu-
strem, tam splendide prouinciæ traducere ad te, auferre
à certissimis, antiquissimisq; patronis? tu ista stultitia,
nequitia, inertia, nō modo totius Siciliæ, sed unius tenuis-
simi Siculi clientelā tueri potes? tibi Marcelli statua pro
patibulo in clientes Marcellorum fuit? tu ex illius hono-
re in eos ipsos, qui honorem illi habuerant, supplicia quæ
rebas? quodd postea? quodd tandem tuis statuis fore arbitra-
bare? an uero id, quodd accidit? nā Tindaritani statuam
istius, quam sibi propter Marcellos, altiore etiam basi po-
ni iusserat, deturbariūt, simul ac successum isti audierūt.
dedit igitur tibi fortuna Siculorum C. Marcellum iudi-
cem, ut, cuius ad statuam Siculi te Prætorē alligabātur,

eius religioni te eūdem uinctum, astrictumq; dedamus. ac primo iudices hoc signum Mercurij dicebat iste Tindaritanos C. Marcello huic Aesernino uendidisse: atque hoc sua causa etiam Marcellū ipsum sperabat esse dicturum. quod mihi nunquam uerisimile uisum est, adolescentem illo loco natū, patronū Sicilia, nomen suum isti ad translationem criminis comodaturum. ueruntamen ita res mihi tota praeuisa, atque praecautā est, uti, si maxime esset inuēctus, qui in se suscipere istius culpā, crimēq; cuperet, tamē is proficere nihil posset: eos enim testes deduxi, & eas literas deportaui, ut de istius facto dubium nemini esse posset. publicae literae sunt, deportatū esse Mercurium Messanam sumptu publico: dicunt, quanti: praefuisse huic negotio publice Legatum Poleā. quid is? ubi est? praesto est: testis est. Proagori Sopatri iussu. quis est hic? qui ad statuā astrictus est. quid is? ubi est? testis est. uidistis hominem, & uerba eius audistis. demolendū curauit Demetrius Gymnasiarchus, quidd is ei loco praeerat. quid? hoc nos dicimus? immo uero ipse praesens: Romae, nuper istum esse pollicitum, sese id signum Legatis esse redditurum, si eius rei testificatio tolleretur, cautumq; esset eos testimonium nō esse dicturos. dixit hoc apud uos Zosippus, et Hismenias, homines nobilissimi, et principes Tindaritanae ciuitatis. Quid Agrigento? non ne eiusdem P. Scipionis monumentum, signum Apollinis pulcherrimū, cuius in femine literulis minutis argenteis nomen Myronis erat inscriptum, ex Aesculapij religiosissimo fano susulisti? quod iste iudices cū clām fecisset, cum ad suum scelus illud, furtumq; nefarios quosdam homines improbos duces, atque adutores adhibuisset: uehementer com-

mota ciuitas est. uno eodem tempore Agrigentini bene-
 ficium Africani, religionem domesticam, ornamentum
 urbis, indicium uictoriae, testimonium societatis require-
 bant. itaque ab illis, qui principes in ea ciuitate erant, præ-
 cipitur, & negotium datur Quaestoribus, & Aedilibus,
 ut noctu uigilias agerent ad aedes sacras: etenim iste A-
 grigenti (credo propter multitudinem illorum homi-
 num, atque uirtutem, & quod ciues R. uiri fortes, ac
 strenui, & honesti permulti in illo oppido, coniunctissi-
 mo animo cum ipsis Agrigentinis uiuunt, ac negotian-
 tur) non audebat palam tollere, aut poscere, quæ pla-
 cebant: Herculis templum est apud Agrigentinos, non
 longe à foro, sanè sanctum apud illos, & religiosum.
 ibi est ex ære simulacrum ipsius Herculis: quo non fa-
 cile quidquam dixerim me uidisse pulchrius (tamen si non
 tam multum in istis rebus intelligo, quàm multa uidi)
 usque eò indices, ut rictus eius, ac mentum paulo sit at-
 tritius, quod in precibus, & gratulationibus non so-
 lum id uenerari, uerum etiam osculari solent. ad hoc
 templum, cum esset iste Agrigenti, duce Timarchide re-
 pente nocte intempesta seruorum armatorum fit concur-
 sus, atque impetus. clamor à uigilibus, faniq; custo-
 dibus tollitur. qui primo cum obsistere, ac defendere co-
 narentur, male mulctati clauis, ac fustibus repela-
 luntur. postea conuulsis repagulis, effractisq; ualuis,
 demoliri signum, ac uectibus labefactare conantur. in-
 terea ex clamore fama tota urbe percrebuit, expu-
 gnari deos patrios, non hostium aduentu, neque repen-
 tino prædonum impetu, sed ex domo, atque cohorte Præ-
 toria manū fugitiuorum instructā, armatāq; uenisse.

nemo Agrigenti neque ætate tã affecta, neque uiribus tã infirmis fuit, qui non illa nocte eo nuncio excitatus surrexerit, telumq; quod cuique sors offerebat, arripuerit. itaq; breui tempore ad fanum ex urbe tota concurritur, hora amplius iam in demoliendo signo permulti homines moliebantur: illud interea nulla lababat ex parte, cū alij uetlibus subiectis conarentur commouere, alij deligatum omnibus membris rapere ad se funibus. repente Agrigentini concurrunt: fit magna lapidatio: dant sese in fugã istius præclari imperatoris nocturni milites. duo tamen sigilla perparuula tollūt, ne omnino inanes ad istũ prædonem religionum reuerterentur. nunquã tam male est Siculis, quin aliquid facete, & commodè dicant, uelut in hac re. aiebant in labores Hercules non minus hunc immanissimum Verrem, quàm illũ aprum Erymanthiũ referri oportere. hanc uirtutem Agrigentinarum imitati sunt Assorini postea, uiri fortes, & fideles, sed nequaquã ex tam ampla, neque tã ex nobili ciuitate. Chrysa est amnis, qui per Assorinorum agros fluit. is apud illos habetur deus, & religione maxima colitur. fanum eius est in agro, propter ipsam uiam, qua Assoro itur Ennam: in eo Chryse est simulacrum præclare factum è marmore. id iste poscere Assorinos propter singularem eius fani religionem non ausus est. Tlepolemo dat, Hieroniq; negotium. illi noctu facta manu, armatiq; ueniunt: fores ædis effringūt: aditui, custodesq; mature sentiunt: signũ, quod erat notum uicinitati, buccina datur: homines ex agris cõcurrunt: eicitur, fugaturq; Tlepolemus: neque quidquam ex fano Chryse, præter unum perparuulum signum ex ære, desideratum est. Matris magnæ fanũ

apud Enguinos est : iam enim mihi nō modo breuiter de unoquoque dicendū est, sed etiam prætereunda uidentur esse permulta, ut ad maiora istius, & illustriora in hoc genere facta, & scelera ueniamus. in hoc fano loricas, galeasq; aeneas, calatas opere Corinthio, hydriasq; grandes, simili in genere, atque eadem arte perfectas, idem ille P. Scipio, uir omnibus rebus præcellentissimus, posuerat, & suum nomen inscripserat. quid iam de isto plura dicam, aut querar? omnia illa iudices abstulit : nihil in religiosissimo fano, præter uestigia uiolatæ religionis, nomenq; P. Scipionis, reliquit: hostiū spolia, monimenta imperatorū, decora, atque ornamenta fanorum, posthac his præclaris nominibus amissis, in instrumēto, ac suppellectili C. Verris numerabūtur. tu uidelicet solus uasis Corinthijs delectaris? tu illius aeris temperationem, tu operum liniamenta solertissime perspicis? hæc Scipio ille non intellegebat, homo doctissimus, atque humanissimus? tu sine ulla bonâ arte, sine humanitate, sine ingenio, sine literis intelligis, & iudicas? uide, ne ille nō solum temperantia, sed etiam intelligentia te, atque istos, qui se elegantes dici uolūt, uicerit : nā quia, quā pulchra essent, intelligebat, iccirco existimabat ea non ad hominū luxuriam, sed ad ornatum fanorū, atque oppidorum esse facta, ut posteris nostris monimenta religiosa esse uideantur. audite etiam singularem eius iudices cupiditatem, audaciā, amentiam, in ijs præsertim sacris polluentis, quæ non modo manibus attingi, sed ne cogitatione quidem uiolari fas fuit. Sacratium Cereris est apud Catinenses, eadem religione qua Romæ, qua in cæteris locis, qua propè in toto orbe terrarū. in eo sacratio intimo fuit signum Cereris per-

antiquum : quod uiri, non modo cuiusmodi esset, sed ne esse quidem sciebant: aditus enim in id sacrarium nō est uiris: sacra per mulieres, ac uirgines cōfici solent. hoc signum noctū clām istius serui ex illo religiosissimo, atque antiquissimo fano sustulerūt. postridie sacerdotes Cēris, atque illius fani antistitæ, maiores natu, probatæ, ac nobiles mulieres, rem ad magistratus suos deferūt. omnibus acerbum, indignum, luctuosum denique uidebatur. tum iste permotus illa atrocitate negotij, ut ab se sceleris istius suspicio remoueretur, dat hostiti suo euidam negotium, ut aliquem reperiret, quem ea fecisse insimularet, daretq; operam ut is eo crimine dānaretur, ne ipse esset in crimine. res non procrastinatur: nā cum iste Catinā profectus esset, serui cuiusdā nomen defertur: is accusatur: fidei testes in eū dantur: rem cūctus senatus Catinensium legibus iudicat. sacerdotes uocantur: ex his queritur secreto in curia, quid esset factum, quemadmodum arbitrarentur signum esse ablatum. respondunt illæ, Pratoris in illo loco seruos esse uisos. res, quæ esset antea nō obscura, sacerdotum testimonio perspicua esse cœpit. itur in consiliū: seruus ille innocens omnibus sententijs absoluitur, quo facilius uos hunc omnibus sententijs condemnare possētis: quid enim postulas Verres? quid speras? quid spectas? quem tibi aut deorum, aut hominū auxilio putas futurum? ed ne tu seruos ad spoliandum fanum immittere ausus es; quōd liberos adire ne orandi quidem causa fas erat? his ne rebus manus asferre non dubitasti, à quibus etiam oculos cohibere te religionum iura cogebant? tamen si ne oculis quidem captus in hanc fraudem tā sceleratā, ac tā nefariam decidisti: nā id cō-

cupisti, quod nunquam uideras: id inquam adamassti, quod antea nō aspexeras. auribus tu tantā cupiditatem concepisti, ut eam nō metus, nō religio, nō deorum uis, nō hominum existimatio contineret. at ex uiro bono credo audieras, & bono auctore. qui id potest? qui ne ex uiro quidem audire potueris. audisti igitur ex muliere; quoniam id uiri neque uidisse, neque nosse poterāt. qualem porro illā feminā fuisse putatis iudices, quā pudicā, quā cū Verre loqueretur? quā religiosā, quā sacrariū spoliandi ostenderet rationem? at minime mirū, quā sacra per summā castimoniam uiroꝝ, ac mulierum fiant, eadem per istius stuprum, ac flagitium esse uiolata. quid ergo? hoc solum auditione expetere coepit, cū id ipse non uidisset? immo uero alia complura. ex quibus eligam stollitionē nobilissimi, atque antiquissimi fani: de qua priorē actione testes dicere audistis. nūc eadem illa quaeso audite, & diligenter, sicut adhuc fecistis, attendite. Insula est Melita iudices, satis lato ab Sicilia mari, periculoꝝq; disiuncta: in qua est eodem nomine oppidū, quod iste nunquam accessit. quod tamen isti textrinū per triennium ad muliebrement uestem conficiendam fuit. ab eo oppido non longe, in promontorio fanum est Iunonis antiquum: quod tanta religione semper fuit, ut non modo illis Punicis bellis, quā in his ferē locis nauali copia gesta, atque uersata sunt, sed etiam in hac prædonum multitudinem semper inuiolatum, sanctūq; fuerit. quin etiā hoc memoriæ proditum est, classe quōdam Masinissæ Regis ad eum locū appulsa, præfectum regium dentes eburneos incredibili magnitudine è fano sustulisse, & eos in Africā portasse, Masinissæq; donasse: Regē quidē primo

delectatū esse munere : post, ubi audisset unde essent, statim certos homines in quinqueremi misisse, qui eos dentes reportarent : itaque in his inscriptū literis punicis fuit, Regem Masinissam imprudentem accepisse, re cognita reponendos, restituendosq; curasse. erat præterea magnā uis eboris, multa ornamenta, in quibus eburnea uictoria antiquo opere, ac summa arte perfectæ. hæc iste omnia, ne multis morer, uno impetu, atque uno nūcio per seruos Venerios, quos eius rei causa miserat, tollenda, atque assortāda curauit. prò dij immortales, quem ego hominem accuso? quem legibus, ac iudiciali iure persequor? de quo uos sententiam per tabellam feretis? dicūt Legatī Melitenses publice, spoliatum templum esse Iunonis, nihil istum in religiosissimo fano reliquisse, quem in locum classes hostium saepe accesserint, ubi piratæ ferè quotānis hiemare solebant : quod neque prædo uiolarit antea, neque hostis attigerit, id ab uno isto sic spoliatū esse, ut nihil omnino sit relictū. hic nunc aut iste reus, aut ego accusator, aut hoc iudiciū appellabitur? criminibus enim coarguitur, aut suspicionibus in iudiciū uocatur? dij ablati, fana uexata, nudata urbes reperiuntur. earum autem rerum nullam sibi iste neque inficiandi rationem, neque defendendi facultatem reliquit : omnibus in rebus coarguitur à me, cōuincitur à testibus, urgetur cōfessione sua, manifestis in maleficijs tenetur, et manet etiā, ac tacitus facta mecū sua recognoscit. nimiū mihi diu uideor in uno genere uersari criminū: sentio iudices occurrēdū esse satietati aurīū, animorūq; uestrorū. quāobrem multa prætēmittā. ad ea autē, quæ dicturus sum, reficite uos quæso iudices per deos immortales, per eos ipsos, de quorū religione

iandiu dicimus, dum id eius facinus cōmemoro, & profe-
ro, quo provincia tota cōmota est. de quo si paulo altius
ordini, ac repetere memoriā religionis uidebor, ignoscite.
rei magnitudo me breuiter perstringere atrocitatem cri-
minis non sinit. Vetus est hæc opinio iudices, quæ cō-
stat ex antiquissimis Græcorū literis, atque monumentis;
insulam Siciliam totam esse Cereri, & Liberæ consecra-
tam. hoc cum ceteræ gentes sic arbitrantur, tum ipsis Si-
culis tã persuasum est, ut animis eorū insitū, atque innas-
tum esse uideatur: nā & natas esse has in his locis deas,
& fruges in ea terra primum repertas arbitrantur, &
raptam esse Liberam, quā eandem Proserpinam uocant,
ex Ennensiu nemore; qui locus, quod in media est insula
situs, umbilicus Sicilia nominatur. quā cū inuestigare, et
conquirere Ceres uellet, dicitur inflāmasse tēdas ipsi igni-
bus, qui ex Aetnæ uertice erumpunt: quas sibi cum ipsa
præferret, orbem omnium peragrasse terrarum. Enna
autem, ubi ea, quæ dico, gesta esse memorantur, est loco
præcelso, atque edito: quo in summo est æquata agri pla-
nities, & aqua perennes: tota uero omni aditu circuncin-
sa, atque dirempta est. quā circa lacus, luciūq; sunt pluri-
mi, & leclissimi flores omni tempore anni: locus ut ipse
raptum illū uirginis, quem iam à pueris accepimus, de-
clarare uideatur: etenim propter est spelunca quadam,
cōuersa ad aquilonem, infinita altitudine, qua Ditem pa-
trem ferūt repente cū curru extitisse, abreptamq; ex eo
loco uirginem secum asportasse, & subito nō longe à Sy-
racusis penetrasse sub terras, lacumq; in eo loco repente
extitisse: ubi usque ad hoc tempus Syracusani festos dies
anniuersarios agunt, celeberrimo uirorum, mulierumq;

conuentu . propter huius opinionis uetustatem, quodd eo=
rum in his locis uestigia, ac propè incunabula reperiun=
tur deorū, mira quædā tota Sicilia priuatim, ac publice
religio est Cereris Ennensis: etenim multa sæpe prodigia
uim eius, numenq; declarant, multis sæpe in difficillimis
rebus præsens auxilium eius oblatum est: ut hæc insula
ab ea non solum diligi, sed etiā incolī, custodiriq; uideat=
tur . nec solum Siculi, uerū etiā ceteræ gentes, natio=
nesq; Ennensem Cererem maxime colūt. etenim si Athe=
niensium sacra summa cupiditate expetuntur, ad quos
Ceres in illo errore uenisse dicitur, frugesq; attulisse:
quātam esse religionem conuenit eorum, apud quos eam
natam esse, & fruges inuenisse constat? itaque apud pa=
tres nostros atroci, ac difficili Reip. tempore, cum Tib.
Graccho occiso magnorum periculorum metus ex osten=
tis portenderetur, P. Mūtio, L. Calphurnio Coss. aditum
est ad libros Sibyllinos: in quibus inuentum est, Cererem
antiquissimam placari oportere. tum ex amplissimo col=
legio Decemuirali sacerdotes populi R. cum esset in urbe
nostra Cereris pulcherrimum, & magnificentissimum
templum, tamen usque Ennam profecti sunt: tāta enim
erat auctoritas, & uetustas illius religionis, ut, cum illuc
irent, non ad ædem Cereris, sed ad ipsam Cererem profi=
cisci uiderentur . non obtundam diutius aures uestras:
iandudum uereor, ne oratio mea aliena ab iudiciorum
ratione, & quotidiana dicendi consuetudine esse uideat=
tur . hoc dico, hanc ipsam Cererem, antiquissimam, reli=
giosissimam, principem omnium sacrærum, quæ apud
omnes gentes, nationesq; sunt, à C. Verre ex suis tem=
plis, ac sedibus esse sublatam. qui accessistis Ennam, uidi=

stis simulacrum Cereris è marmore, & in altero templo Liberæ. sunt ea perampla, atque præclara, sed nõ ita antiqua. ex ære fuit quoddam modica amplitudine, ac singulari opere, cum facibus, per antiquum, omnium illorum, quæ sunt in eo fano, multo antiquissimum. id sustulit: ac tamen eo contentus nõ fuit. ante ædem Cereæ in aperto, ac propatulo loco signa duo sunt, Cereris unum, alterum Triptolemi, & pulcherrima, & perampla. his pulchritudo periculo, amplitudo saluti fuit, quoddam eorum demolitio, atque asportatio perdifficilis uidebatur. insistebat in manu Cereris dextra simulacrum pulcherrime factum Victoriæ. hoc iste è signo Cereris auellendum, asportandumq; curauit. qui tandem istius animus est nunc in recognitione scelerum suorum, cum ego ipse in cõmemoratione eorum non solum animo cõmouear, uerum etiam corpore perhorrescam? uenit enim mihi fani, loci, religionis illius in mentē: uersantur ante oculos omnia; dies ille, quo ego Ennam cum uenissem, præsto mihi sacerdotes Cereris cum infulis, ac uerbenis fuerunt; concio, conuentusq; ciuium, in quo ego cum loquerer, tanti fletus, gemitusq; fiebant, ut acerbissimus tota urbe luctus uersari uideretur. nõ illi decumarum imperia, non bonorum direptiones, non iniqua iudicia, non importunissimas istius libidines, non uim, non contumelias, quibus operti, oppressiq; erant, conquerebantur: Cereæ numen, sacrorum uetustatem, fani religionem, istius sceleratissimi, atque audacissimi supplicio expiari uolebant: omnia se cætera pati, ac negligere dicebant: hic dolor erat tantus, ut Verres alter Orcus uenisse Ennam, & non Proserpinam asportasse, sed ipsam

abripuisse Cererem uideretur : etenim urbs illa, non urbs
 uidetur, sed fanum Cereris esse: habitare apud sese Ce-
 rerem Ennenses arbitrantur : ut mihi non ciues illius ci-
 uitatis, sed omnes sacerdotes, omnes accola, atque antislites
 Cereris esse uideantur . Ennæ tu simulacrū Cereris tol-
 lere audebas? Ennæ tu de manu Cereris Victoriā diri-
 pere, & deam deā detrahēre conatus es? quorum nihil
 uiolare, nihil attingere ausi sunt, in quibus erant omnia,
 quæ sceleri propiora sunt, q̄ religioni . tenuerūt enim P.
 Popilio, P. Rupilio Coss. illum locum serui, fugitiui, bar-
 bari, hostes . sed neque tã serui illi dominorum, quàm tu
 libidinum : neque tam fugitiui illi à dominis, quàm tu à
 iure, & à legibus : neque tã barbari lingua, & natione
 illi, quàm tu natura, & moribus: neque illi tã hostes ho-
 minibus, quàm tu dijs immortalibus . quæ deprecatio est
 igitur ei reliqua, qui indignitate seruos, temeritate fugi-
 tiuos, scelere barbaros, crudelitate hostes uicerit? audistis
 Theodorum, & Numinium, & Nicasionem Legatos En-
 nenses publice dicere, sese à suis ciuibus hac habere man-
 data, ut ad Verrem adirent, & eum simulacrum Cere-
 ris, & Victoriæ reposcerent : id si impetrassent, tum ue-
 morem ueterem Ennensium cōseruarent, publice in eum,
 tametsi uexasset Siciliā, tamen, quoniā hac à maioribus
 constituta accepissent, testimonium ne quod dicerent: sin
 autem ea nō reddidisset, tum ut iudicio adessent, tum uti
 de eius iniurijs iudices docerent, sed multo maxime de
 religione quererentur . quas illorum querimonias nolite
 per deos immortales aspernari, nolite contemnere, ac ne-
 gligere iudices . aguntur iniuriæ sociorum : agitur uis
 legum : agitur existimatio, ueritasq; iudiciorum . quæ

sunt omnia permagna, uerum illud maximum: tanta religione obstricta tota prouincia est, tanta superstitio ex istius facto mētes omniū Siculorum occupauit, ut, quæcunque accidāt publice, uel priuatim incōmoda, propter eam causam scelere istius euenire uideātur. audistis Centuripinos, Agyrinenses, Catinenses, Herbitenses, Ennenses, cōplures alios publice dicere, quæ solitudo esset in agris, quæ uastitas, quæ fuga aratorum, quā desertā, quā incultā, quā relicta omnia. ea tametsi istius multis, & uarijs iniurijs acciderūt, tamē hac una causa in opinione Siculorum plurimum ualet, quod Cerere uiolata, omnes cultus, fructusq; Cereris in his locis interijssē arbitrātur. medemini religioni sociorū iudices: conseruate uestram auctoritatem: neque enim hac externa nobis est religio, neque aliena. quid si esset; si suscipere eā nolletis, tamē in eo, qui uiolasset, sancire uos uelle oporteret. nunc uero in cōmuni omnium gētium religione, inq; his sacris, quæ maiores nostri ab exteris nationibus adscita, atque accersita coluerunt; quæ sacra, ut erant re uera, sic appellari Græca uoluerūt: negligentes, ac dissoluti si cupiamus esse, qui possumus? Vnius etiam urbis omnium pulcherrimæ, atque ornatissimæ Syracusarum direptionem cōmemorabo, & in mediū proferam iudices, ut aliquando totā huius generis orationem cōcludam, ac definiā. nemo ferē uestrum est, quin, quemadmodum capta sint à M. Marcello Syracusæ, sæpe audierit, nōnunquā etiam in annalibus legerit. conferte hanc pacem cum illo bello, huius Prætoris aduentum cum illius imperatoris uictoria, huius cohortem impurā cum illius exercitū inuictō, huius libidines cum illius continentia: ab illo, qui cepit,

conditas, ab hoc, qui constitutas accepit, captas dicetis Syracusas. ac iam illa omitto, quæ disperse à me multis locis dicuntur, ac dicta sunt: forum Syracusanorum, quod introitu Marcelli purum à cæde seruatum est, id aduentu Verris Siculorum innocentium sanguine redundasse: portum Syracusanorum, qui tum & nostris classibus, et Carthaginensium clausus fuisset, cum isto Prætorè Ciliæ cum myoparoni, prædonibusq; patuisse. mitto adhibitam uim ingenuis, matresfamilias violatas, quæ tum urbe capta cõmissa nõ sunt neque odio hostili, neque licentia militari, neque more belli, neque iure uictoriæ: mitto inquit hæc omnia, quæ ab isto per triennium perfecta sunt. ea, quæ cõiuncta cū illis rebus sunt, de quibus antea dixi, cognoscite. Urbem Syracusas maximam esse Græcarum urbium, pulcherrimamq; omnium, sæpe audistis. est iudices ita, ut dicitur: nam & situ est cum munito, tum ex omni aditu uel terra uel mari præclaro ad aspectum: & portus habet propè in ædificatione, aspectuq; urbis inclusos: qui cum diuersos inter se aditus habeant, in exitu coniunguntur, & cõfluunt. eorum coniunctione pars oppidi, quæ appellatur Insula, mari disiuncta angusto, ponte rursus adiungitur, & cõtinetur. ea tanta est urbs, ut ex quatuor urbibus maximis cõstare dicatur. quarum una est ea, quam dixi, Insula: quæ duobus portibus cinctæ, in utriusque portus ostium, aditumq; proiecta est: in qua domus est, quæ Regis Hieronis fuit, qua Prætores uti solent. in ea sunt ædes sacræ cõplures, sed duæ, quæ longe cæteris antecellunt; Dianæ una, & altera, quæ fuit ante istius aduentum ornatissima, Mineruæ. in hac Insula extrema est fons aquæ dulcis, cui nomen Arethusa est, incredibili ma-

gnitudine, plenissimus piscium : qui fluctu totus operiretur, nisi munitione, ac mole lapidum à mari disiunctus esset. Altera autem est urbs Syracusis: cui nomen Acra dina est : in qua forum maximū, pulcherrimæ porticus, ornatissimū Prytanēū, amplissima est curia, templumq; egregium Iouis Olympij : cæteræq; urbis partes una lata uia perpetua, multisq; trāsuersis diuise, priuatis ædificijs cōtinētur. Tertia est urbs, quæ, quod in ea parte Fortuna fanū antiquum fuit, Tyche nominata est: in qua & gymnasium amplissimum est, & cōplures ædes sacræ: cōliturq; ea pars, & habitatur frequentissime. Quarta autem est urbs : quæ, quia postrema ædificata est, Neapolis nominatur: quam ad summam theatrum est maximū: præterea duo templa sunt egregia, Cereris unū, alterum Liberæ, signumq; Apollinis, qui Thesmotes uocatur, pulcherrimum, & maximū : quod iste si portare potuisset, non dubitasset auferre. nunc ad Marcellū reuertar, ne hæc à me sine causa cōmemorata esse uideantur. qui cū tam præclaram urbem uī, copiisq; cepisset, non putauit ad laudem populi R. hoc pertinere, hanc pulchritudinē, ex qua præsertim nihil periculi ostenderetur, delere, & extinguere. itaque ædificijs omnibus, publicis & priuatis, sacris, & profanis sic pepercit, quasi ad ea defendenda cum exercitu, non expugnanda uenisset. in ornatu urbis habuit uictoriæ rationem, habuit humanitatis. uictoriæ putabat esse, multa Romam deportare, quæ ornamento urbi esse possent : humanitatis, non plane sfoliare urbem, præsertim quam conseruare uoluisset. in hac partitione ornatus non plus uictoria Marcelli populo R. appetiuit, quàm humanitas Syracusanis reseruauit.

L I B E R V I .

Romam quæ asportata sunt, ad eadē Honoris, atque Virtutis, itemq; alijs in locis uidemus. nihil in ædibus, nihil in hortis posuit, nihil in suburbano . putauit, si urbis ornamenta domum suam non contulisset, domum suam urbi ornamento futurā. Syracusis autē permulta, atque egregia reliquit, deum uero nullum uiolauit, nullum attigit . conferte Verrem : nō ut hominem cum homine cōparetis, ne quā tali uiro mortuo fiat iniuria; sed ut pacem cū bello, leges cum ui, forum, & iurisdictionem cum ferro, & armis, aduentū, & comitatum cum exercitu, & uictoria cōferatis. Aedes Minervæ est in insula, de qua ante dixi: quā Marcellus non attigit, quā plenam, atque ornataam reliquit . quæ ab isto sic spoliata, atque direpta est, nō ut ab hoste aliquo, qui tamen in bello religionū, et consuetudinis iura retineret, sed ut à barbaris pradonibus uexata esse uideatur . pugna erat equestris Agathoclis Regis in tabulis picta præclare. his autem tabulis interiores templi parietes uestiebātur : nihil erat ea pictura nobilius : nihil Syracusis, quod magis uisendum putaretur . has tabulas M. Marcellus, cū omnia illa uictoria sua profana fecisset, tamen religione impeditus non attigit. iste, cum illa iam propter diuturnam pacem, fidelitatemq; populi Syracusani sacra, religiosaq; accepisset ; omnes eas tabulas abstulit ; parietes, quorum ornatus tot secula māserat, tot bella effugerat, nudos ac deformatos reliquit. & Marcellus, qui, si Syracusas cepisset, duo templa se Romæ dedicaturū uouerat, id, quod erat edificaturus, ijs rebus ornare, quas ceperat, noluit: Verres, qui non Honori, neque Virtuti, ut ille, sed Veneri, & Cupidini uota deberet, is Minervæ tēplū spoliare conatus est. ille deos, deorum

deorum spolijs ornare noluit : hic ornamenta Minervæ virginis in meretriciâ domum trāstulit . uiginti & septē præterea tabulas pulcherrime pictas ex eadē ade sustulit : in quibus erāt imagines Siciliæ Regum, ac tyrannorum : quæ non solum pictorum artificio delectabant , sed etiam cōmemoratione hominum , & cognitione formarum . ac uidete , quanto tetrior hic tyrannus Syracusanis fuerit , quàm quisquam superiorum , cum illi tamē ornarent templa deorum immortalium , hic etiam deorum monimēta , atque ornāmēta sustulerit . iam uero quid ego de ualuis illius templi cōmemorem ? uereor , ne , hæc qui non uiderunt , omnia me nimis augere , atque ornare arbitrentur . quod tamen nemo suspicari debet , tam esse me cupidum , ut tot uiros primarios uelim , præsertim ex iudicum numero , qui Syracusis fuerint , qui hæc uiderint , esse temeritati , & mendacio meo conscios . confirmare hoc liquido iudices possum , ualuas magnificētiores ex auro atque ebo re perfectiores nullas unquam ullo tempore fuisse . incredibile dictu est , quàm multi Græci de ualuarum harum pulchritudine scriptum reliquerint . nimium forsitan hæc illi mirentur , atque efferant . esto . ueruntamen honestius est Reip. nostræ iudices ea , quæ illis pulchra esse uideantur , imperatorē nostrū in bello reliquisse , quàm Pratorē in pace abstulisse . ex ebo re diligentissime perfectā argumenta erāt in ualuis : ea detrahēda curauit omnia . Gorægonis os pulcherrimum , crinitū anguibus , reuellit , atque abstulit : & tamē indicauit , se nō solū artificio , sed etiā pretio , quæstūq; duci : nā bullas omnes aureas ex his ualuis , quæ erant & multæ , & graues , non dubitauit auferre : quarum iste non opere delectabatur , sed pondere .

itaque eiusmodi ualvas reliquit, ut, quæ olim ad ornandū templū erant maxime, nunc tātum ad claudendū factæ esse uideātur. etiam ne gramineas hastas ē uidi. n. uos in hoc non minime, cum testes dicerent, cōmoueri: quod erāt huiusmodi, ut semel uidisse satis esset: in quibus neque manu factum quidquā, neque pulchritudo erat ulla, sed tātum magnitudo incredibilis: de qua uel audire satis esset: nimium, uidere plus quā semel. etiā ne id cōcupisti? nā Sappho, quæ sublata de Prytaneo est, dat tibi iustā excusationem, propè ut concedendū, atque ignoscendū esse uideatur. M. Syllanionis opus tam perfectum, tam elegās, tam elaboratum quisquā non modo priuatus, sed populus potius haberet, q̄ homo elegantissimus, atque eruditissimus Verres ē nimirū cōtra dici nihil potest: nostrū. n. unusquisque, qui tam beati, quā iste est, nō sumus, tādē licati esse non possumus: si quādo aliquid istiusmodi uidere uolet, eat ad ædem Felicitatis, ad monumentum Catuli, in porticum Metelli: det operam, ut admittatur in alicuius istorum Tusculanum: spectet eorum ornatum, si quid iste suorum Aedilibus accōmodauit: Verres hæc habeat domi: Verres ornamentis fanorum, atque oppidorum habeat plenam domum, uillas refertas. etiam ne huius operarij studia, ac delicias iudices perferetis? qui ita natus est, ita educatus, ita factus & animo, & corpore, ut multo appositior ad deferenda, quā ad auferenda signa esse uideatur. atque hæc Sappho sublata quātum de siderium sui reliquerit, dici uix potest: nā tum ipsa fuit egregie facta, tum epigrāma græcum pernobile incisum habuit in basi: quod iste eruditus homo, et Græculus, qui hæc subtiliter iudicat, qui solus intelligit, si unam literā

græcam scisset, certe non sustulisset: nunc. n. quod inscriptum est inani in basi, declarat quid fuerit, & id ablatū indicat quid? signum Pæanis ex æde Aesculapij præclare factum, sacrum, & religiosum nō sustulisti? quod omnes propter pulchritudinem uisere, propter religionem colere solebant. quid? ex æde Liberi simulacrum Aristei non tuo imperio palàm ablatum est? quid? ex æde Iouis religiosissimum simulacrū Iouis Imperatoris, quem Græci Vriō nominant, pulcherrime factum non ne abstulisti? quid? ex æde Liberi parū illud caput pulcherrimum, quod uisere solebamus, num dubitasti tollere? atque ille Pæan sacrificijs anniuersarijs simul cum Aesculapio apud illos colebatur. Aristeus, qui, ut Græci ferunt, Liberi filius, inuentor olei esse dicitur, unā cum Libero patre apud illos eodem erat in templo consecratus. Iouem autē Imperatorem quāto honori in suo templo fuisse arbitramini? hinc colligere potestis, si recordari uolueritis, quanta religione fuerit eadem specie, atque forma signū illud, quod ex Macedonia captū, in Capitolio posuerat Flaminius. etenim tria ferebantur in orbe terrarum signa Iouis Imperatoris uno in genere pulcherrime facta: unū, illud Macedonicum, quod in Capitolio uidemus: alterum in Ponti ore, & angustijs: tertium, quod Syracusis ante Verrem Prætorem fuit. illud Flaminius ita ex æde sua sustulit, ut in Capitolio, hoc est in terrestri domicilio Iouis, poneret. quod autem est ad introitum Ponti, id, cum tam multa ex illo mari bella emerferint, tam multa porro in Pontum inuecta sint, usque ad hanc diem integrum, inuiolatumq; seruatum est. hoc tertium, quod erat Syracusis, quod M. Marcellus armatus, et uictor uiderat,

quod religioni concesserat, quod ciues, atque incolæ Syracusani colere, aduenæ non solū uisere, uerū etiam uenerari solebant, id Verres ex templo Iouis sustulit. ut sæpius ad M. Marcellū reuertar iudices, sic habetote, plures esse à Syracusanis istius aduentu deos, quàm uictoria Marcelli homines desideratos. etenim ille requisisse dicitur etiā Archimedem illum, summo ingenio hominē, ac disciplinā; eumq; cum audisset interfectum, permolestè tulisse. iste omnia, quæ requisit; nō ut seruaret, uerum ut asportaret, requisit. iam illa, quia leuiora uidebuntur, si hoc loco dicerentur, ideo præteribo, quod iste mensas Delphicas è marmore, crateras ex ære pulcherrimas, uim maximam uasorum Corinthiorū ex omnibus ædibus sacris Syracusis abstulit. itaq; iudices, ij, qui hospites ad ea, quæ uisenda sunt, ducere solent, et unūquidque ostēdere, quos illi Mystagogos uocant; conuersam iam habent demonstrationem suā: nam ut ante demonstrabāt, quid ubique esset; ita nūc, quid undique ablatū sit, ostendunt. quid tū? mediocri ne tādē dolore eos affectos esse arbitramini? nō ita est iudices: primū, quod omnes religione mouentur, & deos patrios, quos à maioribus acceperunt, colendos sibi diligenter, & retinendos esse arbitrantur: deinde hic ornatus, hæc opera, atque artificia, signa, tabulæ pictæ Græcos homines nimio opere delectāt. itaque ex illorū querimonijs intelligere possumus, hæc illis acerbissima uideri, quæ forsitan nobis leuia, & contemnenda esse uideatur. mihi credite iudices (tametsi uosmet ipsos hæc eadem audire certo scio) cū multas acceperint per hosce annos socij, atque extera nationes calamitates, & iniurias, nullas Græci homines grauius tulerūt, nec ferunt, q̄ hu-

huiusmodi spoliationes sanorū, atque oppidorū. licet iste
 dicat, emisse se, sicuti solet dicere: credite mihi iudices, nul-
 la unquam ciuitas tota Asia, & Græcia signum ullum,
 tabulam pictam, nullū denique ornamentum urbis sua
 uoluntate cuiquā uendidit: nisi forte existimatis, postea=
 quam iudicia seuera Romæ fieri desierint, Græcos homi-
 nes hæc uendere cœpisse: quæ tū non modo nō uende-
 bant, cum iudicia fiebant, uerū etiam coemebāt: nisi ar-
 bitramini L. Crasso, Q. Scaeuolæ, C. Claudio, potētissimis
 hominibus, quorum Aedilitates ornatissimas uidimus, cō-
 mercium istarū rerū cum Græcis hominibus non fuisse;
 his, qui post iudiciorum dissolutiones Aediles facti sunt,
 fuisse. acerbiores etiā scitote esse ciuitatibus falsam istā,
 & simulatam emptionem, quā si quis clām surripiat,
 aut eripiat palām, atque auferat: nā turpitudinem sum-
 mam esse arbitrantur, referri in literas publicas, pretio
 adductam ciuitatem, & pretia, paruo ea, quæ accepisset
 à maioribus, uendidisse, atque alienasse: etenim mirandū
 in modum Græci rebus istis, quas nos contemnimus, de-
 lectantur. itaque maiores nostri facile patiebantur; hæc
 esse quā plurima apud socios, ut imperio nostro quamor-
 natissimi, florētissimiq; essent. apud eos autem, quos ue-
 litigales, aut stipendiarios fecerant, tamen hæc relinque-
 bāt, ut illi, quibus ea iucūda sunt, quæ nobis leuia uidebā-
 tur, haberent hæc oblectamenta, et solatia seruitutis. quid
 arbitramini Rheginos, qui iā ciues R. sunt, mereri uelle,
 ut ab ijs marmorea Venus illa ne auferatur? quid Tarē-
 tinos, ut ne Europam in Tauro sedentem amittāt: ut Sa-
 tyrū, qui apud illos in æde Vestæ est: ut cætera? quid The-
 spienfes, ut Cupidinis signū, propter quod unū uisuntur

Theſſiæ ? quid Gnidios, ut Venerem marmoreã ? quid,
 ut piẽtam, Coos ? quid Ephesios, ut Alexãdrũ ? quid Cy-
 zicenos, ut Aiacem, aut Medeã ? quid Rhodios, ut Ialy-
 ſiũ ? quid Athenienſes, ut ex marmore Iacchũ, aut Par-
 thalum piẽtũ, aut ex ære Myronis buculam ? longũ eſt,
 & nõ neceſſariũ cõmemorare, quæ apud quoſque uiſen-
 da ſunt tota Aſia, & Græcia . uerũ illud eſt, quamoba-
 rem hæc cõmemorarim ; quoddã exiſtimare uos hoc uolo,
 mirũ quendam dolorem accidere ijs, ex quorum urbibus
 hæc auferãtur. atque ut cæteros omittamus, de ipsis Syra-
 cuſanis cognoscite: ad quos ego cum ueniſſem, ſic primo
 exiſtimabam, ut Romæ ex iſtius amicis acceperam, ciui-
 tatem Syracuſanam propter Heracliũ hæreditatem non
 minus eſſe iſti amicam, quàm Mamertinam propter præ-
 darum, ac furtorum omnium ſocietatem : ſimul & ue-
 rebar, ne mulierũ nobiliũ, & formoſarum gratia, qua
 rum iſte arbitrio Præturam per triennium geſſerat, uiro-
 rumq; quibuſcum illæ nuptæ erant, nimia in iſtum non
 lenitudine, ſed etiam liberalitate oppugnarer, ſi quid ex
 literis Syracuſanorum conquirerem: itaque Syracuſis cũ
 ciuibus R. erã: eorũ tabulas exſcribebã: iniurias cogno-
 ſcebam : cũ diutius in negotio, curaq; fuerã ; ut requie-
 ſcerem, curamq; animi remitterem, ad Carpinatũ præ-
 claras tabulas reuertebar: ubi cũ equitibus R. ex illo con-
 uentu honeſtiſſimis illos Verrutios, de quibus ante dixi,
 explicabã: à Syracuſanis prorsus nihil adiumenti neque
 publice, neque priuatim expeẽtabã, neque erat in animo
 poſtulare. cũ hæc agerem, repente ad me uenit Heraclius
 is, qui tum magiſtratum Syracuſis habebat, homo nobi-
 lis, qui ſacerdos Iouis fuiſſet: qui honos apud Syracuſanos

est amplissimus. agit mecū, & cum fratre meo, ut, si nobis uideretur, adiremus ad eorū senatū: frequentes esse in curia: se iussu senatus à nobis petere, ut ueniremus. primo nobis fuit dubiū, quid ageremus. deinde cito uenit in mentem, nō esse uitandū nobis illum conuentū, & locū. itaque in curiā uenimus. honorifice sanè cōsurgitur. nos rogatu magistratus assedimus. incipit is loqui, qui & auctoritate, & etate, & ut mihi uisum est, usu rerū antecedeat, Diodorus Timarchides. cuius omnis oratio hāc habuit primo sententiā: senatū populumq; Syracusanū moleste, grauiterq; ferre, quod ego, cū in ceteris Siciliae ciuitatibus senatū populumq; docuissem, quid eis utilitatis, quid salutis afferrem, et cū ab omnibus mādāta, Legatos, literas, testimoniaq; sumpsissem, in illa ciuitate nihil eiusmodi facerē. respōdi, neque Romae in cōuentu Siculorū, cū à me auxiliū cōmuni omniū Legationū cōsilio petebatur, causāq; totius ad me Siciliae deferebatur, Legatos Syracusanorū affuisse; neque me postulare, ut quidquā cōtra C. Verrē decerneretur in ea curia, in qua inauratā C. Verris statuā uiderē. quod posteaquā dixi, tātus est gemitus factus aspectu statuæ, & cōmemoratione, ut illud in curia positū monumentū scelerū, nō beneficiorū uideretur. tū pro se quisque, quātū dicendo assequi poterat, docere me cōepit ea, quæ paulo ante cōmemorauī: spoliatā urbē, fana direpra, de Heraclij hereditate, quā palæstritis cōcessisset, multo maximā partē ipsum abstulisse: neque postulādū fuisse, ut ille palæstritas diligeret, qui etiam inuentorē olei deū sustulisset: neque illā statuā esse ex pecunia publica, neque publice datā; sed eos, qui hereditatis diripiendæ participes fuissent, faciendā, statuendāq; curasse:

eosdē Romæ fuisse Legatos, illius adiutores improbitatis,
 socios furtorū, conscios flagitiorū : eo minus mirari me
 oportere, si illi cōmuni Legatorū uolūtati, & salutī Sici-
 liæ defuissent . ubi eorū dolorē ex illius iniurijs nō modo
 minorem, sed propē maiore, quā ceterorū Siculorū, esse
 cognoui, tū meū animū in illos, tū mei cōsiliij, negotijq; to-
 tius suscepti causam, rationemq; proposui: tū eos hortatus
 sum, ut causæ cōmuni, salutiq; ne deessent, ut ei illā lau-
 dationē, quā se ui, ac metu coactos paucis illis diebus de-
 cresse dicebant, tollerent . itaque, iudices, Syracusani hac
 faciunt istius clientes, atque amici : primū mihi literas
 publicas, quas in ærario sanctiōre conditas habebāt, profe-
 rūt: in quibus ostendūt omnia, quæ dixi ablata, esse per-
 scripta, & plura etiā, quā ego potui dicere : perscripta
 autem hoc modo, quod ex æde Minervæ hoc et illud aba-
 esset, quod ex æde Iouis, quod ex æde Liberi. ut quisque
 eis rebus tuendis, cōseruandisq; præfuerat, ita perscriptum
 erat, cū rationem ex lege redderet, & quæ acceperat, de-
 beret tradere, petisse, ut sibi, quod hæ res abessent, ignosce-
 retur : itaque omnes liberatos discessisse, & esse ignotū
 omnibus. quas ego literas ob signādas publico signo, depor-
 tandasq; curavi. de laudatione autē ratio sic reddita est:
 primū cum à Verre literæ aliquanto ante aduentū meū
 de laudatione uenissent, nihil esse decretū : deinde, cum
 quidā ex illius amicis cōmonerent, oportere decerni, maxi-
 mo esse clamore, & cōiitio repudiatos; & postea quā
 meus aduentus appropinquarit, imperasse eum, qui sum-
 mā potestatem haberet, ut decernerent : decretū ita esse,
 ut multo plus illi laudatio mali, quā boni possit affer-
 re. id adeo iudices, ut mihi ab illis demonstratum est, sic

uos ex me cognoscite. mos est Syracusis, ut, si qua de re ad senatū referatur, dicat sententiā, qui uelit. nominatim nemo rogatur. & tamē, ut quisque honore, & etate antecedit, ita primus solet sua spē dicere, idq; à ceteris ei cōceditur. si quando taceant omnes, tūc sortito coguntur dicere: cum hic mos esset, refertur ad senatū de laudatione Verris: in quo primum, ut aliquid esset moræ, multi interpellant: de Sex. Peduceo, qui de illa ciuitate, totaq; prouincia optime meritus esset, sese antea, cum audissent ei negotium facessitū, cumq; cum publica pro plurimis eius, & maximis meritis laudare cuperent, à C. Verre prohibitos esse: iniquum esse, tametsi Peduccus eorū laudatione iam non uteretur, tamen nō id prius decernere, quod aliquādo uoluissent, quā quod tū cogerentur. cōclamant omnes, & approbāt ita fieri oportere: refertur de Peduceo. ut quisque etate, et honore antecederet, ita sententiā dixit ex ordine. id adeo ex ipso S. C. cognoscite: nā principiū sententiæ perscribi solet. Recita. QVO'D VERBA FACTA SVNT DE SEX. PEDUCEO. dicit, qui primi suaserint. decernitur. refertur deinde de Verre. dic, quaeso, quo modo? QVO'D VERBA FACTA SVNT DE C. VERRE. quid postea scriptū est? CVM SVRGERET NEMO, NEQVE SENTENTIAM DICERET. quid hoc est? SORS DVCITVR. quāobrē? nemo erat uolūtarius laudator Praturæ tuæ? defensor periculorū tuorū? praesertim cū inire à Pratore gratiam posset? nemo. ipsi illi tui conuiua, consiliarij, et conscij, uerbum facere non audebant. in qua curia stas tua tua stabat, & nuda filij, in ea nemo fuit, quem ne

nudus quidem filius in nuda provincia cōmoueret. atque etiam hoc me docent, eiusmodi S. C. sese fecisse laudationem, ut omnes intelligere possent, non laudationem, sed potius irrisionem esse illā, quæ cōmonefaceret istius turpem, calamitosamq; Præturā. etenim scriptum esse ita; QV O'D iste uirgis neminē cecidisset; à quo cognoscitis nobilissimos homines, atque innocentissimos securi esse percussos: QV O'D uigilanter prouinciā administrasset; cuius omnes uigilias in stupris constat, adulterijsq; esse cōsumptas. hoc autem scriptum etiam, quod proferre non auderet reus, accusator recitare nō desineret, QV O'D prædones procul ab insula Sicilia prohibuisset Verres, quos etiam intra Syracusanam Insulam recepisset. quæ posteaquam ex illis cognoui, discessi cum fratre è curia, ut nobis absentibus, si quid uellent, decernerent. decernunt statim: primum, ut L. fratri hospitium publice fieret, quodd is eandem uoluntatem erga Syracusanos suscepisset, quam ego semper habuissem. id non modo tum scripserunt, uerum etiam in ære incisum nobis tradiderunt. ualde hercle te Syracusani tui, quos crebro cōmemorare soles, diligunt: qui cum accusatore tuo satis iustam causam coniungendæ necessitudinis putant, quodd te accusaturus sit, & quodd ad inquirendum in te uenerit. postea decernitur, ac non uarie, sed propè coniunctis sententijs, ut laudatio, quæ C. Verri decreta esset, tolleretur. at uero, cum iam nō solum discessio facta esset, sed etiam perscriptum, atque in tabulas relatum, Prætor appellatur. at quis appellat? magistratus aliquis? nemo. senator? ne id quidem. Syracusanorum aliquis? minime. quis igitur Prætozem appellat? qui Quæstor istius fue-

rat, Cæcilius . d rem ridiculam : d desertū hominem : d desperatū, ac relictum : à magistratu Siculo, ne S. C. Sī culi homines facere possent, ne suū ius, suis moribus, suis legibus obtinere possent, non amicus istius, nō hospes, non denique aliquis Siculus, sed Quæstor Prætorem appellat. quis hoc uidit ? aut quis audiuit ? Prætor æquus, & sapiens dimitti iubet senatū. cōcurrit ad me maxima multitudo . primum senatores clamare, eripi sibi ius, eripi libertatem : populus senatum laudare, gratias agere, cines R. à me nusquā discedere . quo quidem die nihil ægrius factū est multo labore meo, quā ut manus ab illo appellatore abstinerentur . cū ad Prætorem in ius adissemus, excogitat sanè diligenter, & caute, quid decernat : nam antequā uerbū facerem, de sella surrexit, atque abiit. itaque tū de foro, cū iam aduersperāsceret, discessimus. posttrī die mane ab eo postulo, ut Syracusanis liceret S. C. quod pridie fecissent, mihi reddere. ille enim uero negat : & ait indignū facinus esse, quòd ego in senatu Græco uerba fecissem, quòd quidem apud Græcos græce locutus essem : id ferri nullo modo posse . respōdi homini, ut potui, ut uolui, ut debui . tum multa, tum etiam hoc me memini dicere : facile esse perspicuum, quantum inter hunc & illum Numidicum uerum & germanū Metellum interesset : illum noluisse sua laudatione iuuare L. Lucillum sororis uirum, quicum optime conuenisset ; hunc hominī alienissimo à ciuitatibus laudationes per uim, & metū cōparare . quòd ubi intellexi, multū apud illum recentes nuncios, multum tabulas non cōmendatitias, sed tributarias ualuisse ; admonitu ipsorum Syracusanorum impetum in eas tabulas facio, in quibus singula perscripta

erant. ecce autem noua turba, atque rixa: ne tamen istū omnino Syracusis sine amicis, sine hospitibus planè nudū esse, ac desertū putetis. retinere cœpit tabulas Theōnastus quidam, homo ridicule insanus: quem Syracusani Theoraetum uocant: qui illic eiusmodi est, ut eum pueri seclentur, ut omnes, cum loqui cœperit, irrideāt. huius tamen insania, quæ ridicula est alijs, mihi tū molesta sanè fuit. nā cum spumas ageret in ore, arderent oculi, uoce maxima, uim me sibi asferre, clamaret: copulati in ius peruenimus. hic ego postulare cœpi, ut mihi tabulas obsignare, ac deportare liceret: ille cōtra. instare ego, omnium mihi tabularū, & literarū fieri potestatem oportere: contra, ille furiosus urgere, nihil ad se nostras leges pertinere. Prætor intelligens, negare sibi placere, quod S. C. ratum esse nō deberet, id me Romam deportare. quid multa? nisi uehementius homini minatus essem, nisi legū sanctionem, poenamq; recitasssem; tabularū mihi potestas facta nō esset. ille autem insanus, qui pro isto contra me uehementissime declamasset, postquā nō impetrauit, credo ut in gratiā mecū rediret, libellū mihi dat, in quo istius furta Syracusana perscripta erant: quæ ego antea iam ab illis cognoram, & acceperā. laudent te sanè iam Marmertini, qui ex tanta prouincia soli sunt, qui te saluū uelint: ita tamen laudent, ut Heius, qui eius princeps Legislationis est, adsit: ita laudent, ut ea, quæ rogati erūt, mihi parati sint respondere. ac ne subito à me opprimātur, hæc sum rogaturus, nauem debeāt ne? fatebuntur: præbuerint ne Prætor C. Verre? negabūt: edificauerint ne nauē onerariā maximā publice, quā Verri dederūt? negare nō poterūt: frumentū ne ab his sumpserit Verres,

quod populo R. mitteret, sicuti superiores? negabunt. quid militum, aut nautarum per triennium dederunt? nullum datum dicent. fuisse Messanam omnium istius furtorum, ac pradarum recepticem? negare non poterunt. permulta multis nauibus illinc exportata? hanc denique nauem maximam à Mamertinis datam, onustā cum isto Praetore profectam? fatebuntur. quamobrem tibi habere sanè istam laudationem Mamertinam: Syracusanam quidem ciuitatem, ut abs te affecta est, ita in te esse animatam uidemus: apud quos etiam Verrea illa flagitiosa sublata sunt: etenim minime conueniebat, ei deorū honores haberi, qui simulacra deorum sustulisset. etiam mehercule illud in Syracusanis merito reprehendetur, si, cum diem festum ludorum de fastis suis sustulisset celeberrimum, & sanctissimum, quod eo ipso die Syracusæ à Marcello captæ esse dicuntur, iisdem diem festū Verris nomine agerent, cum iste Syracusanis, quæ ille calamitosus dies reliquerit, ademisset. at uidete hominis impudentiam, atque arrogantiam iudices, qui non solum Verrea hæc turpia, ac ridicula ex Heraclij pecunia constituerit, uerum etiam Marcellea tolli imperarit; ut ei sacra facerent quotannis, cuius opera omnium annorum sacra, deosq; patrios amiserant; eius autem familiae dies festos tollerent, per quam ceteros quoque festos dies recuperarent.

ACCUSATIONIS IN C. VER-
REM LIBER VII.
ORATIO X.

EMINI uideo dubium esse iudices,
quin apertissime C. Verres in Sicilia sa-
cra, profanaq; omnia & priuatim, &
publice spoliarit, uersatusq; sit sine ulla
non modo religione, uerum etiam dissi-
mulatione in omni genere furandi, atque prædandi. sed
quedam mihi magnifica, & præclara eius defensio ostē-
ditur: cui quemadmodum resistam, multo mihi ante est
iudices prouidendum: ita enim causa constituitur, pro-
uinciam Siciliam uirtute eius, et uigilantia singulari du-
bjs, formidolosisq; temporibus à fugitiuis, atque à belli pe-
riculis tutam esse seruata. quid agam iudices? quò ac-
cusationis meæ rationem conferam? quò me uertam? ad
omnes enim meos impetus, quasi murus quidam, boni no-
men imperatoris opponitur. noui locum: uideo, ubi se ia-
ctaturus sit Hortensius. belli pericula, tempora Reip. im-
peratorū penuriam cōmemorabit. tum deprecabitur à
uobis, tum etiam pro suo iure contendet, ne patiamini
talem imperatorem populo R. Siculorum testimonijs eri-
pi, ne' ue obtēri laudem imperatoriam criminibus auari-
tiæ uelitis. non possum dissimulare iudices. timeo, ne C.
Verres propter hanc uirtutem eximiam in re militari
omnia, quæ fecit, impune fecerit: uenit enim mihi in men-
tem, in iudicio M. Aquilij quātum auctoritatis, quātum
momenti oratio M. Antonij habuisse existimata sit: qui,
ut erat in dicendo non solum sapiens, sed etiam fortis,

causa propè perorata, ipse arripuit M. Aquiliū, constituitq; in cōspectu omnium, tunicamq; eius à pectore abscidit, ut cicatrices populi R. indicesq; aspicerent aduerso corpore exceptas. simul et de illo vulnere, quod ille in capite ab hostium duce acceperat, multa dixit, coq; adduxit eos, qui erant iudicaturi, uehementer ut uererentur, ne, quem uirum fortuna ex hostium telis eripuisset, cum sibi ipse non pepercisset, hic nō ad populi R. laudem, sed ad iudiciū crudelitatem uideretur esse seruatus. hæc eadem nunc ab illis defensionis ratio, uiaq; tentatur: idem quæritur. sit fur, sit sacrilegus, sit flagitiorum omnium, uitiatorumq; princeps: at est bonus imperator, & felix, & ad dubia Reip. tempora reseruandus. nō agam summo iure tecum: non dicam id, quod debeam forsitan obtinere; cum iudiciū certa lege sit cōstitutum, nō quid in re militari fortiter feceris, sed quemadmodū manus ab alienis pecunijs abstinueris, abs te doceri oportere. non inquā sic agam: sed ita quæram, quemadmodum te uelle intelligo, quæ tua opera, & quāta fuerit in bello. quid dices? an bello fugitiuorū Siciliam uirtute tua liberatam? magna laus, & honesta oratio: sed tamen quo bello? nos enim post id bellum, quod M. Aquilius confecit, sic accepimus, nullum in Sicilia fugitiuorū bellum fuisse. at in Italia fuit. fateor: & magnum quidem, ac uehemens. num igitur ex eo bello partem aliquam laudis appetere conaris? num tibi illius uictoriæ gloriā cum M. Crasso, aut Cn. Pompeio cōmunicandā putas? non arbitror hoc etiam deesse tuæ impudentiæ, ut quidquam eiusmodi dicere audeas. obstitisti uidelicet, ne ex Italia transire in Siciliam fugitiuorum copiæ possent. ubi? quando? qua

respondisse, uenabulo : statim deinde iussu Pratoris in crucem esse sublatum . durum hoc fortasse uideatur : neque ego ullam in partem disputo : tantum intelligo , maluisse Domitium crudelem in animaduertendo, quam in pratermittendo dissolutum uideri. ergo his institutis provinciae, iam tum, cum bello fugitiuorum tota Italia arderet, homo non acerrimus, nec fortissimus, Cn. Norbanus in summo otio fuit : perfacile enim sese Sicilia tuebatur, ne quod in ipsa bellum posset existere . etenim cum nihil tam coniunctum sit, quam negotiatores nostri cum Siculis usu, re, ratione, concordia ; et cum ipsi Siculi res suas ita constitutas habeant, ut his pacem expediat esse ; imperium autem populi R. sic diligant, ut id imminui, aut commutari minime uelint ; cumque haec ab seruorum bello pericula et Pratorum institutis, et dominorum disciplina prouisa sint : nullum est malum domesticum, quod ex ipsa provincia nasci possit. quid igitur ? nulli ne motus in Sicilia seruorum Verre Pratore ? nulla ne consensiones factae esse dicuntur ? nihil sane, quod ad senatum populumque R. peruenerit : nihil, quod iste Romam publice conscripserit . et tamen coeptum esse in Sicilia moueri aliquot locis seruitium suspectum . id adeo non tam ex re, quam ex istius factis, decretisque cognosco . ac uidete, quam non inimico animo sim acturus . ego ipse haec, quae ille quaerit, quae adhuc nunquam audistis, commemorabo, et proferam . In Tricalino, quem locum fugitiui iam ante tenuerunt, Leonida cuiusdam Siculi familia in suspicionem uocata est coniurationis . res delata ad istum . statim, ut par fuit, iussu eius homines, qui nominati erant, comprehensi sunt, adductique ; Lilybaeum : domino denunciatum est, ut adesset : causa dicta damnati

sunt. quid deinde? quid censeatis? furtū fortasse, aut præ-
 dam expectatis aliquam? nolite usquequaque eadē quæ-
 rere. in metu belli, furandi qui locus potest esse? etiam si
 qua hic fuit in hac re occasio, prætermissa est. tū potuit
 a Leonida nummorum aliquid auferre, cum denuncia-
 uit, ut adesset. fuit nundinatio aliqua, & isti non noua,
 ne causam diceret. etiam alter locus, ut absoluerentur.
 damnatis quidem servis, quæ prædandi potest esse ratio?
 produci ad suppliciū necesse est: testes enim sunt, qui in
 consilio fuerunt: testes publicæ tabulæ: testis splendidissi-
 ma ciuitas Lilybatana: testis honestissimus, maximusq;
 conuentus cīuium R. nihil potest. producēdi sunt: itaque
 producuntur, & ad palum alligantur. etiamnum mihi
 expectare uidemini iudices, quid deinde factū sit, quod iste
 nihil unquā fecit sine aliquo quæstu, atque præda. quid
 in eiusmodi re fieri potuit? quod cōmodum est? expecta-
 te facinus quam uultis improbum: uincam tamen expe-
 ctationem omniū. nomine sceleris, coniurationisq; dāna-
 ti, ad supplicium traditi, ad palum alligati, repente mul-
 tis millibus hominū inspectantibus soluti sunt, & Leoni-
 dæ illi domino redditi. quid hoc loco potes dicere homo
 amentissime? nisi id, quod ego nō quæro, quod denique in
 re tam nefaria, tametsi dubitari non potest, tamen, ne si
 dubitetur quidem, queri oporteat; quid, aut quantū, aut
 quo modo acceperis. remitto tibi hoc totū, atque ista te cu-
 ra libero: neque. n. metuo, ne hoc cuiquā persuadeatur,
 ut, ad quod facinus nemo, præter te, ulla pecunia adduci
 potuerit, id tu gratis suscipere conatus sis. uerū de ista fu-
 rādi, prædādiq; ratione nihil dico: de hac imperatoria iā
 tua laude disputo. quid ais bone custos, defensorq; pro=

uinciae? tu quos seruos arma capere, ac bellū facere in Sicilia uoluisse cognoras, et de cōsiliū sentētia iudicaras, hos ad suppliciū iam more maiorū traditos, & ad palū alligatos, ex media morte eripere, ac liberare ausus es, ut quā damnatis seruis crucem fixeras, hanc indemnatis ciuibus R. reseruares? perditæ ciuitates, desperatis omnibus rebus, hos solēt exitus exitiales habere, ut damnati in integrū restituantur, uincēli soluantur, exules reducantur, res iudicatæ rescindantur. quæ cum accidunt, nemo est, quin intelligat ruerē illam Remp. hæc ubi ueniunt, nemo est, qui ullā spem salutis reliquam esse arbitretur. atque hæc sicubi facta sunt, facta sunt, ut homines populares, aut nobiles supplicio, aut exilio leuantur, ut non ab ijs ipsis, qui iudicassent, ut non statim, ut non eorum facinorum damnati, quæ ad uitam, & fortunas omnium pertinerent. hoc uero nouū, & eiusmodi est, ut magis propter reum, q̄ propter rem ipsam credibile esse uideatur, ut homines seruos, ut ipse qui iudicarat, ut statim è medio supplicio dimiserit; ut eius facinoris dānatos seruos, quod ad omniū liberorum caput, & sanguinem pertineret. d. præclarum imperatorem, nec iam cum M. Aquilio fortissimo uiro, sed uero cū Paulis, Scipionibus, Marijs conferendum. tantum ne uidisse in metu, periculoq; prouinciae? cum seruitiorum animos in Sicilia suspensos propter bellum Italiæ fugitiuorum uideret; ne quis se cōmouere auderet, quantum terroris iniecit? comprehendi iussit: quis non pertimescat? causam dicere dominos: quid seruis tam formidolosum? fecisse uideri, pronūtiavit. exortam uidetur flāmam paucorum dolore, ac mortē restinxisse. quid deinde sequitur? uerbera, atq; ignes, et illa

extrema ad supplicium damnatorum, metum ceterorū ,
 cruciatus, & crux. hisce omnibus supplicijs sunt libera=
 ti. quis dubitet, quin seruorum animos summa formidine
 oppresserit, cum uiderent ea facilitate Prætorem, ut ab
 eo seruorum, sceleris, coniurationisq; damnatorum, uita
 uel ipso carnifice internuncio redimeretur. quid? hoc in
 Apolloniensi Aristodamo? quid? in Leonte Magarensi
 non idem fecisti? quid? iste motus seruorū, belliq; subita
 suspicio utrum tibi tandem diligentia custodiendæ pro=
 uinciæ, an nouam rationem improbissimi quæstus attu=
 lit? Halyciensis Eumenidæ, nobilis hominis, et honesti, ma=
 gnæ pecuniæ uillicus cum impulsu tuo insimulatus esset,
 HS LX à domino accepisti. quod nuper ipse iuratus do=
 cuit, quemadmodum gestum esset. ab equite R. C. Matri=
 nio absente, cū is esset Romæ, quod eius uillicos, pastoresq;
 tibi in suspicionem uenisse dixeras, HS centum abstuli=
 sti. dixit hoc L. Flavius, qui tibi eam pecuniam numera=
 uit, procurator C. Matrinij: dixit ipse C. Matrinus: dicet
 clarissimus uir Cn. Lentulus Censor, qui Matrinij hono=
 ris causa, recenti negotio ad te literas misit, mittendasq;
 curauit. quid? de Apollonio Diocli filio Panormitano, cui
 Geminio cognomen est, præteriri potest? ecquid hoc tota
 Sicilia clarius? ecquid indignius? ecquid manifestius pro=
 ferri potest? quem is, uti Panormum uenit, ad se uocari,
 & de tribunali citari iussit, concursu magno, frequen=
 tiaq; cōuentus. homines statim loqui, mirari, quod Apollo=
 nius homo pecuniosus tādū ab isto maneret integer: ex=
 cogitauit: nescio quid attulit: profecto homo diues, repen=
 te à Verre non sine causa citatur: expectatio summa o=
 mnium, quidnam id esset: cū exanimatus subito ipse ac=

currit cum adolescente filio: nā pater grandis natu ian-
 diu lecto tenebatur . nominat iste seruū, quem magistrū
 pecoris esse diceret : eum dicit coniurasse, & alias fami-
 lias concitasse . is omnino seruus in familia nō erat . eū
 statim exhiberi iubet . Apollonius affirmat seruū se o-
 mnino illo nomine habere neminem . iste hominem arripi
 à tribunali, & in carcerem conijci iubet . ille clamare, cū
 raperetur, nihil se miserum fecisse, nihil cōmississe, pecu-
 niam sibi esse in nominibus, numeratam in præsencia nō
 habere . hæc cum maxime summa hominum frequentia
 testificaretur, ut quivis intelligere posset, eū, quodd pecuniā
 non dedisset, iccirco illa tam acerba iniuria affici; cū ma-
 xime, ut dico, hoc de pecunia clamaret, in vincla conie-
 ctus est . uidete constantiam Prætoris , & eius Prætoris ,
 qui nunc reus non ita defendatur, ut mediocris Prætor;
 sed ita laudetur, ut optimus imperator . cum seruorum
 bellum metueretur ; quo supplicio dominos indemnatos
 afficiebat, hoc servos damnatos liberabat . Apollonium, lo-
 cupletissimum hominem , qui, si fugitivi bellum in Sici-
 lia facerent, amplissimas fortunas amitteret; belli fugiti-
 uorum nomine, indicta causa, in vincla coniecit : servos,
 quos ipse cum consilio belli faciendi causa consensisse iu-
 dicauit, eos sine consilij sententia, sua sponte, omni suppli-
 cio liberauit . quid, si ab Apollonio aliquid cōmissum est,
 quamobrem iure in eum animaduerteretur : tamen ne
 hanc rem sic agemus , ut crimini, aut inuidiæ reo pute-
 mus esse oportere, si quo de homine seuerius iudicauit ?
 non agā tā acerbe: nō utar ista accusatoria consuetudi-
 ne, si quod est factum clementer, ut dissolute factum cri-
 miner ; si quid vindicatū seuerè est, ut ex eo crudelita-

ris inuidiam colligam. non agā ista ratione: tua sequar
 iudicia: tuam defendam auctoritatem, quoad tu uoles.
 simul ac tute coeperis tua iudicia rescindere, mihi succen-
 sere definitō: meo enim iure contendam, eum, qui suo iu-
 dicio condemnatus sit, iuratorum iudicium sententijs dā-
 riari oportere: non defendam Apollonijs causam, amici,
 atque hospitis mei, ne tuum iudicium uidear rescindere:
 nihil de hominis frugalitate, uirtute, diligentia dicā: prae-
 termittam illud etiam, de quo antea dixi, fortunās eius
 ita constitutas fuisse familia, pecore, uillis, pecunijs credi-
 tis, ut nemini minus expediret, ullum in Sicilia tumultū,
 aut bellum comoueri: non dicā ne illud quidem; si ma-
 xime in culpa fuerit Apollonius, tamen in hominem ho-
 nestissimum, ciuitatis honestissimae, tā grauius animad-
 uerri causa indicta non oportuisse: nullam inuidiam in
 te ne ex illis quidem rebus concitabo; cum esset talis uir
 in carcere, in tenebris, in squalore, in sordibus, tyrannicis
 interdictis tuis patri exacta aetate, et adolescenti filio ad-
 eundem ad illum miserum potestatem nunquam esse fa-
 ctam: etiam illud praeferibo; quotiescunque Panormū
 ueneris illo anno, & sex mensibus (nā tandiu fuit in car-
 cere Apollonius) toties ad te senatum Panormitanū adis-
 se supplicem cum magistratibus, sacerdotibusq; publicis,
 orantem, atque obsecrantem, ut aliquando ille miser, at-
 que innocens calamitate illa liberaretur. relinquam haec
 omnia: quae si uelim persequi, facile ostendā, tua crude-
 litate in alios, omnes tibi aditus misericordiae iudicij iam
 pridem esse praclusos. omnia igitur ista concedam, & re-
 mittā: praeuideo enim, quid sit defensor Hortensius.
 fatebitur, apud istū neque senectutem patris, neque ado-

lescentiam filij, neque lacrymas utriusque plus ualuisse; quam utilitatem, salutemq; prouinciæ. dicet, Remp. administrari sine metu, ac seueritate non posse. quæret, quâ obrem fasces Prætoribus præferantur, cur secures datæ, cur carcer ædificatus, cur tot supplicia sint in improbos more maiorû constituta. quæ cû omnia grauiter; seuerèq; dixerit: quæ, cur hunc eundem Apollonium Verres idem, repente, nulla noua re allata, nulla defensione, sine causa de carcere emitti iusserit: tantumq; in hoc crimine suspicionis esse affirmabo, ut iam ipsis iudicibus sine mea argumentatione coniecturâ facere permittam; quod hoc genus prædandi, quàm improbum, quàm indignû, quàmq; ad magnitudinem quæstus immensum, infinitumq; esse uideatur: nã quæ iste in Apollonio fecit, ea primû breuiter cognoscite quot, & quanta sint: deinde hæc expendite, atque æstimate pecunia: reperietis, iccirco hæc in uno homine pecunioso tot constituta, ut cæteris formidines similium incômodorû, atque exempla periculorû proponeretur. primû insimulatio est repentina, capitalis, atque inuidiosi criminis. statuite, quâti hoc putetis, & quàm multos redemisse. deinde crimen sine accusatore, sententia sine consilio, damnatio sine defensione: æstimate harû rerû omnium pretia: & cogitate, in his iniquitatibus unû hæsisse Apollonium, cæteros profecto multos ex his incômodis pecuniæ se liberaſſe. postremo tenebræ, uincla, carcer, inclusum supplicium, atque a conspectu parentum, ac liberum, denique a libero spiritu, & communi luce seclusum: hæc uero, quæ uel uitâ redimi recte possunt, æstimare pecunia non queo. hæc omnia sero redemit Apollonius, iam mærore, ac miseris

perditus : sed tamen ceteros docuit, ante istius avaritiæ, ac sceleri occurrere . nisi uero existimatis, hominem pecuniosissimū sine aliqua causa quæstus iniectum ad tam incredibile crimen, aut sine eadem causa repente è carcere emissum, aut hoc prædædi genus ab isto in illo uno adhibitum, ac tentatum, & nō per illum omnibus pecuniosis Siculis metum propositum, & iniectum . cupio mihi iudices ab illo subiici, quoniam de militari eius gloria dico, si quid forte prætereo : nam mihi uideor de omnibus iam rebus eius gestis dixisse, quæ quidem ad belli fugitivorum pertinerent suspicionem: certe nihil sciens prætermisi . habetis hominis consilia, diligentiam, uigilantiam, custodiam, defensionemq; provinciae . summa illuc pertinet, ut sciatis, quoniam plura genera sunt imperatorum, ex quo genere iste sit . ne diutius in tanta penuria uirorum fortium talem imperatorem ignorare possitis ; non ad Q. Maximi sapientiam, neque ad illius superioris Africani in re gerenda celeritatem, neque ad huius, qui postea fuit, singulare consilium, neque ad Pauli rationem, ac disciplinam, neque ad C. Marii uim, atque uirtutem, sed ad aliud genus imperatorum, sanè diligenter retinendum, & conseruandum, quaeso, cognoscite . itinerum primū laborem, qui uel maximus est in re militari iudices, & in Sicilia maxime necessarius, accipite quā facilem sibi iste, et iucundum ratione, consilioq; reddiderit . primum temporibus hibernis ad magnitudinem frigorū, et ad tempestatū uim, ac imbriū præclarū sibi hoc remediū cōparat . urbē Syracusas elegerat: cuius hic situs, atque hæc natura esse loci, coeliq; dicitur, ut nullus unquā dies tā magna, turbulentaq; tempestate fuerit, quin aliquo tempore solem eius

diei homines uiderent. hic ita uiuebat iste bonus imperator hibernis mensibus, ut eum non facile nō modo extra lectum, sed ne extra lectum quidem quisquam uideret. ita diei breuitas conuiuijs, noctis longitudo stupris, & flagitijs conterebatur. cum autem uer esse cœperat, cuius initium iste non à fauonio, neque ab aliquo astro notabat, sed, cum rosam uiderat, tunc incipere uer arbitrabatur; dabat se labori, atque itineribus. in quibus usque eò se præbebat patientem, atque impigrum, ut eū nemo unquā in equo sedentem uideret. nam, ut mos fuit Bithyniæ Regibus, lectica octophoro ferebatur: in qua puluinus erat perlucidus, Melitensi rosa fasciatus. ipse autem coronam habebat unam in capite, alterā in collo: reticulumq; ad nares sibi apponebat tenuissimo lino, minutis maculis, plenum rosæ. sic confecto itinere, cum ad aliquod oppidum uenerat, eadem lectica usque in cubiculū deferrebatur. eò ueniebant Sicularum magistratus, ueniebant equites. id quod ex multis iuratis audistis: cōtrouersia secreta deferrebantur: paulo post palām decreta auferebantur. deinde, ubi paulisper in cubiculo pretio, non æquitate iura descripserat; Veneri iam, & Libero reliquum tempus deberi arbitrabatur. quo loco mihi nō prætermittenda uidetur præclari imperatoris egregia, ac singularis diligentia. nam scitote esse oppidum in Sicilia nullum, ex ijs oppidis, in quibus Prætores consistere, & conuentum agere solent, quo in oppido non isti ex aliqua familia nō ignobili delecta ad libidinem mulier esset. itaque nōnulla ex eo numero in cōuiuiū adhibebātur palām. si quæ castiores erant, ad tempus ueniebant, lucem, cōuentumq; uitabāt. erant autem conuiuia non illo silentio Præto-

rû, atque imperatorum; neque eo pudore, qui in magis-
 stratuum cõuiuijs uersari solet; sed cû maximo clamore;
 atque cõitio. nōnunquā etiam res ad manus; atque ad
 pugnam ueniebat: iste enim, Prator seuerus, ac diligens,
 qui populi R. legibus nunquā paruisset, illis diligenter le-
 gibus, quæ in poculis ponebantur, obtemperabat. itaque
 erat exitus eiusmodi, ut alius inter manus è cõuiuijs, tan-
 quā è prælio, auferretur, alius tanquā occisus relinqueret-
 tur, plerique fusi sine mente, ac sine ullo sensu iacerent;
 quibus ut, cû aspexisset, non se Pratoris cõuiuium, sed ut
 Cānensem pugnam nequitie uidere arbitraretur. cū uero
 ætas summa esse iam coeperat, quod tempus omnes Sici-
 lia semper Pratores in itineribus consumere consueuerūt,
 propterea quoddā tū putant obeundam esse maxime pro-
 uinciam, cū in aruis frumenta sunt, quoddā et familie con-
 gregantur, & magnitudo seruitij perspicitur; & labor
 operis maxime offenditur, & frumenti copia cōmonet;
 tempus anni non impedit: tum inquā, cum concurrant
 ceteri Pratores, iste nouo quoddā ex genere imperator, pul-
 cherrimo Syracusarum loco statim sibi castra faciebat:
 nam in ipso aditu, atque ore portus, ubi primum ex alto
 sinus ad urbem ab litore inflectitur, tabernacula carba-
 seis intenta uelis collocabat. huc ex illa domo prætoria,
 quæ Regis Hieronis fuit, sic emigrabat, ut per eos dies
 nemo istum extra illum locum uidere posset. in eum au-
 tem ipsum locum aditus erat nemini, nisi qui aut socius,
 aut minister libidinis esse posset. huc omnes mulieres,
 quibuscum iste consueuerat, cōueniebant. quarum incre-
 dibile est quanta multitudo fuerit Syracusis. huc homi-
 nes digni istius amicitia, digni uita illa, cõuiuijsq; ue-

niebāt. inter eiusmodi viros, ac mulieres adulta aetate fa-
lius uersabatur: ut eum, etiam si natura à parentis simi-
litudine abriperet, consuetudo tamen, ac disciplina patri
similem esse cogeret. huc Tertia illa perducta per dolum,
atque insidias ab Rhodio tibicine, maximas in istius ca-
stris effecisse turbas dicitur, cum indigne pateretur uxor
Cleomenis Syrdensani, nobilis mulier, itemq; Aeschrionis
honesto loco nata, in conuentum suum mimi Isidori filiam
uenisse. iste autem Annibal, qui in suis castris uirtute pu-
taret oportere, non genere certari, sic hanc Tertiam dile-
xit, ut eam secum ex provincia exportaret. ac per eos dies
cum iste cum pallio purpureo, talariq; tunica uersaretur
in conuiuijs muliebribus, non offendebatur homines in eo,
neque moleste ferebāt, abesse à foro magistratum, non ius
dici, non iudicia fieri: lucum illum litoris percrepare to-
tum mulierum uocibus, cantuq; symphoniae, in foro silen-
tium esse summum causarum, atque iuris, non ferebāt ho-
mines moleste: non enim ius abesse uidebatur à foro, ne-
que iudicia, sed uis, & crudelitas, & bonorum acerba, at-
que indigna direptio. hunc tu igitur imperatorem esse
defendis Hortensius: huius furta, rapinas, cupiditatem, cru-
delitatem, superbiam, scelus, dudaciam, rerum gestarum
magnitudine, atque imperatorij laudibus tegere conaris?
hic scilicet est metuendum, ne ad exitum defensionis tuae ue-
tus illa Antoniana dicendi ratio, atque auctoritas profe-
ratur: ne excitetur Verres, ne denudetur à pectore, ne ci-
catrices populus R. aspiciat, ex mulierum morsu uestigia li-
bidinis, atque nequitiae. dum faciāt, ut rei militaris, ut belli
mentionē facere audeas: cognoscetur. n. omnia istius aera
illa uetera: ut, non solum in imperio, uerum etiam in stipendijs

qualis fuerit, intelligatis. renouabitur prima illa militia, cum iste è foro abduci, non, ut ipse prædicat, perduci solebat. aleatoris Placentini castra cõmemorabuntur: in quibus cum frequens fuisset, tamen ære dirutus est. multa eius in stipendijs damna proferentur: quæ ab isto ætatis fructu dissoluta, & cõpensata sunt. iam uero, cum in eiusmodi patientia turpitudinis, aliena, non sua satietate obdũruiisset, qui uir fuerit, quot præsidia, quàm munita pudoris, & pudicitia, uir, & audacia ceperit, quid me attinget dicere, aut coniungere cum istius flagitio cuiusquã præterea dedecus? non faciã iudices. omnia uetera præmittam: duo sola recentia sine cuiusquã infamia ponam, ex quibus coniecturam facere de omnibus possitis: unum illud, quod ita fuit illustre, notumq; omnibus, ut nemo tã rusticanus homo L. Lucullo, & M. Cotta Coss. Romã ex ullo municipio uadimonij causa uenerit, quin sciret iura omnia populi R. nutu, atque arbitrio Chelidonis meretricula gubernari: alterum, quodd, cũ paludatus exisset, uotãq; pro imperio suo, cõmunĩq; populi R. nuncupasset, noctu stupri causa lætica in Urbem introferri solitus est ad mulierem, nuptam uni, propositam omnibus, cõtra fas, cõtra auspicia, cõtra omnes diuinas, atque humanas religiones. d. dũ immortales, quid interest inter mentes hominum, & cogitationes. ita mihi meã uoluntatem, spemq; reliquæ uitæ uestra, populiq; R. existimatio cõprobet, ut ego, quos adhuc mihi magistratus populus R. mandauit, sic eos accepi, ut me omnium officiorũ obstringi religione arbitrarer. ita Quæstor sum factus, ut mihi honorem illum tum nõ solum datum, sed etiam creditum, ac cõmissum putarem. sic obtinui Quæsturam

in provincia Sicilia, ut omnium oculos in me unum coniectos arbitrarer, ut me, Quæsturamq; meam quasi in aliquo orbis terræ theatro uersari existimarêt, ut omnia semper, quæ iucunda uidentur esse, nō modo his extraordinarijs cupiditatibus, sed etiā ipsi naturæ, ac necessitati denegarem. nunc sum designatus Aedilis: habeo rationem, quid à populo R. acceperim: mihi ludos sanctissimos maxima cum cerimonia Cereris, Libero, Liberaq; faciendos, mihi Floram matrem populo, plebiq; R. ludorum celebritate placandam, mihi ludos antiquissimos, qui primi Romani sunt nominati, maxima cū dignitate, ac religione, Ioui, Iunoni, Mineruæq; esse faciendos, mihi sacrarum adium procurationem, mihi totam urbem tuendam esse commissam: ob earum rerum laborem, & sollicitudinem fructus illos datos, antiquiorem in senatu sententiæ dicendæ locum, togam prætextam, sellam curulem, ius, imagines ad memoriam, posteritatemq; prodendā. ex his ego rebus omnibus iudices, ita mihi deos omnes propitios esse uelim, ut, tamen si mihi iucundissimus est honos populi, tamen nequaquā tantum capio uoluptatis, quātum sollicitudinis, & laboris: ut hæc ipsa Aedilitas, nō quia necesse fuerit, alicui candidato data, sed, quia sic oportuerit, recte collocata, & iudicio populi digno in loco posita esse uideatur. tu cum esses Prætor renunciatus, quoquomodo, (mitto enim, & prætereo, quid tum sit actum) sed cum esses renunciatus, ut dixi, nō ipsa præconis uoce excitatus es, qui te totiens seniorum, iuniorumq; centurijs illo honore affici pronūciavit, ut hoc putares, aliquam Reip. partem tibi creditam? annū tibi illum unū domo carendum esse meretricis? cum tibi sorte obligisset, ut ius dices

res ; quantum negotij, quid oneris haberes, nunquam cogitasti ; neque illud rationis habuisti, si forte expergescere te posses, eā provinciam, quam tueri singulari sapientia, atque integritate difficile esset, ad summā stulticiam, nequitiamq; uenisse. itaque non modo domo tua Chelidonem in Prætura extrudere noluisti, sed in Chelidonis domum Præturam tuam totam detulisti. secuta provincia est : in qua tibi nunquā uenit in mentem, non tibi iccirco fasces, & securēs, et tātam imperij uim, tātamq; ornamentorū omnium dignitatem datam, ut earū rerum uī, & auctoritate omnia repagula iuris, pudoris, & officij perfringeres, ut omnium bona prædam tuā duceres, nullius res tuta, nullius domus clausa, nullius uita septa, nullius pudicitia munita contra tuā cupiditatem, & audaciam posset esse: in qua tu te ita gessimisti, ut, cum omnibus tenere rebus, ad bellum fugitiuorum confugas: ex quā iam intelligēs, nō modo tibi nullam defensionem, sed maximam uim criminū exortam. nisi forte Italici belli fugitiuorum reliquias, atque illud Thempsanū incōmodum proferes: ad quod recēs cū te peropportune fortuna obtulisset, si quid in te uirtutis, atque industriæ fuisset; idem, qui semper fueras, inuentus es. cū ad te Valentini uenissent, & pro bis homo disertus, et nobilis M. Marius loqueretur, ut negotium susciperes, ut, cum penes te prætorium imperiū, ac nomen esset, ad illam paruam manum extinguendam ducem te, principemq; præberes: non modo id refugisti, sed eo ipso tempore, cū esses in litore, Tertia illa tua, quā tecum deportabas, erat in omnium conspectu. ipsi autem Valentini ex tam illustri, nobiliq; municipio, tantis de rebus responsum nullum dedisti, cum esses cum tu-

nica pulla, & pallio. quid hunc proficiscentem, quid in ipsa prouincia fecisse existimatis, qui cū iam ex prouincia nō ad triumphum, sed ad iudicium decederet, ne illā quidē infamiā fugerit, quā sine ulla uoluptate capiebat? dī diuina senatus frequentis in ade Bellonæ admurmuratio. memoria tenetis iudices; cum aduestperasceret, et paulo ante esset de hoc Themp sano incōmodo nūciatum, cū inueniretur nemo, qui in illa loca cum imperio mitteretur, dixisse quendam, Verrem esse non longe à Thempsa, quā ualde uniuersi admurmurauint, quā palām principes contradixerint. & is tot criminibus, testimonijsq; cōuictus, in eorum tabellis sēm sibi aliquam ponit, quorum omniū palām, causa incognita, uoce damnatus est? esto: nihil ex fugitiuorum bello, aut susficionē belli laudis adeptus ēst, quōd neque bellū eiusmodi, neque belli periculum fuit in Sicilia, neque ab isto prouisum est, ne quod esset. at uero contra bellū pradonum classē habuit ornatam, diligentiamq; in eo singularem: itaque isto Præto re præclare defēsa prouincia est. sic de bello pradonū, sic de classe Siciliensi iudices dicam, ut hoc iam ante confirmem, in hoc uno genere omnes inesse culpas istius maximas auaritiæ, maiestatis, dementiæ, libidinis, crudelitatis. hæc dum breuiter expono, quaeso, ut fecistis adhuc, diligenter attendite. Rem naualem primum ita dico esse administratam, non uti prouincia defenderetur, sed ut classis nomine pecunia quaereretur. superiorum Prætorum consuetudo cum hæc fuisset, ut naues ciuitatibus, certusq; numerus nautarū, militumq; imperaretur, maximæ, & locupletissimæ ciuitati Mamertinæ nihil horū imperauisti. ob quā rē, quid tibi Mamertini clā dederint

pecuniæ, post uidebitur, ex ipsorū literis, & testibus quæremus. nauē uero Cybeam maximā, triremis instar, pulcherrimā, atque ornatissimā, palām edificatam sumptu publico, sciente Sicilia, per magistratum, senatumq; Martinum, tibi datā, donatamq; esse dico. hæc nauis onusta præda Siciliensi, cū ipsa quoque esset ex præda, simul cum iste decederet, appulsa Veliam est cum plurimis rebus, & ijs, quas ante Romam mittere cum cæteris furtis noluit, quod erant charissimæ, maximeq; cum delectabant. eam nauem nuper egomet uidi Velie, multiq; alij uiderunt, pulcherrimam, atque ornatissimā iudices. quæ quidem omnibus, qui eam aspexerant, prosectare iam exilium, atque explorare fugam domini uidebatur. quid mihi hoc loco respondebis? nisi forte id, quod tamen si probari nullo modo potest, tamen dici quidem in iudicio de pecunijs repetundis necesse est, de tua pecunia constare edificatam esse eam nauē. aude hoc saltem dicere, quod necesse est. noli metuere Hortensi, ne quæram, qui liceat edificare nauem senatori. antiquæ sunt istæ leges, & mortuæ, quemadmodum tu soles dicere, quæ uetant. fuit ista reprehensio quondam, fuit ista seueritas in iudicijs, ut istam rem accusator in magnis criminibus obijciendam putaret. quid enim tibi naue opus fuit? qui si quod publice proficisceris, & præsidij, & uecturæ causa sumptu publico nauigia præberentur. priuatim autem nec proficisci quoquam potes, nec accersere res transmarinas ex ijs locis, in quibus tibi habere, mercari nihil licet. deinde cur quidquam contra leges parasti? ualeret hoc crimen in illa ueteri seueritate, ac dignitate Reip. nūc non modo te hoc crimine non arguo, sed ne illa, quidem com-

muni

muni uituperatione reprehendo. postremo tu tibi hoc nūquam criminofum, nunquam inuidiofum fore putafli, celeberrimo loco palàm tibi ædificari onerariam nauem in ea provincia, quã tu cum imperio obtinebas? quid eos loqui, qui uidebant; quid exiftimare eos, qui audiebāt, arbitrabare? inanē te nauem efle in Italiam deducturū? nauiculariam te, cum Romam ueniffes, efle faéturum? ne illud quidem quifquam poterat fufpicari, te habere in Italia maritimum fundum, & ad fructus deportandos onerariam nauem cōparare. eiuſmodi de te uoluiffi ſermonem efle omnium, palàm ut loquerentur, te illam nauem parare, quæ prædam ex Sicilia deportaret, & quæ ad ea furta, quæ reliquiſſes, cōmearet? uerū hæc omnia, ſi doces nauem de tua pecunia ædificatam, remitto, atque concedo. ſed hoc homo amentiffime non intelligis priorẽ æctione ab iſtis ipſis tuis Mamertinis laudatoribus efle ſublaturum: nam dixit Heius princeps ciuitatis, princeps iſtius Legationis, quæ ad tuam laudationem miſſa eſt, nauem tibi operis publicis Mamertinorum efle ædificatam, eiq; faciendæ ſenatorem Mamertinum publice præfuiffe. reliqua eſt materies: hanc Rheginis, ut ipſi dicūt, (tametsi tu negare non potes) publice, quod Mamertini materie non habent, imperauiſti. ſi, et ex qua fit nauis, et qui faciūt, imperio tibi tuo, nō pretio præſto fuerunt: ubi tamdem iſtuc latet, quod tu de tua pecunia dicis impenſum? at Mamertini in tabulis nihil habent. primum uideo potuiſſe fieri, ut ex ærario nihil darent: (etenim uel Capitolium, ſicut apud maiores noſtros faétū eſt, publice gratiſ coæctis fabris, operiſq; imperatis exædificari, atque effici potuit) deinde id, quod perſpicio, & quod oſtendā, cum

istos produxero, ipsorum ex literis, multas pecunias isti;
 erogatas in operū locationes falsas, atque inanes, esse per
 scriptas: nam illud minime mirū est, Mamertinos, à quo
 summū beneficium acceperāt, quem sibi amiciorē, quā
 populo R. esse cognouerant, eius capiti literis suis peper-
 cisse. sed si argumento est, Mamertinos pecunias tibi non
 dedisse, quia scriptum nō habent: sit argumēto, tibi gra-
 tis cōstare nauem, quia, quid emeris, aut quid locaueris,
 scriptum proferre nō potes. at. n. iccirco nauem Mamer-
 tinis nō imperasti, quod sunt fœderati. dii approbent. ha-
 bemus hominem in Fœcialiū manibus educatum, unum
 præter ceteros in publicis religionibus fœderū sanctum,
 & diligentem. omnes, qui ante te Prætores fuerūt, dedā-
 tur Mamertinis, quod ipsi nauem contra pactionem fœde-
 ris imperarint. sed tamē tu sancte homo, ac religiose cur
 Taurominitanis item fœderatis nauē imperasti? an hoc
 probabis, in æqua causā populorum, sine pretio uarium
 ius, & disparem cōditionem fuisse? quid, si eiusmodi esse
 hæc duo fœdera duorum populorum iudices doceo, ut
 Taurominitanis nominatim cautum, & exceptū sit fœ-
 dere, ne nauem dare debeāt; Mamertinis in ipso fœdere
 sanctum, atque perscriptū sit, uti nauē dare necesse sit?
 istum autem contra fœdus & Taurominitanis imperas-
 se, & Mamertinis remisisse? num cui dubiū poterit esse,
 quin Verre Prætorē plus Mamertinis Cybea, quā Tau-
 rominitanis fœdus opitulatum sit? recitētur fœdera. isto
 igitur tuo, quemadmodū ipse prædicas, beneficio, ut res in
 dicat, pretio, atque mercede, minuisi maiestatem Reip.
 minuisi auxilia populi R. minuisi copias maiorum uir-
 tute, ac sapiētia cōparatas: sustulisti ius imperij, cōditio-

nem sociorum, memoriã fœderis. qui ex fœdere ipso na-
uem uel usque ad Oceanũ, si imperassemus, sumptu, pe-
riculoq; suo armatam, atque ornatam mittere debuerũt;
hi, ne in freto ante sua tecta, & domos nauigarent, ne
sua moenia, portusq; defenderet, pretio abs te ius fœde-
ris, & imperij conditionem emerunt. quid censetis in hoc
fœdere faciundo uoluisse Mamertinos impendere laboris,
operæ, pecuniæ, ne hæc biremis ascriberetur, si id ullo
modo possent à nostris maioribus impetrare? nam cum
hoc munus imperaretur tã graue ciuitati, inerat nescio
quo modo in illo fœdere societatis quasi quãdam nota
seruitutis. quod tũ recentibus suis officijs, integra re, nul-
lis populi R. difficultatibus à maioribus nostris fœdere
assequi nõ potuerunt, id nunc nullo nouo officio suo, tot
annis post, iure imperij nostri quotãnis usurpato, ac sem-
per retento, summa in difficultate nauium, à C. Verre pre-
tio assecuti sunt. at non hoc solum assecuti, ne nauem da-
rent: ecquem nautam, ecquem militem, qui aut in classe,
aut in præsidio esset, te Pratore per triennium Mamerti-
ni dederũt? denique cum ex S. C. itemq; ex lege Teren-
tia, et Cassia frumentiũ æquabiliter emi ab omnibus Sici-
liæ ciuitatibus oporteret, id quoque munus leue, atque cõ-
mune Mamertinis remisisti. dices frumētum Mamertinos
nõ debere. quo modo nõ debere? an, ut ne uiderent? nõ
enim erat hoc genus frumēti ex eo genere, quod exigere
tur; sed ex eo, quod emeretur. te igitur auctore, & inter-
prete, ne foro quidem, & cõmeatu Mamertini populum
R. iuuare debuerũt. quæ tandẽ ciuitas fuit, quæ deberet?
qui publicos agros arat, certũ est quid ex lege cēsoria dare
debeat. cur ijs quidq; præterea ex alio genere imperauisti?

ut isti successit, ex C. Sacerdotis, & Sex. Peducei instituto, ac literis frumentum Mamertinis imperavit. tum illi intellexerunt, se id, quod à malo auctore emissent, diutius obtinere nō posse. age porro, tu, qui te tā religiosum existimari uoluisti interpretem fœderum, cur Taurominitanis frumentum, cur Netinis imperasti? quarū civitatū utraque fœderata est. ac Netini quidem sibi nō defuerūt: nā simul ac pronūciasti, libenter te Mamertinis quidem remittere; te adierunt, & eādem suam causam fœderis esse docuerūt. tu aliter decernere in eadem causa non potuisti: pronūcias, Netinos frumentum dare nō oportere: et ab his tamen exigis. cedo mihi eiusdem Prætoris literas & rerū decretarum, & frumenti imperati, & rerū decretarū tritici empti. quid potius in hac rāta, ac tā turpi incōstantia suspicari possumus iudices, quā id, quod necesse est, aut isti à Netinis pecuniam, cū posceret, non datā, aut id esse actum, ut intelligerent Mamertini, bene se apud istū tam multa pretia, ac munera collocasse, cum idem alij iuris ex eadem causa nō obtinerent? hic mihi etiā audebit mentionem facere Mamertinæ laudationis. in qua quā multa sint uulnera, quis est uestrū iudices quin intelligat? primū, ut in iudicijs, qui decē laudatores dare non potest, honestius est ei nullū dare, quā illum quasi legitimū numerum consuetudinis non exple re. tot in Sicilia ciuitates sunt, quibus tu per triennium præfuisi: arguūt ceteræ: pauca, & parua metu repressæ silent: una laudat. hoc quid est, nisi intelligere, quid habeat utilitatis uera laudatio? sed tamē ita Verres provincie præfuisi, ut hac utilitate necessario tibi sit carendū. deinde, id quod alio loco ante dixi, quæ est ista tandem

perij, auxilium iuris, cōsuetudinis, fœderis . habetis unius ciuitatis firmū auxilium amissum, ac uenditum pretio . cognoscite nunc nouam prædandi rationem ab hoc primum excogitatam . Sumptum omnem in classem frumento, stipendio, ceterisq; rebus nauarcho suo quaque ciuitas semper dare solebat. is neque, ut accusaretur a nautis, cōmittere audebat, & ciuibus suis rationem referre debebat : in illo omni negotio non modo labore, sed etiā periculo suo uersabatur. erat hoc, ut dico, factitatū semper, nec solum in Sicilia, sed in omnibus provincijs, etiam in sociorū, & Latinorum stipendio, ac sumptu, tum cum illorum auxilijs uti solebamus. Verres post imperium cōstitutum primus imperauit, ut ea pecunia omnis à ciuitatibus sibi adnumeraretur, ut is eam pecuniam tractaret, quem ipse præfecisset . cui potest esse dubium, quam obrem & omnium consuetudinem ueterem primus immutaris, & tantā utilitatem per alios tractandæ pecuniæ neglexeris, & tantā difficultatem cum crimine, molestiam cū suspicione susceperis? deinde alij quæstus instituantur, ex uno genere nauali uidere quā multi : accipere à ciuitatibus pecunias, ne nautas darent : pretio certo missos facere nautas : missorū omne stipendium lucrari : reliquis, quod deberet, non dare. hæc omnia ex ciuitatū testimonijs cognoscite . Recita testimonia ciuitatū. hūccine hominē? hāccine impudentiā iudices? hāccine audaciam? ciuitatibus pro numero militū pecuniarū summas describere : certo pretio sexcentenos nūmos nautarum missioni constituere . quos qui dederat, commeatum totius æstatis abstulerat. iste, quod & nautæ nomine pro stipendio, frumentoq; acceperat, lucrabatur, ita

questus duplex unius missione fiebat . atque hæc homo
 amentissimus in tanto prædonū impetu, tantoq; periculo
 provinciæ sic palàm faciebat, ut & ipsi prædones scirent,
 & tota provincia testis esset. cū, propter istius hanc tan-
 tã auaritiã, nomine classis, essent in Sicilia re quidem
 uera naues inanes, quæ prædã Pratori, nõ quæ prædo-
 nibus metum afferrent: tamen, cū P. Cefecius, & P. Ta-
 dius decem nauibus his semiplenis nauigarēt, nauē quã
 dam piratarum præda refertã non ceperunt, sed abdu-
 xerunt onere suo planè captã, atque depressam . erat ea
 nauis plena iuuentutis formosissimæ, plena argenti fa-
 cili, atque signati, multa cum stragula ueste . hæc una
 nauis ex classe nostra non capta est, sed inuenta ad Me-
 garidem : qui locus est non longe à Syracusis. quod ubi
 isti nunciatū est; tametsi noctu cum mulierculis iacebat
 ebrius, erexit se tamen, & statim Quæstori, Legatoq; suo
 custodes misit cōplures, ut omnia sibi integra quãprimū
 exhiberentur . appellitur nauis Syracusas : expectatur
 ab omnibus : supplicium sumi de captiuis putatur . iste,
 quasi præda sibi aduecta, nõ prædonibus captis, si qui se-
 nes, aut deformes erāt, eos in hostium numero ducit : quĩ
 aliquid formæ, ætatis, artificijq; habebāt, abducit omnes :
 nõnullos scribis suis, filio, cohortiq; distribuit : symphonia-
 cos sex cuidã amico suo Romã muneri misit. nox illa to-
 ta exinanienda nauĩ consumitur . archipiratam ipsum
 uidet nemo : de quo suppliciū sumi oportuit : hodieq; o-
 mnes sic habent persuasum (quid eius sit, uos coniectura
 quoque assequi debetis) istū clam à piratis ob hunc ar-
 chipiratam pecuniam accepisse . coniectura est . iudex
 esse bonus nemo potest, qui suspitione certa nõ mouetur .

hominem nostis, consuetudinemq; omnium tenetis; qui ducem prædonū aut hostium ceperit, quā libenter cum palām ante oculos omniū esse patiatur. hominem in tāto conuentu Syracusis uidi neminem iudices, qui archipiratam captum uidisse se diceret, cum omnes, ut mos est, ut solet fieri, concurrerent, quærerent, uidere cuperent. quid accidit, cur tantopere iste homo occultaretur, ut eū ne casu quidem quisquam aspicere posset? homines martiri Syracusis, qui sæpe istius ducis nomē audissent, sæpe timuissent, cū eius cruciatu, atque supplicio pascere oculos, animumq; exaturare uellent; potestas asficiendi nemini facta est. unus plures prædonum duces uiuos cepit P. Seruilius, quā omnes antea. ecquādo igitur isto fructu quisquam caruit, ut uidere piratam captum non liceret? at cōtra, quacunque iter fecit, hoc iucundissimum spectaculū omnibus uictorū, captorumq; hostium præbebat: itaque ei cōcurfus undique fiebāt, ut nō modo ex ijs oppidis, quā ducebātur, sed etiā ex finitimis uisendi causa cōuenirent. ipse autem triūphus quāobrem omniū triumphorum gratissimus populo R. fuit, atque iucūditissimus? quia nihil est uictoria dulcius: nullū est autem testimoniū uictoriæ certius, quā, quos sæpe metueris, eos te uictos ad supplicium duci uidere. hoc tu quāobrem non fecisti? quāobrem ita iste pirata celatus est, quasi cum aspicere nefas esset? quāobrem supplicium nō sumpsisisti? quā ob causam hominem reseruasti? ecquem audisti in Sicilia ante captum archipiratam, qui non securi percussus sit? unum cedo auctorem tui facti: unius profer exemplum. uiuum tu archipiratam seruabas, quem per triumphū credo, quem ante currum tuū duceres: neque

enim quidquam erat iam reliquum, nisi ut classe populi R. pulcherrima amissa, prouinciaq; lacerata, triumphus naualis tibi decerneretur. age porro, custodiri ducē prædonum nouo more, quàm securi feriri omnium exemplo, magis placuit. quæ sunt istæ custodiæ? apud quos homines? quemadmodum est asseruatus? Lautumias Syracusanas omnes audistis, plerique nostis. opus est ingens, magnificum, Regum, ac tyrānorum: totum est ex saxo in mirādam altitudinem depresso, & multorū operis penitus exciso. nihil tam clausum ad exitus, nihil tā septum undique, nihil tam tutum ad custodias nec fieri, nec cogitari potest. in has Lautumias, si qui publice custodiendi sunt, etiam ex cæteris oppidis Siciliæ deduci imperantur. eod quodd multos captiuos ciues R. coniecerat, & quodd eodem cæteros piratas cōtrudi imperarat; intellexit, si hūc subdititium archipiratā in eādē custodiā dedisset, fore, ut à multis illis in Lautumijs uerus ille dux quæreretur. itaque hominem huic optimæ, tutissimæq; custodiæ nō audet cōmittere. denique Syracusas totas timet. amādat hominem: quo? Lilybæum fortasse? uideo: tamen homines maritimos non planè reformidat. minime iudices. Panormiam igitur? audio: quanquā Syracusus, quoniā in Syracusano captus erat, maxime si minus supplicio affici, at custodiri oportebat. ne Panormū quidem. quid igitur? quod putatis? ad homines à Piratarū metu, & suspicione alienissimos, à nauigando, rebusq; maritimis remotissimos, ad Centuripinos, homines maxime mediterraneos, summos aratores, qui nomen nunquam timuissent maritimi prædonis, unum te Prætorē horruissent Apronium terrestrem archipiratam. & ut quiuis facile per-

spiceret, id ab isto actum esse, ut ille suppositus facile & libenter se illum, qui nō erat, esse simularet; imperat Centuripinis, ut is uictu, ceterisq; rebus quamlibet liberalissime, comodissimeq; habeatur. interea Syracusani, homines periti, & humani, qui nō modo ea, quæ perspicua essent, uiderere, uerū etiam occulta suspicari possent; habebant rationem omnes quotidie piratarū, qui securi ferirentur; quā multos esse oporteret, ex ipso nauigio, quod erat factum sex remorum numero, coniiciebant. isle, quod omnes, qui artificij aliquid habuerant, aut formæ, remouerat, atque abduxerat; reliquos si, ut consuetudo est, uniuersos ad palum alligasset, clamorem populi fore suspicabatur, cum tanto plures abducti essent, quā relictī. propter hāc causam cū instituisset alios alio tempore producere, tamen in tāto cōuentu nemo erat, quin rationem, numerumq; haberet, & reliquos non desideraret solum, sed etiam posceret, & flagitaret. cū maximus numerus deesset, tū iste homo nefarius in eorū locū, quos domum suam de piratis abduxerat, substituere & supponere coepit ciues R. quos in carcerē antea coniecerat. quorū alios Sertorianos milites fuisse insimulabat, et ex Hispania fugientes ad Siciliā appulso esse dicebat: alios, qui à prædonibus erant capti, cum mercaturas facerent, aut aliam quam ob causam nauigarent, sua uolūate cum piratis fuisse arguebat. itaque alij ciues R. ne cognoscerentur, capitibus obuolutis è carcere ad palū, atque ad necem rapiuntur: alij, cū à multis ciuibus R. recognoscerentur, ab omnibus defenderentur, securi feriebantur. quorū ego de acerbissima morte, crudelissimoq; cruciatu dicā, cū eum locū tractare coepero; & ita dicā, ut, si me in ea queris

monia, quā sum habiturus de istius crudelitate, & de ciuiū R. indignissima morte, nō modo uires, uerū etiā uita deficiat, id mihi praeclarum, & iucundū putem. hēc igitur est gesta res, hēc uictoria praeclara : myoparone piratico capto, dux liberatus : symphoniaci Romam missi : formosi homines, & adolescentes, & artifices domū abducti : in eorum locum, & ad eorum numerū ciues R. hostilem in modū cruciati, & necati : omnis uestis ablata : omne aurum, & argentum & ablatum, & auersum . at quemadmodum ipse sese induit priore actione ? qui tot dies tacuisset, repente in M. Annij hominis splendidiſſimi testimonio, cū is ciues R. dixisset, & archipirata negasset securi esse percussū, exiuit, conscientia sceleris, & furore ex maleficijs cōcepto excitatus : dixit se, quodd sciret sibi crimini datū iri, pecuniā accepiſſe, neque de uero archipirata sumpſiſſe supplicium, ideo securi non percussisse : domi esse apud sese archipiratas dixit duos. d clementiam populi R. seu potius patientiam mirā, ac singularem. ciuē R. securi esse percussū Annii eques R. dicit : taces . archipiratā negat : fateris. fit in eo gemitus omnium, & clamor, cum tamen à praesenti supplicio tuo se cōtinuit populus R. & repressit, & salutis tuae rationem iudicū ſeueritati reſeruauit. qui ſciebas tibi crimini datum iri ? quā obrem ſciebas ? quā obrem etiam ſuſpicabare ? inimicum habebas neminem . ſi haberes, tamen non ita uixeras, ut metū iudicij propositum habere deberes. an te, id quod fieri ſolet, conscientia timidum, ſuſpicioſumq; faciebat ? qui igitur, cum eſſes in imperio, iam tum iudicium, & crimen horrebas : reus cum tot teſtibus coarguare, potes de damnatione dubitare ? uerum

si crimen hoc metuebas, ne quis abs te suppositum esse diceret, qui pro archipirata securi feriretur: utrum tandem tibi ad defensionem firmitus fore putasti, in iudicio coactus, atque efflagitatu meo producere ad ignotos tanto post eum, quem archipiratam esse diceres, an recenti re, Syracusis apud notos, in spectante Sicilia penè tota, securi ferire? uide, quid intersit, utrum faciendum fuerit. in illo reprehensio nulla esse potuit: hic defensio nulla est. itaque illud semper omnes fecerunt: hoc quis ante te, quis præter te fecerit, quero. piratam uiuū tenuisti. quem ad finem? dum cum imperio fuisti? quamobrem? quā ob causam? quo exemplo? cur tandiu? cur inquam ciuibus R. quos piratæ ceperant, securi statim percussis, ipsis piratis lucis usurā tam diurnā dedisti? uerū esto: sit tibi illud liberū omne tempus, quod cum imperio fuisti. etiam ne priuatus? etiā ne reus? etiā ne penè dñatus hostium duces priuata in domo retinuisti? unum, alterum menssem, propè annū denique domi tuæ piratæ, à quo tēpore capti sunt, quoad per me licitum est, fuerunt, hoc est quoad per M. Acilium Glabionem licitum est; qui, postulante me, produci, atque in carcerem condi imperauit. quod est huiusce rei ius? quæ consuetudo? quod exemplum? hostem acerrimū, atque infestissimum populi R. seu potius cōmunem hostem gentium, nationumq; omnium quisquam omnium mortalium priuatus intra mœnia domus suæ retinere poterit? quid, si pridie, quàm à me tu coactus es confiteri, ciuibus R. securi percussis prædonum ducem uiuere, apud te habitare; si inquam pridie domo tua profugisset; si aliquam manum contra populum R. facere potuisset: quid diceres? apud me habitauit: me-

cum fuit : ego illum ad iudiciū meum , quo facilius crimen inimicorum diluere possem , uiuū , atque incolumem reseruavi . ita ne uero ? tu tua pericula cōmuni periculo defendes ? tu supplicia , quæ debentur hostibus uictis , ad tuum , non ad populi R . tempus conferes ? populi R . hostis priuatis custodijs asseruabitur ? at etiam qui triumphant , eoq̃ diutius uiuos hostium duces seruant , ut his per triumphum ductis pulcherrimum spectaculum , fructumq̃ uictoriæ populus R . percipere possit ; tamen , cum de foro in Capitolium currum flectere incipiūt , illos ducti in carcerem iubent , idemq̃ dies & uictoribus imperij , & uictis uitæ finem facit . est nunc , credo , cuiquam dubium , quin tu id cōmissurus non fueris ; præsertim cum statuisses , ut ais , tibi causam esse dicendā ; ut ille archipirata non potius securi feriretur , quā , quod erat ante oculos positum , tuo periculo uiueret . si enim esset mortuus ; tu , qui crimen ais te metuisse , quero cui probares ? cum constaret istum Syracusis ab nullo uisum esse archipiratam , ab omnibus desideratū ; cum dubitaret nemo , quin abs te pecunia liberatus esset ; cum uulgo loquerentur , suppositū in eius locū , quem pro illo probare uelles ; cum tute fassus esses , te id crimen tanto ante metuisse : si eum diceres esse mortuū , quis te audiret ? nunc cū uiuū istum nescio quem produces , tamen ne id credi uoles ? quid , si aufugisset , si uincla rupisset , ita ut Nico ille nobilissimus pirata fugit , quem P . Seruilius , qua felicitate ceperat , eadem recuperauit ; quid diceres ? uerum hoc erat : si ille semel uerus archipirata securi percussus esset , pecuniam illam nō haberes : si hic falsus esset mortuus , aut profu-
gisset , non esset difficile alium in suppositi locum suppo-

nere. plura dixi, quàm uolui, de illo archipirata : & tamē ea, quæ certissima sunt huius criminis argumenta, prætermisi : uolo enim mihi totum esse crimen hoc integrum . est certus locus, certa lex, certū tribunal, quod hoc reseruetur . hac tanta præda auctus, mancipijs, argento, ueste locupletatus, nihilo diligentior ad classem ornandam, milites reuocandos, alendosq; esse cœpit, cum ea res nō solum provinciæ saluti, uerū etiam ipsi prædæ esse posset : nā æstate summa, quo tempore ceteri Prætores obire prouinciam, & cōcurrere consueuerunt, aut etiam in tanto prædonum metu, & periculo ipsi nauigare, eo tempore ad luxuriam, libidinesq; suas domo sua regia, quæ Regis Hieronis fuit, quæ Prætores uti solent, contentus nō fuit : tabernacula, quemadmodum consueuerat temporibus æstiuis, quod antea iam demonstrauī, carbasseis intenta uelis collocari iussit in litore : quod est litus in insula Syracusis post Arethusæ fontem, propter ipsum introitum atque ostium portus, amœno sanè, & ab arbitris remoto loco. hic dies æstiuos sexaginta Prætor populi R. custos, defensorq; prouinciæ sic uixit, ut muliebria quotidie conuiuia essent, uir accumberet nemo præter ipsum, & prætextatum filium . tametsi recte sine exceptione dixeram, uirum, cum isti essent, neminem fuisse. nōnunquam etiam libertus Timarchides adhibebatur : mulieres autem nuptæ nobiles, præter unā mimi Isidori filiā, quā iste propter amorem ab Rhodio tibicine abduxerat, Pippa quædam, uxor Aeschryonis Syracusani : de qua muliere plurimi uersus, qui in istius cupiditatē facti sunt, tota Sicilia percelebrantur. erat Nice, facie eximia, ut prædicatur, uxor Cleomenis Syracusani. hanc Cleomenes uir ama

bat, uerū tamen huius libidini aduersari nec poterat, nec audebat: & simul ab isto donis, beneficijsq; plurimis deuinciebatur. illo autem tempore iste, tametsi ea est hominis impudentia, quā nostis, ipse tamen, cum uir esset Syracusis, uxōrem eius parum poterat animo soluto, ac libero tot in aēla dies secum habere. itaque excogitat rem singularem. naues, quibus Legatus praefuerat, Cleomeni tradit: classi populi R. Cleomenem Syracusanū praesse iubet, atque imperat. hoc eo facit, ut ille nō solum abesset à domo, tum cū nauigaret; sed etiam libenter cum magno honore, beneficioq; abesset; ipse autem remoto, atque ablegato uiro, non liberius, quā ante, (quis enim unquam istius libidini obstitit?) sed paulo solutiore tamen animo secum illam haberet, si non tanquam uirum, at tāquam aemulū remouisset. accipit nauem sociorū, atque amicorum Cleomenes Syracusanus. quid primum aut accusem, aut querar iudices? Siculo ne homini Legati, Quæstoris, Prætoris denique potestatem, honorem, auctoritatem dari? si te impediēbat ista conuiuiorum, mulierumq; occupatio: ubi Quæstores? ubi Legati? ubi ternis denarijs aestimatū frumentū? ubi muli? ubi tabernacula? ubi tot, tantaq; ornāmēta magistratibus, et Legatis à senatu, populoq; R. permissa, & data? denique ubi præfecti, & Tribuni tui? si ciuis R. dignus isto negotio nemo fuit, quid ciuitates, quæ in amicitia, fideq; populi R. perpetuo māferāt? ubi Segestana? ubi Cēturipina ciuitas? quæ tum officijs, fide, uetustate, tum etiā cognatione populi R. nomē attingūt, dīj immortales. quid, si harū ipsarū ciuitatū militibus, nauibus, nauarchis Syracusanus Cleomenes iussus est imperare? non omnis honos ab isto

isto dignitatis, æquitatis, officiūq; sublatus est? ecquod in
 Sicilia bellum gessimus, quin Centuripinis socijs, Syracu-
 sanis hostibus uteremur? atque hæc omnia ad memoriā
 uetustatis, nō ad contumeliā ciuitatis referri uolo. itaque
 ille uir clarissimus, summusq; imperator M. Marcellus,
 cuius uirtute capta, misericordia conseruata sunt Syra-
 cuse, habitare in ea parte urbis, quæ insula est, Syracusa-
 num neminem uoluit: hodie inquam Syracusanū in ea
 parte habitare non licet: est, n. locus, quē uel pauci pos-
 sunt defendere. cōmittere igitur eum nō fidelissimis ho-
 minibus noluit: simul quodd ab illa parte urbis nauibus
 aditus ex alto est. quāobrem quī nostros exercitus sape ex-
 cluserant, ijs claustra loci cōmittenda non existimauit:
 uide, quid intersit inter tuā libidinē, maiorumq; auctori-
 tatem; inter amorē, furoremq; tuū, & illorum consiliū,
 atque prudentiam. illi aditum litoris Syracusanis ademe-
 runt: tu maritimum imperium cōcessisti. illi habitare in
 eo loco Syracusanum, quod naues accedere possent, nolue-
 runt: tu classi, et nauibus Syracusanū præesse uoluisti.
 quibus illi urbis suæ partem ademerunt, ijs tu nostri im-
 perij partem dedisti: & quorum sociorum opera Syracu-
 sani nobis dicto audientes sunt, eos Syracusanis dicto au-
 dientes esse iussisti. egreditur Centuripina quadiremi
 Cleomenes ē portu: sequitur Segestana nauis, Tyndarita-
 na, Herbitensis, Heracliensis, Apolloniensis, Halūtina, præ-
 clara classis in speciem, sed inops, & infirma propter di-
 missionem propugnatorum, atque remigū. tandiu in im-
 perio suo classē iste Prætor diligens uidit, quādiu conui-
 uium eius flagitiosissimum præteruecta est. ipse autem,
 qui uisus multis diebus non esset, tum se tamen in cōspe-

LIBER VII.

Etiam nautis paulisper dedit. stetit soleatus Prætor populi
 R. cū pallio purpureo, tunicaq; talari, muliercula nixus
 in litore iam hoc ipso istum uestitu Siculi, ciuesq; R. per-
 multi sepe uiderūt. posteaquam paulum prouecta classis
 est, et Pachynū quinto die denique appulsa est: nauta fa-
 me coacti, radices palmarum agrestium, quodrum erat in
 illis locis, sicut in magna parte Sicilia, multitudo, collige-
 bant, & his miseri, perditiq; alebantur. Cleomenes autē,
 qui alterum se Verrem cū luxuria, atque nequitia, tum
 etiam imperio putaret, similiter totos dies, in litore taber-
 naculo posito, perpotabat. ecce autem repente, ebrio Cleo-
 mene, esurientibus cæteris, nunciatur piratarum naues
 esse in portu Edissæ: nam ita is locus nominatur. nostra
 autem classis erat in portu Pachyni. Cleomenes autem,
 quodd erat terrestre præsidium non re, sed nomine, sperabat
 ijs militibus, quos ex eo loco deduxisset, explere se numerū
 nautarum, & remigū posse. reperta est eadem istius ho-
 minis auarissimi ratio in præsidij, quæ in classibus: nam
 erant perpauci reliqui, cæteri q; dimissi. princeps Cleome-
 nes in quadriremi Centuripina malum erigi, uela fieri,
 præcidi anchoras imperauit: & simul, ut se cæteri sequer-
 rentur, signum dari iussit. hæc Centuripina nauis erat
 incredibili celeritate uelis: nam scire isto Prætor nemo
 poterat, quid quæque nauis remis facere posset: etsi in hac
 quadriremi propter honorem, & gratiam Cleomenis mi-
 nime multi remiges, & milites deerant. euolarat iam &
 conspectu ferē fugiens quadriremis, cum etiam tunc cæ-
 teræ naues suo in loco moliebantur. erat animus in reli-
 quis: quæquæ erant pauci, quoquo modo sese res habebat,
 pugnare tamen se uelle clamabant, & quod reliquum

uita, uiriumq; fames fecerat, id ferro potissimum reddere uolebant. quod si Cleomenes non tanto ante fugisset, aliqua tamen ad resistendum ratio fuisset: erat enim sola illa naus constrata, & ita magna, ut propugnaculo ceteris posset esse: quæ, si in prædonum pugna uersaretur, urbis instar habere inter illos piraticos myoparones uideretur. sed tunc inopes relicti à duce, præfectoq; classis; eundem necessario cursum tenere coeperunt. Pelorum uersus, ut ipse Cleomenes, ita ceteri nauigabant. neque ita tamen tam prædonum fugiebant impetum, quam imperatorem sequebantur. tum ut quisque in fuga postremus, ita in periculo princeps erat: postremam enim quamque nauem pirata primam adoriebantur. ita prima Haluntinorum naus capitur: cui præerat Haluntinus homo nobilis Philarchus: quem ab illis prædonibus Locenses postea publice redemerunt; ex quo uos priore actione iurato rem omnem, causamq; cognostis. deinde Apolloniensis naus capitur, & eius præfectus Anthropinus occiditur. hæc dum aguntur, interea Cleomenes iam ad Pelori litus peruenerat, iam sese in terram à nauis eiecerat, quadrememq; in salo fluctuantem reliquerat. reliqui præfecti nauium, cum in terram imperator exisset, cum ipsi neque repugnare, neque mari effugere ullo modo possent, appulsis ad Pelorum nauibus Cleomenem persecuti sunt. tunc prædonum dux Heracleo, repente, præter spem, non sua uirtute, sed istius auaritia, nequitiaq; uictor, classem pulcherrimam populi R. in litus expulsam, & eiecram, cum primum aduerserasceret, inflammari, incendiq; iussit. ò tempus miserum, atque acerbum provincie Siciliæ: ò casum illum multis

innocentibus calamitosum, atque funestum: d istius nequitiam, ac turpitudinem singularem. una atque eadem nox erat, qua Prætor amoris turpissimi flamma, ac classis populi R. prædonum incendio conflagrabat. affertur nocte intempesta grauis huiusce mali nuncius Syracusas: curritur ad Prætorium, quod istum est conuiuio illo præclaro reduxerant paulo ante mulieres cum cantu, atque symphonia. Cleomenes, quanquam nox erat, tamen in publico esse non audet, includit se domi: neque aderat uxor, quæ cōsolari hominem in malis posset. huius autem præclari imperatoris ita erat seuera domi disciplina, ut in re tanta, in tam graui nuncio nemo admitteretur, nemo esset, qui auderet aut dormientem excitare, aut interpellare uigilantem. iam uero, re ab omnibus cognita, cōcursabat urbe tota maxima multitudo: non. n. sicut antea cōsuetudo erat, prædonum aduentum significabat ignis est specula sublatus, aut tumulto, sed flamma ex ipso incendio nauium & calamitatem acceptam, & periculum reliquū nunciabat. cum Prætor quaereretur, & cōstaret ei neminem nunciasse: fit ad domum eius cum clamore concursus, atque impetus. tū iste excitatus exit: audit rem omnem ex Timarchide: sagum sumit. lucebat iam ferè: procedit in mediū, uini, somni, stupri plenus: excipitur ab omnibus eiusmodi clamore, ut ei Lampfaceni periculi similitudo uersaretur ante oculos. hoc etiā maius hoc uidebatur, quod in odio simili multitudo hominū hæc erat maxima. tum istius acta cōmemorabantur, tum flagitiosa illa cōuiuia: tum appellabantur à multitudine mulieres nominatim: tū quærebatur ex ipso palam, tot dies continuos, per quos nunquam uisus esset, ubi fuisset? quid egisset? tū

imperator ab isto præpositus Cleomenes flagitabatur: neque quidquam propius est factum, quam ut illud Uticens exemplum de Adriano transferretur Syracusas, ut duo sepulcra duorum Prætorum improborum, duabusque in provinciis constituerentur. uerum habita est à multitudine ratio temporis; habita est tumultus, habita etiam dignitatis, exislimationisque communis, quod is est cõuentus Syracusis ciuium R. ut non modo illa provincia, uerum etiam hac Rep. dignissimus existimetur. confirmant ipsi se, cum is etiam tum semisomnis superet: arma capiunt: totum forum, atque Insulam, quæ est urbis magna pars, complent. unam illam solam noctem prædones ad Peloponnesum commorati, cum fumantes etiam nostras naues reliquissent, accedere incipiunt ad Syracusas. qui uidelicet sæpe audissent, nihil esse pulchrius, quam Syracusarum moenia, ac portus; statuerat sese, si ea Verre Prætoris non uidissent, nunquam esse uisuros. ac primo ad illa æstiuæ Prætoris accedunt, ipsam illam ad partem litoris, ubi iste per eos dies tabernaculis positis castra luxuriæ collocarat. quem posteaquam inanem locum offenderunt, & Prætores commouisse ex eo loco castra senserunt, statim sine ullo metu in portum ipsum penetrare cæperunt. cum in portum dico iudices, (explanandum est enim diligentius eorum causa, qui locum ignorant) in urbem dico, atque in urbis intimam partem uenisse piratas: non enim portum illud oppidum clauditur, sed urbe portus ipse cingitur, & concluditur; non ut alluantur à mari mania extrema, sed influat in urbis sinum portus. hic te Prætoris Heraclæo archipirata cum quatuor myoparonibus paruis ad arbitrium suum nauigauit. præ dii immortales; pirati=

cus myoparō, cum imperium populi R. nomen, ac fasces
 essent Syracusis, usque ad forum & ad omnes urbis cre-
 pidines accessit: quod neque Carthaginiensium gloriosissi-
 mæ classes, cum mari plurimum poterant, multis bellis sæ-
 pe conatæ, unquā aspirare potuerunt; neque populi R.
 inuicta ante te Pratorē gloria illa naualis, unquā tot Pu-
 nicis, Siciliensibusq; bellis penetrare potuit: qui locus eius-
 modi est, ut ante Syracusani in manibus suis, in urbe, in
 foro hostem armatum, ac uictorem, quā in portu ullā
 hostium nauem uiderent. hic te Pratore prædonum na-
 uiculæ peruagatæ sunt, quod Atheniensium classis sola post
 hominum memoriam C C C nauibus ui, ac multitudine
 inuasit: quæ in eo ipso portu, loci ipsius, portusq; natura
 uicta, atque superata est. hic primum opes illius ciuitatis
 uictæ, cōminutæ, depressæq; sunt: in hoc portu Athenien-
 sium nobilitatis, imperij, gloriæ naufragium factū existi-
 matur. ed ne pirata penetrauit, quod simul atque adis-
 set, non modo à latere, sed etiam à tergo magnam par-
 tem urbis relinqueret? Insulam totam prateruectus est:
 quæ est urbis magna pars Syracusis suo nomine, ac moe-
 nibus. quo in loco maiores, ut ante dixi, Syracusanum
 quenquā habitare uetuerunt, quod, qui illā partem urbis
 tenerent, in eorum potestatem portum futurum intelli-
 gebant. at quemadmodum est peruagatus? radices pal-
 marum agrestium, quas in nostris nauibus inuenerat,
 iaciebat, ut omnes istius improbitatem, & calamitatem
 Siciliae possent cognoscere. Siculos ne milites, aratorū ne
 liberos, quorum patres tantum labore suo frumenti ex-
 arabant, ut populo R. totiūq; Italiae suppeditare possent,
 eos ne in insula Ceteris natos, ubi primum fruges inuē-

ta esse dicuntur, eo cibo esse usos, à quo maiores eorum
ceteros quoque frugibus inuentis remouerūt? te Pratore
Siculi milites palmarum stirpibus, prædones Siculo fru-
mento alebantur. ò spectaculum miserū, atque acerbū:
ludibrio esse urbis gloriam, populi R. nomen; hominum
conuentu, atque multitudine, piratico myoparone, in por-
tu Syracusano de classe populi R. triumphum agere pi-
ratam, cum Prætoris nequissimi, inertissimiq; oculos præ-
donum remi respergerent: posteaquam è portu piratæ
non metu aliquo affecti, sed satietate exierant, tū cœpe-
runt quærere homines causam illius tantæ calamitatis:
dicere omnes, & palàm disputare, minime esse miran-
dum, si militibus, remigibusq; dimissis, reliquis egestate,
& fame perditis, Pratore tot dies cum mulierculis per-
potante, tanta ignominia, & calamitas esset accepta. hæc
autem istius uituperatio, atque infamia confirmabatur
eorum sermone, qui à suis ciuitatibus illis nauibus præ-
positi fuerāt: qui ex illo numero reliqui Syracusas clas-
se amissa refugerant. dicebāt, quos ex sua quisque nauī
missos sciret esse. res erat clara: neque solū argumentis,
sed etiam certis testibus istius audacia tenebatur. homo
certior fit, agi n̄ hil in foro, & conuentu toto die, nisi
hoc quæri à nauarchis, quemadmodum classis esset
amissa: illos respondere, & docere unumquemque, mis-
sione remigum, fame reliquorum, Cleomenis timore, &
fuga. quod posteaquam iste cognouit, hanc rationem
habere cœpit. causam sibi dicendam esse statuerat iam
ante, quam hoc usu uenerit, ita ut ipsum priore actio-
ne dicere audistis. uidebat, illis nauarchis testibus,
tantum hoc crimen sustinere se nullo modo posse:

consilium capit primo stultum, ueruntamen clemens : Cleomenem, & nauarchos ad se uocari iubet: ueniunt. accusat eos, quod huiusmodi de se sermones habuerint: rogat, ut id facere desistat, & in sua quisque nauis dicat se tantum habuisse nautarum, quantum oportuerit, neque quenquam esse dimissum. illi enim uero se ostendunt, quod uellet, esse facturos. iste non procrastinat: aduocat amicos statim: quarit ex his sigillatim, quot quisque nautas habuerit: respondit unusquisque, ut erat preceptum. iste in tabellas refert: obsignat signis amicorum providens homo, ut contra hoc crimen, si quando opus esset, hac uidelicet testificatione uteretur. derisum credo esse hominem amentem a suis consiliariis, & admonitum, hasce ei tabulas nihil profuturas, etiam plus ex nimia Prætoris diligentia suspicionis in eo crimine futurum. etiam iste erat hac stultitia multis in rebus usus, ut publice quoque, quæ uellet, in ciuitatum literis & tolli, & referri iuberet. quæ omnia nunc intelligit sibi nihil prodesse, posteaquam certis literis, testibus, auctoritatibusque cōvincitur: ubi hoc uidet, illorum confessionem, testificationem suam, tabellas sibi nullo adiumento futuras; inquit consilium; non improbi Prætoris, (nam id quidem esset ferendum) sed importuni, atque amentis tyranni: statuit, si hoc crimen extenuare uellet, (nam omnino tolli posse non arbitrabatur) nauarchos omnes testes sui sceleris uita esse priuandos. occurrebat illa ratio: quid Cleomeni fiet? potero ne animaduertere in eos, quos dicto audientes esse iussi? missum facere eum, cui imperium, potestatemque permisi? potero ne eos afficere supplicio, qui Cleomenem secuti sunt? ignorare Cleomenem, qui secum fugere, & se consequi iussit? potero ne in eos

esse uehemens, qui naues inanes non modo habuerūt, sed etiam apertas? in eum dissolutus, qui solus habuerit constratam nauem, & minus exinanitam? pereat Cleomenes unā. ubi fides? ubi execrationes? ubi dextra, cōplexusq;? ubi illud contuberniū muliebris militiæ in illo delicatissimo litore? fieri nullo modo poterat, quin Cleomeni parceretur. Cleomenem uocat. dicit ei, se statuisse animaduertere in omnes nauarchos, ita sui periculi rationes ferre, ac postulare. tibi uni parcā; & totius istius culpæ crimen, uituperationemq; incōstantia potius suscipiā, quā aut in te sim crudelis, aut tot, tam graues testes uiuos, incolumesq; esse patiar. agit gratias Cleomenes: approbat consiliū: dicit, ita fieri oportere. admonet tamen illud, quod istum fugerat, in Phalargū Centuripinū nauarchum non posse animaduerti, propterea quod secū fuisset unā in Centuripina quadriremit. quid ergo? iste, homo ex eiusmodi ciuitate, adolescens nobilissimus, testis relinquetur? in præsentia, inquit Cleomenes: quoniam ita necesse est: sed post aliquid uidebimus, ne iste nobis obstare possit. hæc posteaquā acta, & constituta sunt, procedit iste repente è prætorio inflāmus scelere, furore, crudelitate, in forum uenit, nauarchos uocari iubet. qui nihil metuerent, nihil suspicarentur, statim accurrunt. iste hominibus miseris, innocentibusq; iniici cathanas imperat. implorare illi fidem populi R. & quare id faceret, rogare. tunc iste hoc causæ dicit, quod classē prædonibus prodidissent. fit clamor, et admiratio populi, tātā esse in homine impudentiam, atque audaciam, ut aut alijs causam calamitatis attribueret, quæ omnis propter auariciam ipsius accidisset, aut, cum ipse prædonum

socius putaretur, alijs prodicionis crimen inferret: deinde, hoc quintodecimo die crimen esse natum, postquam classis esset amissa. cum hæc fierent; quærebatur, ubi esset Cleomenes: nõ quo illum ipsum, cuiusmodi esset, quisquã supplicio propter illud incõmodum dignũ putaret: nam quid Cleomenes facere potuit, (non enim possum quenquam insimulare falsò) quid inquam magnopere potuit Cleomenes facere, istius auaritia nauibus exinanitis? atque eũ uident sedere ad latus Prætoris, & ad aurem familiariter, ut solitus erat, insusurrare. tum uero omnibus indignissimũ uisum est, homines honestissimos, electos ex suis ciuitatibus, in ferrum, atque in uincla coniectos, Cleomenem propter flagitiorũ, ac turpitudinis societatem familiarissimũ esse Prætoris. apponitur his tamen accusator Næuius Turpio quidã, qui C. Sacerdote Prætoris in iuriarũ dånatus est, homo bene appositus ad istius audaciam: quem iste in decumis, in rebus capitalibus, in omni calumnia præcursores habere solebat, & emissariũ. ueniunt Syracusas parentes, propinquiq; miserorum adolescentium, hoc repentino calamitatis suæ cõmoti nuncio: uinctos aspiciunt cathenis liberos suos, cum istius auaritiæ pœnam collo, & cervicibus suis sustinerent: adsunt, defendunt, proclamant, fidem tuam, quæ nusquã erat, nec unquam fuit, implorant. pater aderat Dexio Tyndaritanus, homo nobilissimus, hospes tuus, cuius tu domi fueras, quem hospitem appellaras. eũ cum illa auctoritate, & miseria uideres præditum, nõ te eius lacrymæ, non senectus, nõ hospitij ius, atque nomen à scelere aliquã ad partem humanitatis reuocare potuit. sed quid ego hospitij iura in hæc tam immani bellua cõmemoro? qui Sthe-

nium Thermitanum, hospitem suum, cuius domum per hospitium exhausit, & exinanivit, absentem in reos retulerit, causa indicta capite damnarit; ab eo nunc hospitiorum iura, atque officia quaeramus? cum homine enim crudeli nobis res est, an cū fera, atque immani bellua? te patris lacryma de innocentis filij periculo non mouebāt? cum patrem domi reliquisses, filium tecum haberes; te neque praesens filius de liberorum charitate, neque absens pater de indulgentia patria comonebat? cathenas habebat hospes tuus Aristeus, Dexionis filius. quid ita? prodiderat classem. quod ob premium? deseruerat exercitum. quid Cleomenes? ignauus fuerat: at eum tu ob uirtutem corona aurea donaras. dimiserat nautas: at ab omnibus tu mercedē missionis acceperas. Alter parens ex altera parte erat Herbitensis Ebulida, homo domi suae clarus, et nobilis: qui quia Cleomenem in defendendo filio laeserat, nudus penē est destitutus. quid erat autem, quod quisquam diceret, aut defenderet? Cleomenem nominare nō licet. at causa cogit. moriere, si appellaris. nūquam enim iste est cuiquam mediocriter minatus. at remiges nō erāt. Praetorem tu accusas? frange cervicem. si neque Praetorem, neque Praetoris aemulū appellare licebit, cum in his duobus tota causa sit; quid futurū est? Dicit etiam causam Heraclius Segestanus, homo domi suae summo loco natus. audite, ut uestra humanitas postulat, iudices: audietis enim de magnis incommodis, iniurijsq; sociorum. hūc scitote fuisse Heracliu in ea causa, qui propter grauem morbum oculorum tum non nauigauit, et iussu eius, qui potestatem habuit, in comœatu Syracusis remanserit. iste certe neque prodidit classem, neque metu

perterritus fugit, neque exercitum deseruit: etenim tunc
 esset hoc animaduersum, cum classis Syracusis proficisce
 batur. is tamen in eadem causa fuit, quasi esset in aliquo
 manifesto scelere deprehensus, in quem ne falsò quidem
 causa conferri criminis potuit. fuit in illis nauarchis He
 racleusis quidam Furius, (nam habent illi nonnulla hu
 iuscemodi latina nomina) homo, quãdiu uixit, domi suæ,
 non solum post mortem tota Sicilia clarus, & nobilis. in
 quo homine tantum animi fuit, non solum ut istum li
 bere lederet, (nam id quidem, quoniam moriendum ui
 debat, sine periculo se facere intelligebat) uerum, morte
 proposita, cum lacrymans in carcere noctes, diesq;
 assideret, defensionem causæ suæ scripsit: quam nũc, ne
 mo est in Sicilia, quin habeat, quin legat, quin tui scele
 ris, & crudelitatis ex illa oratione cõmonefiat. in qua do
 cet, quot à ciuitate sua nauas acceperit, quot, & quanti
 quenque dimiserit, quot secũ habuerit: item de ceteris na
 uibus dicit. quæ cum apud te diceret, uirgis oculi uerbe
 rabatur. ille, morte proposita, facile dolorem corporis pa
 tiebatur, clamabat, id quod scriptũ reliquit, facinus esse
 indignum, plus impudicissimæ mulieris apud te de Cleo
 menis salute, quàm de sua uita lacrymas matris ualere.
 deinde etiã illud uideo esse dictum, quod, si recte uos po
 pulus R. cognouit, non falsò ille iam in ipsa morte de uo
 bis prædicauit: non posse Verrem testes interficiendo cri
 mina sua extinguere: grauiorem apud sapientes iudices
 se fore ab inferis testem, quàm si uiuus in iudicium pro
 duceretur: tum, auaritiæ solum, si uiueret; nunc, cum
 ita esset necatus, sceleris, audaciæ, crudelitatis testem fo
 re: iam illa præclara, non testium modo cateruas, cum

tua res ageretur, sed tum à dijs Manibus innocentium poenas, sceleratorumq; furias in tuum iudicium esse uenturas: sese ideo leuiorem casum suum fingere, quod iam ante aciem securium tuarum, Sestijq; tui carnificis uultum, & manum uidisset, cum in cōuentu ciuium R. iussu tuo securi ciues R. ferirentur. ne multa iudices, libertatē quā uos socijs dedistis, hac ille in acerbissimo supplicio miserrimae seruitutis abusus est. cōdemnat omnes de consilij sententia: tamen neque iste in tanta re, tot hominum, totq; ciuium causa P. Veclium ad se accersit Quaestorem suum, cuius consilio uteretur, neque P. Cernium, talem uirum, Legatum, qui, quia Legatus isto Pratore in Sicilia fuit, prius ab isto iudex reiectus est; sed de latronum, hoc est de comitum suorum sententia cōdemnat omnes. hic cuncti Siculi, fidelissimi, atque antiquissimi socij, plurimis affecti beneficijs à maioribus nostris, grauiter comouentur, & de suis periculis, fortunisque omnibus pertimescunt. illam clementiam, mansuetudinemq; nostri imperij in tantam crudelitatem, inhumanitatemq; esse conuersam? cōdemnari tot homines uno tempore nullo crimine? defensionem suorum furtorum Praetorem improbum ex indignissima morte innocentium querere? nihil addi iam uidetur iudices ad hanc improbitatem, amentiam, crudelitatemq; posse: & recte nihil uidetur: nam, si cum aliorum improbitate certet, longe omnes, multumq; superabit: sed secum ipse certat: id agit, ut semper superius suum facinus nouo scelere uincat. Phalargum Centuripinum dixeram exceptum esse à Cleomene, quod in eius quadriga Cleomenes uelut esset: tamen, quia per timuerat adolescens, quod eandem suam causam uidebat

esse, quam illorum, qui innocentes peribant, ad hominem accedit Timarchides : à securi negat esse ei periculum : uirgis ne caderetur , monet ut caueat. ne multa . ipsum dicere adolescentem audistis, se ob hunc uirgarum metum pecuniam Timarchidi numerasse. lenia sunt hæc in hoc reo crimina . metum uirgarum nauarchus nobilissimæ ciuitatis pretio redemit : humanū. aliis, ne condēneretur , pecuniam dedit : usitatum est . nō uult populus R. obsoletis criminibus accusari Verrem : noua postulat : inaudita desiderat : non de Pratore Siciliae, sed de crudelissimo tyranno fieri iudicium arbitratur . includuntur in carcerem condemnati . suppliciū constituitur in illos, sumitur de miseris parentibus nauarchorum : prohibentur adire ad filios suos, prohibentur liberis suis cibum, uesitumq; ferre . patres hi, quos uidetis, iacebant in limine, matresq; miserae pernoctabant ad ostiū carceris, ab extremo complexu liberū exclusæ : quæ nihil aliud orabant, nisi ut filiorum extremum spiritum excipere sibi liceret . aderat ianitor carceris , carnifex Pratoris , mors , terrorq; sociorum , & ciuium, licitor Sestius : cui ex omni gemitu, doloreq; certa merces cōparabatur . ut adeas, tantum dabis : ut cibum tibi introferre liceat, tantū . nemo recusabat . quid, ut uno ictu securis afferam mortem filio tuo ; quid dabis ? ne diu crucietur ? ne sæpius feriat ? ne cum sensu doloris aliquo , aut cruciatu spiritus auferatur ? etiam ob hanc causam pecuniam licitori dabatur. ð magnū, atque intolerandū dolorem : ð grauem, acerbamq; fortunam. non uitam liberū, sed mortis celebritatem pretio redimere cogeantur parentes . atque ipsi etiam adolescentes cū Sestio de eadem plaga ; & de uno

illo iſtu loquebantur : idq; poſtremum parentes ſuos li-
beri orabant , ut leuandi cruciatus ſui gratia liſtori pe-
cunia daretur . multi , & graues dolores inuenti pa-
rentibus , & propinquis , multi , ueruntamen mors ſit
extrema : non erit . eſt ne aliquid ultra , quò progres-
ſi crudelitas poſſit ? reperietur : nam illorum liberi cum
erunt ſecuri percuſſi , ac necati , corpora feris obijci-
entur . hoc ſi luētuoſum eſt parenti , redimat pretio ſe-
peliendi poteſtatem . Onaſum Segeſtanum , hominem
nobilem , dicere audiſtis , ſe ob ſepulturam Heraclij na-
uarchi pecuniam Timarchidi dinueraſſe : hoc ne poſ-
ſis dicere ; patres enim ueniunt amiſſis filiis irati . uir
primarius , homo nobiliſſimus , dicit , neque de filio di-
cit , iam hoc , quis tum fuit Syracuſis , qui non audie-
rit , quin ſciat , has per Timarchidem paſſiones ſepul-
turae cum uiuis etiam illis eſſe faētas ? non palàm cum
Timarchide loquebantur ? non omnes omnium pro-
pinqui adhibebantur ? non palàm uiuorum funera lo-
cabantur ? quibus rebus omnibus aētis , atque deciſis , pro-
ducuntur è carcere , & deligantur ad palum . quis tam
fuit illo tempore durus , & ferreus , quis tam inhumanus ,
præter unum te , qui non illorum ætate , nobilitate , miſe-
ria cōmoueretur ? ecquis fuit , quin lacrymaretur ? quin
ita calamitatem putaret illorū , ut fortunam tamen non
alienam , periculum autem commune agi arbitraretur ?
feriuntur ſecuri . lætaris tu in omnium gemitu , & trium-
phas : teſtes auaritiæ tuæ gaudes eſſe ſublatoſ . errabas
Verres , & uehementer errabas , cum te maculas furto-
rum , & flagitiorum tuorū , ſociorū innocentium ſanguini
ne eluere arbitrabare : præceps amentia ferebare , qui te

existimares auaritia uulnera crudelitatis remedijs posse sanare: etenim quāquā illi sunt mortui sceleris tui testes, tamen eorū propinqui neque tibi, neque illis desunt, tamē ex illo ipso numero nauarchorū aliqui uiuunt, & ad- sunt: quos, ut mihi uidetur, ab illorum innocentium poena fortuna ad hāc causam seruauit. adest Philarchus Haluntinus: qui quia cum Cleomene nō fugit, oppressus a prædonibus, et captus est: cui calamitas saluti fuit: qui nisi captus a piratis esset, in hūc prædonem sociorum incidisset. dicet is pro testimonio de missionē nautarū, de fame, de Cleomenis fuga. adest Centuripinus Phalargus, in amplissima ciuitate amplissimo loco natus. eadem dicit: nulla in re discrepat. per deos immortales, iudices quo tādē animo feretis? aut hāc quemadmodum auditis? utrū ego desipio, et plus, quā sātis opus est, doleo in tāta calamitate, miseriaq; sociorū, an uos quoque hic acerbissimus innocentium cruciatus, & mœror pari sensu doloris afficit? ego enim cū Herbitensem, cū Heracliensem securi esse percussū dico, uersatur mihi ante oculos indignitas calamitatis. eorū ne populorū ciues, eorū ne agrorū colonos, ex quibus maxima uis frumenti quotannis plebi Romanæ illorum operis, ac laboribus quæritur, qui a parentibus spe nostri imperij, nostraq; æquitatis suscepti, educatiq; sunt, ad C. Verris nefariā immanitatem, et ad eius securē funestā esse seruatos? cū mihi Tyndaritani illius uenit in mētem, cum Segestani, tum iura simul ciuitatū, atque officia considero. quas urbes P. Africanus etiam ornandas esse spolijs hostium arbitratus est, eas C. Verres non solum illis ornamentis, sed etiam uiris nobilissimis nefario scelere priuauit: en quod Tyndaritani libenter prædicent:

prædicent . nos in septēdecim populis Sicilia nō eramus :
nos semper in omnibus Punicis, Siciliensibusq; bellis ami-
citiam fidemq; populi R. secuti sumus : à nobis omnia po-
pulo R. semper & belli adiumenta, & pacis ornamenta
administrata sunt . Multū uero hæc his iura profuerunt
in istius imperio ac potestate . Vestros quondam nauas
contra Carthaginem Scipio duxit . at nunc naues cōtra
prædones penè inanes Cleomenes ducit . Vobiscum Afri-
canus hostium spolia, & præmia laudis cōmunicauit . at
nunc per me spoliati, naue à prædonibus abducta, ipsi in
hostium numero, locoq; ducemini . Quid uero illa Segesta-
norum nō solū literis tradita, neque cōmemorata uerbis ,
sed multis officijs illorum usurpata & cōprobata cognati-
tio, quos tandem fructus huiusce necessitudinis in istius
imperio tulit? nempe hoc fuit iure iudices, ut ex sinu pa-
tris nobilissimus adolescens , & è cōplexu matris ereptus
innocens filius, istius carnifici Sestio dederetur . cui ciuita-
ti maiores nostri maximos agros atque optimos concesserunt, quā immunem esse uoluerūt; hæc tanta apud te co-
gnationis, fidelitatis, uetustatis auctoritate, ne hoc quidē
iuris obtinuit , ut unius honestissimi atque innocentissi-
mi ciuis mortem & sanguinem deprecaretur . Quid cōfu-
giēt socij? quem implorabunt? qua spe denique, ut uiue-
re uelint, tenebuntur, si uos eos deseritis? ad senatum de-
uenient, qui de Verre suppliciumumat: non est usitatū,
non senatoriū . ad populum R. cōfugient? facilis est cau-
sa populi : legem enim se sociorū causa iussisse, & ei legi
custodes ac uindices præposuisse dicet . hic locus est igitur
unus, quod perfugiant; hic portus, hæc arx, hæc ara socio-
rum : quod quidem nunc nō ita confugiunt, ut antea in

suis repetendis rebus solebant. nō argentum, nō aurum
 non uestem, non mancipia repetunt, nō ornamenta, quæ
 ex urbibus fanisq; erepta sunt: metuūt homines imperi
 ti, ne iam hæc populus R. concedat, & iam fieri uelit. pa
 timur. n. iam multos annos, & silemus, cū uideamus ad
 paucos omnes omnium nationum pecunias peruenisse.
 quod eo magis ferre a quo animo, atque concedere uide
 mur, quia nemo istorum dissimulat, nemo laborat, ut ob
 scura sua cupiditas esse uideatur. in urbe nostra pulcher
 rima atque ornatissima quod signum, quæ tabula picta
 est, quæ nō ab hostibus uictis capta, atque apportata sit?
 at istorum uille sociorum fidelissimorum & plurimis, &
 pulcherrimis spolijs ornata refertaq; sunt. ubi pecunias
 exterarum nationum esse arbitramini, quibus nunc o
 mnes egent, cum Athenas, Pergamum, Cyzicum, Miletū,
 Chion, Samon, totā denique Asiam, Achaïam, Græciam,
 Siciiliā iam in paucis uillis inclusas esse uidetis? sed hæc,
 ut dico, omnia iam socij uestri relinquunt, & negligunt
 iudices. ne publice à populo R. spoliarentur, officijs ac fi
 de prouiderunt: paucorum cupiditati, tum cum obsistere
 non poterant, tamen sufficere aliquo modo poterant: nūc
 uero iam adempta est non modo resistendi, uerum etiā
 suppeditandi facultas: itaque res suas negligūt: pecunias,
 quo nomine iudiciū hoc appellatur, non repetunt, relin
 quunt, & negligunt: hoc iam ornatu ad uos cōfugiunt.
 aspiciate, aspiciate iudices squalorem, sordesq; sociorum. est
 Sthenius hic Thermitanus cum hoc capillo, atque ueste:
 domo sua tota expilata, mentionem tuorū furtorum non
 facit: sese ipsum abs te repetit, nihil amplius: torum enim
 tua libidine & scelere ex sua patria, in qua multis uir=

tutibus & beneficijs princeps fuit, sustulisti. Dextio hic, quem uidetis, non quæ publice Tyndari, non quæ priuatim sibi eripuisti, sed unicum miser abs te filium optimum atque innocentissimum flagitat. non ex litibus æstimatis tuis pecuniam domum, sed ex tua calamitate cineri atque ossibus filij sui solatium uult aliquod reportare. Hic iam grandis natu Ebulida hoc tantum ex æta etate laboris itinerisq; suscepit, non ut aliquid ex sui bonis recuperaret, sed ut quibus oculis cruentas ceruices filij sui uiderat, iisdem te condemnatum uideret. Si per L. Metellum licitum esset iudices, matres illorum, uxores, sororesq; ueniebant. quarum una, cum ego ad Heracliam noctu accederem, cū omnibus matronis eius ciuitatis, & cum multis facibus mihi obuiam uenit; & ita, me suam salutem appellans, te suum carnificem nominans, filij nomen implorans, mihi ad pedes misera iacuit, quasi ego excitare filium eius ab inferis possem. faciebant hoc idem in cæteris ciuitatibus grandes natu matres, & item paruuli liberi miserorum: quorum utrorūque etas laborem & industriam meam, fidem & misericordiam uestram requirebat. itaque ad me iudices præter cæteras hanc querimoniam Sicilia detulit lacrymis. ego ad hoc non gloria inductus accessi, sed ne falsa damnatio, ne carcer, ne cathenæ, ne uerbera, ne secures, ne cruciatus sociorum, ne sanguis innocentium, ne denique etiam exanguium corpora mortuorum, ne moeror parentum, ac propinquorum magistratibus nostris quæstui posset esse. hunc ego si metum Siciliae damnatione istius per uestram fidem & seueritatem deiecero iudices, satis officio meo, satis il-

lorum uoluntati, qui à me hoc petiuerunt, factum esse
 arbitrabor. Quapropter si quē forte inueneris, qui hoc
 nauale crimen conetur defendere, is ita defendat, illa cō-
 munia, quæ ad causam nihil pertinent, prætermittat :
 me culpam fortunæ assignare, calamitatem crimini da-
 re, me amissionem classis obijcere, cum multi uiri fortes
 in cōmuni incertoq; periculo belli & terra, & mari sæ-
 pe offenderint. nullam tibi obijcio fortunam : nihil est,
 quod cæterorum res minus commode gestas proferas : ni-
 hil est, quod multorum naufragia fortunæ colligas. ego
 naues inanes fuisse dico : remiges, nautasq; dimissos : reli-
 quos stirpibus uixisse palmarum : præfuisse classi populi
 R. Siculum, perpetuo socijs atque amicis Syracusanū : te
 illo tempore ipso superioribusq; diebus omnibus in litore
 cum mulierculis perpotasse dico. harum rerum ompium
 auctores testesq; produco. num tibi insultare in calami-
 tate, nū intercludere perfugium fortunæ, nū casus belli-
 cos exprobrare, aut obijcere uideor? tametsi solent ij for-
 tunam sibi obijci nolle, qui se fortunæ cōmiserunt, qui in
 eius periculis sunt ac uarietate uersati. istius quidē cala-
 mitatis tuæ fortuna particeps non fuit : homines enim in
 prælijs, non in conuiujs, belli fortunam tētare ac pericli-
 tari solent : in illa autem calamitate non Martem fuisse
 cōmunem, sed Venerē possumus dicere. quodd si fortunā
 obijci tibi non oportet, cur tu fortunæ illorum innocentium
 ueniam ac locū non dedisti? Etiam illud prædices li-
 cet; quodd supplicium more maiorū sumpseris, securiq; per-
 cusseris, iccirco à me in crimen & inuidiam uocari. non
 in supplicio crimen meum uertitur : non ego securi nego
 quenquam feriri debere : non ego metum ex te militari,

non seueritatem imperij, non poenam flagitij tolli dico oportere: fateor, nō modo in socios, sed etiam in ciues militesq; nostros persæpe esse seuerē ac uehementer uindictam. quare hæc quoque prætermittas licet. ego culpā nō in nauarchis, sed in te fuisse demōstro: pretio milites remigesq; dimisisse arguo. hoc nauarchi reliqui dicūt, hoc Netinorum fœderata ciuitas publice dicit, hoc Herbitenses, hoc Amestratini, hoc Ennenses, hoc Agyrinenses, Tyn daritani, Locrenses publice dicūt: tuus denique testis, tuus imperator, tuus hospes Cleomenes hoc dicit, sese in terrā esse egressum, uti Pachyno è terrestri præsidio milites colligeret, quos in nauibus collocaret. quod certe nō fecisset, si suum numerum naues haberent: ea est enim ratio instructarū ornatarumq; nauium, ut nō modo plures, sed ne singuli quidē possint accedere. Dico præterea, illos ipsos reliquos nautas fame atque inopia rerū omnium confectos fuisse ac perditos. dico, aut omnes extra culpam fuisse: aut, si unī attribuenda culpa sit, in eo maximam fuisse, qui optimā nauem, plurimos nautas haberet, summū imperium obtineret: aut si omnes in culpa fuerint, non oportuisse Cleomenem cōstitui spectatorem illorum mortis atque cruciatus. dico etiam, in illo supplicio mercedem lacrymarū, mercedem uulneris atque plagæ, mercedem funeris ac sepulturæ cōstitui nefas fuisse. Quapropter si mihi respondere uoles, hæc dicito, classē instructam atque ornatam fuisse, nullum propugnatorem abfuisse, nullū uacūū transtrū fuisse, remigi rem frumentariam esse suppeditatam, mentiri nauarchos, mentiri tot & tam graues ciuitates, mentiri etiam Siciliam totam, proditum esse te à Cleomene, qui se dixerit exisse in ter-

ram, ut Pachyno deduceret milites : animū illis, non copias defuisse: Cleomenem acerrime pugnantem ab his relictum esse, atque desertum : nūmum ob sepulturam datum nemini. quæ si dices, tenebere. sin alia dices; quæ à me dicta sunt, non refutabis. Hic tu etiam dicere audebis, Est in iudicibus ille familiaris meus, est paternus amicus ille? nō, ut quisque maxime est, quicum tibi aliquid sit; ita tui huiusmodi criminis maxime eū pudet? Paternus amicus est. ipse pater si iudicaret, per deos immortales quid facere posset, cum tibi hæc diceret? Tu in provincia populi R. Prætor, cum tibi maritimum bellum esset administrandum, Mamertinis, ex fœdere quam deberent nauem, per triēnium remisisti: tibi apud eosdem priuatim nauis oneraria maxima publice est adificata: tu à ciuitatibus pecunias classis nomine coegisti: tu pretio remiges dimisisti: tu, cum nauis esset à Quæstore, & ab Legato capta prædonum, archipiratā ab omnium oculis remouisti: tu, qui ciues R. esse dicerentur, qui à multis cognoscerentur, securi ferire potuisti: tu tuam domum piratas abducere, in iudicium archipiratam domo producere ausus es: tu in prouincia tā splendida, apud socios fidelissimos, ciues R. honestissimos, in metu periculoq; prouinciæ dies continuos complures in litore conuiuissq; iacuisti: te per eos dies nemo domi tuæ conuenire, nemo in foro uidere potuit: tu sociorū atque amicorū ad ea conuiuia matres familias adhibuisti: tu inter eiusmodi mulieres prætextatū tuum filium, nepotem meum collocauisti, ut ætati maxime lubricæ atque incertæ exēpla nequitie parentis uita præberet: tu Prætor in prouincia cum tunica pallioq; purpureo uisus es: tu, propter amorē libi-

dinemq; tuam, imperium nauium Legato populi R. admisti, Syracusano tradidisti : tui milites in prouincia Siciliae frugibus, frumentoq; caruere : tua luxuria, atque auaritia classis populi R. capta, & incensa est : post Syracusas cõditas quem in portũ nũquã hostis accesserat, in eo te Prætor primũ piratæ nauigauerũt : neque hæc tot tãtãq; dedecora dissimulatione tua, neque obliuione hominũ ac taciturnitate tegere uoluisti ; sed etiam nauium præfectos sine ulla causa de cõplexu parentum suorũ, hospitumq; tuorũ ad mortem cruciatumq; rapuisti ; neque in parentũ luctu atque lacrymis te mei nominis cõmemoratio mitigauit : tibi hominũ innocentium sanguis non modo uoluptati, sed etiam quæstui fuit. Hæc si tibi tuus parens diceret, posses ab eo ueniam petere? posses, ut tibi ignosceret, postulare? Satis est factũ Siculis, satis officio ac necessitudini iudices, satis promisso muneri ac recepto. reliqua est ea causa iudices, quæ nõ iam recepta, sed innata ; neque delata ad me, sed in anima sensũq; meo penitus affixa atque insita est : quæ non ad sociorũ salutem, sed ad ciuium R. hoc est ad uniuscuiusque nostrũ uitã & sanguinem pertinet. in qua nolite à me, quasi dubium sit aliquid, argumenta iudices expectare. omnia, quæ dicam de supplicio ciuium R. sic erũt clara & illustria, ut ad ea probãda totã Siciliam testem adhibere possim. furor enim quidam, sceleris & audaciæ comes, istius effrenatũ animũ, importunamq; naturã tanta oppressit amẽtia, ut nũquã dubitaret in cõuentu palãm supplicia, quæ in cõuictos maleficiũ seruos cõstituta sunt, ea in ciues R. expromere. uirgis quàm multos ceciderit, quid ego cõmemorẽ? tãtũ breuissime dico iudices. nullũ fuit omni-

no isto Pratore in hoc genere discrimē. itaque iam cōsue-
tudinē ad corpora ciuiū R. etiam sine istius nutu fereba-
tur manus ipsa liētoris. Nū potes hoc negare Verres, in
foro Lilybæi, maximo cōuentu, C. Seruiliū ciuem R. è
conuentu Panormitano ueterem negotiatorem, ad tribu-
nal, ante pedes tuos, ad terrā uirgis & uerberibus abie-
ctum? aude hoc primum negare, si potes. nemo Lilybæi
fuit, quin uiderit; nemo in Sicilia, quin audierit. plagis
confectū dico à liētoribus tuis ciuem R. ante oculos tuos
concidisse: ob quā causam di immortales? tametsi iniu-
riam facio cōmuni causæ, & iuri ciuitatis: quasi enim
possit esse ulla causa, cur hoc cuiquā ciui R. iure acci-
dat; ita quero, quæ in Seruilio causa fuerit. ignoscite in
hoc uno iudices: in cæteris enim non magnopere causas
requirā. locutus erat liberius de istius improbitate atque
nequitia. quod isti simul ac renūciatum est, hominem ius-
bet Lilybæum uadimonium Venerio seruo promittere.
promittit. Lilybæum uenitur. cogere eum cœpit, cum age-
ret nemo, nemo postularet, HS duobus millibus spon-
sionem facere cum liēlore suo, nī furtis quæsiū faceret.
Recuperatores de cohorte sua dicit daturum. Seruiliū
& recusare, & deprecari, ne iniquis iudicibus, nullo ad-
uersario, iudicium capitis in se constitueretur. hæc cum
maxime loqueretur, sex liētores circumsistunt ualentissi-
mi, & ad pulsandos uerberandosq; homines exercitatissi-
mi: cedūt acerrime uirgis: denique proximus liētor, de
quo sæpe iam dixi, Sestius, conuerso bacillo oculos misero
tundere uehementissime cœpit. itaque illi cum sanguis os
oculosq; complexset, concidit; cum illi nihilo minus iacen-
ti latera tunderentur; ut aliquādo spondere se diceret.

sic ille affectus, illinc tum pro mortuo sublatuſ, breui poſtea eſt mortuus. iſte autem, homo Veneriuſ, & affluens omni lepore, & uenustate, de bonis illiuſ in æde Veneriſ argenteū Cupidinē poſuit. ſic etiam fortunis hominum abutebatur ad nocturna uota cupiditatū ſuarum. nam quid ego de cæteriſ ciuiū R. ſupplicijſ ſigillatim potiuſ, quàm generatim, atque uniuerſe loquar? carcer ille, qui eſt à crudeliſſimo tyrāno Dionyſio factuſ Syracuſiſ, quæ Lautumia uocantur; in iſtiuſ imperio domiciliuſ ciuiū R. fuit. ut quiſque iſtiuſ animū, aut oculos offenderat, in Lautumiaſ ſtatim conijciebatur. indignū hoc uideo uideri omnibuſ iudiceſ; & id iam priore aſſione, cū hæc teſteſ dicerent, intellexi. retineri. n. putatiſ oportere iura libertatiſ nō modo hic, ubi Tribuni pl. ſunt, ubi cæteri ma-giſtratuſ, ubi plenum forum iudiciorum, ubi ſenatuſ auſtoritaſ, ubi exiſtimatio populi R. & frequentia; ſed ubi-
cunque terrarū, et gentium uiolatuſ iuſ ciuium R. ſit, ſta-tuitiſ id pertinere ad cōmunem cauſam libertatiſ, & di-gnitatiſ. in externorū hominū, & maleficorum, ſcelera-
torumq; in prædonum hoſtiumq; cuſtodiaſ tu tantū nu-
merū ciuium R. includere auſuſ eſ? nunquā ne tibi iudi-
cij, nunquā concioniſ, nunquam huiuſ tantæ frequentiaſ,
quæ nūc animo te iniquiſſimo infeſtiſſimoq; intuetur, ue-
nit in mentem? nunquā tibi populi R. abſentiſ dignitaſ,
nunquam ſpecies ipſa huiuſcemodi multitudiniſ in oculiſ
animoq; uerſata eſt? nunquā te in horū conſpectum re-
diturum, nūquā in forum populi R. uenturum, nunquā
ſub legum & iudiciorum poteſtatem caſurum eſſe puta-
ſti? at quæ erat iſta libido crudelitatiſ exercendæ? quæ
tot ſclerum ſuſcipiendorum cauſa? nulla iudiceſ, præ-

ter prædandi nouam singularemq; rationem. nam ut il-
 li, quos à poetis accepimus, sinus quosdam obsedisse ma-
 ritimos, aut aliqua promontoria, aut prærupta saxa te-
 nuisse dicuntur, ut eos, qui essent appulsi nauigijs, interfi-
 cere possent: sic iste in omnia maria infestus ex omnibus
 Siciliæ partibus imminebat. quæcūq; nauis ex Asia, quæ
 ex Syria, quæ Tyro, quæ Alexādria uenerat, statim cer-
 tis indicibus & custodibus tenebatur: uectores omnes in
 Lautumias coniiciebātur: onera atque merces in prato-
 riam domum deferiebantur. uersabatur in Sicilia longo
 intervallo alter, non Dionysius ille, nec Phalaris (tulit. n.
 illa quondam insula multos & crudeles tyrannos) sed
 quoddam nouum monstrum, ex uetere illa immanitate,
 quæ in ijsdem locis uersata esse dicitur: nō enim Caryb-
 din tã infestam, neque Scyllam nautis, quàm istū in eo-
 dem freto fuisse arbitror: hoc etiam iste infestior, quod
 multo se pluribus & maioribus canibus succinxerat. Cy-
 clops alter, multo importunior. hic enim totam insulam
 obtinebat: ille Aetnam solam, & eam Siciliæ partem
 tenuisse dicitur. at quæ causa tum subiiciebatur ab ipso
 iudices huius tã nefariæ crudelitatis? eadem, quæ nunc in
 defensione cōmemorabitur. quicūque accesserant ad Si-
 ciliam paulo pleniores, eos Sertorianos milites esse, atque
 à Dianio fugere dicebat. illi ad deprecandum periculum
 proferebant alij, purpuram Tyriam, thus alij, atque odo-
 res, uestemq; lineam, gemmas alij, & margaritas, uina
 nōnulli Græca, uenalesq; Asiaticos: ut intelligeretur ex
 mercibus, quibus ex locis nauigarent. nō intelligebāt, eas
 ipsas sibi causas esse periculi, quibus adiumentis se ad sa-
 lutem uti arbitrabantur. iste. n. hac eos ex piratarum so-

cietate adeptos esse dicebat : ipsos in Lautumias abduci
imperabat : naues eorū atque onera diligenter asservan-
da curabat. his institutis cum cōpletus iam mercatorum
carcer esset, tum illa fiebant, quæ L. Suetium, equitem R.
lectissimum uirum, dicere audistis, quæ ceteros audietis.
cervices in carcere frangebātur indignissime ciuium R.
ut etiam illa uox, & illa imploratio, ciuis R. sum, quæ
sæpe multis in ultimis terris opem inter barbaros & salu-
tem tulit, ea mortem illis acerbiores, & supplicium ma-
turius ferret. quid est Verres? quid ad hæc cogitas respon-
dere? num mentiri me? num fingere aliquid? nū au-
gere crimen? num quid horum dicere istis defensoribus
tuis audes? cedo mihi quæso ex ipsius sinu literas Syra-
cusanorū, quas iste ad arbitrium suū confectas esse arbi-
tratur. cedo rationem carceris, quæ diligentissime cōfici-
tur, quo quisque die datus in custodiā, quō mortuus, quo
necatus sit. L I T E R A E S Y R A C U S A N O =
R V M. Videtis ciues R. gregatim coniectos in Lautu-
mias: uidetis indignissimo in loco coacervatā multitudi-
nem uestrorū ciuiū. quærite nūc uestigia, quibus exitus il-
lorū ex illo loco cōpareat. nulla sunt. omnes ne mortui?
si ita posset defendere, tamen fides huic defensionī nō ha-
beretur. sed scriptū extat in iisdem literis, quod iste, ho-
mo barbarus, ac dissolutus, neque attēdere unquā, neque
intelligere potuit. *Ἀκούσθησθαι*, inquit, hoc est, ut Siculi lo-
quuntur, supplicio affecti ac necati sunt. si quis Rex, si-
qua ciuitas exterarū gentiū, siqua natio fecisset aliquid
in ciuē R. eiusmodi, nō ne publice uindicaremus? nō bello
persequeremur? possemus hāc iniuriā ignominiaq; nomi-
nis R. inultā impunitaq; dimittere? quot bella maiores no

stros, & quanta suscepisse arbitramini, quòd ciues R. iniuria affecti, quòd nauicularij retenti, quòd mercatores spoliati dicerentur? at ego, retentos, non queror: spoliatos, ferendum puto: nauibus, mancipijs, mercibus ademptis in uincula coniectos esse mercatores, & in uinculis ciues R. necatos esse, arguo. Si hæc apud Scythas dicere, nõ hic in tanta multitudine ciuium R. nõ apud senatores lectissimos ciuitatis, non in foro populi R. de tot & tam acerbis supplicijs ciuium Romanorum; tamen animos etiã barbarorum hominum permouerem: tanta. n. huius imperij amplitudo, tanta nominis R. dignitas est apud omnes nationes, ut ista in nostros homines crudelitas nemini concessa uideatur. nũ ego tibi ullam salutem, ullum perflugium putem, cũ te implicatũ seueritate iudicij, circumscriptũ frequentia populi R. esse uideã? si mehercules, id quod fieri intelligo nõ posse, ex his laqueis te exueris, ac te aliqua uia ac ratione explicaris, in illas tibi maiores plagas incidendum est, in quibus te ab eodem me, superiore ex loco confici & cõcidi necesse est. cui si etiã, id quod defendit, uelim cõcedere: tamen illa ipsa defensio non minus esse ei perniciosa, quàm mea uera accusatio, debeat. quid enim defendit? ex Hispania fugientes se excepisse, & supplicio affectisse dicit. quis tibi id permisit? quo id iure fecisti? quis idem fecit? qui tibi id facere licuit? forũ plenu, & basilicas istorum hominum uidemus, & animo æquo uidemus: ciuilis enim dissensionis, & siue amentia, siue fati, seu calamitatis non est iste molestus exitus: in quo reliquos saltem ciues incolumes licet conseruare. Verres ille uetus proditor Consul, translator Quæstura, auersor pecuniæ publicæ, tatum sibi auctoritatis in Rep.

suscepit, ut quibus hominibus per senatum, per populum R. per omnes magistratus in foro, in suffragiis, in hac urbe, in Rep. uersari liceret, ijs omnibus mortem acerbam crudelemq; proponeret, si fortuna eos ad aliquam partem Siciliae detulisset. ad Cn. Pompeium, clarissimum uirum, & fortissimum, permulti occiso Perpenna ex illo Sertoriano numero militum confugerunt. quem nō ille summo cum studio saluum incolumemq; seruauit? cui ciui supplici non illa dextera inuicta & fidem porrexit, & spem salutis ostendit? ita ne uero? quibus fuit portus apud eum, contra quem arma tulerunt; ijs apud te, cuius nullum in Rep. unquam monumentum fuit, mors & cruciatus erat constitutus? uide, quā commodam defensionem excogitaris. malo, malo mehercules, id quod tu defendis, his iudicibus populoq; R. quā id, quod ego insimulo, probari. malo inquam, te isti generi hominum, quā mercatoribus, & nauicularijs, inimicū atque infestum putari. meum enim crimen auaritiæ te nimiae coarquit: tua defensio, furoris cuiusdam, & immanitatis, et inaudite crudelitatis, & penè nouæ proscriptionis. sed non licet me isto tanto bono iudices uti, non licet: adsumt enim Puteoli toti; frequentissimi uenerunt ad hoc iudiciū mercatores, hominēs locupletes, atque honesti, qui partim socios suos, partim libertos ab isto stoliatos, in uincla coniectos, partim in uinclis necatos, partim securi percussos esse dicent. hic uide quā me sis usurus a quo. cum ego P. Granium testem produxero, qui suos libertos à te securi percussos esse dicat, qui à te nauem suam, mercesq; repetat: refellito, si poteris: meū testem deseram, tibi fauebo, te inquam adinuabo: ostendito, illos cum Ser=

torio fuisse, à Dianio fugientes ad Siciliam esse delatos. nihil est, quod te malim probare. nullum. n. facinus, quod maiore supplicio dignū sit, reperiri, neque proferri potest. reducam itē equitem Ro. L. Flaviū. si uoles, quoniam priore actione, ut patroni tui disctant, noua quadam sapientia; ut omnes intelligunt, cōscientia tua, atque auctoritate meorum testiū, testem nullum interrogasti: interrogetur Flavius, si uoles, quinā fuerit L. Herēnius is, quem ille argentariā Lepti fecisse dicit; qui cum amplius centum ciues R. haberet ex cōuentu Syracusarū, qui eū non solum cognoscerent, sed etiā lacrymantes, ac te implorantes defenderent, tamen à te inspectantibus omnibus Syracusanis securi percussus est. hunc quoque testē meum refelli, & illum Herēnium Sertorianū fuisse abs te demonstrari, & probari uolo. quid de illa multitudine dicemus eorum, qui capitibus inuolutis in piratarū captiuorumq; numero producebantur, ut securi ferirentur? quæ ista noua diligentia? quā ob causam abs te excogitata? an te L. Flauij, ceterorumq; de L. Herennio uociferatio cōmouebat? an M. Anni, grauissimi atque honestissimi uiri, summa auctoritas paulo diligentiorē timidioremq; fecerat? qui nuper pro testimonio, nō aduenam nescio quē, nec alienum, sed eum ciuē R. qui omnibus in illo cōuentu notus, qui Syracusis natus esset, à te securi percussus esse dixit. post hāc illorum uociferationem, post hanc cōmunem famam atque querimoniā non mitior in supplicio, sed diligentior esse cœpit: capitibus inuolutis ciues R. ad necem producere instituit: quos tamē iccirco necabat palām, quod homines in cōuētū, id quod antea diximus, nimium diligenter prædonum numerum requirebant.

hæcine plebi R. te Prætor est constituta cōditio? hæc ne
gotij gerendi spes? hoc capitis, vitæq; discrimen? parum
ne multa mercatoribus sunt necessario pericula subeun-
da fortunæ, nisi etiā hæc formidines ab nostris magistrati-
bus, atque in nostris provincijs impendebunt? ad eam ne
rem fuit hæc suburbana ac fidelis provincia Sicilia ple-
na optimorū sociorū, et honestissimorū ciuium R. quæ ci-
ues R. omnes suis ipsa sedibus libētissime semper accepit,
ut, qui usque ex ultima Syria atque Aegypto navigarēt,
qui apud barbaros propter togæ nomen in honore aliquo
fuissent, qui ex prædonū insidijs, qui ex tempestatum pe-
riculis profugissent, in Sicilia securi ferirentur, cum se iā
domum uenisse arbitrarentur? nam quid ego de P. Ga-
uio Cōsano munice dicā iudices? aut qua uī uocis, qua
grauitate uerborum, quo dolore animi dicam? tamen si do-
lor me non deficit: ut cætera mihi in dicendo digna re, di-
gna dolore meo suppetat, magis elaborādum est. quod cri-
men eiusmodi est, ut, cum primum ad me delatum est,
usurum me illo nō putarem: tamen si. n. uerissimū esse in-
telligebam, tamen credibile fore non arbitrabar. coactus
lacrymis omniū ciuium R. qui in Sicilia negotiātur, ad-
ductus Valentinorum, hominum honestissimorū, testimo-
nijs, omniumq; Rhegynorū, multorumq; equitum R. qui
casu tum Messanæ fuerunt, dedi tantum priore. actio-
ne testium, res ut nemini dubia esse posset. quid nunc
agam? cum iam tot horas de uno genere, ac de istius ne-
faria crudelitate dicam, cum propè omnem uim uerbo-
rum eiusmodi, quæ scelere istius digna sunt, alijs in rebus
consumpserim, neq; hoc prouiderim, ut uarietate criminū
uos attentos tenerem, quemadmodum de tāta re dicam.

opinor, unus modus, atque una ratio est. rē in medio ponam: quæ tantum habet ipsa gravitatis, ut neque mea, quæ nulla est, neque cuiusq̃ ad inflāmandos uestros animos eloquentia requiratur. Gaius hic, quem dico, Consanus, cum illo numero ab isto in uincula coniectus esset, et nescio qua ratione clam ē Latomijs profugisset, Messanamq̃; uenisset; qui propē iam Italiam, & mœnia Rhægynorū uideret, & ex illo metu mortis ac tenebris, quasi luce libertatis, & odore aliquo legum recreatus reuixisset, loqui Messanæ cœpit, & queri, se cinē R. in uindicta esse coniectum, sibi recta iter esse Romā, Verri se præsto aduenienti futurū. nō intelligebat miser, nihil interesse, utrum hæc Messanæ, an apud ipsum in prætorio loqueretur. nam, ut ante uos docui, hanc sibi iste urbem delegerat, quam haberet adiutricem scelerum, furtorum receptricem, flagitiorū omnium sociam. itaque ad magistratum Mamertinū statim deducitur Gaius, eoq̃; ipso die casu Messanam Verres uenit. res ad eum defertur, esse ciuem R. qui se Syracusis in Latomijs fuisse quereretur: quem iam ingredientem nauem, & Verri nimis atrociter minitantem, à se retractum esse, & asseruatū, ut ipse in eū statueret, quod uideretur. agit hominibus gratias, & eorum erga se beneuolētiam diligētiamq̃; collaudat. ipse inflāmatuſ scelere & furōre, in forum uenit. ardebant oculi: toto ex ore crudelitas eminebat: expectabāt omnes, quid tandem progressurus, aut quidnam acturus esset: cum repente hominem proripi, atque in foro medio nudari, ac deligari, & uirgas expediri iubet. clamabat ille miser, se ciuem esse R. municipem Cōsanum, meruisse se cum L. Pretio splendidissimo equite R. qui Panormi negotiaretur,

negotia retur, ex quo hac Verres scire posset . tum iste se
comperisse ait, eum speculandi causa in Siciliam ab duci
bus fugitivorum esse missum: cuius rei neque index, neque
vestigium aliquod, neque suspicio cuiquam esset ulla. dein-
de iubet undique hominem proripi, uehementissimeq; uer-
berari. Cede batur uirgis in medio foro Messanae ciuis R.
iudices, cum interea nullus gemitus, nulla uox alia illius
miseri inter dolorem, crepitumq; plagarum audiebatur,
nisi hac, ciuis R. sum . hac se commemoratione ciuitatis
omnia uerbera depulsurum, cruciatum à corpore deie-
cturum arbitrabatur . is non modo hoc non perfecit, ut
uirgarum uim deprecaretur; sed cū imploraret sapius,
usurparetq; nomen ciuitatis, crux, crux inquam infelici
& erumoso, qui nunquam istam potestatem uiderat,
comparabatur. ò nomen dulce libertatis: ò ius eximium
nostrae ciuitatis: ò lex Porcia, legesq; Sempronia: ò graui-
ter desiderata, & aliquando reddita plebi Romanae Tri-
bunitia potestas: hucine tandem omnia reciderunt, ut ci-
uis R. in provincia populi R. in oppido foederatorum, ab
eo, qui beneficio populi R. fasces & secures haberet, deli-
gatus in foro uirgis cederetur? quid, cum ignes, canden-
tesq; laminae, ceteriq; cruciatus admouebantur? si te illius
acerba imploratio, & uox miserabilis non inhibebat; ne
ciuium quidem Romanorum, qui tum aderant, fletu &
gemitu maximo commouebare? in crucem tu agere au-
sus es quenkquam, qui se ciuem R. esse diceret? nolui tam
uehementer agere hoc prima actione iudices, nolui: uidi-
stis enim, ut animi multitudinis in istum dolore, & o-
dio, & communis periculi metu concitarentur. statui
egomet mihi tum modum orationi meae, & C. Numitorio

equiti R. primario homini, testi meo : & Glabrio id,
 quod sapiētissime fecit, facere lætatus sum, ut repente cō-
 silio in medio testem dimitteret. etenim uerebatur, ne po-
 pulus R. ab isto eas pœnas uir repetisse uideretur, quas, ue-
 ritus esset, ne iste legibus & uestro iudicio non esset per-
 soluturus. nunc quoniam iam exploratum est omnibus,
 quo loco causa tua sit, & quid de te futurum sit: sic te-
 cum agam. Gaium istum, quem repentinum speculato-
 rem fuisse dicis, ostendam in Lautumias Syracusis à te
 esse coniectum: neque id solū ex literis ostendam Syracu-
 sanorum, ne possis dicere me, quia sit aliquis in literis Ga-
 uiius, hoc fingere & eligere nomen, ut hunc illū esse pas-
 sim dicere; sed secūdum arbitrium tuum testes dabo, qu-
 istum ipsum Syracusis abs te in Lautumias coniectum
 esse dicant. producam etiam Cōsanos, municipales illius ac
 necessarios, qui te nunc sero doceant, iudices non sero, il-
 lum P. Gaium, quem tu in crucem egisti, ciuem R. &
 municipem Consanum, non speculatorem fugitiuorum
 fuisse. cum hac omnia, quæ polliceor, cumulate tuis pro-
 ximis plana fecero; tum istuc ipsum tenebo, quod abs te
 mihi datur; eo contentum me esse dicam. quid enim nu-
 per tu ipse, cū populi R. clamore atque impetu perturba-
 tus exiluisti, quid inquā locutus es? illū, quoddā morā sup-
 plicio quæreretur, ideo clamitasse, se esse ciuem R. sed specu-
 latorē fuisse. iam mei testes ueri sunt. quid. n. dicit aliud
 C. Numitorius? quid M. & P. Cotij, nobilissimi homines,
 ex agro Taurominitano? quid Q. Luceius, qui argentaria-
 riam Rhegij maximam fecit? quid ceteri? adhuc. n. te-
 stes ex eo genere à me sunt dati, non qui nouisse Gaiū,
 sed qui se uidisse dicerent, cum is, qui se ciuem R. esse cla-

maret, in crucem ageretur. hoc tu Verres idem dicis, hoc
 tu confiteris, illum clamitasse se ciuem esse Romanum;
 apud te nomen ciuitatis ne tantum quidem ualuisse, ut di-
 lationem aliquam crucis, ut crudelissimi teterrimiq; sup-
 plicij aliquam paruam moram saltem posset afferre. hoc
 teneo, hic hæreo iudices, hoc sum cōtentus uno: omitto, ac
 negligo cætera: sua cōfessione induatur ac iuguletur ne-
 cesse est. qui esset, ignorabas? speculatorem esse suspicaba-
 re? non quero, qua suspicione: tua te accuso oratione. cū
 uē R. se esse dicebat. si tu apud Persas, aut in extrema
 India deprehensus Verres, ad supplicium ducerere; quid
 aliud clamitares, nisi te ciuē esse Romanū? et si tibi igno-
 to apud ignotos, apud barbaros, apud homines in extre-
 mis atque ultimis gētibus positos, nobile et illustre apud o-
 mnes nomē tuæ ciuitatis profuisset: ille, quisquis erat, quē
 tu in crucem rapiebas, qui tibi esset ignotus, cum ciuem
 se R. esse diceret, apud te Prætorem si non effugium, ne
 moram quidem mortis mentione atque usurpatione ciui-
 tatis assequi potuit? homines tennes, obscuro loco nati, na-
 uigant; adeunt ad ea loca, quæ nūquā antea uiderunt:
 ubi neque noti esse ijs, quod uenerunt, neque semper cū co-
 gnitoribus esse possunt: hac una tamen fiducia ciuitatis
 non modo apud nostros magistratus, qui & legum &
 existimationis periculo cōtinentur; neque apud ciues solū
 Romanos, qui & sermonis, & iuris, & multarū rerum
 societate iuncti sunt, fore se tutos arbitrātur; sed, quocū-
 que uenerint, hanc sibi rem præsidio sperant esse futu-
 rum. tolle hanc spem, tolle hoc præsidium ciuibz Roma-
 nis; cōstitue, nihil esse opis in hac uoce, ciuis R. sum; posse
 impune Prætorem, aut alium quemlibet supplicium,

quod uelit, in eum constituere, qui se ciuem R. esse dicat, quod quis ignoret: iā omnes prouincias, iam omnia regna, iam omnes liberas ciuitates, iam omnem orbem terrarum, qui semper nostris hominibus maxime patuit, ciuibus R. ista defensione praeluseris. Quid, si L. Pretium, equitem R. qui tum in Sicilia, nominabat? etiā ne id magnum fuit, Panormū literas mittere, asseruasse hominem, custodij Mamertinorum tuorū uinctum, clausum habuisse, dum Panormo Pretius ueniret? cognosceret hominem: aliquid de summo supplicio remitteres. si ignoraret: tum, si ita tibi uideretur, hoc iuris in omnes constitueres, ut qui neque tibi notus esset, neque cognitorē locuplete daret, quāuis ciuis R. esset, in crucē tolleretur. Sed quid ego plura de Gaio? quasi tu Gaio tum fueris infestus, ac non nomini, generi, iuri ciuium hostis. nō illi inquam homini, sed causae cōmuni libertatis inimicus fuisti. quid enim attinuit, cum Mamertini more atque instituto suo crucem fixissent post urbem, in uia Pompeia, te iubere in ea parte figere, quae ad fretum spectaret, & hoc addere, quod negare nullo modo potes, quod omnibus audientibus dixisti palā, te iccirco illum locum deligere, ut ille, qui se ciuem R. esse diceret, ex cruce Italiā cernere ac domū suā prospicere posset: itaque illa crux sola iudices post cōditam Messanam illo in loco fixa est. Italiae cōspectus ad eam rem ab isto delectus est, ut ille in dolore cruciatuq; moriens, per angusto fretō diuisa seruitutis, ac libertatis iura cognosceret; Italia autem alūnum suum, seruitutis extremo summoq; supplicio affectum uideret. Facinus est, uinciri ciuem R. scelūs, uerberari: propē parriciđiū necari: quid dicam in crucē tollere? uerbo satis digno

tam nefaria res appellari nullo modo potest. non fuit his omnibus iste cōtentus. spectet, inquit, patriam : in cōspectu legum libertatisq; moriatur. non tu hoc loco Gaiū, non unum hominem nescio quem ciuem R. sed communem libertatis, & ciuitatis causam in illum cruciatum, & crucem egisti. iam uero uidete hominis audaciā. nonne eū grauitus tulisse arbitramini, quod illam ciuibus R. crucem non posset in foro, non in comitio, non in rostris defigere? quod enim his locis in prouincia sua celebritate simillimum, regione proximum potuit, elegit : monimentum sceleris audaciæq; suæ uoluit esse in cōspectu Italiae, uestibulo Siciliae, præteruentione omnium, qui ultro citroq; nauigarent. Si hæc non ad ciues R. non ad aliquos amicos nostræ ciuitatis, non ad eos, qui populi R. nomen audissent; denique, si non ad homines, uerū ad bestias, aut etiam, ut longius progrediar, si in aliqua desertissima solitudine ad saxa & ad scopulos hæc conqueri & depolare uellem : tamen omnia muta atque inanima, tanta & tam indigna rerū atrocitate cōmouerentur. nūc uero cum loquar apud senatores populi R. legum iudiciorumq; & iuris auctores, timere non debeo, ne non unus iste ciuis R. illa cruce dignus, ceteri omnes simili periculo indignissimi iudicentur. paulo ante iudices lacrymas in morte misera atque indignissima nauarchorum non tenebamus, & recte ac merito sociorum innocentium miseria cōmouebamur : quid nūc in nostro sanguine tādē facere debemus? nā ciuiū R. omnium sanguis coniunctus existimandus est, quoniam id & salutis omnium ratio, & ueritas omnium postulat. omnes hoc loco ciues R. et qui adsunt, & qui ubicūque sunt, uestrā seueritatem deside-

rant, uestram fidem implorant, uestrum auxilium requi-
 runt : omnia sua iura, cōmoda, auxilia, totā denique li-
 bertatem in uestris sententijs uersari arbitrantur. à me,
 tametsi satis habent, tamē, si res aliter acciderit, plus ha-
 bebūt fortasse, quā postulant : nā & si qua uis istum
 de uestra seueritate eripuerit, id quod neque metuo iudi-
 ces, neque ullo modo fieri posse uideo : sed si in hoc me ra-
 tio sefellerit ; Siculi causam suā perisse querentur, & me
 cum pariter moleste ferent ; populus quidem Romanus
 breui, quoniam mihi potestatem apud se agendi dedit, ius
 suum, me agente, suis suffragijs ante Cal. Feb. recupera-
 bit. ac si de mea gloria & amplitudine quaeritis iudices,
 non est alienum meis rationibus, istum mihi ex hoc iudi-
 cio creptum ad illud populi R. iudicium reseruari. splen-
 dida est illa causa, probabilis mihi & facilis, populo
 grata atque iucunda : denique si uideor hic, id quod
 ego non quaesui, de uno isto uoluisse crescere : isto ab-
 soluto, quod sine multorum scelere fieri non potest,
 de multis mihi crescere licebit. sed mehercules uestra
 reiꝫ publicæ causa iudices nolo in hoc delecto consilio
 tantum flagitium esse cōmissum : nolo eos iudices, quos
 ego probarim atque delegerim, sic in hac urbe notatos
 isto absoluto ambulare, ut nō cæra, sed coeno oblitī esse ui-
 deātur. quāobrem te quoque Hortensi, quia monendi lo-
 cus est, ex hoc loco moneo, uideas etiā atque etiā, & con-
 sideres, quid agas, quō progrediare, quem hominem, &
 qua ratione defendas. neque de illo quidquā tibi prae-
 nio, quo minus ingenio mecū atque omni dicēdi faculta-
 te cotendas : cetera, si qua putas te occultius extra iudi-
 ciū, quæ ad iudiciū pertinet, facere posse ; si quid artificio,

consilio, potentia, gratia, copijs istius moliri cogitas : magnopere censeo desistas; & illa, quæ tentata iam, & coepta ab isto sunt, à me autem peruestigata et cognita, mo-
neo ut extinguas, & longius progredi ne sinas. magno tuo periculo peccabitur in hoc iudicio, maiore quàm pu-
tas. quodd. n. te liberatum iam existimationis metu, de-
functū honoribus, designatū Cōsulē cōgites : mihi crede,
ornamenta ista, & beneficia populi R. non minore ne-
gotio retinentur, quàm comparantur. tulit hæc ciuitas,
quoad potuit, quoad necesse fuit, regiam istam uestram
dominationem in iudijs, & in omni Republica, tulit :
sed quo die populo R. Tribuni pl. restituti sunt, omnia
istā uobis, si forte nondum intelligitis, adempta atque
erepta sunt. omnium nunc oculi coniecti sunt hoc ipso
tempore in unūquenque nostrum, quæ fide ego accusem,
quæ religione hi iudicent, quæ tu ratione defendas. de om-
nibus nobis, si quis tātulum de recta regione deflexerit,
nō illa tacita existimatio, quā antea cōtemnere solebatis,
sed uehemens ac liberū populi R. iudicium consequetur.
nulla tibi Quinte cū isto cognatio est, nulla necessitudo :
quibus excusationibus antea nimium in aliquo iudicio
studium tuū defendere solebas, earū habere in hoc homi-
ne nullā potes. quæ iste in provincia palām diēlitabat,
cū ea, quæ faciebat, tua se fiducia facere dicebat ; ea ne
uera putentur, tibi maxime est providendū. ego mei iā
rationem officiij cōfido esse omnibus iniquissimis meis per-
solutā. nā istū paucis horis primæ actionis omniū mortā-
liū sentētis cōdēnaui. reliquū iudiciū nō iā de mea fide,
quæ perspecta est ; neque de istius uita, quæ dānata est ;
sed de iudicibus, & uere ut dicā, de te futurū est. at quo

tempore futurum est? (nā id maxime providendum est : etenim cū omnibus in rebus, tum in Rep. permagni momenti est ratio atque inclinatio temporum) nempe eo , cum populus R. aliud genus hominum atque alium ordinem ad res iudicandas requirit : nempe ea lege de iudicijs iudicibusq; novis promulgata, quā nō is promulgavit, cuius nomine proscriptam videtis, sed hic reus. hic inquā sua spe atque opinione, quam de vobis habet, legem illā scribendam promulgandamq; curavit . itaque, cū primo agere cōpimus, lex non erat promulgata ; cū iste uestra severitate permotus, multa signa dederat, quamobrem responsurus non videretur, mentio de lege nulla fiebat ; posteaquam iste recreari & confirmari visus est, lex statim promulgata est : cui legi cum uestra dignitas vehementer adversaretur, istius spes falsa & insignis impudentia maxime suffragatur . Hic si quid erit cōmissum à quoquam uestrum, quod reprehendatur : aut populus R. iudicabit de eo homine, quem iam antea iudicijs indignum putavit ; aut ij, qui propter offensionem iudiciorum de veteribus iudicibus lege nova novi iudices erunt constituti . mihi porro, ut ego non dicam, quis omnium mortalium non intelligit, quā longe progredi sit necesse ? potero silere Hortensi, potero dissimulare, cū tantū Resp. vulnus acceperit, ut expilata provincia, vexati socij, dī immortales spoliati, ciues R. cruciati & necati impune me auctore esse videantur ? potero hoc onus tantum aut in hoc iudicio deponere, aut diutius tacitus sustinere ? nō agitata res erit ? nō in medium proferenda ? nō populi R. fides imploranda ? nō omnes, qui tanto se scelere obstrinxerint, ut aut fidem suā corrūpi paterētur, aut

iudicium corrumpere, in discrimen ac iudicium uocandi? quæret aliquis fortasse: tantum ne igitur laborem, tantas inimicitias, tot hominum suscepturus es? non studio quidem hercule ullo, neque uoluntate: sed non idem mihi licet, quod ijs, qui nobili genere nati sunt; quibus omnia populi R. beneficia dormientibus deferuntur: longe alia mihi lege in hac ciuitate, & conditione uiuendū est. uenit. n. mihi in mentem M. Cætonis, hominis sapientissimi: qui cū se uirtute, non genere populo R. cōmendari putaret, cū ipse sui generis initium ac nominis ab se gigni & propagari uellet, hominū potentissimorum suscepit inimicitias, & maximis in laboribus usque ad summam senectutem summa cū gloria uixit. postea Q. Pōpeius, humili atque obscuro loco natus, nō ne plurimis inimicijs, maximisq; suis periculis ac doloribus amplissimos honores est adeptus? modo L. Fimbriam, C. Marium, C. Celiū uidimus nō mediocribus inimicijs ac laboribus contendere, ut ad istos honores peruenirent, ad quos uos per ludū & per negligentia peruenistis. hæc eadem est nostræ nationis regio, & uia: horum nos hominū secta atque instituta persequimur. uidemus, quanta sit in inuidia, quantoq; in odio apud quosdam homines nobiles nouorum hominū uirtus, & industria; si tantulum oculos deiecerimus, præsto esse insidias; si ullum locū aperuerimus suspicioni aut crimini, accipiendū esse statim uulnus: esse nobis semper uigilādū, semper laborādū uidemus. inimicitia sunt, subeātur; labores, suscipiātur. etenim tacite magis & occultæ inimicitia timēda sunt, quā indictæ & apertæ. hominū nobiliū nō ferè quisquā nostræ industria fauet: nullis nostris officijs beneuolentia illorū allicere

possumus: quasi natura & genere disuncti sint, ita diffident a nobis animo ac uoluntate. quare quid habent eorum inimicitie periculi, quorum animos iam ante habueris inimicos & inuidos, quam ulla inimicitias susceperis? quamobrem mihi iudices optandū est illud, in hoc reo finem accusandi facere, cū & populo R. satisfactum, & receptū officium Siculis necessarijs meis erit persolutum. deliberatum autem est, si res opinionem meā, quā de uobis habeo, fefellerit, non modo eos persequi, ad quos maxime culpa corrūpendi iudicij, sed etiā illos, ad quos cōscientia cōtagio pertinebit. proinde si qui sunt, qui in hoc reo aut potentes, aut audaces, aut artifices ad corrūpendū iudiciū uelint esse; ita sint parati, ut disceptante populo R. mecum sibi rem uideāt futurā. & si me in hoc reo, quem mihi inimicum Siculi dederūt, satis uehementem, satis persequerentem, satis uigilantem esse cognorūt; existiment in ijs hominibus, quorum ego inimicitias populi R. salutis causa suscepero, multo grauiorem, atque acriorem futurū. Nūc te Iupiter Optime Maxime, cuius iste donum regale, dignū tuo pulcherrimo templo, dignū Capitolio, atque ista arce omnium nationū, dignū regio munere, tibi factum ab regibus, tibi dicatū atque promissum, per nefariū scelus de regijs manibus extorsit; cuiusq; sanctissimū & pulcherrimum simulacrum Syracusis sustulit: teq; Iuno regina, cuius duo fana duabus in insulis posita sociorū, Melitæ, & Sami, sanctissima, et antiquissima, simili scelere idem iste omnibus donis ornamentisq; nudauit: teq; Minerva, quā item iste duobus in clarissimis et religiosissimis tēplis expilauit; Athenis, cū auri grāde pōdus; Syracusis, cū omnia prater tectū & parietes abstru-

lit : teq; Latona, & Apollo, & Diana, quorum iste Deli non fanū, sed, ut hominum opinio, & religio fert, sedem antiquā, diuinūq; domiciliū nocturno latrocinio, atque impetu cōpilauit : etiā te Apollo, quem iste Chio susulit : teq; etiā atque etiā Diana, quā Pergæ spoliauit, cuius simulacrū sanctissimū Segesta, bis apud Segestanos consecratū, semel ipsorum religione, iterum P. Africanī uictoria, tollendum, assortandumq; curauit : teq; Mercuri, quem Verres in uilla, et in priuata aliqua palastra posuit, P. Africanus in urbe sociorū, & in gymnasio Tyn-
daritanorum iuuentutis illorum custodem, & præsidiem uoluit esse : teq; Hercules, quem iste Agrigenti nocte in tempesta, seruorum instructa & cōparata manu cōuel-
lere ex suis sedibus, atque auferre conatus est : teq; sanctissima mater Ideā, quā apud Enguinos augustissimo et religiosissimo in templo sic spoliata reliquit, ut nūc nomē modo Africani, & uestigia uiolata religionis maneant, monumenta uictoriæ fanīq; ornamenta nō extant : uosq; omnium rerū forensium, consiliorum maximorū, legum iudiciorūq; arbitri, & testes, celeberrimo in loco Pratorij locati Castor, & Pollux, quorum ē templo quæstum sibi iste, & prædam maximam improbissime cōparauit : omnesq; dii, qui uehicularum solennes cœtus ludorum initis, quorum iter iste ad suum quæstum, non ad religionū dignitatem faciendum, exigendumq; curauit : teq; Ceres, & Libera, quarū sacra, sicut opiniones hominum, ac religiones ferunt, longe maximis, atque occultissimis cerimonijs cōtinentur; à quibus initia uitæ atque uetus, legum, morum, mansuetudinis, humanitatis exempla hominibus, et ciuitatibus data, ac dispersita esse dicū-

tur : quarum sacra populus R. à Græcis ascita, & accepta, tanta religione & publice & priuatim tuetur, nō ut ab alijs hinc allata, sed ut ceteris hinc tradita esse uideatur : quæ ab isto uno sic polluta, & uiolata sunt, ut simulacrū Cereris unū, quod à uiro nō modo tēgi, sed ne aspici quidem fas fuit, è sacrario Catinæ cōuellendū auertendumq; curauerit ; alterū autem Ennæ ex sua sede, ac domo sustulerit ; quod erat tale, ut homines, cū uiderēt, aut ipsam uidere se Cererem, aut effigiem Cereris nō humana manu factā esse, sed cœlo delapsam arbitrarentur : nos etiā atque etiā imploro & appello sanctissima dea, quæ illos Ennēses lacus, lucosq; colitis, cūctēq; Sicilia, quæ mihi defendenda tradita est, præsidetis ; à quibus, inuentis frugibus, & in orbem terrarū distributis, omnes gentes, ac nationes uestri religione numinis cōtinentur : ceteros item deos deasq; omnes imploro atque obtestor, quorū templis & religionibus iste nefario quodā furore & audacia instinctus bellum sacrilegū semper, impiūq; habuit indiētum, ut, si in hoc reg, atque in hac causa omnia mea cōsilia ad salutem sociorū, dignitatem populi R. fidem meā spectauerunt, si nullam ad rem, nisi ad officiū & ueritatem, omnes meæ curæ, uigiliæ cogitationesq; laborarūt ; quæ mea mens in suscipienda causa fuit, fides in agenda, eadem uestra in iudicanda sit ; deinde, uti C. Verrem, si eius omnia sunt inaudita, & singularia facinora sceleris, audaciæ, perfidiæ, libidinis, auaritiæ, crudelitatis, dignus exitus eiusmodi uita, atque factis uestro iudicio consequatur ; utq; Resp. meaq; fides una hac accusatione mea contenta sit ; mihiq; posthac bonos potius defendere liceat, quàm improbos accusare necesse sit .

PRO M. FONTEIO ORATIO, XI.

Desunt permulta .

Hoc Pratore oppressam esse ære alieno Galliã. à quibus uersuras tantarum pecuniarum factas esse dicunt? à Gallis? nihil minus. à quibus igitur? à ciuibus R. qui negotiantur in Gallia? cur eorum uerba non audimus? cur eorum tabule nullæ proferuntur? insector ultro, atque insto accusatori iudices: insector inquam, ac flagito testes. plus ego in hac causa laboris, & operæ cōsumo in poscendis testibus, quàm ceteri defensores in refutandis. audacter hoc dico iudices, non temere confirmo. referta Gallia negotiatorū est, plena ciuium R. nemo Gallorum sine ciue R. quidquam negotij gerit, nummus in Gallia nullus sine ciuium R. tabulis cōmouetur. uidete, quò descendam iudices, quàm longe uidear à cōsuetudine mea, & cautione, ac diligentia discedere. unæ tabulæ proferatur, in quibus uestigium sit aliquod, quod significet pecuniam Fonteio datam: unum ex toto negotiatorum, colorum, publicanorum, aratorum, pecuariorum numero testem producant: uere accusatum esse concedam. prò dij immortales, quæ est hæc causa? quæ defensio? prouincia Gallia M. Fonteius præfuit, quæ constat ex ijs generibus hominum, & ciuitatum, qui, ut uetera mittā, partim nostra memoria bella cum populo R. acerba, ac diuturna gesserunt: partim modo ab nostris imperato-

ribus subacti, modo bello domiti, modo triumphis ac monimentis notati, modo ab senatu agris urbibusq; mulctati sunt : partim, qui cum ipso M. Fonteio ferrum ac manus contulerunt, multoq; eius sudore ac labore sub populi R. imperium, ditionemq; ceciderunt. est in eadem provincia Narbo Martius, colonia nostrorum civium, specula populi R. ac propugnaculum istis ipsis nationibus oppositum et obiectum. est item urbs Massilia, de qua ante dixi, fortissimorum fidelissimorumq; sociorum, qui Gallicorum bellorum pericula populo R. copijs, armisq; propulsarunt. est praterea numerus civium R. atque hominum honestissimorum. huic provinciae, quae ex hac gentium varietate constaret, M. Fonteius, ut dixi, praefuit: qui erant hostes, subegit: qui proximi fuerant, eos ex ijs agris, quibus erant mulctati, decedere coegit. ceteris, qui iccirco magnis saepe erant bellis superati, ut semper populo R. parerent, magnos equitatus ad ea bella, quae tunc in toto orbe terrarum a populo R. gerebantur, magnas pecunias ad eorum stipendium, maximum frumenti numerum ad Hispaniense bellum tolerandum imperavit. haec qui gessit, in iudicium vocatur: uos, qui in re non interfuistis, causam unda cum populo R. cognoscitis. dicunt contra, quibus inuitissimis imperatum est: dicunt, qui ex agris ex Cn. Pompeij decreto decedere sunt coacti: dicunt, qui ex bello, caede, et fuga nunc primum audent contra M. Fonteium inermem consistere. quid coloni Narbonenses, quid uolunt? quid existimant? hunc per uos uolunt, se per hunc incolumes existimant esse. quid Massiliensium ciuitas? hunc praesentem ijs affecit honoribus, quos habuit amplissimos. uos autem absens orat atque obsecrat, ut

sua religio, laudatio, auctoritas aliquid apud uestros an-
 mos momenti habuisse uideatur. quid? ciuium R. quæ uo-
 luntas est? nemo est ex tanto numero, quin hūc optime
 de prouincia, de imperio, de socijs, & ciuibus meritū esse
 arbitretur. quoniam igitur uidetis, qui oppugnet M. Fon-
 teium; cognoscitis, qui defensum uelint; statuite nūc, quid
 uestra equitas, quid populi R. dignitas possulet: utrum
 colonis uestris, negotiatoribus uestris, amicissimis atque an-
 tiquissimis socijs & credere & cōsulare malitis; an ijs,
 quibus neque propter iracūdiam fidē, neque propter infi-
 delitatem honorem habere debetis. quid, si maiorē etiam
 hominum honestissimorum copiam affero, qui huius uir-
 tuti, atque innocentie testimonio possint esse? tamen ne
 plus Gallorum cōsensio ualebit, quā summa auctoritas
 omnium? cum Gallie Fonteius præfesset, scitis iudices ma-
 ximos populi R. exercitus in duabus Hispanijs, clarissi-
 mosq; imperatores fuisse. quā multi equites R. quā
 multi Tribuni militum, quales, & quot, & quoties lega-
 ti ad eos exercitus? præterea Cn. Pōpeius, maximus atque
 ornatissimus, hiemaui in Gallia, M. Fonteio imperāte. sa-
 tis ne uobis multos, satis idoneos testes, & cōscios uidetur
 ipsa fortuna esse uoluisse earum rerum, quæ M. Fonteio
 Pratore gererentur in Gallia? quem ex tanto hominum
 numero testem in hac causa producere potestis? quis est
 ex eo numero, qui uobis auctor placeat? eo nos iā lauda-
 tore et teste utemur. dubitabitis etiā diutius iudices, quin
 illud, quod initio uobis proposui, uerissimū sit? aliud per
 hoc iudiciū nihil agi, nisi ut M. Fonteio oppresso testimo-
 nijs eorū, quibus multa Reip. causa inuitissimis imperata
 sunt, segniores posthac ad imperādū ceteri sint, cū uideāt

eos oppugnari, quibus oppressis populi R. imperiū incolu-
 me esse non possit. Obiectum est etiam, quæstum M. Fō-
 teium ex uiarū munitione fecisse: ut aut ne cogeret mu-
 nire: aut id, quod munitum esset, ne improbaret. si &
 coacti sunt munire omnes, & multorum opera improba-
 ta sunt: certe utrumque falsum est, & ob uacationem
 pretium datum, cum immunis nemo fuerit; & ob pro-
 bationem, cum multa improbata sint. quid, si hoc crimē
 optimis hominibus delegare possumus, & ita, ut nō cul-
 pam in alios transferamus, sed uti doceamus, eos isti mu-
 nitioni præfuisse, qui facile officium suum & præstare,
 & probare possunt? tamē ne uos omnia in M. Fonteium
 iratis testibus freti conferetis? cum maioribus Reip. ne-
 gotijs M. Fonteius impediretur; & cum ad Remp. perti-
 neret, uiam Domitiam munire: Legatis suis, primarijs ui-
 ris, C. Annio Bellieno, & C. Fonteio negotium dedit. ita-
 que præfuerunt, imperauerunt pro dignitate sua, quod ui-
 sum est, & probauerunt. quod uos, si nulla alia ex re,
 ex literis quidem uestris, quas scripsistis, & missis & alla-
 tis certe scire potuistis. quas si antea non legistis, nunc ex
 nobis, quid de ijs rebus Fonteius ad Legatos suos scripserit,
 quid ad eum illi rescripserint, cognoscite. Literæ ad C.
 Annium Legatum, ad C. Fonteium Legatum. Literæ à C.
 Annio Legato, à C. Fonteio Legato. Satis opinor esse per-
 spicuum iudices, hanc rationem munitionis neque ad M.
 Fonteium pertinere, & ab ijs esse tractatam, quos nemo
 possit reprehendere. cognoscite nūc de crimine uinario,
 quod illi inuidiosissimum & maximum esse uoluerunt.
 Crimen à Pletorio iudices ita constitutum est: Fonteio
 non in Gallia primum uenisse in mentem, ut portorium

uini

uini in
 ma pr
 narios
 gisse, C
 * tos,
 atque
 torium
 Tolosa
 sam in
 qui ad
 men, e
 tum fi
 tione i
 xime
 luerunt
 ostene
 ri, qu
 pare a
 tati re

Des
 non
 bern

uini institueret, sed in Italia hac proposita ratione Roma profectum: itaque Titurium Tolosæ quaternos denarios in singulas uini amphoras portorii nomine exegisse, Crodimum Porcium & Numium ternos uictoriatos, Nulchalone serene Umbinos & uictoriatos mille.
 * atque in his locis se Crodimi & Nulchalone ab his portorium esse exactum, si quæ Cobiamacho, qui uicus inter Tolosam & Narbonem est, diuerterentur, neque Tolosam ire uellent. Elefiodolus tantum senos denarios ab ijs, qui ad hostem portarent, exegisset. uideo indices esse crimen, & genere ipso magnum: uectigal enim esse impostum fructibus nostris dicitur, & pecuniâ permagnam ratione ista cogi potuisse confiteor, & inuidiam: uel maxime enim inimici hanc rem sermonibus diuulgare. uoluerunt. sed ego ita existimo, quo maius crimē sit id, quod ostendatur esse falsum, hoc maiorem ab eo iniuriam fieri, qui id confingat: uult enim magnitudine rei sic occurrere animos eorum, qui audiunt, ut difficilis aditus ueritati relinquatur.

Desiderantur quæ de crimine uinario erant reliqua, nec non quæ ad bellum Vocontiorum, & dispositionem hiernorum pertinebant.

At hoc Galli negant, aelio rerum et uis argumentorum coargui potest. igitur testibus iudices non credere cupidis, & iratis, & coniuratis, & ab religione remotis nō solum potestis, sed etiam debetis. etenim si, quia Galli dicunt, iccirco M. Fonteius nocens existimandus est: quid mihi opus est sapiente iudice? quid æquo quasitore? quid oratore nō stulto? dicunt. n. Galli. negare non possumus. hic si ingeniosi, & periti, & æqui iudicis has partes esse existimatis, ut, quoniā quidem testes dicunt, sine ulla dubitatione credendum sit: salus ipsa uirorum fortium innocentiam tueri non potest. sin autem in rebus iudicandis nō minimam partem ad unamquāque rem existimandam, momentoq; suo ponderandam sapientia iudicis tenet: nā multo uestre maiores grauiioresq; partes sunt ad cogitandum, quā ad dicendum meæ: mihi enim semper unaquaque de re testis non solum semel, uerū etiam breuiter interrogandus, & sæpe etiam non interrogandus, ne aut irato facultas ad dicendum data, aut cupida auctoritas attributa esse uideatur. uos & sapius eandē rem animis agitare, & diutius unoquoque de teste cogitare potestis. & si quem nos interrogare nolumus; quæ causa nobis tacendi fuerit, existimare debetis. quāobrem si hoc iudices præscriptum lege, aut officio putatis, testibus credere: nihil est, cur alius alio iudice melior, aut sapientior existimetur: unum est enim, & simplex aurium iudicium, & promiscue, & cōmuniter stultis, ac sapientibus ab natura datum. quid est igitur, ubi elucere possit prudentia? ubi discerni stultus auditor, & credulus ab religioso, & sapienti iudice? nimirum illud, in quo ea, quæ dicuntur à testibus, coniectura, & cogitatione traduntur, quāta au-

Florita
fide, qu
quant
testim
sæpe
ces de
putau
lis testi
dideru
Florita
spicio
cōmen
tia, ca
ornan
iniura
monie
tum e
citijs
tolle
quan
mo t
in M
tuit
ces
sato
fort
spe,
inin
Eten
si, q

Et oritate, quanta animi æquitate, quanto pudore, quanta
 fide, quanta religione, quanto studio existimationis bonæ,
 quanta cura, quanto timore dicantur. an uero uos id in
 testimonijs hominum barbarorum dubitabitis, quod per
 sæpe & nostra, & patrum memoria sapientissimi iudi-
 ces de clarissimis nostræ ciuitatis uiris dubitandum non
 putauerunt? qui Cn. & Q. Cepionibus, L. et Q. Metel-
 lis testibus in Q. Pompeium hominem nouum non cre-
 diderunt: quorū uirtuti, generi, rebus gestis fidem & au-
 thoritatē in testimonio cupiditatis atque inimicitiarū sus-
 spicio derogauit. ecquem hominem uidimus, ecquem uere
 cōmemorare possumus parem consilio, grauitate, constan-
 tia, ceteris uirtutibus, honoris, ingenij, rerum gestarum
 ornamentis M. Aemilio Scauro fuisse? tamē huius, cuius
 iniurati nutu propē terrarū orbis regebatur, iurati testi-
 monio neque in C. Fimbriā, neque in C. Mēmium credi-
 tum est. noluerunt ij, qui iudicabant, hanc patere inimi-
 citijs uiam; quem quisque odisset, ut eū testimonio posset
 tollere. quantus in L. Crasso pudor fuerit, quod ingenij,
 quanta auctoritas, quis ignorat? tamē is, cuius etiā ser-
 mo testimoniij auctoritatem habebat, testimonio ipso, quæ
 in M. Marcellum inimico animo dixit, probare non po-
 tuit. Fuit, fuit illis iudicibus diuinum ac singulare iudi-
 ces consilium, qui se non solum de reo, sed etiam de accu-
 satore, de teste iudicare arbitrabantur, quid fictum, quid
 fortuna ac tempore allatum, quid pretio corruptū, quid
 spe, aut metu deprauatum, quid à cupiditate aliqua, aut
 inimicitijs profectum uideretur. quæ si iudex nō ample-
 ctetur omnia consilio, non animo, ac mente circumspectet;
 si, quidquid ex illo loco dicetur, ex oraculo aliquo dici

arbitrabitur : profecto satis erit id, quod dixi antea, non
 surdum iudicem huic muneri atque officio præesse: nihil
 erit, quæ obrem ille nescio quis sapiens homo, ac multarum
 rerum peritus ad res iudicandas requiratur. an uero illi
 equites R. quos nos uidimus, qui nuper in Rep. iudicijsq;
 maximis floruerunt, habuerunt tantum animi, tantum ro-
 boris, ut M. Scauro testi non crederent: uos Belgarum atque
 Allobrogum testimonijs non credere timetis? Si inimico
 testi credi non oportuit, inimicior Marcello Crassus, aut
 Fimbria Scaurus ex civilibus studijs atque obreclatione
 domestica, quam huic Galli? quorum, qui optima in causa
 sunt, equites, frumentum, pecuniâ semel atque iterum ac
 sæpius inuitissimi dare coacti sunt: cæteri, partim ex uete-
 ribus bellis agro mulctati, partim ab hoc ipso, bello supe-
 rati, & oppressi. si, qui ob aliquod emolumentum suum cu-
 pidius aliquid dicere uidentur, ijs credi non conuenit: cre-
 do maius emolumentum Cepionibus & Metellis proposi-
 tum fuisse ex Q. Pompeij datione, cum studiorum suo-
 rum obreclatorem susceperant, quam cunctæ Gallie ex
 M. Fonteij calamitate, in qua illa provincia propè suam
 immunitatem ac libertatem positam esse arbitratur. an
 si homines ipsos spectare conuenit, id quod in teste profe-
 cto ualere plurimum debet, non modo cum summis ciui-
 tatis nostræ uiris, sed cum infimo ciue R. quisquam am-
 plissimus Gallie comparandus est? scit Induciomarus, quid
 sit testimonium dicere? mouetur eo timore, quo nostrum
 unusquisque, cum in eum locum productus est? recordami-
 ni iudices, quantopere laborare soleatis, non modo quid
 dicatis pro testimonio, sed etiam quibus uerbis utamini,
 ne quod minus moderate positum, ne quod ab aliqua cupi-

ditate prolapsū uerbū esse uideatur. uultu denique laboratis, ne quā significari possit suspicio cupiditatis: ut et, cū proditis, existimatio sit quādam tacita de uobis pudoris, ac religionis; & cū disceditis, ea diligenter conseruata, ac retenta uideatur. credo hac eadem Induciomarum in testimonio timuisse, aut cogitasse: qui primū illud uerbum consideratissimum nostræ consuetudinis, Arbitror, quo nos etiam tunc utimur, cū ea dicimus iurati, quæ cōperta habemus, quæ ipsi uidimus, ex toto testimonio suo sustulit, atque omnia se scire dixit. uerebatur enim uidelicet, ne quid apud uos populumq; R. de existimatione sua deperderet: ne quā fama cōsequeretur eiusmodi, Induciomarū talem uirum tam cupide, tam temere dixisse: non intelligebat, se in testimonio nihil præter uocem, & os, & audaciā neque ciuibus suis, neque accusatoribus nostris præstare debere. an uero istas nationes religione iurisiurādi, ac metu deorū immortalium in testimonijs dicendis cōmoueri arbitramini? quæ tantū à ceterarum gentium more ac natura dissentiant, quod ceteræ pro religionibus suis bella suscipiunt, istæ contra omnium religiones: illæ in bellis gerendis ab dijs immortalibus pacem, ac ueniam petunt, istæ cum ipsis dijs immortalibus bella gesserūt. hæ sunt nationes, quæ quondam tam longe ab suis sedibus Delphos usque ad Apollinem Pythium, atque ad oraculum orbis terræ uexādum ac spoliandum profectæ sunt. ab iisdem gentibus sanctis, & in testimonio religiosum obsessum Capitolium est, atque ille Iupiter, cuius nomine maiores nostri sanctam testimoniorum fidem esse uoluerunt. postremo, ijs quidquam sanctum, ac religiosum uideri potest, qui etiā si quādo aliquo metu adducti deos

placandos esse arbitrantur; humanis hostijs eorum aras ac templa funestant? ut ne religionem quidem colere possint, nisi eā ipsam prius scelere uiolarint. quis. n. ignorat, eos usque ad hanc diem retinere illā immanem ac barbaram consuetudinem hominū immolatorū? quā obrem quali fide, quali pietate existimatis esse eos, qui etiā deos immortales arbitrentur hominū scelere & sanguine facillime posse placari? cum his uos testibus uestrā religionem coniungetis? ab his quidquā sancte aut moderate dictum putabitis? hoc uestre mentes tā castę, tam integrę sibi suscipient, ut, cum omnes Legati nostri, qui illo triennio in Galliam uenerūt; omnes equites R. qui in illa provincia fuerunt; omnes negotiatores eius provincię, denique omnes in Gallia, qui sunt socij populi R. atque amici, M. Fonteij incolumē esse cupiant, iurati priuatim & publice laudent; uos tamen Gallis credere malitis? quid, ut secuti esse uideamini? uolūtatem ne hominū? grauior igitur uobis erit hostiū uolūtas, quā ciuium? an dignitatem testiū? potestis igitur ignotos notis, iniquos æquis, alienigenas domesticis, cupidos moderatis, mercenarios gratuitis, impios religiosos, inimicissimos huic imperio ac nomini, bonis ac fidelibus & socijs & ciuibus anteferre? an uero dubitatis iudices, quin insitas inimicitias istę gentes omnes & habeant, & gerāt cum populi R. nomine? sic existimatis eos hic sagatos brachatosq; uersari animo demisso atque humili, ut solent ij, qui affecti iniurijs, ad opem iudicum supplices inferioresq; cōfugiunt? nihil uero minus. hi cōtra uagātur læti atque erecti passim toto foro, cum quibusdam minis, & barbaro atque immani terrore uerborum. quod ego profecto non crederem,

nisi aliquoties ex ipsis accusatoribus uobiscum simul iudices audissem; cum præciperent, ut caueretis, ne hoc ab-
 soluto, nouum aliquod bellum Gallicum concitaretur. si
 M. Fonteium iudices in causa deficerent omnia; si turpi
 adolescentia, uita infami, magistratibus, quos ante oculos
 uestros gessit, conuictis uirorum bonorum testimonijs,
 legationibus flagitiose obitis, inuisus suis omnibus in iudi-
 cium uocaretur; si in eo iudicio colonorum populi R. Nar-
 bonensium, fidelissimorum sociorum Massiliensium, ciuium
 R. omnium testimonijs tabulisque premeretur: tamen es-
 set uobis magnopere providendum, ne quos ita afflictos
 à uestris patribus maioribusque accepissetis, ut contemnen-
 di essent, eos pertimuisse, et eorum minis et terrore com-
 moti esse uideremini. nunc uero, cum laetatur nemo bonus,
 laudent omnes uestri ciues atque socij, oppugnent ij, qui
 sapissime hanc urbem et hoc imperium oppugnarunt; cumque
 inimici M. Fonteij uobis ac populo R. minentur, ami-
 ci ac propinqui supplicent uobis: dubitabit non modo
 uestris ciuibus, qui maxime gloria ac laude ducuntur, ue-
 rum etiam exteris nationibus ac gentibus ostendere, uos in-
 sententijs ferendis ciui parcere, quam hosti cedere, maluis-
 se? magna mehercule causa iudices absolutionis cum cae-
 teris causis hæc est, ne qua insignis huic imperio macula
 atque ignominia suscipiatur, si hoc ita perlatum erit in
 Galliam, senatum, equitesque populi R. non testimonijs
 Gallorum, sed minis commotos, rem ad illorum libidi-
 nem iudicasse. ita uero, si illi bellum facere conabun-
 tur, excitandus nobis erit ab inferis C. Marius, qui
 Induciomaro isti minaci atque arroganti par in bel-
 ligerando esse possit: excitandus Cn. Domitius et

Maximus, qui nationem Allobrogum & reliquias suis
 iterum armis conficiat atque opprimat: aut, quoniam
 id quidem non potest, orāsus erit nobis amicus meus M.
 Pletorius, ut suos novos clientes à bello faciēdo deterreat,
 ut eorum iratos animos, atque horribiles impetus deprece
 tur: aut, si non poterit, M. Fabium subscriptorem eius
 rogabimus, ut Allobrogum animos mitiget; quoniam
 apud illos Fabiorum nomen amplissimum: ut uelint isti
 aut quiescere, id quod uicti ac subacti solent; aut, cum
 minantur, intelligere, se populo R. non metum belli, sed
 spem triumphī ostendere, quodd si in turpi reo patiendū
 nō esset, ut quidquā isti se minis profecisse arbitrarentur:
 quid faciendū uobis in M. Fonteio arbitramini? de quo
 homine iudices (iam. n. mihi uideor hoc propē causa dua
 bus actionibus perorata debere dicere) de quo uos homine
 iudices ne ab inimicis quidem ullū fictū probrosum non
 modo crimen, sed ne maledictum quidem audistis. ecquis
 unquam reus, praesertim in hac uita ratione uersatus, in
 honoribus petendis, in potestatibus, in imperiis gerēdis, sic
 accusatus est, ut nullū probrum, nullū facinus, nulla tur
 pitudo, quæ à libidine, aut à petulantia, aut ab audacia
 nata esset, ab accusatore obijceretur, si nō uera, attamen
 ficta, cū aliqua ratione ac suspitione? M. Aemiliū Scau
 rum summū nostræ ciuitatis uirum scimus accusatum à
 M. Bruto. extant orationes, ex quibus intelligi potest,
 multa in illū ipsum Scaurū esse dicta, falso, quis negat?
 uerūtamen ab inimico dicta, & obiecta. Quā multa M.
 Aquilius audiuit in suo iudicio? quā multa L. Corra? de
 nique P. Rutilius? qui etsi damnatus est, mihi uidetur ta
 men inter uiros optimos atque innocentissimos esse nume-

randus. ille igitur ipse, homo sanctissimus, ac temperatissimus, multa audiuit in sua causa, quæ ad suspicionem suprorum ac libidinem pertinerent. Extat oratio hominis, ut opinio mea fert, nostrorum hominum longe ingeniosissimi, atque eloquentissimi, C. Gracchi; quæ in oratione permulta in L. Pisonem turpia ac flagitiosa dicuntur: at in quem uirum? qui tanta uirtute atque integritate fuit, ut etiam illis optimis temporibus, cum hominem inuenire nequam neminem posses, solus tamen Frugi nominaretur: quem cum in concionem Gracchus uocari iuberet, et uiator quæreret, quem Pisonem? quod erat plures. cogis me, inquit, dicere inimicum meum Frugi. is igitur uir, quem ne inimicus quidem satis in appellando significare poterat, nisi ante laudasset; qui uno cognomine declarabatur, non modo quis esset, sed etiam qualis esset; tamen in falsam atque iniquam probrorum insimulationem uocabatur. M. Fonteius ita duabus actionibus accusatus est, ut obiectum nihil sit, quo significari uestigium libidinis, petulantiae, crudelitatis, audaciae possit. non modo nullum facinus huius protulerunt, sed ne dictum quidem aliquod reprehenderunt. quod si aut quantam uoluntatem habent ad hunc opprimendum, aut quantam ad maledicendum licentiam, tantum haberent aut ad ementiendum animi, aut ad fingendum ingenij, non meliore fortuna ad probra nunc audienda Fonteius, quam illi, de quibus antea commemoravi, fuisset. frugi igitur hominem iudices, frugi inquam, et in omnibus uitæ partibus moderatum ac temperantem, plenum pudoris, plenum officij, plenum religionis, uidetis positum in uestra fide ac potestate, atque ita, ut commissus sit fidei,

O R A T I O

permissus potestati. uidete igitur, utrum sit æquius; ho=
 minem honestissimum, uirum fortissimum, ciuem opti=
 mum dedi inimicissimis, atque immanissimis nationibus,
 an reddi amicis: præsertim cum tot res sint, quæ ue=
 stris animis pro huius innocentis salute supplicent: pri=
 mum generis antiquitas; quam Tusculo ex clarissimo
 municipio profectam, in monumentis rerum gestarum
 incisam ac notatam uidemus, tum autem continua Præ=
 tura, quæ & ceteris ornamentis & existimatione inno=
 centia maxime floruerunt: deinde recens memoria pa=
 rentis, cuius sanguine non solum Asculanorum manus,
 à qua interfectus est, sed totum illud sociale bellum ma=
 cula sceleris imbutum est: postremo ipse cum in omni=
 bus uitæ partibus honestus atque integer, tum in re mili=
 tari cum summi consilij, & maximi animi, tum uero
 usu quoque bellorum gerendorum in primis eorum homi=
 num, qui nunc sunt, exercitus. quare si etiam monendi
 estis à me, quod non estis iudices, uideor hoc leuiter pro
 mea auctoritate uobis præcipere posse, ut ex eo genere ho=
 mines, quorum cognita uirtus, industria, felicitas in re
 militari sit, diligenter uobis retinendos existimetis. fuit
 enim maior talium uiuorum in hac Rep. copia: quæ cū
 esset, tamen eorum non modo saluti, sed etiam honori
 consulebatur. quid nunc uobis faciendum est, studijs mi=
 litaribus apud iuuentutem obsoletis, hominibus autem
 ac summis ducibus partim ætate, partim ciuitatis discor=
 dijs hac Reip. calamitate consumptis, cum tot bella aut
 à nobis necessario suscipiantur, aut subito atque improu=
 isa nascantur. Nō ne & hominem ipsum ad dubia Reip.
 tempora reseruandum, & ceteros studio laudis ac uir=

rutis inflammandos putatis ? recordamini, quos Legatos
 nuper in bello L. Iulius, quos P. Rutilius, quos L. Cato,
 quos Cn. Pompeius habuerit : scietis fuisse tum M. Cor-
 nutum, L. Cinnam, L. Sullam, pratorios homines, bellige-
 rendi peritissimos : praterea C. Marium, P. Didium,
 Q. Catulum, P. Crassum, non literis homines ad rei mi-
 litaris scientiam, sed rebus gestis ac uictorijs eruditos .
 age uero nunc inferte oculos in curiam, introspicite pe-
 nitus in omnes Reip. partes : utrum uidetis, nihil posse
 accidere, ut tales uiri desiderandi sint ; an, si acciderit,
 eorum hominum copia populum R. abundare ? quæ si
 diligenter attendetis, profecto iudices uirum ad labores
 belli impigrum, ad pericula fortem, ad usum ac disci-
 plinam peritum, ad consilia prudentem, ad casum
 fortunamq; felicem, domi uobis ac liberis uestris retine-
 re, quàm inimicissimis populi R. nationibus & crude-
 lissimis tradere, & condemnare, maletis . at infestis pro-
 pè signis inferuntur Galli in Fonteium, & instant at-
 que urgent summo cum studio, summa cum audacia :
 nos uero iudices nò et multis et firmis præsijs, uobis ad-
 iutoribus, isti immani atque intolerandæ barbariæ resis-
 stemus ? primum obijcitur contra istorum impetus Ma-
 cedonia, fidelis & amica populo R. provincia : quæ
 cum se ac suas urbes non solum consilio, sed etiam ma-
 nu Fonteij conseruatam esse dicat, ut illa per hunc à
 Thracum aduentu ac depopulatione defensa fuit, sic ab
 huius nunc capite Gallorum impetus terroresq; depellit .
 constituitur ex altera parte ulterior Hispania, quæ pro-
 fecto non modo religione sua resistere istorum cupidita-
 ti potest, sed etiam sceleratorum hominum periuria testi

monijs ac laudationibus suis refutare. atque ex ipsa etiã Gallia fidelissima & grauissima auxilia sumuntur. uenit huic subsidio misero atque innocenti Massiliensium cū-
 eta ciuitas, quæ non solū ob eā causam laborat, ut huic, a quo ipsa seruata est, parem gratiã referre uideatur, sed etiã, quodd ea cōditione atque eo fato se in ijs terris collo-
 catã esse arbitratur, ne quid nostris hominibus istæ gentes nocere possint. pugnat pariter pro salute M. Fōteij Nar-
 bonensis colonia, quæ per hūc ipsa nuper obsidione hostiū liberata, nūc eiusdem miserijs ac periculis cōmouetur. des-
 nique, ut oportet bello Gallico, ut maiorum iura, moresq; præscribūt, nemo est ciuis R. qui sibi ulla excusatione utē-
 dū putet. omnes illius prouinciæ publicani, agricola, pec-
 cuarij, ceteri negotiatores uno animo M. Fōteium atque una uoce defendūt. quodd si tãtas auxiliorū nostrorū co-
 plas Induciomarus ipse despexerit, dux Allobrogum cete-
 rorumq; Gallorū: nū etiã de matris hūc cōplexu, lectissi-
 mæ miserrimæq; foeminae, uobis inspectantibus aueller-
 atque abstrahet? præsertim cum uirgo Vestalis ex altera
 parte germanū fratrem cōplexa teneat, uestramq; iudi-
 ces ac populi R. fidem imploret: quæ pro uobis liberisq;
 uestris tot annos in dijs immortalibus placādis occupata
 est, ut ea nūc pro salute sua, fratrisq; sui animos uestros
 placare possit: cui misera quod præsidium, quod solatium
 reliquū est, hoc amisso? nā cetera foemina gignere ipsa
 sibi præsidia, & habere domi fortunarum omnium so-
 cium participemq; possunt: huic uero uirgini quid est
 præter fratrem, quod aut iucundū, aut charū esse possit?
 nolite pati iudices, aras deorū immortalium, Vestæq; ma-
 tris, quotidianis uirginis lamentationibus de uestro iudic-

cio commoueri . prospicite, ne ignis ille aternus, nocturnis
Fonteie laboribus uigilijsq; seruatus, sacerdotis Vestie la-
crymis extinctus esse dicatur . tēdet ad uos uirgo Vestalis
manus supplices easdē , quas pro uobis dijs immortalibus
tendere cōsuevit . caute, ne periculosum superbūq; sit ,
eius uos obsecrationē repudiare , cuius preces si dij asper-
nāretur, hac salua esse nō possent . uidetis ne subito indi-
ces uirū fortissimū M. Fonteium parentis & sororis com-
memoratione lacrymas profudisse ? qui nunquā in acie
pertimuerit, qui se armatus saepe in hostium manū multi-
tudinēq; immiserit, cū in eiusmodi periculis eadem se so-
latia suis relinquere arbitraretur, quæ suus pater sibi re-
liquisset; idem nunc perturbato animo pertimescit, ne nō
modo ornamento & adiūmēto non sit suis, sed etiā cum
acerbissimo luctu dedecus aternum miseris atque ignomi-
niā relinquat . o fortunā longe distarem M. Fonteij, si de-
ligere potuisses, ut potius telis tibi Gallorū, quā periurijs
intereundum esset : tum . n . uitæ socia uirtus, mortis comes
gloria fuisset : nunc uero qui est dolor ? uictoria te atque
imperij pœnas ad eorum arbitrium sufferre, qui aut uicti
armis sunt, aut inuitissimi paruerunt : a quo periculo de-
fendite iudices ciuem fortem, atque innocentem : curate, ut
nostris testibus plus, quā alienigenis credidisse uideami-
ni ; plus salutē ciuium, quā hostium libidini cōsuluisse ;
grauiore duxisse eius obsecrationem , quā uestris sacris
præsit, quā eorum audaciam , qui cum omnium sacris
delubrisq; bella gesserunt . postremo prospicite iudices, id
quod ad dignitatem populi R . maxime pertinet, ut plus
apud uos preces uirginis Vestalis, quā minæ Gallorum
ualuisse uideantur .

I, quantum in agro, locisq; desertis audacia potest, tantum in foro atque in iudicijs impudentia ualeret, non minus in causa cederet A. Cæcina Sex. Ebutij impudentiæ, q̄ tum in ui facienda cessit audaciæ. uerum & illud considerati hominis esse putauit, qua de re iure decertari oporteret, armis non contendere; & hoc constantis, quicum ui & armis certare noluiisset, eum iure iudicioq; superare. ac mihi quidem cum audax præcipue fuisse uidetur Ebutius in cōuocandis hominibus & armandis, tum impudens in iudicio: nō solum quodd in iudiciū uenire ausus est, (nam id quidem tametsi improbe fit in aperta re, tamen malitia est iā usitatum) sed quodd non dubitauit id ipsum, quod arguitur, confiteri: nisi forte hoc rationis habuit, quoniam, si facta uis nō esset moribus, superior in possessione retinenda nō fuisset: quia contra ius moremq; facta sit, A. Cæcinam cum amicis metu perterritum profugisse: nūc quoque in iudicio, si causa more institutoq; omniū defendatur, nos inferiores in agendo non futuros: sin è consuetudine recedatur, se, quo impudentius egerit, hoc superiorem discessurum. quasi uero aut in iudicio possit idem improbitas, quod in ui cōfidentia: aut nō eo libentius tum audaciæ cesserimus, quo nūc impudentiæ facilius obsisteremus. itaque longe alia ratione Recuperatores ad agendā causam hac actione uenio, atque initio uenerā: tum enim nostræ causæ spes erat posita in defensione mea, nūc in confessione aduersarij; tum in nostris, nunc uero in illorum

testibus : de quibus ego antea laborabam , ne, si improbi
essent , falsi aliquid dicerent ; si probi existimarentur ,
quod dixissent, probarent. nunc sum animo aequissimo :
si enim sunt uiri boni , me adiuuant , cum id iurati di-
cunt, quod ego iniuratus insimulo : sin autem minus ido-
nei, me non ledūt, cum, siue creditur ijs hoc ipsum, quod
nos arguimus, siue fides non habetur , de aduersarij tes-
tium fide derogatur . ueruntamen cum illorum causæ
actionem considero, nō uideo, quid impudentius dici pos-
sit : cum autem uestram in iudicando dubitationem, ue-
reor, ne id, quod uidentur impudenter fecisse, astute &
callide fecerint : nam si negassent uim hominibus ar-
matis esse factam, facile honestissimis testibus in re per-
spicua tenerentur : sin confessi essent, & id, quod nullo
tempore iure fieri potest , tum ab se iure factum esse de-
fenderent , sperarunt id , quod assecuti sunt, se iniectu-
ros uobis causam deliberandi, & iudicandi iustam mor-
ram ac religionem . simul illud, quod indignissimum est,
futurum arbitrati sunt , ut in hac causa non de impro-
bitate Sex. Ebutij , sed de iure civili iudicium fieri uide-
retur. qua in re si mihi esset unius A. Caecinae causa agē-
da, profiterer satis idoneū esse me defensorem, propterea
quod fidem meam diligentiamq; præstarem: quæ cū sunt
in aētoze causæ, nihil est , in re præsertim aperta ac sim-
plici, quod excellens ingenium requiratur. sed cum de eo iu-
re mihi dicendū sit, quod pertineat ad omnes, quod consti-
tutum sit à maioribus, cōseruatum usque ad hoc tempus,
quo sublato non solū pars aliqua iuris diminuta, sed etiā
uis ea, quæ iuri maxime est aduersaria, iudicio cōfirmata
esse uideatur; uideo summi ingenij causam esse; nō uiri

demonstretur quod ante oculos est, sed ne, si quis uobis error in tanta re sit obiectus, omnes potius me arbitrentur causæ, quàm uos religioni uestræ defuisse. quāquam ego mihi sic persuadeo Recuperatores, non uos tam propter iuris obscurā dubiamq; rationem bis iam de eadem causa dubitasse, quàm, quodd uidetur ad summam illius estimationem hoc iudicium pertinere, moram ad condemnandum acquisisse, simul & illi spatiū ad sese colligendum dedisse. quod quoniam iam in cōsuetudinem uenit, & id uiri boni uestri similes in iudicando faciunt, reprehendendum fortasse minus, querendū uero magis etiam uidetur: ideo quodd omnia iudicia aut distrahendarū controuersiarum, aut puniendorum maleficiorum causa reperia sunt: quorum alterum leuius est, propterea quodd & minus lēdit, & persæpe disceptatore domestico dijudicatur: alterum est uehementissimum, quodd & ad grauiores res pertinet, & non honorariā operam amici, sed seueritatem iudicis ac uim requirit. quod est grauius, & cuius rei causa maxime iudicia constituta sunt, id iam mala consuetudine dissolutū est. nā ut quæque res est turpissima, sic maxime, et maturissime iudicanda est: at ea, in qua estimationis periculum est, tardissime iudicatur. qui igitur conuenit, quæ causa fuerit ad constituendum iudicium, eandem moram esse ad iudicandum? si quis, quod spondit, qua in re uerbo se uno obligauit, id non facit; maturo iudicio, sine ulla religione iudicis condemnatur: qui per tutelam, aut societatem, aut rem mandatam, aut fiduciæ rationem fraudauit quempiam, in eo, quo delictum maius est, eo poena est tardior: est enim turpe iudicium, & factō quidem turpe. uidete igitur

tur quàm inique accidat, quia res indigna sit, ideo turpem exstimationem sequi; quia turpis exstimatio sequatur, ideo rem indignam non iudicari. at si quis mihi hoc iudex, Recuperator'ue dicat: potuisti. n. leuiore aetione cōstigare: potuisti ad tuū ius faciliore & cōmodiore iudicio peruenire: quare aut muta aetionem, aut noli mihi instare, ut iudicem: tamē is aut timidior uideatur, quàm fortem, aut cupidior, quàm sapientem iudicem esse aequū est, si aut mihi praescribat quemadmodum meum ius persequar, aut ipse id, quod ad se delatum sit, non audeat iudicare. etenim si Prator, is, qui iudicia dat, nunquam petitori praestituit, qua aetione illum uti uelit: uidete, quàm iniquum sit, cōstituta iam re, iudicem, quid agi potuerit, aut quid possit, non quid actum sit, querere. uerūtamen nimis uestrae benignitati parceremus, si alia ratione ius nostrum recuperare possemus: nūc uero quis est, qui aut uim armatis hominibus factam relinqui putet oportere, aut eius rei leuiorem aetionem nobis aliquam demonstrare possit? ex quo genere peccati, ut illi clamitant, uel iniuriarum, uel capitis iudicia constituta sunt, in eo potestis atrocitatem nostram reprehendere? cum uideatis nihil aliud actum, nisi possessionem per interdictum esse repetitam? uerum siue uos exstimationis illius periculum, siue iuris dubitatio tardiores fecit adhuc ad iudicandum, alterius rei causam uosmetipsi iam uobis saepius prolato iudicio sustulistis, alterius ego uobis hodierno die causam profecto auferam, ne diutius de controuersia nostra, ac de communi iure dubitetis. Et si forte uidebor altius initium rei demonstrandae petisse, quàm me ratio iuris, & ius, de quo iudicium est, & natura causae coegerit; quaso

ut ignoscatis: nō enim minus laborat A. Cæcina, ne summo iure egisse, quā ne certum ius non obtinuisse uideatur. M. Fulcinus fuit Recuperatores è municipio Tarquiniēsi, qui & domi suæ cū primis honestus existimatus est, & Romæ argentariam nō ignobilem fecit. is habuit in matrimonio Cefenniam, eodem è municipio, summo loco natam, & probatissimam fœminam, sicut & uiuus multis ipse rebus ostendit, & in morte sua testamēto declarauit. huic Cefenniae fundū in agro Tarquiniēsi uendidit temporibus illis difficillimis solutionis. cum uteretur dote uxoris numerata, quo mulieri esset res cautior, curauit ut in eo fundo dos collocaretur & aliquanto post, iam argentaria dissoluta, Fulcinus huic fundo uxoris continentia quædam prædia atque adiuncta mercatur. moritur Fulcinus: (multa enim, quæ sunt in re, quia remota sunt à causa, prætermittam) testamēto facit heredem, quem habebat è Cefennia filiū: usumfructum omnium bonorum suorum Cefenniae legat, ut frueretur undè cum filio. magnus honos uiri iucundus mulieri fuisse, si diuturnum esse licuisset: frueretur enim bonis cum eo, quem suis bonis heredem esse cupiebat, & ex quo maximum fructum ipsa capiebat: sed hunc fructum mature fortuna ademit: nam breui tempore M. Fulcinus adulescens mortuus est, heredem P. Cefennium fecit, uxori grande pondus argenti, matriq; partem bonorum maiorem legauit: itaque in partē mulieres uocatae sunt. cum esset hæc auctio hereditaria constituta, Ebutius iste, qui iādū Cefenniae uiduitate ac solitudine aleretur, ac se eius in familiaritatem insinuasset hac ratione, ut cum aliquo suo compendio negotia mulieris, si qua acciderent, contro-

uersasq; susciperet, uersabatur quoque eo tempore in his rationibus auclionis & partitionis, atque etiã se ipse inferebat, & intrudebat, & in eam opinionem Cefenniam adducebat, ut mulier imperita nihil putaret agi callide posse, ubi non adesset Ebutius. quam personam iam ex quotidiana cognoscitis uita Recuperatores, mulierum assentatoris, cognitoris uiduarum, defensoris nimium litigiosi, conciti ad rixam, inepti ac stulti inter uiros, inter mulieres periti iuris & callidi: hanc personam imponite Ebutio: is enim Cefennia fuit Ebutius: ne forte quærat, num propinquus? nihil alienius. amicus aut à patre, aut à uiro traditus? nihil minus. quis igitur? ille, quẽ supra deformaui, uoluntarius amicus mulieris, non necessitudine aliqua, sed ficto officio, simulataq; sedulitate coniunctus, magis opportuna opera nonnunquam, quàm aliquando fideli. cum esset, ut dicere institueram, constituta auclio Romæ, suadebant amici cognatiq; Cefennia id, quod ipsi quoque mulieri in mentem ueniebat: quoniam potestas esset emendi fundum illum Fulcinianum, qui fundo elius antiquo continens esset, nullã esse rationem, amittere eiusmodi occasionem, cum præsertim pecunia ex partitione deberetur: nusquam eam posse melius collocari. itaque mulier facere constituit. mādāt, ut fundum sibi emat. cui tandem? cui putatis? an non in mentem uenit hominis illius ad hoc inunus, & ad omnia mulieris negotia parati, sine quo nihil satis caute, nihil satis callide agi posset? recte attēditis. Ebutio negotiũ datur. adest ad tabulã, licetur Ebutius: deterrētur emptores multi, partim gratia Cefennia, partim etiã pretio: fundus addicitur Ebutio: pecuniã argentario promittit Ebu-

tius. quo testimonio nūc uir optimus utitur, sibi emptum
 esse. quasi uero aut nos ei negemus addictū, aut tum quis
 quam fuerit, qui dubitarit, quin emeretur Cēsennia, cum
 id plerique scirent, omnes ferè audissent, hi cōiectura asse
 qui possent, cum pecunia Cēsennia ex illa hereditate de
 beretur, eam porro in pradijs collocari maxime expedi
 ret, essent autem pradia, quæ mulieri maxime conueni
 rent, ea uenirent, liceretis is, quem Cēsennia dare operā
 nemo miraretur, sibi emere nemo posset suspicari. hac em
 ptione facta, pecunia soluitur à Cēsennia. cuius rei putat
 iste rationē reddi nō posse, quod ipse tabulas auerterit: se
 autem habere argentarij tabulas, in quibus sibi expensa
 pecunia lata sit, acceptaq; relata: quasi id aliter fieri o
 portuerit. cū omnia ita facta essent, quemadmodum nos
 defendimus, Cēsennia fundū possedit, locauitq; neque ita
 multo post A. Cæcina nupsit. ut in pauca conferā, testa
 mento. factō mulier moritur. facit heredem ex deunce,
 et semūcia Cæcinam, ex duabus sextulis M. Fulcinium
 libertum superioris uiri, Ebutio sextulam aspergit. hanc
 sextulam illa mercedem isti esse uoluit assiduitatis, et mo
 lestiæ, si quam susceperat. iste autē hac sextula se ansam
 retinere omnium controuersiarum putat. iam principio
 ausus est dicere, nō posse heredem esse Cēsennia Cæcinā,
 quod is deteriore iure esset, quā ceteri ciues, propter in
 cōmodum Volaterranorū, calamitatemq; civilem. itaque
 homo timidus imperitusq; qui neque animi neque cōsiliij
 satis haberet, non putauit esse tanti hereditatē, ut de ciui
 tate in dubium ueniret: concessit credo Ebutio, quantum
 uellet de Cēsennia bonis ut haberet: immo, ut uiro forti
 ac sapienti dignum fuit, ita calumniam stultitiāq; ob=

triuir, ac contudit. in possessione bonorum cum esset, & cum ipse sextulam suam nimium exaggeraret; nomine heredis arbitrum familiae herciscundae postulauit. atque illis paucis diebus, posteaquam uidet nihil se ab A. Caecina posse litium terrore abradere, homini Romae in foro denunciat, fundum illum, de quo ante dixi, cuius istum emptorem demonstraui fuisse mandato Cessenniae, suum esse, seq; sibi emisse. quid ais? tuus ille fundus est, quē sine ulla cōtrouersia quadriennium, hoc est, ex quo tēpore fundus uenijt, quoad uixit, possedit Cessennia? usus. n. inquit, eius & fructus fundi testamento uiri fuerat Cessenniae. cum hoc nouae litis genus tam malitiose intendēret, placuit Caecinae de amicorum sententiā constituere, quo die in rem praesentem ueniretur, & de fundo Caecina moribus deduceretur. colloquuntur, dies ex utriusque cōmodo sumitur. Caecina cum amicis ad diem uenit in castellum Axiam: ex quo loco fundus is, de quo agitur, nō longe abest. ibi certior fit à pluribus, homines permultos liberos atque seruos cōegisse & armasse Ebutium. cū id partim mirarentur, partim non crederent, ecce ipse Ebutius in castellum uenit, denunciat Caecinae se armatos habere, abiturum eum non esse, si accessisset. Caecinae placuit & amicis, quoad uideretur saluo capite fieri posse, experiri. tū de castello descendunt, in fundum proficiunt. uidetur temere cōmissum. uerū, ut opinor, hoc fuit causae: tā temere istum re cōmissurum, quā uerbis nūciabatur, nemo putauit. atque iste ad omnes introitus, quā adiri poterat non modo in eum fundum, de quo controuersia fuerat, sed etiam in illum proximū, de quo nihil ambigebatur, armatos homines opponit. itaque pri-

mo cum in antiquum fundū ingredi uellet, quoddā eā proxime accedi poterat; frequentes armati obstitērunt. quo loco depulsus Cæcina, tamen, quā potuit, ad eum fundū profectus, ex quo ex conuentu uim fieri oportebat. eius autem fundi extremam partem oleæ directo ordine definiunt. ad eas cum accederetur, iste cum omnibus copijs præsto fuit, seruumq; suum nomine Antiochū ad se uocauit, & clara uoce imperauit, ut eum, qui illum olearū ordinem intrasset, occideret. homo mea sententia prudentissimus Cæcina, tamen in hac re plus mihi animi, quā consilij, uidetur habuisse: nam cum & armatorū multitudinem uideret, & eam uocem Ebutij, quam commorauī, audisset, tamen accessit propius, & iam ingrediens intra finem eius loci, quem oleæ terminabant, impetum armati Antiochi, cæterorumq; tela atque incursus refugit. eodem tempore se in fugam cōserunt unā amici aduocatiq; eius metu perterriti, quemadmodum illorum testem dicere audistis. his rebus ita gestis, P. Dolabella Prætor interdixit, ut est consuetudo, de uī hominibus armatis, sine ulla exceptione, tantum, ut, unde deieciisset, restitueret. restituisse se dixit. sponsio facta est. hac de spōsione uobis iudicandum est. Maxime fuit optandum Cæcinæ Recuperatores, ut cōtrouersia nihil haberet: secūdo loco, ut ne cū tā improbo homine: tertio, ut cū tā stulto haberet: etenim nō minus nos stultitia illius subleuat, q̄ lædit improbitas. improbus fuit, quoddā homines coegit, armauit, coactis armatisq; uim fecit. læsit in eo Cæcinā. subleuauit ibidem: nam in eas ipsas res, quas improbiissime fecit, testimonia sumpsit, & eis in causa testimonijs utitur, itaque mihi certum est Recuperatores, antequam

ad meam defensionem, meosq; testes uenio, illius uti confessione & testimonijs. quid cōfiteatur? atque ita libenter cōfiteatur, ut non solum fateri, sed etiam profiteri uideatur Recuperatores? cōuocaui homines, coegi, armaui: errore mortis ac periculo capitis, ne accederes, obstiti. ferro, inquit, ferro (et hoc dicit in iudicio) te reieci atque per terrui. quid? testes quid aiunt? P. Veſtilius propinquus Ebutij se Ebutio cū armatis seruis uenisse aduocatū. quid præterea? fuisse complures armatos. quid aliud? minaturū esse Ebutium Cæcinæ. quid ego de hoc teste dicā, nisi hoc, Recuperatores? ut iccirco nō minus ei credatis, quodd homo minus idoneus habetur, sed ideo credatis, quodd ex illa parte id dicit, quod illi causæ maxime est alienū. A. Terentius alter testis non modo Ebutium, sed etiam se ipsum arguit. in Ebutium hoc dicit, armatos homines fuisse. de se autem hoc prædicat, Antiocho Ebutij seruo imperasse, ut in Cæcinam aduenientem cum ferro inuaderet. quid loquar amplius hoc de homine? in quē ego dicere, cum rogarer à Cæcina, nunquam uolui, ne arguere illum rei capitalis uiderer: de eo dubito nūc, quo modo aut loquar, aut taceam, cum ipse hoc de se iuratus prædicet. deinde L. Celius non solum Ebutium cum armatis dixit fuisse compluribus, uerum etiam cum aduocatis perpaucis eū uenisse Cæcinam. de hoc ego teste detraham, cui æque atque meo testi ut credatis, postulo? P. Memmius secutus est, qui suum non paruum beneficium commemorauit in amicos Cæcinæ, quibus sese uiam per fratris sui fundum dedisse dixit, quā effugere possent, cum essent metu omnes perterriti. huic ego testi gratias agam, quodd & in re mise-

ricordem se præbuit, & in testimonio religiosum. A. Attilius, & eius filius L. Attilius, & armatos ibi fuisse, & se suos armatos adduxisse, dixerunt, etiam hoc amplius: cum Ebutius Cæcinæ malum minaretur, ibi tum Cæcinam postulasse, ut moribus deductio fieret. hoc idem P. Rutilius dixit, & eo libentius dixit, ut aliquo in iudicio eius testimonio creditum putaretur. duo præterea testes nihil de ui, sed de ipsa emptione fundi dixerunt, P. Cescennius auctor fundi, non tam auctoritate graui, quàm corpore, & argentarius Sex. Clodius, cui nomen est Phormio, nec minus niger, nec minus confidens, quàm ille Terentianus est Phormio: nihil de ui dixerunt, nihil præterea, quod ad uestrum iudicium pertineret. Decimo uero loco testis expectatus, & ad extremum reservatus dixit senator populi R. splendor ordinis, decus atque ornamentum iudiciorum, exemplar antiquæ religionis Fidiculanus Falcula: qui cum ita uehemens acerbq; uenisset, ut non modo Cæcinam periurio suo laderet, sed etiam mihi uideretur irasci; ita eum placidum mollemq; reddidi, ut non auderet, sicut meministis, iterum dicere, quot milia fundus suus abesset ab urbe: nam cum dixisset minus abesse LIII, populus cum risu acclamauit ipsa esse: meminérant enim omnes, quantū in Albiano iudicio accepisset. in eū quid dicam? nisi id, quod negare non possit? uenisse in consilium publicæ quaestionis, cum eius consilij iudex non esset: & in eo consilio, cum causam non audisset, & potestas esset ampliandi, dixisse, sibi liquere: dum incognita re iudicare uoluisset, maluisse condemnare, quàm absolvere: cum, si uno minus damnarent, condemnari reus non posset.

set ; non ad cognoscendam causam , sed ad explendam
damnationem præsto fuisse . utrum grauius aliquid in
quempiam dici potest , quàm ad hominem condemnan-
dum , quem nunquam uidisset , neque audisset , adductum
pretio esse ? an certius quidquam obijci potest , quàm quod
is , cui obijcitur , ne nutu quidem infirmare conatur ? ue-
runtamen is testis (ut facile intelligeretis eum nõ adfuisse
animo , cum ab illis causa ageretur , testesq; dicerent , sed
tantisper de aliquo reo cogitasse) cum omnes ante eũ di-
xissent testes , armatos cum Ebutio fuisse complures ; so-
lus dixit , nõ fuisse . uisus est mihi primo ueterator intel-
ligere præclare , quid causa optaret ; & tantummodo er-
rare , quòd omnes testes infirmaret , qui ante eum dixis-
sent : cum subito ecce idem qui solet , suos solos seruos ar-
matos fuisse , dixit . quid huic tu homini facias ? nõ ne cõ-
cedas interdum , ut excusatione summæ stultitiæ , summæ
improbitalis odium deprecetur ? utrum Recuperatores
his testibus non credidistis , cum , quid liqueret , non habui-
stis ? at controuersia non erat , quin uerum dicerent . an
in coacta multitudine , in armis , in telis , in præsentì metu
mortis , perspicuo periculo cædis dubium uobis fuit , an
esse uis aliqua uideretur , nec ne ? quibus igitur in rebus
uis intelligi potest , si in his non intelligitur ? an uero illa
defensio uobis præclara uisa est : non deiecti , sed obstiti :
non enim te sum passus in fundum ingredi , sed armatos
homines opposui : ut intelligeres , si in fundo pedem po-
suisset , statim tibi esse pereundũ . quid ais ? is , qui armis
perterritus , fugatus , pulsus est , non uidetur esse deiectus ?
posterius de uerbo uidebimus : nũc rem ipsam ponamus ,
quam illi non negant ; & eius rei ius , actionemq; quæ-

ramus. Est hæc res posita, quæ ab aduersario non negatur : Cæcinæ, cum ad constitutam diem, tempusq; uenisset, ut ius ac deductio moribus fieret, pulsus prohibetumq; esse uel coactis hominibus & armatis. cum hoc cõsistat, ego homo imperitus iuris, ignarus negotiorum ac litium, hæc puto me habere actionem, ut per interdictum, meum ius teneam, atque iniuriam tuam persequar. fac in hoc errare me, nec ullo modo posse per hoc interdictum id assequi, quod uelim : te uti in hac re magistro uolo. quæro, sit ne aliqua huius rei actio, an nulla? conuocari homines propter possessionis controuersiam non oportet: armari multitudinem iuris retinendi causa non conuenit : nec iuri quidquam tam inimicum, quam uis: nec æquitati quidquam tam infestum est, quam cõuocati homines & armati. quod cum ita sit, resq; eiusmodi sit, ut in primis à magistratibus animaduertenda esse uideatur: iterum quæro, sit ne eius rei aliqua actio, an nulla? nullam esse dices? audire cupio, qui in pace & otio cõmunum fecerit, copias pararit, multitudinem hominum coegerit, armarit, instruxerit, homines inermes, qui ad constitutum experiundi iuris gratia uenissent, armis, uiris, terrore periculoq; mortis repulerit, fugarit, auerterit, hoc dicat, feci equidem, quæ dicis, omnia, & ea sunt & turbulenta, & temeraria, & periculosa: quid ergo est? impune feci: nam, quid agas mecum ex iure civili ac prætorio, non habes. ita ne uero Recuperatores? hoc uos audietis? & apud uos dici patiemini sæpius? cum maiores nostri tanta diligentia prudentiaq; fuerint, ut omnia omnium non modo tantarum rerum, sed etiam tenuissimarum iura statuerint, persecutiq; sint, ut hoc genus

unum uel maximum praemitterent, ut, si qui me exire domo mea coegisset armis, haberem actionem; si qui introire prohibuisset, non haberem? nōdum de Caecinae causa disputo, nōdum de iure possessionis nostrae loquor, tantum de tua defensione C. Piso queror. quādo ita dicis, et ita cōstituis; si Caecina, cum in fundo esset, inde deiectus esset, tum per hoc interdictum eū restitui oportuisse; nūc uero deiectū nullo modo esse inde, ubi nō fuerit; hoc interdicto nihil nos assecutos esse: quaero, si te hodie domū tuam redeuntem coacti homines & armati nō modo limine teclōq; adium tuarū, sed primo aditu uestibuloq; prohibuerint, quid acturus sis? monet amicus meus te L. Calphurnius, ut idem dicas, quod ipse antea dixit, iniuriarum. quid ad causam possessionis? quid ad restituendum eum, quem oportet restituī? quid denique ad ius civile, aut ad aētoris actionē, & ad animaduersionem ages? iniuriarum? plus tibi ego largiar. nō solum egeris, uerum etiam cōdemnaris licet: nunquid magis possidebis? actio enim iniuriarum nō ius possessionis assequitur, sed dolorem imminuta libertatis iudicio poenaq; mitigat. Prætor interea Piso tanta de re tacebit? quemadmodum te restituat in aedes tuas, non habebit? qui dies totos aut uim fieri uetat, aut restituī factam iubet, qui de fossis, de cloacis, de minimis aquarum itinerumq; controuersijs interdicat, is repente obmutescet, in atrocissima re quid faciat, non habebit? & C. Pisone domo teclisq; suis prohibito, prohibito inquam per homines coactos & armatos, Prætor, quemadmodum more & exemplo opitulari possit, nō habebit? quid enim dicet? aut quid tu tam insigni accepta iniuria postulabis? unde uī prohibitus sis,

nemo unquam interdixit. nouū est, nō dico inusitatum, uerum omnino inauditum. unde deiectus? quid proficiēs, cum illi hoc respondebunt tibi, quod tu nunc mihi? armatos se tibi obstiterisse, ne in aedes accederes: deiici potero nullo modo potuisse, qui nō accesserit. deicior ego, inquis, si quis meorum deiicitur. omnino iam bene agis: à uerbis enim recedis, & aequitate uteris: nam uerba ipsa si sequi uolumus, quomodo tu deiiceris, cum seruus tuus deiicitur? uerum ita est, uti dicis: te deiectum debeo intelligere, etiam si tactus non fueris: non ne? age nunc, si ne quidem tuorum quisquā loco motus erit, atque omnes in aedibus adseruati ac retenti, tu solus prohibitus & à tuis aedibus uī atque armis perterritus: utrum hāc aetionem habebis, quā nos uī sumus, an aliam quampiam? an omnino nullam? nullam esse aetionem dicere in re tam insigni, tamq; atroci, neque prudentiae, neque aucto-ritatis tuae est. alia si qua forte est, quā nos fugerit, dic quā sit: cupio discere. hāc si est, quā nos uī sumus: te iudice uincamus, necesse est: non. n. uereor, ne hoc dicas, in eadem causa eodem interdicto te oportere restitui, Caci-
nam nō oportere. etenim cui perspicuum non sit, ad incertum reuocari bona, fortunas, possessiones omnium, si ulla ex parte sententia huius interdicti diminuta, aut infirmata sit? si auctoritate uirorum talium, uīs armatorum hominum iudicio approbata uideatur, in quo iudicio non de armis dubitatum, sed de uerbis quaesitū esse dicatur? is ne apud uos obtinebit causam suam, qui se ita defenderit: eieci ego te armatis hominibus, non deieci: ut tantum facinus non in aequitate defensionis, sed in una litera latuisse uideatur? huiusce rei uos statuetis nullam

esse actionem? nulli experiundi ius constitutum? quoddam obstitit armatis hominibus, qui multitudine coacta non introitu, sed omnino aditu quempiam prohibuerit? quid ergo? hoc quid habet vim? ut illa res aliquid aliqua ex parte differre uideatur, utrum: pedem cum intulero atque in possessionem uestigium fecero, tum expellar atque deiciar; an in eadem ui atque iisdem armis mihi ante occurratur, ne non modo intrare, uerum etiam aspicere, aut aspirare possim. qui hoc ab illo differt? ut ille cogatur restituere, qui ingressum expulerit; ille, qui ingredientem repulerit, non cogatur? uidete per deos immortales, quod ius nobis, quam conditionem uosmetipsis, quam denique ciuitati legem constituere uelit. huiusce generis una est actio, per hoc interdictum, quo nos uti sumus, constituta. ea si nihil ualet, aut si ad hanc rem non pertinet, quid negligentius, aut quid stultius maioribus nostris dici potest, qui aut tantae rei pratermiserint actionem, aut eam constituerint, quae nequaquam satis uerbis causam & rationem iuris amplecteretur? periculosum est dissolui hoc interdictum: capciosum est omnibus rem ullam constitui eiusmodi, quae cum armis gesta sit, rescindi iure non possit: ueruntamen est turpissimum illud, tantae stultitiae prudentissimos homines condemnari, ut uos iudicetis huius rei interdictum atque actionem in mentem maioribus nostris non uenisse. queramur, inquit, licet, tamen hoc interdicto Ebutius non tenetur. quid ita? quoddam uis Caecinae facta non est. dici in hac causa potest, ubi arma fuerint, ubi coacta hominum multitudo, ubi instructi & certis locis cum ferro homines collocati, ubi mina, pericula, terroresque mortis, ibi vim non fuisse? nemo, inquit,

occisus est, neque saucius. quid ais? cum de possessionis cō-
 trouersia, & de priuatorum hominum contentione iuris
 loquamur, tu uim negabis esse factam, si cades et occisio
 facta nō erit? ego exercitus maximos saepe pulsos & fu-
 gatos esse dico terrore ipso, impetuq; hostium, sine cuius-
 quam nō modo morte, uerum etiam uulnere. etenim Re-
 cuperatores non ea sola uis est, quæ ad corpus nostrum,
 uitamq; peruenit, sed etiam multo maior ea, quæ, pericu-
 lo mortis iniecto, formidine animum perterritum loco
 saepe & certo de statu dimouet: itaque sauciū saepe homi-
 nes, cum corpore debilitantur, animo tamen non cedunt,
 neque eū relinquūt locum, quem statuerint defendere: at
 alij pelluntur integri: ut non dubiū sit, quin maior adhi-
 bita uis ei sit, cuius animus sit perterritus, quàm illi, cuius
 corpus uulneratum sit. quòd si uī pulsos dicimus exerci-
 tus esse eos, qui metu ac tenui saepe suspitione periculi fu-
 gerunt; & si non solū impulsu scutorum, neque conflictu
 corporum, neque ictu cōminis, neque contēctione telorū,
 sed saepe clamore ipso militum, aut instructione, aspe-
 ctuq; signorum magnas copias pulsas esse & uidimus, et
 audiuius: quæ uis in bello appellatur, ea in otio nō ap-
 pellabitur? & quod uehemens in re militari putatur, id
 leue in iure civili indicabitur? & quod exercitus arma-
 tos mouet, id aduocationem togatorum nō uidebitur mo-
 uisse? & uulnus corporis magis istam uim, quàm terror
 animi declarabit? & sauciatio quæretur, cum fugam fa-
 ctam esse constabit? tuus enim testis hoc dixit, metu per-
 territis nostris aduocatis, locum, quæ effugerent, demon-
 strasse. qui nō modo ut fugerent, sed etiam ipsius fugæ
 tutam uiam quæsierunt, his uis adhibita non uidebitur?

quid igitur fugiebant? propter metū? quid metuebant? uim uidelicet. potestis igitur principia negare, cum extrema conceditis? fugisse perterritos confitemini: causam fugae dicitis eandem, quā omnes intelligimus, arma, multitudinem hominum, incurSIONem atque impetum armorum: hæc ubi conceduntur esse facta, ibi uis facta negabitur? at uero hoc quidem iam uetus est, & maiorum exemplo multis in rebus usitatum; cum ad uim faciundam ueniretur, si quos armatos quāuis procul conspexissent, ut statim testificati discederent, optime sponSIONem facere possent, ni aduersus edictum Prætoris uis facta esset. ita ne uero? scire esse armatos, satis est ut uim factam probes: in manus eorū incidere, non est satis? affectus armorum ad uim probandam ualebit, incurSUS & impetus non ualebit? qui abierit, facilius sibi uim factam probabit, quā qui effugerit? at ego dico hoc: si, ut primo in castello Cæcinæ dixit Ebutius, se homines coegisse & armasse, neque illū, si ed accessisset, abiturum, statim Cæcina discessisset; dubitare uos nō debuisse, quin Cæcinæ facta uis esset. si uero, simulac procul conspexit armatos, recessisset: eo minus dubitaretis: omnis enim uis est, quæ periculo aut decedere nos alicunde cogit, aut prohibet accedere. quod si aliter statueris; uidete, ne hoc uos statuatis, qui uiuus discesserit, ei uim nō esse factā; ne hoc omnibus in possessionū controuersijs præscribatis, ut confligendū sibi & armis decertādum putent; ne, quemadmodum in bello poena ignauis ab imperatoribus constituitur, sic in iudicijs deterior causa sit eorum, qui fugerint, quā qui ad extremum usque contenderint. cum de iure, & legitimis hominum controuersijs loquimur, et

in his rebus uim nominamus, pertenuis uis intelligi debet. uidi armatos, quamuis paucos: magna uis est. decessi unius hominis telo perterritus: deiectus detrususq; sum. hoc si ita statuetis, non modo non erit cur depugnare quisquā posthac possessionis causa uelit, sed ne illud quidem, cur repugnare. sin autē uim sine cade, sine uulneratione, sine sanguine nullam intelligetis; statuetis, homines possessionis cupidiores, quā uita esse oportere. age uero, de ui te ipsum habeo iudicem Ebuui; responde, si tibi uidetur: in fundum Cæcina utrum noluit tandem, an non potuit accedere? cum te obstitisse, & repudiasse dicis, certe hunc uoluisse concedis. potes igitur dicere non ei uim fuisse impedimento, cui, cum cuperet, eoq; consilio uenisset, per homines coactos non sit licitum accedere? si enim id, quod maxime uoluit, nullo modo potuit: uis profecto quædam obstiterit, necesse est: aut tu dic, quāmobrē, cum uellet accedere, non accesserit. iā uim factā negare non potes. deiectus quemadmodū sit, qui non accesserit, id queritur: dimoueri enim & depelli de loco necesse est eū, qui deiiciatur. id autem accidere ei qui potest, qui omnino in eo loco, unde se deiectū esse dicit, nunquam fuit? quid si fuisset, & ex eo loco metu permotus fugisset, cum armatos uidisset, dicerēs ne esse deiectum? opinor. an tu, qui tam diligenter & tam callide uerbis controuersias, non æquitate diiudicas, & iura non utilitate cōmuni, sed literis exprimis, poteris ne dicere deiectum esse eum, qui tactus non erit? quid, detrusum dices? nam eo uerbo antea Prætores hoc interdicto uti solebant. quid ais? potest ne detrudi quisquam, qui non attingitur? non ne, si uerbum sequi uolumus, hoc intelligamus necesse

necesse est, cum detrudi, cui manus afferantur? necesse est
 inquam, si ad uerbum rem uolumus attingere, neminem
 statu detrusum, qui non adhibita ui, manu demotus, &
 actus præceptis intelligatur. deiectus uero qui potest esse
 quisquam, nisi in inferiorem locum de superiore motus?
 potest pulsus, fugatus, eiectus denique: illud uero nullo
 modo potest, deiectus esse quisquam, non modo qui tactus
 non sit, sed ne æquo quidem et plano loco. quid ergo? hoc
 interdictum putamus eorum esse causa cõpositum, qui se
 præcipitatos ex locis superioribus dicerent? eos enim uere
 possumus dicere esse deiectos. an non, cum uoluntas, et
 consilium, & sententia interdicti intelligatur, impuden-
 tiam summam, aut stultitiam singularem putabimus, in
 uerborum errore uersari, rem, & causam, & utilitatem
 communem non relinquere solum, sed etiam proderet? an
 hoc dubium est, quin neque uerborum tanta copia sit, non
 modo in nostra lingua, quæ dicitur esse inops, sed ne in
 alia quidem ulla, res ut omnes suis certis ac proprijs uo-
 cabulis nominentur? neque uero quidquam opus sit uer-
 bis, cum ea res, cuius causa uerba quesita sint, intelligen-
 tur. quæ lex, quod senatusconsultum, quod magistratus
 edictum, quod fœdus, aut pæctio, quod (ut ad priuatas
 res redeam) testamentum, quæ iudicia, aut stipulationes,
 aut pæcti & conuenti formula non infirmari, aut con-
 uelli potest, si ad uerba rem desicere uelimus, consilium
 autem eorum, qui scripserunt, & rationem, & auctori-
 tatem relinquamus? sermo hercule & familiaris, et quo-
 tidianus non cohærebit, si uerba inter nos aucupabimur.
 denique imperium domesticum nullum erit, si seruulis hoc
 nostris concesserimus, ut ad uerba nobis obediunt, non ad

id, quod ex uerbis intelligi possit, obtemperent. exemplis nunc uti uidelicet mihi necesse est harum rerum omnium. non occurrit unicuique uestrum aliud alij in omni genere exemplum, quod testimonio sit, non ex uerbis totum pendere ius, sed uerba seruire hominum consilijs, & auctoritatibus? ornatè & copiose L. Crassus, homo longe eloquentissimus, paulo ante quàm nos in forum uenimus, iudicio centumuirali hanc sententiam defendit; & facile, cum contra eum prudentissimus homo Q. Mutius diceret, probauit omnibus, M. Curium, qui hæres institutus esset ita, mortuo posthumo filio, cum filius non modo non mortuus, sed ne natus quidem esset, hæredem esse oportere. quid? uerbis satis hoc cautum erat? minime. quæ res igitur ualuit? uoluntas. quæ si tacitis nobis intelligi posset, uerbis omnino non uteremur: quia non potest, uerba reperta sunt, non quæ impedirent, sed quæ indicarent uoluntatem. lex usum & auctoritatē fundi iubet esse biennium. at utimur eodem iure in adibus, quæ in lege non appellantur. si uia sit immunita, iubet, quæ uelit, agere iumentum. potest hoc ex uerbis intelligi, licere, si uia sit in Brutijs immunita, agere, si uelit, iumentum per M. Scauri Tusculanum. actio est in actorem præsentem his uerbis: quandoquidem te in iure conficio. hac actione Appius ille cæcus uti non posset, si tam uere homines uerba confectarentur, quàm rem, cuius causa uerba sunt, non considerarent. testamento si recitatus hæres esset pupillus Cornelius, isq; iam annos XX. haberet, uobis interpretibus amitteret hereditatem? ueniunt in mentem mihi per multa, uobis plura certo scio. uerum ne nimium multa complectamur, atque ab eo, quod propositum est, longius

aberret oratio; hoc ipsum interdictum, de quo agitur, consideremus. intelligetis enim in eo ipso, si in uerbis ius constituamus, omnem utilitatem nos huius interdicti, dum uersuti & callidi uolumus esse, amissuros. Vnde TV, AVT FAMILIA, AVT PROCURATOR TVVS. Si me uillicus tuus solus deiecisset; nō familia deiecisset, ut opinor, sed aliquis de familia; recte igitur diceres te restituisse? quippe. quid. n. facilius est, quā probari ijs, qui latine sciant, in uno seruulo familiae nomē nō ualere? si uero ne habeas quidē seruū præter eū, qui me deiecerit; clames uidelicet, si habeo familiā, à familia mea fateor te esse deiectū. neque dubium est, quin, si ad rem iudicandā uerbo ducimur, nō re, familiā intelligamus, quæ cōstet ex seruis pluribus; quin unus homo familia non sit. uerbum certe hoc non modo postulat, sed etiam cogit. at uero ratio iuris, interdicti; uis, & Prætorum uoluntas, & hominum prudentium consilium, & auctoritas respuat hanc defensionem, & pro nihilo putet. quid ergo? isti homines latine non loquuntur? immo uero tantū loquuntur, quātum est satis ad intelligendam uoluntatem: cū sibi hoc proposuerint, ut, siue me tu deieceris, siue tuorū quispiam, siue seruorum, siue amicorum, ut seruos non numero distinguant, sed appellent uno familiae nomine; de liberis autem, quisquis est, procuratoris nomine appelletur: non quo omnes sint aut appellentur procuratores, qui negotij nostri aliquid gerant: sed in hac re, cognita sententiā interdicti, uerba exquiri omnia noluerunt: non enim alia causa est æquitatis in uno seruo, & in pluribus: non alia ratio iuris in hoc genere dūtaxat, utrum me tuus procurator deiecerit

is, qui legitime procurator dicitur omnium rerum eius, qui in Italia non sit, absit'ue Reip. causa, quasi quidā pēnē dominus, hoc est alieni iuris uicarius; an tuus colonus, aut uicinus, aut cliens, aut libertus, aut quiuus, qui illam uim, deiectionemq; tuo rogatu, aut tuo nomine fecerit. quare si ad eum restituendum, qui uī deiectus est, eādē uim habet aequitatis ratio: ea intellecta, certe nihil ad rē pertinet, quæ uerborum uis sit, ac nominum. tam restitues, si tuus me libertus deiecerit, nulli tuo prepositus negotio, quā si procurator deiecerit: non quo omnes sint procuratores, qui aliquid nostri negotij gerunt; sed quod in hac re quæri nihil attinet. tam restitues, si unus seruulus, quā si familia deiecerit uniuersa: non quo idē sit seruulus, quod familia; uerum quia, non quibus uerbis quidque dicatur, quæritur, sed quæ res agatur. etiam ut iam longius à uerbo decedamus, ab aequitate ne tantulū quidem: si tuus seruus nullus fuerit, & omnes alieni ac mercenarij, tamen & ipsi tuæ familiæ & genere & nomine continebuntur. Perge porrò hoc idē interdictum sequi. **HOMINIBVS COACTIS.** nemi nem coegeris, ipsi cōuenerint sua sponte: certe cogit is, qui cōgregat homines & conuocat. coacti sunt ij, qui ab alio quo sunt unū in locū congregati. si non modo conuocati non sunt, sed ne conuenerunt quidem, sed ij modo fuerunt, qui etiam antea, non uis ut fieret, uerum colendi, aut pascendi causa esse in agro cōsueuerant: defendes, homines coactos non fuisse; & uerbo quidem superabis, me ipso iudice; re autem ne consistes quidem ullo iudice:

* uim enim multitudinis restitui uoluerunt, non solum conuocata multitudinis: sed, quia plerunque, ubi multitudi-

ne opus est, homines cogi solent, ideo de coactis composi-
tum interdictum est: quod etiam si uerbo differre uide-
bitur, re tamen erit unū, & omnibus in causis idem ua-
lebit, in quibus perspicitur una atque eadem causa equi-
tatis. ARMATIS V E. quid dicemus? armatos, si
latine loqui uolumus, quos appellare uere possumus? opi-
nor eos, qui scutis, telisq; parati, ornatiq; sunt. quid igi-
tur? si glebis, aut saxis, aut fustibus aliquē de fundo præ-
cipitem egeris, iussusq; sis, quem hominibus armatis deie-
ceris, restituere: restituisse te dices? uerba si ualent, si
causæ nō ratione, sed uocibus ponderatur: me auctore
dicito. uinces profecto non fuisse armatos eos, qui saxa
iacerent, quæ de terra ipsi tollerent: nō esse arma cespiti-
tes, neque glebas: nō fuisse armatos eos, qui prætereuntes
ramum defringerent arboris: arma esse suis nominibus,
alia ad tegendū, alia ad nocendū: quæ qui nō habuerint,
eos inermes fuisse uinces. uerū, si quidem erit armorum
iudiciū, tum ista dicito. iuris iudiciū cū erit, & equi-
tatis, caue in ista tam frigida, tam ieiuna calumnia deli-
tescas: non. n. reperies quenquam iudicem, aut Recupe-
ratorem, qui, tanquā si arma militis inspiciunda sint,
ita probet armatū: sed perinde ualebit, quasi armatissi-
mi fuerint, si reperientur ita parati fuisse, ut uim uitæ,
aut corpori potuerint asferre. atque ut magis intelligas,
quā uerba nihil ualeant: si tu solus, aut quinis unus
cū scuto, cū gladio impetū in me fecisset, atque ego ita de-
iectus essem, auderes ne dicere interdictum esse de arma-
tis hominibus, hic autem hominem armatum unum fuis-
se? nō opinor tam impudens esses. atqui uide, ne multo
nunc sis impudentior: nam tū quidem omnes mortales

implorare posses, quòd homines in tuo negotio latine loqui obliuiscerentur, quòd inermes armati iudicarentur, quòd, cum interdictum esset de pluribus, còmissa res esset ab uno, unus homo plures esse homines iudicarentur. uerum in his causis non uerba ueniunt in iudicium, sed ea res, cuius causa uerba hæc in interdictũ coniecta sunt. uim, quæ ad caput & ad uitam pertinet, restitui sine ulla exceptione uoluerunt. ea fit plerunque per homines coactos armatosq;: quæ si alio còsilio, eodem periculo facta sit, eodem iure esse uoluerunt: nõ enim maior est iniuria, si tua familia, quàm si tuus uillicus; nõ si tui serui, quàm si alieni, ac mercenarij; nõ si tuus procurator, quàm si uicinus, aut libertus tuus; nõ si coactis hominibus, quàm si uoluntarijs, aut etiam assiduis, ac domesticis: nõ si armatis, quàm si inermibus, qui uim haberent armatorum ad nocendum: nõ si pluribus, quàm si uno armato: quibus. n. rebus plerunque uis fit, eiusmodi hæc res appellantur interdicto. si per alias res eadẽ facta uis est, ea, tametsi uerbis interdicti non concluditur, tamen sententia iuris atque auctoritate retinetur. uenio nunc ad illud tuum: nõ deieci, si nõ siui accedere. puto te ipsum Piso perspicere, quanto ista sit angustior iniquiorq; defensio, quàm si illa uterere: nõ fuerunt armati, cum fustibus & saxis fuerunt. si mehercule mihi, non copioso homini ad dicendum, optio detur, utrum malim defendere, non esse deiectum eum, cui ui & armis ingrediendi sit occursum; an armatos non fuisse eos, qui sine scutis ac sine ferro fuerint: omnino ad probandum utranque rem uideam infirmam nugatoriamq; esse: ad dicendum autem, in altera uidear mihi aliquid reperire posse, non

fuisse armatos eos, qui neque ferri quidquam neque scutum ullum habuerint; hic uero hæream, si mihi defendendum sit, eum, qui pulsus, fugatusq; sit, non esse deiectum. atque illud in tota defensione tua mihi maxime mirum uidebatur, te dicere iurisconsultorum auctoritati obtemperari non oportere. quod ego, tametsi non nunc primum, neque in hac causa solum audio, tamen admodum mirabar, abs te quamobrem diceretur: nam ceteri tum ad istam hortationem decurrunt, cum se in causa putant habere æquum & bonum, quod defendunt. si contra uerbis & literis, & ut dici solet, summo iure contenditur, solent eiusmodi iniquitati & boni & æqui nomen dignitatemq; opponere. tum illud, quod dicitur, summo iure irrident: tum aucupia uerborum, et literarum tendiculas in inuidiam uocant: tum uociferantur, ex æquo & bono, non ex callido uersutoq; iure rem iudicari oportere: scriptum sequi, calumniatoris esse; boni iudicis, uoluntatem scriptoris, auctoritatemq; defendere. in ista uero causa, cum tu sis is, qui te uerbo, literaq; defendas, cum tuæ sint eæ partes, unde deiectus es? an inde, quod prohibitus es accedere? eiectus, non deiectus: cum tua sit hæc oratio, fateor me homines coegisse, fateor armasse, fateor tibi mortem esse minitatum, fateor hoc interdicto prætoris uindicari, si uoluntas & æquitas ualeat. sed ego inuenio in interdicto uerbum unum, ubi delitescam. non deieci te ex eo loco, quem in locum prohibui ne uenires. in ista defensione accusas eos, qui cōsulantur, quod æquitatis censeant rationem, nō uerbi haberi oportere. & hoc loco Sceuolam dixisti causam apud centumuiros non tenuisse: quem

ego antea commemoravi, quodd idem faceret, quod tu nunc: tamen si ille in aliqua causa faciebat, tu in nulla facis: tamen probasse nemini quod defendit, quia uerbis oppugnare aequitatem uidebatur. cum id miror, te hoc in hac re alieno tempore, & cōtra quā ista causa postulasset, defendisse: tum illud uulgo in iudicijs, & nonnunquam ab ingeniosis hominibus defendi mihi mirum uideri solet, nec iurisconsultis concedi, nec ius civile in causis semper ualere oportere: nam qui hoc disputant, si id dicunt, non recte aliquid statuere eos, qui consulantur, non hoc debent dicere; iuri civili; sed hominibus stultis obtemperari non oportere: sin illos recte respondere concedunt, & aliter iudicari dicunt oportere, male iudicari oportere dicunt: neque enim fieri potest, ut aliud iudicari de iure, aliud responderi oporteat; nec ut quisquam iuris numeretur peritus, qui id statuat esse ius, quod non oporteat iudicari. at est aliquando contra iudicatum. primum, utrum recte, an perperam? si recte; id fuit ius, quod iudicatum est: sin aliter; non dubium est, utrū iudices, an iurisconsulti uituperandi sint. deinde, si de iure uario quippiam iudicatum est, non potius contra iurisconsultos statuunt, si aliter pronunciatum est ac Mutio placuit, quā ex eorum auctoritate, si, ut Manilius statuebat, sic est iudicatum. etenim ipse Crassus non ita causam apud Centumuiros egit, ut contra iurisconsultos diceret, sed ut hoc doceret, illud, quod Scenola defendebat, non esse iuris; & in eā rem non solū rationes afferret, sed etiam Qu. Mutio socero suo, multisq; peritissimis hominibus auctoribus uteretur: nam qui ius civile contemnendum putat, is uincula reuellit non

modo iudiciorum, sed etiam utilitatis, uitæq; communis. qui autem interpretes iuris uituperat, si imperitos iuris esse dicit, de hominibus non de iure civili detrahit: sin peritis non putat esse obtemperandum, non homines lædit, sed leges, ac iura labefaciat. quod uobis uenire in mentem profecto necesse est: nihil enim in ciuitate tam diligenter, quàm ius ciuile, retinendum: etenim hoc sublato, nihil est, quare exploratum cuiquam possit esse, quid suū, aut quid alienū sit; nihil est, quod æquabile inter omnes, atque unū omnibus esse possit. itaque in cæteris cōtrouersijs atque iudijs, cū quæritur, aliquid factū, nec ne sit, uerū an falsum proferatur, & fictus testis subornari solet, & imponi falsæ tabulæ, nonnunquam honesto ac probabili nomine bono uiro iudici error obijci, improbo facultas dari, ut, cum sciens perperam iudicarit, testamentum aut tabulas secutus esse uideatur. in iure nihil est eiusmodi Recuperatores, non tabulæ falsæ, non testis improbus: denique nimia ista, quæ dominatur in ciuitate, potentia in hoc solo genere quiescit; quid agat, quo modo aggrediatur iudicem, quid denique digitū proferat, nō habet. illud enim potest dici iudici ab aliquo non rā uereacundo homine, quàm gratioso: iudica hoc factum esse, aut nunquā esse factum, uel cogitatum. crede huic testis: has comproba tabulas. hoc nō potest. cui filius agnatus sit, eius testamentum non esse ruptum, iudica; quod mulier sine tutore auctore promiserit, deberi. non est aditus ad huiusmodi res neque potentia cuiusquam, neque gratia. denique quo maius hoc, sanctiusq; uideatur, ne pretio quidem corrumpi iudex in eiusmodi causa potest. iste uester testis, qui ausus est dicere, fecisse uideri

eum, de quo ne cuius rei argueretur quidem scire po-
 tuisset, ipse nunquam auderet iudicare, deberi viro do-
 tem, quam mulier nullo auctore dixisset. de rem praecla-
 ram, vobisq; ob hoc retinendam Recuperatores. quod
 enim est ius civile? quod neque inflecti gratia, neque per-
 fringi potentia, neque adulterari pecunia possit. quod si
 nō modo oppressum, sed etiam desertū, aut negligentius
 adseruatum erit; nihil est, quod quisquam sese habere
 certum, aut à patre accepturum, aut relicturum libe-
 ris arbitretur. quid enim refert, aedes, aut fundum re-
 lictum à patre, aut aliqua ratione habere bene partum,
 si incertum sit, cum omnia tua iure mancipij sint,
 ea possis ne retinere? si parum sit communitum ius? si
 civili ac publica lege contra alicuius gratiam teneri non
 potest? quid inquam prodest fundum habere, si, quae
 decentissime descripta à maioribus iuxta finium, posses-
 sionum, aquarum, itinerumq; sunt, haec perturbari ali-
 qua ratione, commutariq; possunt? mihi credite, maior
 hereditas uenit unicuique nostrū in ijsdem bonis à iure
 & à legibus, quā ab ijs, à quibus illa ipsa bona relictā
 sunt. nam ut perueniat ad me fundus, testamento ali-
 cuius fieri potest: ut retineam quod meum factum sit,
 sine iure civili non potest. fundus à patre relinqui po-
 test: at usucapio fundi, hoc est finis sollicitudinis, ac pe-
 riculi litium, nō à patre relinquitur, sed à legibus. aquae-
 ductus, haustus, iter, actus, à patre, sed rata auctoritas
 harum rerum omnium à iure civili sumitur. quapro-
 pter non minus diligenter ea, quae à maioribus accepis-
 sis, publica patrimonialia iuris, quā priuata rei uestrae
 retinere debetis; non solum, quod haec iure civili se

pta sunt ; sed etiam , quòd patrimonium unius incommodo dimittitur , ius amitti non potest sine magno incommodo ciuitatis . in hac ipsa causa Recuperatores , si hoc nos non obtinebimus , uì armatis hominibus deiectum esse eum , quem uì armatis hominibus pulsum , fugatumq; esse constet : Cæcina rem non amitteret , quam ipsam animo forti , si tempus ita ferret , amitteret : in possessionem in praesentia non restitueretur , nihil amplius : populi R. causa , ciuitatis ius , bona , fortunæ , possessionesq; in dubium , incertumq; reuocabuntur : uestra auctoritate hoc constituetur , hoc praescribetur ; quicum tu posthac de possessione contendes , eum si ingressum modo deieceris , in praedium restitutionis oportebit : sin autem ingredienti , cum armata multitudo obuius fueris , & ita uenientem repuleris , fugaris , auerteris , non restitues . tum statueritis uim in cæde solum , non in animo libidinis : nisi cruor appareat , uim non esse factam ; iniuriarum delictum esse : qui prohibitus sit , nisi ex eo loco , ubi uestigium impresserit , deiici neminem posse ; iuris retinere sententiam , & æquitatem plurimum ualere oportere , an uerbo ac litera ius omne torqueri , uos statuite Recuperatores , utrum utilius esse uideatur . hoc loco percommode accidit , quòd non adest is , qui paulo ante affuit , & adesse nobis frequenter in hac causa solet , uir ornatissimus C. Aquilius : nam ipso praesente , de uirtute eius & prudentia timidius dicerem , quòd & ipse pudore quodam afficeretur ex sua laude , & me similis ratio pudoris à praesentis laude tardaret . cuius auctoritati dictum est ab illa causa concedi nimium nò oportere . nò

uereor, de tali uiro ne plus dicam, quàm uos aut sentia-
 tis, aut apud uos commemorari uelitis: quapropter hoc di-
 cam, nunquam eius auctoritatem nimium ualere, cuius
 prudentia populus R. in cauendo, non in decipiendo per-
 spexerit: qui iuris ciuilis rationem nunquam ab æquita-
 te seiunxerit: qui tot annos ingenium, laborem, fidem
 suam populo R. promptam, expositamq; præbuerit: qui
 ita iustus & bonus uir est, ut natura, non disciplina con-
 sultus esse uideatur, ita peritus ac prudens, ut ex iure ci-
 uili nō scientia solum quedam, uerum etiam bonitas na-
 ta uideatur: cuius tantū est ingenium, ita prompta fi-
 des, ut, quidquid inde haurias, purum, liquidumq; te hau-
 rire sentias. quare permagnam initis à nobis gratiam,
 cum eum auctorem uestre defensionis esse dicitis. illud
 autem miror, cur uos aliquid contra me sentire dicatis,
 cum eum auctorem uos pro me appelletis, uestrum no-
 minetis. ueruntamen quid ait iste uester auctor? Omnis-
 bus, quidquid uerbis actum pronunciatumq; sit, conue-
 nit. Ego ex isto genere consultorum nō nominem, ut opi-
 nor, istum ipsum, quo uos auctore rem istam agere, &
 defensionem causæ constituere dicitis. qui cum istam
 disputationem mecum ingressus esset, non posse probari
 quenquam esse deiectum, nisi ex eo loco, in quo fuisset:
 rem, & sententiam interdicti mecum facere fatebatur,
 uerbo me excludi dicebat, à uerbo autem posse recedi nō
 arbitrabatur. cum exemplis uterer multis, etiam illa ma-
 teria æquitatis, ab uerbo & ab scripto plurimis sæpe in
 rebus ius æqui boniq; rationem esse seiunctam, semperq;
 id ualuisse plurimum, quod in se auctoritatis habuisset
 æquitatisq; plurimum: consolatus est me, & ostendit, in

hac ipsa causa nihil esse quod laborarē: nam uerba ipsa sponſionis facere mecum, si uellem diligenter attendere. quonam inquā modo? quia certe, inquit, deiectus est Cæcina uī hominibus armatis aliquo ex loco: si nō ex eo loco, quem in locum uenire uoluit, at ex eo certe, unde fugit. quid tum? Prætor, inquit, interdixit, ut, unde deiectus esset, ed restitueretur, hoc est quicūque is locus esset, unde deiectus esset. Ebutius autem, qui faretur aliquo ex loco deiectum esse Cæcinam, is, quo modo se restituisse dixit, necesse est male fecerit sponſionem. quid est Piso? placet tibi pugnare uerbis? placet causam iuris, & æquitatis, & nō nostræ possessionis, sed omnino possessionum omnium constituere in uerbo? ego, quod mihi uideretur, quod à maioribus factitatum, quod horum auctoritate, quibus iudicandum est, dignum esset: ostendi, id uerum, id æquū, id utile omnibus esse: spectari, quo consilio & qua sententia, nō quibus quidque uerbis esset actū. tu me ad uerbum uocas? non ante uenio, quā recusaro. nego oportere, nego obtineri posse, nego ullam rem esse, quæ aut comprehendi satis, aut caueri, aut excipi possit, si aut præterito aliquo, uerbo, aut ambigue posito, sententia & re cognita non id quod intelligitur, sed id quod dicitur, ualebit. quoniam satis recusauī, uenio iam quod uocas. quero abs te, sim ne deiectus, non de Fulciniano fundo: neque enim Prætor, si ex eo fundo essem deiectus, ita me restitui iussisset, sed ed, unde deiectus essem. sum ex proximi uicini fundo deiectus, quā adibam ad istum fundum: sum de uia, sum certe alicunde, siue de priuato, siue de publico: ed restitui sum iussus. restituisse te dixisti: nego me ex edicto Prætoris restitutum esse.

quid ad hæc dicimus ? aut tuo, quemadmodum dicitur ,
gladio , aut nostro defensio tua conficiatur necesse est .
si ad interdicti sententiam confugis , & , de quo fundo
actum sit cum , cum Ebutius restituere iubebatur , id
querendum esse dicis, neque æquitatem rei uerbi laqueo
capi putas oportere : in meis castris , præsidijq; uersa-
ris : mea , mea est ista defensio : ego hoc uociferor , ego
omnes homines deosq; testor , cum maiores uim arma-
tam nulla iuris defensione texerint , non uestigium eius,
qui deiectus sit , sed factum illius , qui deiecerit , in iu-
dicium uenire ; deiectum esse, qui fugatus sit ; uim esse
factam , cui periculum mortis sit iniectum . istum lo-
cum fugis, & reformidas : & me ex hoc, ut ita dicam,
campo æquitatis ad istas uerborum angustias, & ad o-
mnes literarum angulos reuocas . in ijs ipsis interclude-
re insidijs , quas mihi conaris opponere . non deieci, sed
eieci. peracutum hoc tibi uidetur: hic est mucro defensio-
nis tuæ : in eū ipsum causa tua incurrat, necesse est: ego
enim tibi refero: si non sum ex eo loco deiectus, quod pro-
hibitum sum accedere ; at ex eo sum deiectus, quod accessi,
unde fugi. si Prætor nō distinxit locum , quod me restitui
iuberet, & restitui iussit, nō sum ex edicto restitutus. ue-
lim Recuperatores , hoc totum si uobis uersutius , quàm
mea cōsuetudo defendēdi fert, uidebitur, sic existimetis ;
primum, alium, nō me excogitasse ; deinde, huius rationis
non modo nō inuentorem, sed ne probatorē quidem esse
me ; idq; me nō ad meā defensionem attulisse , sed illorū
defensioni retulisse: me pro meo posse iure dicere ; neque
in hac re, quam ego protuli, queri oportere, quibus uerbis
Prætor interdixit, sed de quo loco sit actum, cum inter=

dixit ; neque in ui armatorum ſſeclari oportere, in quo loco ſit facta uis, uerum ſit ne facta : te uero nullo modo poſſe defendere ; in qua re tu uelis, uerba ſſeclari oportere ; in qua re nolis, non oportere. ueruntamen ecquid mihi reſpondetur ad illud quod antea dixi, non ſolum re & ſententia, ſed uerbis quoque hoc interdictum ita eſſe compoſitum, ut nihil commutandum uideretur ? attendite diligenter quaſo Recuperatores: eſt enim ueſtri ingenij, non meam, ſed maiorum prudentiam cognoſcere: non enim ſum id dicturus, quod ego inuenerim, ſed quod illos non fugerit. cum de ui interdicitur, duo genera cauſarum eſſe intelligebant, ad qua interdictum pertineret; unum, ſi qui ex eo loco, in quo eſſet; alterum, ſi ab eo loco, quod ueniret, ui deiectus eſſet. & horum utruque, neque praeterea quidquam, poteſt accidere Recuperatores. id adeo, ſi placet, conſiderate. ſi qui meam familiam de meo fundo deiecerit, ex eo me loco deiecerit. ſi qui mihi praesto fuerit cum armatis hominibus extra meum fundum, & me introire prohibuerit, non ex eo, ſed ab eo loco me deiecerit. ad haec duo genera rerum, unum uerbum, quod ſatis declararet utraſque res, inuenerunt, ut, ſiue ex fundo, ſiue à fundo deiectus eſſem, uno atque eodẽ interdicto reſtituerer, VNDE TV. hoc uerbum, unde, utrunque declarat, & ex quo loco, & à quo loco. unde deiectus eſt Caecina ? ex urbe. unde deieciſti ? ab urbe. unde deiecti Galli ? à Capitolio. unde qui cum Graccho fuerunt ? ex Capitolio. uidetis igitur hoc uno uerbo ſignificari res duas, & ex quo, & à quo loco. cum autem eo reſtitui iubet, ita iubet; ut, ſi Galli à maioribus noſtris poſtularent, ut ed reſtituerentur, uno

de deiecti essent, & aliqua vi hoc assequi possent: non opinor eos in cuniculum, quâ aggressi erant, sed in Capitolium restitui oportere. hoc enim intelligitur: unde deiecisti, siue ex quo loco, siue à quo loco, ed restituas. hoc iam simplex est, in eum locum restituas: siue ex hoc loco deiecisti, restitue in hunc locum: siue ab hoc loco, restitue in eum locum, non ex quo, sed à quo deiectus. ut si qui ex alto, cum ad patriam accessisset, tempestate subito reiectus optaret, ut cum esset à patria deiectus, ed restitueretur; hoc opinor optaret, ut à quo loco depulsus esset, in eum se fortuna restitueret, non in salum, sed in ipsam urbem, quam petebat: sic (quoniam vim uerborum necessario similitudine rerum aucupamur) qui postulat, ut à quo loco deiectus est, hoc est unde deiectus est, ed restituatur. cum uerba nos ed ducunt, tum res ipsa hoc sentire, atque intelligere cogit. etenim Piso (redeo nunc ad illa principia defensionis meæ) si quis te ex ædibus tuis ui hominibus armatis deiecerit, quid ages? opinor, hoc interdicto, quo nos usi sumus, persequere. quid? si qui iam de foro redeuntem armatis hominibus domum tuam te introire prohibuerit, quid ages? utere eodem interdicto. cum igitur Prator interdixerit, unde deiectus es, ut ed restituaris; tu hoc idem, quod ego dico, & quod perspicuum est, interpretabere, cum illud uerbum unde, in utranque rem ualeat, eoq; tu restituui sis iussus, tam te in ades tuas restitui oportere, si è uestibulo, quàm si ex interiore ædium parte deiectus sis. ut uero iam Recuperatores nulla dubitatio sit, siue rem, siue uerba spectare uultis, quin secundum nos iudicetis;

iudicetis; exoritur hic, iam obrutis rebus omnibus ~~et~~ perditis, illa defensio, eum deiçi posse, qui tum possideat; qui non possideat, nullo modo posse; itaque, si ego sim à tuis ædibus deiectus, restitui non oportere; si ipse sis, oportere. numera, quã multa in ista defensione falsa sint Piso. ac primũ illud attende, te iam ex illa ratione esse depulsum, quodd negabas quẽquam deiçi posse, nisi qui in eo loco esset: nũc iam posse concedis: eum, qui nõ possideat, negas deiçi posse. cur ergo aut in illud quotidianum interdicitum, unde ille me uĩ deiecit, additur, cum ego possiderem, si deiçi nemo potest, qui non possidet: aut in hoc interdicitum, de hominibus armatis, non additur, si oportet quæri, possederit, nec ne? negas deiçi nisi qui possideat. ostẽdo, si sine armatis, coactis ue hominibus deiectus quisquam sit, eum, qui fateatur se deiecisse, uincere sponsonẽ, si ostendat eũ non possedisse. negas deiçi, nisi qui possideat. ostẽdo, ex hoc interdicto de armatis hominibus, qui possit ostendere non possedisse eum, qui deiectus sit, condẽnari tamen sponsonis necesse esse, si fateatur esse deiectum. dupliciter homines deiçiuntur, aut sine coactis, armatis ue hominibus, aut per eiusmodi rationẽ ac uim. ad duas dissimiles res duo deuincta interdita sunt. in illa uĩ quotidiana nõ satis est posse docere se deiectum, nisi ostendere possit, cum possideret, tum deiectum. ne id quidem satis est, nisi docet ita se possedisse, ut nec uĩ, nec clãm, nec precario possederit. itaque is, qui se restituisse dixit, magna uoce sæpe confiteri solet, se uĩ deiecisse: uerum illud addit, non possidebat: uel etiam, cum hoc ipsum concessit, uincit tamen sponsonẽ, si planum facit, ab se illum aut uĩ, aut clãm,

aut precario possedisse. uidetis ne, quot defensionibus eū ,
 qui sine armis ac multitudine uim fecerit, uti posse maio-
 res uoluerunt ? hunc uero, qui ab iure, officio, bonis mo-
 ribus ad ferrum, ad arma, ad eadem confugerit, nu-
 dū in causa destitutumq; uidetis: ut, qui armatus de pos-
 sessione contendisset, inermis planè de sponsione certa-
 ret. ecquid igitur interest Piso inter hac interdicta ? ec-
 quid interest, utrum hoc additum, cum A. Caccina posse-
 derit, nec ne ? ecquid te ratio iuris, ecquid interdicto-
 rum dissimilitudo, ecquid auctoritas maiorum commo-
 uet ? si esset additum, de eo queri oporteret. additum
 non est, tamen oportebit ? atqui ego in hoc Caccina non
 defendo : possedit enim Caccina Recuperatores : & id
 tametsi extra causam est, percurram tamen breui, ut
 non minus hominem ipsum, quàm ius commune defen-
 sum uelitis. Cesenniam possedisse propter usumfructum
 non negas. qui colonus habuit conductum de Cesennia
 fundum, cum idem ex eadem cōductione fuerit in fun-
 do, dubium est, quin, si Cesennia tum possidebat, cum
 erat colonus in fundo, post eius mortem hæres eodem
 iure possederit ? deinde, ipse Caccina, cum circuiret præ-
 dia, uenit in istum fundum, rationes à colono accepit.
 sunt in eam rem testimonia. postea cur Ebuti de isto po-
 tius fundo, quàm de alio, si quem habes, Caccina de-
 nunciabas, si Caccina non possidebat ? ipse porro Caccina
 cur se moribus deduci uolebat, idq; tibi de amicorum,
 etiam de ipsius C. Aquilij sententia responderat ? at
 enim Sylla legem tulit. ut nihil de illo tempore, nihil de
 calamitate Reip. querar, hoc tibi respondeo, adscripsis-
 se eundem Syllam in eandem legem, si quid ius non es-

set rogari, eius ea lege nihilum rogatum. quid est, quod
ius non sit, quod populus iubere, aut uetare non pos-
sit? ut ne longius abeam, declarat ista ascriptio esse ali-
quid: nam nisi esset, hoc in omnibus legibus non adscri-
beretur. sed quaero abs te, putes ne, si populus iusserit
me tuum, aut item te meum seruum esse, id iussum ra-
tum atque firmum futurum? perspicis hoc nihil esse, ut
★ in ceteris, quae rogaui. primum illud concedis, non,
quidquid populus iusserit, ratum esse oportere. deinde
nihil rationis affers, quamobrem, si libertas adimi nul-
lo modo possit, ciuitas possit: nam & eodem modo de
utraque re traditum nobis est: & si semel ciuitas adi-
mi potest, retineri libertas non potest. qui enim potest
iure Quiritum liber esse is, qui in numero Quiritum
non est? atque ego hanc adolescentulus causam cum
agerem contra hominem disertissimum nostrae ciuitatis
Cottam, probaui. cum Arretinae mulieris libertatem
defenderem, & Cotta Decemuiris religionem inieciisset,
non posse sacramentum nostrum iustum iudicari, quodd
Arretinis adempta ciuitas esset; & ego uehementius
contendissem, ciuitatem adimi non potuisse: Decemui-
ri prima actione non iudicauerunt; postea, re quaesita &
deliberata, sacramentum nostrum iustum iudicauerunt.
atque hoc & contradicente Cotta, & Sylla uiuo iu-
dicatum est. iam uero in ceteris, ut omnes, qui in
eadem causa sunt, & lege agant, & suum ius perse-
quantur, & omnes iure civili sine cuiusquam aut ma-
gistratus, aut iudicis, aut periti hominis, aut imperiti
dubitatione utantur, quid ego commemorem? dubium
nemini uestrum est. certe quaeri hoc solere me non pra-

erit (ut ex me ea, quæ tibi in mentem non ueniunt,
 audias) quemadmodum, si ciuitas adimi non possit, in
 colonias Latinas sæpe nostri ciues profecti sint. aut sua
 uoluntate, aut legis multa profecti sunt: quam mul-
 ctam si sufferre uoluissent, tamen manere in ciuitate po-
 tuissent. quid? quem paterpatratus dedit, aut suus pa-
 ter populusue uendit, quo is iure amittit ciuitatem? ut
 religione ciuitas soluatur, ciuis R. traditur: qui cum est
 acceptus, est eorum, quibus est deditus. si non accipiunt,
 ut Mancinum Numantini, retinet integram causam, et
 ius ciuitatis. si pater uendit, eum, quem in suam pote-
 statem susceperat, ex potestate dimittit. iam populus cum
 eum uendit, qui miles factus non est, non adimit ei li-
 bertatem, sed iudicat non esse eum liberum, qui, ut liber
 sit, adire periculum noluit. cum autem incensum uendi-
 dit, hoc iudicat; cum uero, qui in seruitute iusta fuerint, censu
 liberentur, eum, qui, cum liber esset, censi noluerit, ipsum
 sibi libertatem abindicasse. quod si maxime istis rebus ad-
 dimi libertas aut ciuitas potest, non intelligunt, qui hæc
 commemorant, si per has rationes adimi maiores posse uo-
 luerunt, alio modo noluisse: nam ut hæc ex iure civili pro-
 tulerunt, sic afferant uelim, quibus lege aut Romana
 ciuitas, aut libertas crepta sit. nam quod ad exilium
 attinet, perspicue intelligi potest quale sit: exilium enim
 non supplicium est, sed profugium portusque supplicij:
 nam qui uolunt poenam aliquam subterfugere, aut cala-
 mitatem, eo solum uertunt, hoc est sedem ac locum mu-
 tant. itaque nulla in lege nostra reperietur, ut apud cæ-
 teras ciuitates, maleficio ullum exilio esse mulctatum.
 sed cum homines uincula, necesse, ignominiasque uitant, quæ

sunt legibus constituta, confugiunt quasi ad aram in exilium : qui si in ciuitate legis uim subire uellent, non prius ciuitatem quam uitam amitterent : quia nolunt, non adimitur his ciuitas, sed ab his relinquitur, atque deponitur : nam cum ex nostro iure duarum ciuitatum nemo esse possit, tum amittitur hæc ciuitas denique, cum is, qui profugit, receptus est in exilium, hoc est in aliam ciuitatem. Non me praterit Recuperatores, tametsi de hoc iure multa prater eo, tamen me longius prolapsum esse, quam ratio uestri iudicii postularit. uerum id feci, non quodd uos in hac causa hanc defensionem desiderare arbitrarer, sed ut omnes intelligerent, nec ademptam cuiquam ciuitatem esse, nec adimi posse. hoc cum eos scire uolui, quibus Sylla uoluit iniuriam facere, tū omnes ceteros nouos, ueteresq; ciues : neque enim ratio afferri potest, cur, si cuiquam nouo ciui potuerit adimi ciuitas, non omnibus antiquissimis ciuibz possit. nam ad hanc quidam causam nihil hoc pertinuisse, primum ex eo intelligi potest, quodd uos ea de re iudicare non debetis; deinde, quodd Sylla ipse ita tulit de ciuitate, ut non sustulerit horum nexa atque hereditates: iubet enim eodem iure esse, quo fuerint Ariminenses: quos quis ignorat duodecim coloniarum fuisse, & à populo R. hereditates capere potuisse? quodd si adimi ciuitas A. Cæcinæ lege potuisset, magis illam rationem tamen omnes boni quæreremus, quem admodum spectatissimum, prudentissimumq; hominem, summo consilio, summa uirtute, summa auctoritate domesticica praditum, leuatum iniuria ciuem retinere possemus, quam uti nunc, cum de iure ciuitatis nihil potuerit deperdere, quisquam existat, nisi tui Sexte similis &

stultitia, & impudentia, qui huic ciuitatem ademptam
 esse dicat. qui quoniam Recuperatores suum ius non de
 seruit, neque quidquam illius audacia, petulantiaq; con-
 cessit, derelinquo iam communem causam, populiq; R.
 ius in uestra fide ac religione depono. is homo ita se pro-
 batum uobis uestriq; similibus semper uoluit, ut id non
 minus in hac causa laborarit; nec cōtenderit aliud, quā
 ne ius suum dissolute relinquere uideretur; nec minus
 uereretur, ne contemnere Ebutium, q̄ ne ab eo contem-
 ptus esse existimaretur. quapropter si quid extra iudi-
 cium est, quod homini tribuendum sit, habetis hominem
 singulari pudore, uirtute cognita, & spectata fide am-
 plissimum, Etruriæ nomine totius in utraque fortuna co-
 gnitum multis signis & uirtutis, & humanitatis. si quid
 in contraria parte in homine offendendum sit, habetis
 eum, ut nihil dicam amplius, qui se homines coegisse fa-
 teatur. sin hominibus remotis de causa quaeritis; cum iu-
 diciū de ui sit, is, qui arguitur, uim se hominibus arma-
 tis fecisse fateatur; uerbo se, nō aequitate defendere con-
 tur; id quoque ei uerbum ipsum ereptum esse uideatis;
 auctoritatem sapientissimorum hominum facere nobis-
 cum; in iudiciū non uenire, utrum Cæcina possederit,
 nec ne; tamen doceri possedisse; multo etiam minus quæ-
 ri, A. Cæcinæ fundus sit, nec ne; me tamen id ipsum do-
 cuisse, fundū esse Cæcinæ: cū hac ita sint, statuite, quid
 uos tempora Reip: de armatis hominibus, quid illius con-
 fessio de ui, quid nostra decisio de aequitate, quid ratio
 interdicti de iure admoneant, ut iudicetis.

ABCDEF GHIKLMNOPQ RSTVX
YZ. AA BB CC DD EE FF GG HH
II KK LL MM NN OO PP Q Q.

Omnes quaterniones præter Q Q duernionem .

VENETIIS, APVD ALDI FILIOS.
M. D. XXXXVI.)



BIBLIOTECA NAZ.
ROMA
VITTORIO EMANUELE

Ex libris Marii Compagnoni macerataensis

1731





